
This is a reproduction of a library book that was digitized by Google as part of an ongoing effort to preserve the information in books and make it universally accessible.

Google™ books

<http://books.google.com>



Acc 28572

Acc 28572



UNIVERSITEITS



9000

Digitized by Google

RELIQVA
LIBRORVM
FRIDERICI II.

IMPERATORIS,

De arte venandi cum avibus,

CVM MANFREDI REGIS
additionibus.

Ex membranis vetustis nunc primum edita.

ALBERTVS MAGNVS
DE

Falconibus, Asturibus, & Accipitribus.



AUGUSTAE VINDELICORVM.
ad insigne pinus.

Apud Ioannem Prætorium,
Anno M D C I.

Cum privilegio Cæsaris perpetuo.



FRIDERICVS IL IMPER.

Nos profectò, qui diuina largitione populis presidemus, generalis, qua omnes homines naturaliter scire desiderant, et specialis, qua gaudent aliqui vtilitate proficere, ante suscepta nostri regiminis onera, semper à iuuentute nostra quesiuimus (scientiam) formam eius indefinenter amauimus, et in odore vnguentorum suorum semper aspirauimus indefessè. Post regnò verò nostri curas assumptas, quamquam operosa frequenter negotiorum turba nos distrahat, et civili sibi ratio vendicet solitudinis nostre partes, quidquid tamen temporis de rerum familiarium occupatione decerpimus, transire nò patimur otiosum, sed totum in lectionis exercitatione gratuite libenter expendimus, ut animæ clarius vigeat instrumentum, in acquisitione scientiæ, sine qua mortalium vita non regitur liberaliter.

MAXIMO PRINCIPI
FERDINANDO CAROLI F.
AVSTRIÆ ARCHIDVCI,
Germaniæ Spei.

MVnus, Ferdinande Serenissime,
inexpectatum credo, magnitu-
dine tamen tua dignum affero.
Audacter: si fortunam cogito,
siue tuam, siue meam etiam. Verum or-
dine & ratione, si muneris intueor siue
materiam, siue artificem. Materia venatio
est, quam Deorum munus appellauit
Xenophon, Chironi propter iustitiam
dono concessam, ab eo inde heroibus tra-
ditam: heroibus inquam, quorum ex isto
potissimum tirocinio virtute, patria de-
fensa, miseri vbique terrarum, calamita-
tibus leuati, seruati sint. Atque hoc pul-
cherrimum est venatoriæ elogium. Sed
eius genera terrâ, mariq; quodammodo,
multa iam olim, quorum hîc nullum da-
mus. Aërium damus, nec vsurpatum ve-
teribus, nec cognitum, nec omnino cogi-
tatum: adeo sibi non omnia vindicat an-
tiquitas. Miraculi isthæc planissime spe-
cies, nisi frequētior vsus, quod amat fieri,
admirationem minueret. Illud interim
omnium cōsensione conuenit, hanc præ-

P R Æ F A T I O.

stare venationes reliquas tanto intervallo, vt inter viros principes nulla habeatur prior, tenuioribus ad eam nec aditus pateat. Argumentum igitur te profectò dignum. Auctor, multò deinde magis: Fridericus Henrici F. Ahenobarbi N. maximus Imperator : quem virtutibus magnis, vitijs item magnis præditum fuisse, nemo tam amicus, nemo tantus hostis est, qui neget. Nunc, cum eruditionis & ingenij monumentum ad illas pertineat, vitia hoc quidẽ loco prætereamus. Delectat in B. Antonino legere, magnanimum, liberalem, magnificum, iudicio acrem, rerum ciuiliũ gnarum inter primos, prophanas litteras doctum, plerumq; linguarum peritum fuisse, Latine puta, Græcæ, Italicæ, Gallicæ, Arabicæ: Germanica vernacula erat. Si quæ sequuntur postea, ad laudem non æquè faciunt, ea commemorare nihil necesse. Aduersus litterarum sane studia qualẽ se præbuerit, verba quæ pluscula præscripsimus, ostendunt: sunt autem ex epistola ad Bononiensem Academiam scriptâ, cum Aristotelis, & aliorum præterea philosophorum libros, ex Græcis & Arabicis Latinos suo

iussu

P R Æ F A T I O.

iussu factos, eo examinandos mitteret, Commentarium etiam quem Gregorius Nyssenus de hominis natura scripsit, eius hortatu Latine redditum comperio. At quod ipse elucubrauerit, nihil superesse opinor, præter hæc reliquias, incredibili diligentia & accuratione elaboratas, ita vt eas cum cæteris rerum naturalium scriptoribus omnibus, contendere non verear. Quapropter, Ferdinande Princeps, rem clementiâ illâ, quæ gentis vestræ fastigio propria est, dignam feceris, cum mediocres aliorum in litteris conatus benignè fouere soleas, si fortissimi Imperatoris foetum posthumum (Manfredus enim filius, post patris demum mortem, obstetricis in eo munere functus est) placido serenoq; vultu tuendum susceperis. Illo videlicet, quo te præterito anno, cum huc animi gratia excurrisses, per urbem vehi, atq; omnibus in te defixis oculis, intuituum pectora veneratione & amore iuxta pfundere meminimus: Idq; cū tua indole tum, ne quid dissimulē, maiorum etiam tuorum recordatione. Nam innumera sunt vestra in nos beneficia, quorū memoriâ nos magnopere commoueri necesse

P R Æ F A T I O.

celle est, neq; erit vlla tam sera posteritas, cuius situs illa obliuione possit tegere. Si contra huius quoq; vrbis aliquod in vos extare meritum pronunciem, leuis multorū opinione habear: Si Augustam Austriaci nominis patriam nominare pergam (in vestra quidem gente) pudorem funditus perisse propemodum omnes conclament. Sed prudentiam tuam appello. Patriæ nō nullum meritum: Patria est quæ vniuscuiusq; rei origo. Iam vos Habsburgij eratis, cum Rudolphus ille, inuidia fatente Magnus, salutare orbi Christiano regendo manus admouit. Is anno post Christū natum MCC. LXXXII. aut LXXXVI. (video scriptoribus parum conuenire) Augustæ Albertum filiū, qui postea imperauit, Austriæ principatu donauit: exinde quoniā Austriaci appellari cæpistis, quo nominis principium referendum sit nimirum apparet. Sed hæc frustra pluribus ad te, omnis externæ, nedum domesticæ historiæ scientem. Vale ingens spes patriæ laborantis, id enim nulla blanditia iterō. Augustæ Vindel. Kal. intercalarib. Anno M D XCVI.

SALVE BONE LECTOR.

Est quod te scire refert, priusquam ad huius libri lectionem accesseris.

Hoc primum:

Autographum manuscriptum membraneum à V. CL. quem humanitas & doctrina iuxta amant, Ioachimo Camerario, Reip. Noribergensis Medico habuimus. Vetustate id aliquot locis corruptum erat, itaque lacunas in editione bene multas, necessariò vides. Frequentes picturas auium aliarumq; rerum præferebat, quæ hîc commodè nò potuere exprimi, nec si potuissent, videbamus quid tibi earum species magnopere esset profutura. Vnam tamen & alteram ab initio dedimus: Iuuenem nimirum Regio cultu sedentem, Manfredum credo, Friderici enim imagines barbatae extant, & nescio quos adorantium habitu, aues manibus præferentes. Capitibus, iuuandæ tantum memoriz, numeros addidimus, qui in autographo non erant; de cætero fidem eius fidè sequuti, nisi si exscriptorem fugientes aliquando litteræ sefellerunt, quod factum non factum, in nos neutiquam recipimus.

II.

De Friderico I I. Imper. qui primus libri auctor, nonnulla in præfatione diximus: Reliqua apud omnium gentium historicos obuia. Filius Manfredus nothus pleraq; adiecit, tum quæ nomen Manfredi Regis, tum quæ Regis absolutè præscriptum habent, & quædam etiam alia, si quid iudico, nullo insignia titulo: prioris sanè libri prologus vix videtur Friderico totus posse tribui. Manfredus autem, Tarenti, patre adhuc viuo princeps, Siciliæ inde Rex, à Carolo Andegauensi prælio victus, occisus est, An. Christi M C C LXVI. Collenutius narrat, corporis habitu fuisse pulcherrimū & fortissimum: Philosophi Aristotelicè apprimè studiosum, & peritum: Animo magnum, munificum & liberalem, supra exempla omnium ferè Principum, vni Imperatori, quem Delitias humani generis hominum consensus appellauit, comparandum.

Vitia, quod in Friderico fecimus, consultò prætereamus; nam plura quam pro bono famæ & nominis, numerari poterant.

III.

Argumentum inscriptio indicat. Quod nos hanc auium capturam veteribus incognitam fuisse diximus, verum est, si vetustissimam antiquitatem interpreteris: cæteroquin, ante annos amplius M C C. notam fuisse, ex Iulio Firmico scimus, qui capite octavo quinti libri, nuntiores accipitrum, falconum, cæterarumq; auium, quæ ad aucupia pertinent, nominat. Atque ea fortassis antiquissima est huius rei memoria, saltem quæ fidem mereatur. Quod de Dauco Erescentius habet, & quod Saresberinensis scripsit, Vlysem ab aliquibus eius auctorem ferri, aut Machabæum, certè nugæ sunt, uti illa de Virgilio & Marcello, planissima fabula: neque etiam obscure falsa est inscriptio litterarum Aquilæ, Symachi & Theodotionis ad Ptolemæum Regem, quarum Albertus testimonio utitur. Accuratior alij, quæ Aristoteles, Plinius, Ælianus de Thracum accipitribus prodidere, huc trahunt: Verum & illa longè diuersa à nostrâ fuit aucupij ratio, & longe rudior.

IV.

Operis multò maximam partem perijsse, res loquitur, & propositio atque diuisio etiam, quæ est in posterioris libri prologo. Deinde Albertus Magnus (id Germaniæ margaritum Sueuia dedit, ut esset quod omnibus Italiæ & Græciæ ingeniorum diuitijs, quantæ illæ cumque, opponeremus) Albertus inquam, libro de animalibus vigesimo tertio, pleraque ex expertis Friderici Imperatoris, quæ in his reliquijs non extant, cum eo tamen nomine opus istud designari, neutiquam videatur dubitabile. Ut desiderium ergo, quæ potest, leniremus, Albertina supposuimus, & ipsa profectò digna plurium manibus atque oculis.

V.

Impolitiam & asperitatem inscriptionis, sæculum excusat,

excusat, quam rerum diligens, tam verborum negligens. Animus erat barbararum vocū glossarium addere, cum cogitatio subiit, quibus hæc vñui esse possent, illos facile omnia sua etiam sponte intellecturos, apud alios, nullam eius laboris futuram gratiam, itaque superfedere visum.

VI.

Temperare verò non potuimus, quin corollarij vicem adderemus, epigramma à Friderico Ahenobarbo lingua provinciali Narbonensi scriptum, quæ tunc temporis elegantiz opinione florebat, eo argumento, vt quæ in quibusdam gentibus præcipuè probaret ostenderet, sic autem habet:

*Plas mycawallier Francès,
E la donna Catallana,
E l'onrrar del Gynoès,
E la cour de Kastellana,
Lon kantar Prouensallès,
E la dansa Triuysabina,
E lon corps Aragonnes,
E la perla Iulliana,
Las mans e kara d' Anglès,
E lon donzel de Thuscana.*

Et hætenus quidem litterariz eruditionis memoriz vtriusque Friderici, maximorum Imperatorum, post tot iterum sæcula parentamus. Vale.

(:) 5 INDEX





INDEX LIBRI PRIMI.

<i>Prologus, qua legi potuit.</i>	<i>Pag. 1.</i>
<i>Capitulum. 1. Quod ars venandi cum auibus dignior est cate- riu venationibus.</i>	<i>4</i>
<i>Capit. 2. De diuisione auium generaliter in aquaticas, terre- stres & medias.</i>	<i>8</i>
<i>Capit. 3. De diuisione auium, in rapaces & non rapaces.</i>	<i>13</i>
<i>Capit. 4. De aquaticis, quibus modis acquirunt suam escam, quando & quam.</i>	<i>15</i>
<i>Capit. 5. De exitu aquaticarum de aquis ad pascendum.</i>	<i>18</i>
<i>Capit. 6. De ordine exitus ipsarum ad pascendum.</i>	<i>22</i>
<i>Capit. 7. De reditu aquaticarum ad aquas, seu loca aquosa.</i>	<i>23</i>
<i>Capit. 8. De statu quem faciant in aquis, &c.</i>	<i>24</i>
<i>Capit. 9. De terrestribus, quibus modis acquirunt sibi escam, quando & quam. Et quare nocturne exeunt ad pre- dandum de nocte.</i>	<i>26</i>
<i>Capit. 10. De modo exitus terrestrium ad pascendum, &c.</i>	<i>32</i>
<i>Ca. 11. De medijs auibus, quibus modis acquirunt sibi escam.</i>	<i>35</i>
<i>Ca. 12. De diuersitate ciborum quibus vtuntur mediae aues. eadem</i>	
<i>Capit. 13. De exitu quarundam mediarum.</i>	<i>36</i>
<i>Capit. 14. De exitu mediarum ad pascendum, &c.</i>	<i>37</i>
<i>Capit. 15. De reditu mediarum & statu ipsarum, &c. eadem</i>	
<i>Capit. 16. De transitu auium.</i>	<i>38</i>
<i>Capit. 17. Que aues transeunt & quando.</i>	<i>39</i>
<i>Capit. 18. Quare transeunt aues.</i>	<i>41</i>
<i>Capit. 19. De modo quem habent aues parandi se ad transitu.</i>	<i>44</i>
<i>Capit. 20. De tempore anni, & temporum qualitatibus, ipsa- rum transitui convenientibus.</i>	<i>45</i>
<i>Capit. 21. De ordine & transitu auium, &c.</i>	<i>47</i>
<i>Capit. 22. De quibus locis transeunt, & ad que loca, &c. pag. 50</i>	
<i>Capit. 23. De locis ad que, transeunt, & quare.</i>	<i>52</i>
<i>Capit. 24. Sequitur de oculis. 59.</i>	<i>Capit. 25. De auribus. 60</i>
<i>Capit. 26. De naribus, rostro, humeris.</i>	<i>eadem</i>
<i>Capit. 27. De alijs. 69.</i>	<i>Capit. 28. De dorso. 74</i>
<i>Capit. 29. De lumbis. 75.</i>	<i>Capit. 30. De cauda. eadem</i>
<i>Capit. 31. De peruncto. 76</i>	<i>Capit. 32. De pectore. eadem</i>
<i>Capit. 33. De lateribus. 78</i>	<i>Capit. 34. De digitis pedum. 82</i>
	<i>Capit.</i>

INDEX

Capit. 35. Sequitur de vnguibus,	pagina 87
Capit. 36. De membris interioribus officialibus.	88
Capit. 37. De canna pulmonu. 93. Capit. 38. De pulmone. eadem	
Capit. 39. De diaphragmate.	94
Capit. 40. De Isophago (pro œsophago.)	eadem
Capit. 41. De stomacho. eadem. Capit. 42. De Epate.	95
Capit. 43. De renibus. 95. Capit. 44. De testiculu & matrice. 96	
Capit. 45. De plumagio avium generaliter, &c.	eadem
Capit. 46. De coloribus plumagioru. 98. Capit. 47. De plumis. 102	
Capit. 48. De lanulis. 103. Capit. 49. De pennis ala. 104	
Capit. 50. De numero pennarum alarum.	105
Capit. 51. De positione maiorum pennarum.	106
Capit. 52. De numero pennarum cauda.	110
Capit. 53. De positione & forma pennarum cauda.	111
Capit. 54. De maneriebus volatuum in avibus.	114
Capit. 55. De his per quae pugnant aut defendunt se aves.	127
Capit. 56. De modo defensionis.	131
Capit. 57. De mutatione plumagii, quam generaliter faciunt aves singulis annis.	133

INDEX LIBRI SECVNDI.

Prologus.	pagina 139
Capitulum 1. Quid sit avis de rapina, &c.	143
Capit. 2. Quare femina sit maior masculo.	146
Capit. 3. De combinationis ipsarum ad pullificandum.	151
Capit. 4. In quibus regionibus & locis nidificent.	352
Capit. 5. De accipitribus. 154. Capitulum 6. De onatione. 157	
Capitulum 7. De cubatione.	pag. eadem
Capitulum 8. De plumis, lanulis & pennis.	eadem
Capitulum 9. Quomodo pascuntur à parentibus.	158
Capit. 10. Qualiter mater docet eas aucupari.	159
Capit. 11. Quomodo expellantur à parentibus, & quare. eadem	
Capit. 12. De loco quem eligunt, donec in regione morantur. 160	
Capit. 13. Quomodo exeunt ad praedandum, & ad acquirendam sibi escam.	161
	Capit.

INDEX.

Capit. 14. De transitu, & quare transeunt, & de modo transeundi.	pag. eadē
Capit. 15. De tempore anni & temporum qualitatibus.	162
Capit. 16. De quibus locis transeunt, & ad qua loca, quare morantur in locis ad qua transierunt, & quamdiu.	163
Capit. 17. De reditu ipsarum, & quare, de modis redeundi tempore anni, & temporum qualitatibus.	eadē
Capit. 18. De cognoscendis falconibus per formam membrorum & plumagium, comprehendens tantum formam & colorem pennarum, & de electione pulchriorum.	164
Capit. 19. De Girofalconibus.	166
Capit. 20. De plumagio girofalconum.	167
Capit. 21. De laudabiliore plumagio in girofalconibus.	168
Capit. 22. De sacris.	169.
Capit. 23. De plumagio.	eadē
Capit. 24. De gentilibus peregrinis.	170
Capit. 25. De peregrinis brunis, & de subruffis & saluis, qui retrahunt ad colorem meliorem.	175
Capit. 26. De disconuenienti plumagio, & disconuenienti proportionē membrorum in peregrinis.	176
Capit. 27. De falconibus gentilibus absolute.	177
Capit. 28. De Laneris.	189
Capit. 29. Dicto de forma & plumagio conuenienti austurum faurorum, & eorum qui mutati sunt; dicendum est de Sperueris.	180
Capit. 30. De differentiis falconum nidastorum & ramag.	181
Capit. 31. De modis per quos habentur falcones nidastii.	182
Capit. 32. De modo accedendi ad nidum.	184
Capit. 33. De preparatione loci in quo nutriuntur, & modo nutritionis eorum.	eadē
Capit. 34. De vicibus cibandi ipsos.	190
Capit. 35. De horum conuenientibus cibrationi.	192
Capit. 36. De preparatione locorum à quibus recolligi debent falcones, postquam nutriti sunt in eis.	193
Capit. 37. De ciliatione seu bluitione ipsorum.	195
Capit. 38. De iactis, qualiter fiunt, & quomodo ponendi sunt in tribus falconum.	198
Capit.	Capit.

I N D E X.

Capit. 39. De longa, qualiter fiat, & ad quæ est utilis.	202
Capit. 40. De tornetto, qualiter factum sit, & ad quid sit utile.	204
Capit. 41. De campanella & utilitate ipsius, & modo ligandi eam.	205
Capit. 42. De modo quo portari debet super manum & forma retinendi manum.	206
Capit. 43. De modis quibus habentur falcones ramagij.	209
Capit. 44. De locis in quibus capiuntur.	212
Capit. 45. De ciliatione ipsorum.	212
Capit. 46. De modis tenendi eos & portandi super manum.	215
Capit. 47. De falconarijs quales esse debeant.	216
Capit. 48. De intentione quam habere debet falconarius, ad tenendum & mansuefaciendum.	220
Capit. 49. De modis mansuefactionum falconum ad standum super manum, & ad alia facienda ut mansuefiant.	225
Capit. 50. De sedilibus super quibus ponendi sunt falcones, postquam de manibus deponuntur.	234
Capit. 51. De diversis iuvamentis diversorum sedilium, & de perticis, & qualiter ligentur in ipsis.	239
Capit. 52. De inquietationibus & diuerberationibus, quas facit falco ciliatus: Et de differentijs inter inquietationem & diuerberationem.	246
Capit. 53. De mansuefactione falconum ciliatorum, ad gustum, auditum & tactum.	250
Capit. 54. De mansuefactione falconum ad visum, quando paulatim deciliari incipiunt.	253
Capit. 55. De mansuefactione falconum totaliter deciliatorum, qualiter deciliantur, & quo tempore, & de ipsorum inquietationibus.	258
Capit. 56. De diuerberationibus ipsorum, & de diuerberationum modis.	265
Capit. 57. De diuerberationum causis.	273
Capit. 58. De diuerberationum signis.	275
Capit. 59. De occurrendo inquietationibus & diuerberationibus.	276
	Capit

I N D E X.

- Capit. 60. De deciliatis falconibus, qualiter ponantur ad pendendum ad perticam, & leventur ab ea, & inquietationibus & lesuris eis contingentibus in ipsa. 286
- Capit. 61. De mansuefactione falconum deciliatorum facienda super manum in domo, & sine capello. 293
- Capit. 62. De mansuefactione falconum facienda à pedite, super manum foris in aere libero, & inquietationibus & diuerberationibus quas faciunt in eo. 294
- Capit. 63. Qualiter intrandum est & exendum per portas cum falcone. pag. 269
- Capit. 64. Ad qua loca de foris prius portandus est. 296
- Capit. 65. Quando reportandus de foris intro. 297
- Capit. 66. Reportatus de foris intro, acrius inquietat & diuerberat se. pag. eadem
- Cap. 67. De remedijs & modis remediorum, scilicet tiratorio, irroratione & balneo, &c. 298
- Cap. 68. De irroratione. 299. Cap. 69. De balneo. 302
- Cap. 70. De mansuefact. falconũ. facienda foris ab equite. 308
- Cap. 71. De equite, qualis esse debeat, & qua secum foras portare debeat. 310
- Cap. 72. De portatione falconum non mansuefactorum de regione in regionem. 313
- Capit. 73. De locis. 319
- Cap. 74. De inquietationibus & diuerberationibus, quas facit falco sup manũ, sedilibus, perticis, & signis ipsarũ. 322
- Cap. 75. De remedijs faciendis contra inquietationes & diuerberationes falconum, super manum, sedilibus & perticis. 324
- Cap. 76. De signis falconum male portatorum. 326
- Capit. 77. De mansuefactione cum capello, à quibus gentibus capellum fuit inuentum. 330
- Capit. 78. De capello & forma ipsius, &c. 332
- Capit. 79. De loco in quo debet imponi capellus, &c. 335
- Capit. 80. De inquietationibus & defensionibus, quas faciunt falcones in impositione capelli, & post impositionem ipsius, & qualiter succurratur eis. pag. 338

DIVI

DIVI AVGVSTI FRIDERICI SECVNDI

ROMANORVM IMP. HIERV-
SALEM ET SICILIÆ
REGIS,

De arte venandi cum auibus,
Liber primus.

PROLOGVS PRIMI LIBRI.

quâ legi potuit.

.
& vt remoueremus errorem plurium circa præ-
sens negotium, qui sine arte habentes quæ artis
erant, in eodem negotio . . . imitando
quorundam libros mendaces & insufficienter
compositos de ipso: & vt relinqueremus po-
steris artificiosam traditionem de materia hu-
ius libri. Nos tamen, licet proposuissemus ex
multo tempore componere præsens . . .
vlimus fere per propositum . .
. . . quoniam non putabamus nos ex tunc
sufficere, neq; eramus vnquam ali-
quem præcessisse qui huius libri materiam cõ-
plere tentasset, particula verò aliquot ab ali-
quibus per solum vsum, sicut erant & inartifi-
cialiter traditæ; Imo multis temporibus cum
solicitudine diligenter inquisiimus ea quæ
huius artis erant, exercitantes nos in ea . . .
in eadem, vt tandem sufficeremus redigere in
librum quicquid nostra experientia aut aliorũ
didi-

2 DE ARTE VENANDI CVM AVIB.

didicerat, quos quod erant experti circa . . .
 . . . huius artis, nō sine magnis dispendijs
 ad nos venientes de longinquo, vocatosq; . .
 . . nobiscum habuimus, denotando quicquid
 melius nouerint, eorumq; dicta & facta memo-
 riter commendando. Qui quamuis arduis &
 inexplicabilibus fere negotijs persæpe præpe-
 diti essemus, circa regnorum & imperij regi-
 mina: tamen hanc nostram intentionem præ-
 dictis negotijs non postposuimus, in scribendo
 etiam artem, vbi oportuit, secuti sumus; plu-
 ribus enim, sicut experientia didicimus, ma-
 ximorum in naturis auium

. . . Sed nos semper
 verò quæ narrat in libro animalium dicit quos-
 dam sic dixisse. Sed id quod quidam sic dixe-
 runt, nec ipse forsā vidit, nec dicentes vide-
 runt. Fides

Aliquot deinde versus legi non potuerunt.

difficilia emergunt circa negotia huius artis.
 Rogamus autem vnumquemq; nobilem . . .
 ex sola sua nobilitate . . . qui ab aliquo . .
 . . perito ipsum legi faciat & exponi, minus
 benedictis indulgens: nam cum ars habeat sua
 vocabula propria, quemadmodum & ceteræ ar-
 tium, & nos non inueniremus in grammatica
 Latinorum verba conuenientia in omnibus,
 apposuiamus illa quæ magis videbantur esse

pro-

LIBER PRIMVS.

propinqua, per quæ intelligi possit intentio nostra. Est huius ateria ars vena partium quæ theoretic in operando quæ practica nuncupatur. Rursus quædam pars de generali contemplatione tam eorum quæ spectant ad theoreticam, quam eorum quæ spectant ad practicam. Reliqua verò de speciali cōsideratione eorundem. Intentio verò nostra est manifestare in hoc libro de venatione auium, ea quæ sunt sicut sunt, & ad artis certitudinem redigere, quorum nullus habuit scientiam hætenus neq; artem. Modus agendi est prosaicus, proæmialis & executiuus. Executiuus verò multiplex, partim namq; diuisiuus, partim descriptiuus, partim conuenientiarum & differentiarum assignatiuus, partim causarum inquisitiuus. Et sunt alij modi quos sequimur, vt in libro patet. Actor est vir inquisitor & sapientiæ amator, Diuus Augustus, Fredericus secundus Romanorū Imperator, Ierusalem & Siciliæ Rex. Utilitas est magna, etenim nobiles & potentes, solliciti circa regimina mundanorū, per huius artis vsum, suis curis plerumq; gaudia interponent: Pauperes verò & minus nobiles, de hac arte nobilibus seruietes, obtinebunt ab ipsis necessaria suæ vitæ. Vtriq; verò per hanc artem habebunt manifestationem operation. & in auibus. Supponi scientiæ naturali, cum auium manifestet, licet illæ naturæ, ex documento per hunc librum habito, alterari quodammodo videantur. Li-
bri

4 DE ARTE VENANDI CVM AVIB.

bris titulus talis est, Liber Diui Augusti Frederici Secundi Romanorum Imperatoris, Ierusalem & Siciliæ Regis, de arte venandi cum auibus. Ordo tractandi in singulis particulis euidenter patebit. Proœmium namq; antecedit narrationem. In tractatione verò seu in executione ea quæ generalia sunt, præponuntur specialibus, & quæ secundū naturam priora sunt, præponuntur his quæ posteriora sunt secundum naturam.

CAPITVLVM I.

Quod ars venandi cum auibus dignior est cæteris venationibus.

CVm autem ars venandi cum auibus pars sit artis venandi simpliciter, & ars venandi simpliciter plures alias partes habeat, & cum omnes partes artis venandæ per venationem deducantur in actum: primò videndum est, quid sit ars venandi, & quid venatio, & quæ partes artis venandi, quatenus prætermisiss alijs omnibus, ad præsens, de sola arte venandi cum auibus hîc dicatur. Ars venandi est collectio documentorum, quibus sciunt homines ad opus suum deprehendere animalia non domestica, vi vel ingenio. Venatio autem nihil aliud est, quàm motus aut exercitium, quæ eo studio fiunt, vt huiusmodi animalia capiantur. Partium autem artis venandi alia est, quæ cum instrumentis inanimatis venari docet: Alia cum instrumentis animatis: Alia cum vtrisque simul.

simul. Illius autem quæ docet cum instrumentis inanimatis, multiplex modus est, verbi gratia; Aliquando fit cum resibus, pedicis, balistis, arcubus, sagittis, & multis alijs decipulis. Sed illa quæ cum instrumentis animatis, aliquando fit cum canibus, aut Leopardis, aut alijs quadrupedibus multis: Aliquando fit cum auibus rapacibus. Quæ autem dicantur aues rapaces, & quæ non rapaces, mox dicetur quare sic dicantur.

Prætermisis ad præsens alijs partibus artis venandi, dicetur ex hoc solum de arte venandi cum auibus, & ostendetur in præsentī capitulo per multas causas, quod ipsa est dignior cæteris, propter quod de eadem prius dicemus. Causæ autē quod nobilior sit cæteris, sunt plures: Legens enim hunc librum & intelligens, plura secreta de operationibus naturæ cognoscet per hanc, quàm per alias artes venationis.

Amplius cæteræ venationes magis notæ sunt à pluribus, pro eo, quod habiliores possunt comprehendi: Hæc verò est minus nota & à paucioribus, non nisi quia est de difficiliore & bono. Amplius res aliarum venationum, per quas deuenitur ad finem intentum, minus nobiles sunt, quàm res præsentis: verbi gratia, cæteræ venationes habent instrumenta artificialia & manufacta, vt retia, laqueos, pedicas, venabula, jacula, arcus, balistas, & huiusmodi. Aut habent animalia quadrupedia, domestica, agrestia, scilicet modos Leopardorum, Canum, Lincos, Lincas, Furestos, & alia plura.

2 DE ARTE VENANDI CVM AVIB.

Hæc verò venatio instrumentis prædictis non vtitur, neque animalibus quadrupedibus modo dictis; sed ad acquisitionem finis habet aues rapaces, quæ & inanimatis instrumentis, & quadrupedibus sunt. Amplius etiam multò artificiosius est, instruere aues rapaces venari, quàm canes, aut quadrupedia agrestia, pro eo quod aues rapaces magis timent ab hominibus, quàm cæteræ aues, & quàm quadrupedia, quæ docent homines venationem.

Non viuunt etiam aues rapaces seminibus, aut ijs rebus, quas tractant homines, & quibus vtuntur plures de alijs auibus. Et ideo non conuersantur cum hominibus, neq; domesticantur cum eis, nisi fortè aliquando venarentur aues, quæ viuunt de seminibus & alijs, quæ sunt inter homines, & hoc palàm est, quod aues rapaces plus fugiunt naturaliter ab hominibus, quàm cæteræ aues, & quàm quadrupedia supradicta. Rarò etiam nidificant aues rapaces in locis hominum habitatis. Et quamuis de quadrupedib⁹ dictis plura fugiunt ab hominibus, ipsæ enim sunt feræ agrestes & feroces, & ideo difficile est mansuefacere ipsas, & docere venari: tamen difficilius est docere aues rapaces venari. Nam illa quadrupedia non habent tantam aptitudinem fugiendi, aut elongandi se, (cum habeant motum terrestrem, & gradientur super faciem) quantam habeant aues. Cùm ipsæ aues habeant motum velociorem, & volatum per aëra. Ideo quadrupedia plus

plus possunt subijci potestati hominum, quàm aues, & possunt capi per vim, aut alijs modis, cum super terram ambulent. Aues verò cum per aërem volent, non possunt capi vi, sed solo ingenio hominum & capi possunt, & doceri. Propter hoc hæc ars venandi difficilior est cæteris venationibus & dignior. Amplius omnes aues rapaces possunt doceri per hanc artem capere maiores aues, vt grues, fistaros, anseres, & maiores alterius materiei, quàm per se caperent, & minores aues non solum eo modo, quo caperent per se, sed plurib⁹ alijs modis. Per quod probatur essentia artis, difficultatis & vtilitatis. Amplius aues rapaces & faciem hominis, & conuersari cum homine naturaliter abhorrent, sed per hanc artem docentur facere ad opus hominum, quod operabantur per se, & ad opus suum, & conuersari cum homine, quem naturaliter fugerunt. Amplius aues rapaces per hanc artem docentur venari simul eandem prædam, & consentire indiuiduis suæ speciei, & alterius, tam volando quàm super prædam, quod per se & sine hac arte nunquam facerent. Amplius & scientes inscij de facili possunt iuuare in venatione, quæ fit cum canibus, aut alijs quadrupedibus; possunt enim tenere canes vbi conuenit, & dimittere. Nullus verò in venatione quæ fit cum auibus, de facili iuuare poterit, neq; portare, neq; iactare aues nisi sit doctus & expertus has. Falcones namq; & accipitres & huiusmodi ab indocto redderentur inepti, aut forsitan deuastati. Amplius

8. DE ARTE VENANDI CVM AVIB.

ceteras venationes videndo & audiendo potest aliquis etiam inscius addiscere; hanc autem non sine docente, neq; sine artificiosa operatione frequenti poterit aliquis siue nobilis siue ignobilis addiscere. Amplius pro eo quod plures de nobilibus hanc artem addiscunt, & diligenter exercent, pauci verò de ignobilibus: satis coniecturaliter probatur, quod hæc ars sit nobilior cæteris ex suprädictis. Itaque palàm est, quod ars venandi cum auibus, & ars est, & cæteris venationibus nobilior, & dignior, & ideo prior. Quare de ipsa est prius tractandum, de reliquis verò venationibus, præcipue de illis, in quibus nobiles delectantur, vita comite, post complementum huius operis dicetur à nobis.

CAPITVLVM II.

De Diuisione auium generaliter in aquaticas, terrestres & medias,

IN hoc autem primo tractatu huius artis dicemus de diuisione auium, q, est necessarium dicere prius, ad artem venandi cum auibus. Vnde autē omnes aues, sicut & cætera animalia habeant omnes operationes suas, circa coitum, circa partū, circa acquisitionem cibi, circa mutationem locorum ad colorem & frigus temporis, circa mutationem alimentorum. Dicemus conuenienter diuisiones auium generales, diuersos motus quos faciunt ad acquisitionem escæ suæ, diuersitatem escæ quæ vtuntur, muta-

mutationem quam faciunt ad loca quadam propinqua; quædam remota ppter calorem & frigus temporū, diuersitatem & iuuamentum membrorum in ipsis, naturam plumarum, modos volatuum suorum, modum pugne, & defensionem quā habent, & mutationem plumarū. De his eisdem non dicemus, nisi figuraliter, & quantillū sufficit ad nostrum propositum, scilicet vt artifex, qui exercet venationem cum auibus rapacibus sciat per cognitionem horū generalium melius, vbi, quando & quomodo cum rapacib⁹ valeat prædari non rapaces. Reliqua verò omnia, quæ prætermittimus de natura auium in libro Aristot. de animalibus, requirantur.

Prima itaq; diuisio auium est hæc: Auium alix sunt Aquaticæ, alix terrestres, alix mediæ. Aquatiles verò dicuntur aues de riuera, & hæ sunt, quarū mansio est in aquis, & circa aquas, quibus natura puida, membra dedit habilia ad manendū in aquis & circa aquas, & de sua natura & complexione habent diligere manere in aquis. Terrestres verò dicuntur aues de campo, & sunt hæ, quarum mansio est super terram, & habent membra habilia ad hoc, & complexio sua ministrat eis diligere semp manere in terris & super terras. Mediæ autem dicuntur, quarum mansio partim in terris, partim in aquis consistit, & natura dedit eis membra congrua ad vtrumque, & complexio dat eis quod diligant in vtroq; manere. Et quamuis Aristoteles diuidat omne animal in aquatile & terrestre, aquaticum appellans pisces solum; sub terrestri

verò volatile & gressibile comprehendens, nec omne volatile etiam dicens aues. Nos tamen quadam consuetudine habita inter venationes auium, & quadā transumptione loquendi, aues in commixtione materiæ quarū dominantur superiora & extrema leuium elementorū, quæ immo sunt leuiiores subtiliores volantes, & ærem inhabitantes diuidimus in aquaticas, terrestres & medias, quarum omnium exempla dabimus, prosequendo diuisiones earum in genera diuersa, & generum in species diuersas.

Aquaticarum verò auium aliæ semper habent mansionem in aquis, quæ nō recedunt ab aquis neq; pro cibo, neq; pro alio, nisi tantū vt mutantur de vna aqua in aliam, aut vt mutant loca secundū mutationem temporum, vt modi mergorum, & corui marini, qui mergones etiam dicuntur, & cinni, & illæ, quæ dicuntur ab Aristotele in libris animalium Pellicani, qui ab Apul. dicuntur Cofani. Hæ sunt aues magnæ ad modum cinnorum albæ, longum & latum habentes rostrum, sub quo habent pelliculam quam aperiunt & claudunt piscando ad modū sagenæ. Hi habent digitos pedum coriales, & corium est cōtinuans digitum posteriorem anterioribus digitis, quod non contingit in alijs habentibus digitos coriales. Hæ & multæ aliæ rarò aut nunquā recedunt ab aquis. Aliæ verò non semper habent mansionem in aquis, sed recedunt ab aquis, & propter duo prædicta, & alioquin ppter cibum, quæ propter hoc, q̄ natura earum hoc appetit ad aquas redeunt, & in
 ipsæ

ipsis habent mansionem suam, vt sunt diuersa genera anserum, & diuersa genera anatum & similia. Terrestrium verò alia semper manent in terris, neq; vadunt vnquã ad aquas, nisi causa sui potus, & suæ balneationis, vt modi coturnicum & perdicum, & fasiani, bizzardæ, & anates, quæ dicuntur campestræ, quæ similes sunt bizzardis, multò tamen minores, pauones & plures huiusmodi.

Alia non semper manent in terris sed recedunt à terris, & vadunt ad aquas propter potum & balneum, & etiam propter cibum, deinde recedunt ad terras & in terris manent & quiescunt, sicut expetit earum natura, vt quoddam genus aquilarum, quæ dicuntur ad hoc aquilæ piscatrices. Hæ mergunt se in mari, in fluminibus & lacubus ad piscandum, postea recedunt ad manendum in terra, in rupibus & arboribus, & meritò huiusmodi aquilæ dicuntur terrestres, cum sint de genere rapacium, & omnes rapaces terrestres dicimur esse. Mediarum inter aquaticas & terrestres triplex est modus. Sunt enim quædam, quæ permanent libentius in aquis, quàm in terris, secundum quod, earum natura ex modo commixtionis elementorum hoc appetit, vt modi Et sunt quædam, quæ diligunt magis conuersari in terris, quàm in aquis, cum in utroq; permaneant, vt Puerij, Vanellij, Liuercini, & huiusmodi, inter quas Puerij minus diligunt aquas quàm vanellij, & vanellij magis quam Liuercini. Vnde Liuercini plus trahuntur ad naturam terrestrium quàm vanellij & plue-

& pluerij, vanelli namq; & pluerij sæpe dormiunt in campis nocte, sed Liuercini sapius. Et sunt quædam, quæ diligunt manere quasi æqualiter in aquis & terris, vt genera gruum maiorum scilicet & minorum, & ambæ species ciconiarum, albæ scil. & nigræ, nigræ tamē sapius visæ sunt permanere in aquis. Visæ sunt autem frequenter albæ & nigræ euntes ad piscandum in aquis & locis aquosis, & in pratis mollioribus, deinde redire ad manendum in terra.

Continentur itaq; omnia genera auium, omnesq; species sub his tribus differentiis, quæ sunt, aquaticum, terrestre, & medium. Illud etiam est sciendum, quòd illas medias aues, quæ plus morantur in aquis, locauerunt exercitati inter genera auium aquaticarum, quia imitantur tam aquaticas, quàm terrestres aues de riuera. Illas autem quæ terras tenent, de natura complexionis morantur plus in terris, consueuerunt terrestres dicere, & tam has terrestres, quàm istas vocare aues de campo. Illas autem quæ tenent æqualiter vtrumq; , alij inter aquaticas, alij inter terrestres posuerunt, sed illæ mediæ, quæ exeunt de aquis, & ascendunt in terram, & redeunt ad aquas ad tutelam & ad quiescendum, licet frequentent campos, verius tamen dicentur aquaticæ, cùm multo plus habeant stare & refugere in aquis, vt genera gruū. Sed illæ mediæ, quæ habitant in campis & vadunt ad aquas causa balnei & potus, & refugiunt ad aquas, quando rapaces sequuntur eas, dici poterunt conuenientius terrestres, vt Liuercini,

uercini, pluerij, vanelli & huiusmodi, plures etiam de terrestrib⁹ ad aquias refugiant timore rapacium persequentium eas, vt dicetur in Capitulo de Defensionibus auium, sicut sunt cornices.

CAPITVLVM III.

De Diuisione auium, in rapaces
& non rapaces.

Rursus & aliter diuiduntur aues: Aliz enim sunt rapaces, aliz non rapaces. Et licet Aristoteles & alij Philosophi conuenerunt in diuisionibus tractandus prius de affirmatiuis, & subsequenter de negatiuis: tamen quia necessarium est tractare de rapacibus specialiter, ideo primò tractabimus de negatiua, videlicet de auibus non rapacibus, de rapacibus autem tractabimus latius subsequenter.

Non rapaces verò dicuntur, quæcunque non viuunt de raptu, siue sint aquatiles siue terrestres, siue medix, & quidem terrestres quæ quandoq; rapiunt, & de suo raptu viuunt, quandoque non viuunt de suo raptu, sed de granis & fructibus & huiusmodi, sicut sunt modi coruorum cornicularum, picarum & huiusmodi, pro eo quòd non viuunt de solo raptu, non possunt dici rapaces propriè, multò minus genera vulturum & picarum, quæ dicuntur ossifrangentes, & quidam modus aquilarum ignobilium, cùm nunquam rapiant alias aues aut bestias, sed semper comedunt carnes cadauerũ mortu-

14. DE ARTE VENANDI CVM AVIB.

morticinas scilicet, aut residuas, dici non debent rapaces. Oportet tamē scire, quod eadem genera & eadem species auium diuersis vocabulis apud diuersos nuncupantur, & multoties eisdem; non tamen ppter identitatem nominū eadem sunt dicenda, sicut neq; propter diuersitatem, diuersa: nomina namq; non sunt eadem apud omnes, sed mutantur apud homines diuersi idiomatis, & eiusdem. Propter hoc eadem genera & species siue diuersa dicantur, secundum quod essentialia naturæ materie vniversalia erunt eadem atq; diuersa, scil: in natura sua, vt forma membrorum in motibus & operationib⁹ ipsorum, in vsu eorundem ciborum, in eodem modo pullificationis & in cæteris naturis ipsorum, sicut in modo volatus & in modo . . sionis, naturæ namq; & proprietates quæ sequuntur res inseparabiliter, eadem sunt apud omnes, quemadmodum res quarum sunt proprietates.

Amplius diuersæ regiones habent quædam genera auium diuersa ab alijs, & vna regio habet aliqua genera auium, quæ nec alia habet regio, & vna regio habet eadem, quæ habet alia, sed plurimū dissimilia in colore & alijs accidentibus, considerando tamen naturam & formam membrorum, & vsus cibariorum, & operationes cæteras ipsarū, cognoscentur, sub quo genere erunt collocanda. Propter hoc cū posuerimus exemplū de vno genere auium, & dixerimus & similia ei, non est opus enumerare cætera, ne in prolixitatis fastidium incidamus.

Magna

Magna enim est multitudo aquaticarū auium, terrestrium & mediarum & cæterarum. Inveniuntur etiam multiplicia genera aquaticarū similia & proxima valde, quemadmodum & terrestrium & mediarum, quæ omnia longū esset enumerare. Sed cū videbuntur idēditates auium in essentijs & proprietatib⁹ supradictis, aut diuersitates, iudicentur esse eiusdem generis aut diuersi, quod habebit locum etiam in auibus illis, quæ non fuerunt visæ alia vice.

CAPITVLVM IIII.

De aquaticis, quib⁹ modis acquirunt suam escam, quando, & quam.

EXpletis diuisionibus auium in aquaticas, terrestres & medias, & rursus in rapaces & non rapaces: videndum est per ordinem de motibus & operationibus, quas habent singula genera ad acquisitionem cibi sui, in quo patebunt aliæ plures diuisiones auium, & naturæ plures earum. Motus itaq; & operationes, quas habent aues aquaticæ ad acquisitionem cibi, plures sunt. Nam aliæ aquaticarum natant & non beneuolant, & ab aquis non recedunt, vt omnia genera mergonum fere, de quibus videtur contrarium ei, quod sentit Aristot. in libro de animalibus dicens, quod quæ aues sunt modici volatus, sunt boni gressus. Mergonum namque genus modici est volatus, & peioris gressus, quod si intelligitur minus vniuersaliter de terrestrib⁹, verum erit: de aquaticis verò modici volatus, non sic se habet. Aues aquaticæ
natan-

natantes pro eo quod sibi est expediens manere in aquis, habuerunt à natura pedes suos dispositos ad natandum magis quam ad ambulandum, & ferè omnes natantes, siue sint de illis quæ beneuolant, siue de illis, quæ malè volant, mali sunt gressus. REX.

Causa autem quare aues natantes sunt mali gressus, est : quia cùm huiusmodi aues aptæ natæ sint ad natandum propter victum, quem sibi sic natando acquirunt, natura dedit eis tibias curuas, vt melius fortius, & facilius seimpellerent natando per aquas; nam si longas haberent tibias, nimis esset eis difficile, natando se impellere, cùm de necessitate oporteret tibias ipsas, propter ipsarum longitudinem, nimis profunde attingere, & subintrare aquas, & cùm aquæ in profundo, tanquam magis distantes ab aëre facilius ducantur, non facientes tantam resistantiam, dū vna res videlicet infrà tantum aqua ducatur, & in superficie propter attractionem aëris, quo aqua ipsa ambigitur, magis sustineat corpus natans, & dum oporteat quod duo ducantur natando per superficiem, videl. ipsa aqua & aër, qui sibi coniungitur & opponitur, maiorem resistantiam faciant pedibus auis natantis ducendo & exercendo eos in posterius, & sic magis impellant. Auis ipsa si tibias longas haberet, ducendo eas per profunditatem aquarum, non posset facere talem impulsione, dum nō inueniatur tanta resistantia in profundo, qualem facit cum tibijs curtis, quæ ducuntur per super-

superficiem aquæ, quæ magis auxiliatur impulsioni. Videmus enim exemplum in galeis, vt si quando remiges volunt fortius nauigare cum remis, non immittunt multum profundè remos per aquam, sed sustinent ipsos altè, ducendo prope superficiem aquæ, ad hoc vt aqua ipsa prope superficiem remis ipsis fortius resistente, galea melius impellatur, & velocius currat. Cōtiggeret etiam inde aliud, quia auis postquā natando sic tibias longas extenderet, vix posset ipsas ad se retrahere, quod subsequenter & sæpius faceret alias impulsiones natando, vt facit cum tibijs curtis, quas frequentius & facilius ad se retrahit. Habuerunt igitur huiusmodi aues à natura tibias curtas ad melius natandū, & quia curtitudo tibiarum est contraria gressui sicut euidenter apparet in nanis, sequitur igitur quòd aues ipsæ omnes sunt mali gressus rationabiliter. Aliæ verò aquaticæ natant & beneuolant, nec recedunt ab aquis vt genera Cinnorum, & Pellicani, quos quidam in Italia dicunt Cofanos, & modi coruorum marinorum & similia eis. Aliæ non natant neq; beneuolant, neque recedunt ab aquis, vt modi quidam rallorum & sibi similia. Aliæ non natant, & beneuolant, neq; elongantur ab aquis, vt genera Ayronum & sibi similia. Rursus aquaticarum natantium quædam submergunt se penitus in aquis ad acquisitionem cibi, quædam caput & collum vsq; ad spatulas, vel vsq; ad medium corporis. Diuersitas ciborum quibus vuntur aquaticæ, talis est: aquaticarum enim

B

alix

aliæ viuunt de rebus aquaticis solùm : aliæ de campestribus solùm : aliæ de vtrisque. Quæ viuunt de rebus aquaticis solùm, sunt pellicani, genera coruorum marinorum, & genera mergonum; quæ solùm de piscibus viuunt. Illarum verò quæ de campestribus solùm viuunt, aliæ acquirunt sibi cibum in aquis, vel circa aquas, vt cinni, qui viuunt de herbis, granis, & fructibus, quæ priusquam comedant in aqua remolliunt, propter teneritatem rostri. Aliæ de prope, & à longè ab aquis vbi melius inuenire possunt, vt genera anserum, quæ viuunt de herbis granis, & segetibus, & huiusmodi. Illarum verò quæ de vtrisque viuunt, aliæ viuunt de piscibus, & reptilibus aquaticis & terrestribus, vt sunt modi Ayronum, qui viuunt de piscibus, ranis & serpentibus, muribus, & huiusmodi: Aliæ de piscibus, herbis, fructibus & granis sicut anates. Ex prædictis patet, quòd quædam auium aquaticarum natant & comedunt pisces, quales sunt modi mergulorum, pellicani, corui marini, & huiusmodi. Quædam natant & non comedunt pisces, vt maneries cinnorum. Quædam non natant & comedunt pisces, vt modi Ayronum, & sibi similibus. Quædam non natant, neq; comedunt pisces, vt sunt multi modi picarum, quæ sunt aquaticæ, neque natant, neque comedunt pisces.

CAPITVLVM V.

De exitu Aquaticarum de aquis
ad pascendum,

Octo de diuersitate ciborum quibus v-
 tuntur aues aquaticæ requiruntur dicere;
 quando exeunt ad pascendum, illę scilicet quę
 pascuntur extra aquas, & quoties exeunt per
 diem, & quomodo exeunt ad pascendū, & re-
 deunt de pascuis ad aquam, & quo ordine, & ad
 quę loca, & quare redeūt ad aquā, & quomodo
 stant in aquis quiescentes. Exeunt autem aues
 aquaticę, quę ex aquis exeunt ad pascendum in
 die, & hoc est cōmune omnibus auibus huius-
 modi aquaticis, exceptis quibusdam, quę adeo
 sunt debiliū motuum & modici volatus,
 quòd præ timore quem habent de auibus rapa-
 cibus, per diem volare non audent, neque ad
 transmutandum aquas, neque propter sui pa-
 stum, de nocte verò exeunt & volant, vt qui-
 dam modus mergonum, & fullicarum, & plu-
 res earum quę habent malum volatum; certis
 autem horis diei exeunt aquaticę ad pascen-
 dum, & certis horis redeunt à pascuis, mane
 namq; circa ortum solis exeunt ad pascendum,
 & morantur in pascuis vsq; ad tertiam, & ali-
 quando minus, aliquando plus, cū enim dies
 æstuosus est, minus morantur, & cū dies est
 nubilus & non æstuatus, plus morantur, circa
 tertiam verò diei redeunt ad aquas & illic mo-
 rantur & quiescunt vsq; circa nonam, & tunc
 iterum exeunt ad pascendum, & morantur in
 pascuis vsq; ad occasum solis, & tunc secundo
 redeunt ad aquas, quiescentes in eis tota nocte,
 anticipant autē horas exeundi & redeundi se-
 cundum intentionem & remissionem caloris
 in die, vt prædictū est. Plures etiam huiusmodi

B a

de aqua-

de aquaticis pernoctant aliquando extra aquas pascendo, præcipuè cum splendore Lunæ, & huiusmodi sunt anserum modi, quæ sunt aues multum comedentes, & comedunt herbas & cætera quæ videre possunt in nocte cum lumine Lunæ, hoc autem faciunt maximè quando noctes sunt longæ, nam eis non sufficit esca, quam sumpserunt in die. Accidit autem quod anseres maiores & etiam minores pascendo seu volando miscent se cum domesticis anseribus, & nulla de ipsis remanet cū domesticis, quemadmodum plures de domesticis recedunt cum eis, & fiunt agrestes, facilius enim est ad naturam redire, quam consuetudinem retinere, beneficio siquidem pastus & nutrimenti, non solum aues sed plura animalium cōuersantur inter homines. Alij autem modi aquaticarum & mediarum non pernoctant extra aquas, nec pascuntur in nocte, quia sunt aues modici cibi, & quæ pascuntur grana radices herbarum, & similia, quæ non possunt videre de nocte, etiam cum splendore Lunæ, vt pluerij, vanelli, & genera gruum; anates verò & Circellæ, & similes non accedunt istis horis certis, sed pascuntur tota die aquis vel extra aquas. Ex prædictis patet, quotiens redeunt de pascuis, sortiuntur enim omnes horas diei in tres partes, duabus partibus sunt in pascuis, reliqua verò parte ante has in aquis quiescunt, omnibus verò horis noctis stant in aquis, & sic vnam partem faciunt de tota nocte, vnde bis exeunt in die ad pascua, & bis redeunt de pascuis. Modus autem quem

quem habent in exeundo & redeundo multiplex est; aliæ enim cōgregantur cum alijs eiusdem speciei, & diuisim in multas turmas exeunt, & redeunt sequentes aliæ alias successiuè, quasi gemino ordine linearum, cōuertentium se in angulum: rarò verò aut nunquam associabunt se in numerum alterius speciei, sed manent vt plurimum anseres cum anseribus, anates cum anatibus, circellæ cum circellis, grues cum gruibus, & sic de alijs. Et si quando contingat illas associari auibus alterius speciei, non hoc faciunt, vt cum eis remaneant, sed quia quando vident alias ire, volunt ire & ipsæ: postmodum verò statim dissociabunt se ab eis, & quælibet redibit ad alias suæ speciei. Aliæ verò non seruant istum modum, sed confusè exeunt & redeunt, & sine ordine, aliquando associatim, aliquando singulariter, vt vanelli & huiusmodi. Hæ aues & cæteræ tam mediæ, quàm terrestres, quæ non sunt rapaces, pro eo quod non indigent præparatione cibi sui, vt ipsum deglutiant, nam ipsum inuentū granatim deglutiunt, & siue grana siue pisces siue vermes comedant, tam volatiles quàm non volatiles, tam citò deglutiunt, quod si aliæ aues hoc videant, quæ viuunt de similibus cibis, non possunt tam celeriter currere, quin illæ prius deglutiissent, non curant solitariè pasci, sed associatim volant, & pascunt cum alijs suæ speciei.

De ordine exitus ipsarum ad
pascendum.

ORdo autem exitus aquaticarum & mediarum de aquis ad pascendum ad plus, est hic: prius exeunt species anserum minorum, deinde grues, postmodum species anserum maiorum, vltimò verò bernecelæ, & quidam modus anserum paruarum incedentium cum eisdem simul quæ dicuntur blenectæ, & subsequenter alij modi auium aquaticarum.

Ordo reditus hic est: Bernecelæ & Blenectæ prius redeunt ad aquas, deinde grues & anseres, postremò verò & cætera multitudo. Loca ad quæ exeunt ad pascendum sunt secundum diuersitatem escæ, qua vtuntur diuersa, & secundum diuersitatem temporum, vt dicitur infra, docendo loca in quibus inueniuntur aues, ad quas iactari debent falcones & ceteræ aues rapaces. Anates verò & ceteræ aues aquaticæ similium specierum, exeunt libentius & sæpius ad pascendum temporibus pluuiosis, propter quod & in hyeme magis, & multò sæpius in Septembri Octobri, Nouembri, maximè diebus pluuiosis. Hoc autem faciunt cum pluuiæ deponunt semina herbarum, & fructus arborum, & dumorum, quæ omnia in suo cursu congregant & deportant ad loca riuulorum, Riueciarum, & ad cetera loca minora collectiua aquarum. Hæc ergò sunt loca, hæc sunt tempora, quando & quo exeunt libentius & sæpius. Non
solum

solum autem anates & aquaticę huiusmodi tunc exeunt libentius ad pascendum, sed etiam omnes aues quę viuunt de vermibus quos cauant sub terra, & quos inueniunt super terram, vermes enim hoc tempore & his locis generantur amplius, & exeunt de suis habitaculis ad superiora terrę, fugiunt namq; aquam, quę est eis nociua, & facilius est eis penetrare ad fursum propter superficiem remollitam, quàm ad deorsum, vbi est solidum.

CAPITVLVM VII.

De reditu aquaticarum ad aquas
seu loca aquosa.

Loca verò ad quę redeunt sunt aquosa, quemadmodum sunt lacus, stagna, paludes, flumina magna & modica, quę dicuntur Riuierę, & cętera loca vna collectiua aquarum, quę dicuntur à quibusdam plaçterię, libentius autem & sępius huiusmodi aues redeunt ad flumina lapillosa, spaciosa, & sępissimè ad insulas, & quę sunt in eis. Propter hoc autem redeunt ad loca aquosa in die, vt illic maneant tutiores contra feras, lustras scilicet, vulpes & huiusmodi, & contra aues rapaces, quę rapaces parum possunt in aquis; nam aquaticę se submergunt in eis ad defensionem suam. Alijs etiam modis habent defensionem suam in aquis. Debilis verò auis aquatica maiorem defensionem habet in aqua, quàm alia fortior extra aquam.

CAPITVLVM VIII.

De statu quem faciunt in aquis tam dormi-
miendo,quàm non dormiando.

Hic autem est modus,quem habent stando
in aquis & dormiando. Illæ aues aquaticæ,
quæ natant, aliquando manent in aquis natan-
do, & aliquando prope ripam, tenendo pedes
suos in terra sub aquis vsq; ad genua, vel vnum
pedem solum. Illæ verò, quæ non natant, siue
sint aquaticæ, siue sint mediæ, tenent aliquan-
do suos duos pedes in terra sub aquis, aliquan-
do vnum vsque ad genua, vel supra, secundum
quantitatem aquæ. Maior verò pars aquatica-
rum & non aquaticarum quando dormiunt, po-
nunt caput suum retro spatulas suas supra dor-
sum, & tam natantes, quàm non natantes super
vnum pedem dormiunt, quæ ideo tenent ca-
put inter spatulas, vt rostrum quod est corneum
& frigidum, & caput etiâ calefiat: per hanc ca-
lesfactionem enim humiditas ipsius capitis faci-
lius dissoluitur & repellitur, quæ per frigus
congelaretur. Imò & de facili fieret morbus in
capite, qui dicitur id est, petrifica-
tio, phlegmatis in capite. Super vnum pedem
verò dormiunt non solum aquaticæ, sed ferè
generaliter omnes aues, vt leui somno dor-
miant, & citius excitentur, quod faciunt, vt
imminentia nocumenta facilius sentiant & fu-
giant, Aquaticæ verò cum dormiunt, ad hoc te-
nent vnum pedem in aqua, vt quando aliquam
feram contingeret aquam intrare, aut aliquid
aliud

aliud nocium eis, ipsæ sentiant facilius motus aquæ. Aqua namque pro eo quod humida est, & malè terminabilis proprio termino, mota circulariter, mouet aliam partē sibi continuam etiam circulariter, & sic prouenit motus, desistente primo motore, vsque ad crura auium. Aues verò sentientes sua crura tangi, excitantur protinus & sibi cauent, & omne corpus quantò super plures bases steterit, firmitus stat, & difficilius est commoueri, quantò verò super pauciores, contrarium. Propter hoc dormientes super vnum pedem, facilius commouentur & excitantur. Præterea omne dormiens cum timore, facilius excitatur, sed omnes huiusmodi aues cum timore dormiunt naturaliter; igitur sic dormientes facilius excitantur. Sunt & aliæ rationes, quas Manfridus Rex Siciliæ quondam, Diui Augusti Imperatoris, huius libri auctoris filius addendas curauit, cum librum ipsum corā se legi mandauit. Cùm aues omnes tam aquaticæ & mediæ, quàm terrestres tantum laborent pro acquirendo cibo, exeundo, redeundo & stando super pedes, fatigantur valde, sed nocte veniente, qua quiescere consueverunt, cùm stando pedes quiescere volunt, vicissim aliquando super vno, aliquando super alio quiescunt, sicut accidit fessis animalibus ambulabilibus dum quiescere volunt stando supra pedes, quandoq; super vno pede, quandoq; super altero quiescunt. Est & alia ratio, quòd cum pedes auium ferè carne careant, & in eorum compositione sint ossa, nerui lacerti, cutis, &

vngues corneæ, quæ omnia sunt frigida naturaliter, & in somno infrigidentur extrema propter reuocationem caloris & spirituum ad loca decoctionis, pedes ipsi sint naturaliter frigidi, in somno leuiter infrigidantur, vnde cùm infrigidata membra propria operatione deficiant, est necessarium quod calefiant, ad hoc vt viuificentur virtutes & per consequens operationes eorum. Vnde vicissim circa ouariam & ventrem & infra plumas vt calefiant, contrahunt pedes suos, hoc faciendo successiue primo de vno pede, & postmodum de alio consequenter. Si verò ventus est, dormiendo opponunt sua pectora vento, vt pennæ ipsarum iaceant consertæ corpori pendentes ad inferius, quemadmodum innatae sunt, & non iaceant hirsutæ. Nam si ventus veniret, à tergo, eleuaret pennas & plumas earum, & commoueret eas, quare inquietarentur cū deberent quiescere & dormire.

CAPITVLVM IX.

De terrestribus, quibus modis acquirunt sibi escam, quando & quam: Et quare noctuæ exeunt ad prædandum de nocte.

MOtus autem & operationes quas habent aues terrestres volando naturaliter ad acquisitionem cibi, multi sunt. Quædam enim terrestrium auium sunt boni volatus & nullius gressus, vt modus hirundinum maiorum, de quibus dicit Aristoteles, quod sæpe videntur in primo veris, & in autumnno, & in æstate quandoq;

doq; & maximè paulo ante pluuiosum tempus & paulo pòst, habent autem curta crura & debilia; alas verò longas ad modum falcis, quæ in terra posite non possunt ambulare, & de terra vix possunt exsurgere ad volandum, propter quod manent & adherent sæpe in rupibus & in cryptis vt ab alto se præcipitent ad volandum. Quædam sunt boni volatus & mali gressus, vt omnia genera rapacium, & plurima de non rapacibus, & secundū plurimum, omnes aues quæ sunt boni volatus non sunt boni gressus, generaliter verò omnes quæ sunt mali gressus, sunt boni volatus, nam hæc consequentia est generalis, prima verò non. Aliæ terrestriū sunt boni gressus, & nullius volatus, vt strutiones: Aliæ sunt boni gressus & mali volatus, vt perdicum, coturnicum genera, & modus rallorum terrestrium, quæ dicuntur duces coturnicum, & fassiani & similes his. Amplius terrestrium aliæ acquirunt sibi cibum volando, & in aëre capiunt ipsum. Aliæ acquirunt sibi cibum ambulando, super terram & de terra recipiunt ipsum. Illarū verò quæ volando capiunt ipsum, alię comedūt ipsum in aëre, vt modi hirundinū, syrenę & similes, quæ capiunt in aëre, & comedunt modos muscarum, scarabæorum, apum, & vesparum, & ceteros vermiculos volantes, nisi cum capiunt aliquē vermiculum ex habentib⁹ aculeos, qui possent eis nocere nimis in transglutiendo. Ad occidendū verò huiusmodi, & ad præperandū descendunt aliquando ad terram, vel vadūt ad ramos arborū, & præparant, vt nō sit eis nociu⁹ quando

quando deglutient. Alię verò volando suam capiunt
. . . semper stant super terram & super arbores ad occidendum, deprædandum, & præparandum, & ad comedendum ipsam, vtsunt aues rapaces omnes fere, quæ capiunt alias aues in aëre, sæpius ad terram vadunt vel ad arbores vt comedant. Illarum verò quæ ambulando acquirunt sibi escam, aliæ mordicando cum rostro in superficie terræ, & non rasgando cum pedibus, vt bistardæ, cinni, anates campestræ & similes quæ pascuntur semper super terram, herbas, grana, vermes & huiusmodi. Aliæ rasgando cum pedibus sub terra, quando non inueniunt escam super terram, vt perdices, gallinæ, fasiani, pauones coturnices, & similes his. Aliæ rasgant cum pedibus & cum rostro cauando, mordicant ea quæ inueniunt super terram & sub terra, vt genera monedularum coturnicum, coruorum, & earum quæ sunt similes corniculis, & vt modi picarum, ac sturnelli & similes his. Præterea & alios modos multos in acquirendo cibum huiusmodi aues terrestres habent, quos tædiosius esset narrare ad præsens. Cibi verò quibus sæpius vtuntur terrestres diuersi sunt: nam aliæ vtuntur magis alio cibo, quàm carnibus: aliæ carnibus & alio cibo: aliæ carnibus solùm. Illarum quæ vtuntur magis alio cibo, quàm carnibus, quædam sæpius comedunt grana, fructus arborum & dumorum, brucos, & cætera conuenientia sibi, vt perdices, starnæ, phasiani, pauones, franquillini. Coturnices

nices & huiusmodi, quæcunq; sunt modici volatus, vtuntur iisdem cibis, vt modi columbarum & turturum, & facha, quæ sunt maiores columbis & maiores turturibus, & bistardæ, & anates campestræ, quæ sunt in colore & forma membrorum & in pluribus similes bistardis, sed multo minores in quantitate. Quædam nec semina, nec herbas, nec fructus comedunt, sed formicas & modos araneorum, & modos vermiculorū, vt sunt species piconum. Quædam verò de auiculis terrestribus habent cibum de arboribus, fructus scilicet arborum, & vermiculos qui sunt super arbores. Quædam ex herbis, semina scilicet herbarum, & vermiculos qui sunt super herbas. Quædam ex terris, semina, scili. iacentia super terram, & vermiculos, de terra. Quædam verò ex omnibus his indifferenter habent sibi cibum. Illæ verò quæ comedunt carnes & alios cibos indifferenter, sunt genera coruorum, cornicularum & modipicarum, sed carnes quibus vescuntur sunt de morticinis, vel residua de animalibus occisis ab auibus, aut hominibus, aut feris, rarò namque rapiunt a uem aliquam, aut bestiolam, nisi forte infirmam aut debilem, & aues huiusmodi in defectu carniū, pascuntur grana, fructus, vermes, locustas, bruculos, & similia quæ acquirunt super terram, aut sub terra. Illæ verò, quæ comedunt solū carnes, tribus modis sunt: Aliæ enim nunquam comedunt carnes de suo raptu, sed semper morticinas, aut residuas, de quibus prædictum est, vt sunt genera
vultu.

DE ARTE VENANDI CVM AVIB.

vulturum, ossifragorum, & sibi similium. Aliæ vescuntur morticinis carnibus, residuis, & alijs, quas quandoq; rapiunt, vt genus miluorum, & quxdam genera aquilarum ignobilium. Aliæ vescuntur solum illis carnibus, quas habent de suo raptu, & nunquam carnibus cadaueris, neq; residuarum, vt genera falconum & accipitrum rapacium, & similium. Dicto de diuersitate ciborum quibus vtuntur terrestres aues, restat dicere ea quæ sequuntur, sicut dicebatur de auib; aquaticis, sc. quando & vbi, &c. Horæ itaque quibus exeunt aues terrestres de suis mansionibus, non sunt adeo euidenter distinctæ in omnibus auib; terrestribus, quemadmodum in omnibus aquaticis, quæ exeunt ad pascendum. Veruntamen quibusdam terrestribus sunt determinatæ, quibusdam non. Determinatas horas habent ad exeundum omnes ferè quæ sunt modici volatus, vt modus perdicum & starnarum, fasiani, franquillini, & aliæ quæ sunt boni volatus, & maneries columbarum, quæ exeunt manè circa ortum solis, & stant in pascuis suis vsq; circa tertiam, & tunc redeunt ad mansiones suas fructuosas & herbosas. Nam illæ quæ sunt modici volatus, pro eo quod sunt modici volatus, & aues rapaces delectantur rapere ipsas pro bonitate carniū suarum, timent esse tota die extra mansiones suas ad pascendum: imò exeunt in mane ad pascendum prope mansiones suas, & redeunt de pascuis circa meridiem, post noonam verò iterum exeunt ad pascendum, &
stant

stant in pascuis vsq; ad occasum solis, post occasum verò redeunt ad suas mansiones ad pernòtandū in eis, & tutius quiescendum. Tamen sciendum vniuersaliter, quòd illæ quæ in arboribus natæ sunt; & mansionem ibi habent, ad arbores redeunt, quæ verò in rupibus, ad rupes, quæ in fruticibus ad frutices, quæ in terra, ad terram, & sic de cæteris mansionibus omnium auium terrestrium. Sunt & aliæ aues terrestres, quæ exeunt ad pascendum in nocte bis, scil. in crepusculo serotino, & matutino, præcipuè si nox fuerit obscura, in splendore enim Lunæ exeunt, ad prædandum quacunq; hora, sicut sunt bubones & modi noctuarum, & vniuersaliter omnes aues, quæ de nocte exeunt ad prædandum. Nec istud prædari de nocte faciunt pro eo quod sicut asserit Aristot. de nocte vident, & de die non vident: de die namq; vident & de nocte, comedunt auium in die volare non audent. Imo animalia quadrupedia quæ per diem latent, & per noctem exeunt ad pascendum, quæ debilis defensionis sunt faciunt hoc eis accidere, videntur enim per diem ab eis quæ vellent. nocere, & odoratu sentirentur vestigia sua. Similiter est de huiusmodi auibus, & de pluribus quæ sunt debilis defensionis, faciunt hoc ne videantur ab auib⁹ alijs sibi nocere volentibus, omnes enim insurgunt in eis & verberant ipsas, vnde & aucupes ad huiusmodi aues cōgregant alias, quas capere volunt, de nocte verò, pro eo quod cæteræ aues
quæ

quæ inimicantur eis quiescunt in mansionibus suis, tutius volant ad prædandum. Pluribus verò aibus terrestribus non sunt horæ determinatæ, ad exeundum de suis mansionibus ad pascendum in die, sed exeunt mane, vel quacunque hora diurna possunt ad pascendum, & tota die stabunt & volitabunt in suis pascuis, post occasum verò solis redeunt ad proprias mansiones, vt in eis pernoctent securius & quiescant, sicut varix. Cornicum modi & modi monedularum Vultures similiter & ossa similes, auiculæ terrestres, vt sunt alaudæ, couar passerres faciunt, quod & istæ tota die pascuntur si tempus faueat ipsis, & non habent certam mansionem, adeo sibi propriam vt cæteræ aues supradictæ, quamuis postea redeant omnes ad loca in quibus natæ sunt, vel ad similia illis. Sunt etiam aues terrestres quæ pascuntur per diem, & magis à tertia vsq; ad nonam, quoniam tunc inueniunt escam sibi quā capiunt in aëre, vermes volantes scilicet, apes, vespas, scarabeos & huiusmodi, vt sunt illæ quæ dicuntur syrenæ.

CAPITVLVM X.

De modo exitus terrestrium ad pascendum, & de reditu, & statu ipsarum.

Modus autem quem habent aues terrestres in exeundo de suis mansionib⁹ ad pascua, multiplex est, nam quedam congregatę exeunt
intur-

in turmas multarum suæ speciei, quædam verò singulariter: congregatę, vt turtures & columbi præcipuè sturni quæ licet tempore se ab alijs masculus cum femina sua ad pullificandum, tamen diligunt societatem, & visę sunt eo tempore societate. Singulariter verò volant ad acquisi rapaces, & tantum in tempore partus & pullificationis mas cum femina, sicut ceterę. Quarum rapacium quædam, sicut quoddam genus volando capiunt escam suam, locustas scilicet, bruchos & modum scarabeorum, quæ omnia capiunt nō cum rostro sicut alię capiebant, sed cum pedibus, & comedunt eos etiam in volando, quoniam non est eis opus occidere huiusmodi escam, neque præparare: & plures modi autem rapacium dum iuvenes sunt comedunt huiusmodi cibos, præcipuè modi falconum. Et quædam terrestres ambulando exeunt congregatę in multitudine, vt modi perdicum, præterquam in tempore coitus. Alię verò ambulando singulariter exeunt, vt phasiani & coturnices, nisi quando sunt pulli, tunc enim multi sequuntur matrem, quando exeunt ambulantes ad pascendum. Auiculę verò terrestres volitando exeunt huc & illuc per arbores & dumos & per terram, nam de rapaces accipiunt escam. Vultures verò & illę generis habent hunc modum exeundi ad pascendum, rupibus, vel super prospiciunt circum

C

remo-

remotis, vt videant aliqua indicia cadauerum, quæ indicia ab hominibus, si vident eos occidere animalia, vt ad cadauer lupis & huiusmodi feris, quæ venando occidunt animalia. Cùm igitur hæc indicia viderint, recedunt illuc omnes subito & congregantur ad corpus, & si stantes in rupibus altis, aut super arborem non viderint aliquid de signis prædictis ascendunt ad aëra in sublime, circumuolando huc & illuc, vt ad loca magis remota videre possint, & si vnus de ipsis subito descendat ad cadauer, cæteri motus illius cognoscentes quos facit, ad descendendū subito in insequuntur illum, & descendunt congregantes se multi, vbi erit cadauer. Non est ergo tenendum, quod odoratu sentiant cadauer, vt quidam dicunt, sed potius visu, quod expertum est per nos pluries, etenim quando vultures erant ex toto ciliati, non sentiebant carnes proiectas ante ipsos, quamuis odoratum non habebant oppilatū. Experti sumus etiam, quod non rapiunt aues cùm famelici sunt, & videntibus proiecimus pullos gallinæ, & non capiebant illos, nec occidebant, & cùm intro mittant caput suum & collum per strictum foramen cadaueris intus in cadauere extrahendo, quicquid est intus per id foramen, caput & collum eorum est sine pluma, vt in pluribus.

CAPI-

CAPITVLVM XI.

De medijs auibus, quibus modis acquirunt sibi escam, quando & quam.

Mortus & operationes, quas habent aues medix ad acquisitionem cibi multiplex est, nam quædam discurrendo huc & illuc & velociter locum commutando, acquirunt sibi cibum cauando, aut mordicando cum rostro, vt corlini, pluerij, & vanelli & huiusmodi; quædam ambulando & non discurrendo, sed volando de loco ad locum, quando transmutant loca ad acquisitionem, & cauando sc. cum rostro quæ sunt sub terra, & mordendo cum rostro quæ sunt super terram, vt grues: quædam ambulando & piscando cum rostro reptilia, quæ sunt sub terra, aut cætera de quibus viuere possunt, non tamen mordicant cum rostro ad colligendum grana, aut herbas aut fructus arborum vel herbarum, quoniam de huiusmodi non viuunt, vt sunt ciconiæ albæ & nigræ & medix, non natant sed sunt boni volatus & ab aquis sæpe recedunt, & vt maneant in terra, & vt pascantur illuc.

CAPITVLVM XII.

De diuersitate ciborum, quibus vtuntur medix aues.

Diuersitas ciborum quibus vtuntur medix aues talis est: Quædam viuunt nunquam de rebus aquaticis sed de campetribus, scilicet de gra-

36 DE ARTE VENANDI CVM AVIB.

de granis radicibus herbarum, & feminib⁹ fructuum, arborum & herbarum & dumorum & similibus, vt modi gruui, cauant autem libenter radices herbarum, & libentissimè yari. Quædam de vermibus quos cauant sub terra, & aliquando de illis quos inueniunt super terram de locustis scil. bruchis. & cæteris vermib⁹ volatilibus, & non volatilibus, quos inueniunt etiam super herbas, in pratis, & in paludosis locis, & in terris aratis, vt sunt genera corlinorum, vanelli, pluerij, & speciei suæ similes, habentes rostrum longum ad modum corlinorū, quorum maior pars vitæ est, cauare sub terra. Liuercini verò comedunt sæpius scarabæos bruchos & huiusmodi. Quædam comedunt pisces vermes, & reptilia, & comedunt de animalibus lacertas, ranas, mures & huiusmodi, quæ essent hominibus & pluribus animalibus venenosa, vt sunt modi ciconiarum.

CAPITVLVM XIII.

De exitu quarundam mediarum.

EXeunt autem de suis mansionibus quædam de medijs, hora indeterminata, mane scil. vel quacunque hora poterunt, & tota die sunt in locis palcuorum de quibus viuunt, vt corlini, vanelli & huiusmodi. Quædam verò bis in die. Illæ scil. quæ habent mansionem & refugium ad aquas quemadmodum aquaticæ, sicut sunt grues, & bis redeunt ad aquas; & illæ quæ manent in terra, & habent plus refugium in terra, similiter bis in die exeunt de suis mansionib⁹

fionibus ad pascua, vt ciconiæ: Quædam verò non audent exire de die, nocte tamen volant, timent enim de auibus rapacibus, vt liuercini & huiusmodi.

CAPITVLVM XIV.

De exitu mediarum ad pascendum, & de statu ipsarum in locis pascuorum.

Modus exeundi multiplex est: nam quædam de medijs exeunt congregatè, præterquàm in tempore pullificationis, vt grues, corlini, pluerij, vanelli, & huiusmodi: Quædam diuissim, vt ciconiæ, quæ solitariè exeunt, & solitariè stant, & solitariè redeunt, liuercini etià singulariter vadūt ad pascua. Aliæ verò confusè & sine ordine, modò solæ, modò cum alijs.

CAPITVLVM XV.

De reditu mediarum & statu ipsarum in mansionibus.

LOca verò ad quæ exeunt sunt diuersa, per diuersitatem temporum: generaliter verò omnes vadunt ad loca in quibus abundant cibi, quibus vtuntur quælibet species, secundum maneriem ciborum de quibus viuunt. Specialiter tamen dicitur infra, cum dicitur vbi inueniri possunt quando aues rapaces jactari debent ad huiusmodi aues. Redeunt autem quælibet ad suas mansiones, ad pernoctandum illic, vt tutiores sint à feris, propter quod secu-

rius dormiunt : in campis verò per noctem sapius dormiunt vanelli. Ciconiæ verò ad turres, aut arbores, aut alia loca alta, grues verò ad aquam, quemadmodum & aquaticæ, & vniuersaliter omnes aues redeunt ad mansiones quas elegit mater in pullificando, elegit enim conuenibiliores mansiones ad tutelam filiorum, & si non habebunt easdem, eligent sibi mansiones similes illis mansionibus in quæ nidificant matres, quædam tamen pernoctant in campis quiescentes in terris, vt quidam modus columborum, qui habent rostrum croceum, & sunt minores alijs columbis, præter quasdam quæ pullificant in terra, de nocte tamen ascendunt & permanent in arboribus, vt sunt Fasiani, galinæ & huiusmodi. Dormiunt autem & aues mediæ super vno pede, quemadmodum aquaticæ & terrestres, tam rapaces quàm non rapaces, propter id quod dictum est.

CAPITVLVM XVI.

De transitu auium.

Quia iam dictum est de auibus non rapacibus aquaticis, medijs & terrestribus, id quod dicendum erat: nunc videndum est de mutatione locorum, quam faciunt aues secundum mutationes temporum. Verum cum duplicem mutationem faciant, scil. de frigidis locis ad calida, & de calidis ad frigida, dicetur prius de illa mutatione, quam faciunt de locis frigidis ad calida. Hanc enim, postquam & perfectæ viribus & pennis faciunt, & hæc

& hæc mutatio est transitus seu passagium; de frigidis namq; regionibus transeunt ad calidas regiones, de locis natiuitatis suæ ad longinqua. Alia verò mutatio quam faciunt, est post hyemis tempus, scil. de calidis regionibus ad frigidas, idque propter hoc dicitur reditus. Sed quia non omnes aues hanc mutationē faciunt, attendendum erit, quæ transeunt, & quando & quare transeunt, quem modum habent parandi se ad transitum, quod tempus anni, & quarum qualitatum tempora cōueniunt transitui earum, & quæ transeunt prius, & quare prius illæ, quem ordinem tenent dum volant transiendo, de quibus locis transeunt, ad quæ loca descendūt dum transeunt, & ad quæ loca transeunt, quare morantur in locis ad quæ transierunt, & quàm diu.

CAPITVLVM XVII.

Quæ aues transeunt & quando.

TRanseunt autem aquaticæ, siue sint de illis quæ viuunt de piscibus tantum, siue de illis quæ viuunt de piscibus & alijs rebus aquaticis, siue de illis quæ viuunt de rebus terrestribus, & non de piscibus neq; de rebus aquaticis, siue sint de illis, quæ viuunt de rebus terrestribus & aquaticis, quæ nunquam sunt boni volatus. Mediæ similiter transeunt, præcipuè illæ quæ viuunt de vermibus quos cauant e terra. Aues autem terrestres transeunt tam quàm non rapaces, tam magnæ quàm

paruz, non tamen aquaticis namque de medijs & de terrestribus, illæ modici volatus aut infirmæ, hanc mutationem, præcipuè ad loca longinqua facere non possunt. Veruntamen loco huius mutationis, habent aliam ad loca propinqua, vt de montibus ad conualles tempore hyemis, & de vallibus ad montana tempore æstatis; quod faciunt terrestres vt fassiani, pauones, bistardæ, & generaliter omnes secundū plurimum, quæ non incedunt binæ & binæ, scil. vnus masculus cū sua fœmina tempore pullificationis, & tempore hyemis de aquis minus calidis ad calidiores, vt de fluminibus minoribus ad maiora, & de maiorib⁹ ad paludes & stagna & lacus, & de his ad quasdam maritimas propinquas, vel ad aquas fontium de profundo venientium, quoniam huiusmodi aquæ tunc sunt calidiores, & è conuerso tempore æstatis. Hoc faciunt illæ quæ sunt modici volatus, vt modi mergorum & ralli, & illæ quæ sunt boni volatus, quando infirmitate aut debilitate detinētur, hanc mutationem faciunt, non ad loca remota, vt prædictum est. Illæ autem aues quæ propter infirmitatem transire non possunt, cū sint de specieb⁹ transeuntium, in regione in qua manent vocantur Paysanz, & in sua patria commorantes. Aues autem illæ quæ nascuntur & inhabitant in India, & in regione quæ est sub æquinoctiali vel prope, illic nidificant, & suos filios nutriunt donec perfecti fiant, nec indigent vt transeant ad acquisitionem cibi sui aliàs, neq³ vt fu-

vt fugiant nimietatem frigoris. Cùm enim sol bis accedat ad centrum capitis habitantium illic, & bis recedat, & bis superfit, habent duplex ver, duplicem æstatem, duplicem autumnum, & duplicem hyemem, & ideo fructus, herbas, semina, locustas, bruchos & huiusmodi habent in abundantia, nec frigus hyemale est eis infensum, cùm sol non elongetur à capitibus eorum nisi ex viginti tribus gradibus & minutis: Præterea cùm vere & æstate nutrant & per compleant pullos, quemadmodum & ceteræ omnes, si transire vellent fugiendo calorem, vel citra æquinoctialem vel vltra, si est habitatio illic, aut facerent hoc cum motu solis illic, aut è conuerso, si cùm motu solis, sequerentur calorem, sed multò magis indigebant fugere, quando maior erat calor, scil. cùm nidificabant & pullos nutriebant, sed tunc non fugerunt, quare neq; nunc oportet eas fugere aut transire; nisi fortè dicatur de his, quemadmodum & de alijs, quæ non sunt de transeuntibus, quod particularem mutationem faciant de conuallibus & planis ad montana & syluosa, & de aliquis calidis ad frigidas vt fugiant calorem, & è conuerso, vt fugiant frigus.

CAPITVLVM XVIII.

Quare transeunt aues.

CAusæ autem propter quas aues hanc mutationem faciunt, & transeunt ad loca remota sunt plures, vna principalior alijs, quæ est muta-

DE ARTE VENANDI CVM AVIB.

mutatio temporum de calore in frigus, aues enim sicut & cætera viuientia, esse suum, & suam vitam receperunt ex quadam temperie commixtionis elementorum, & propter hoc, cùm temperatū ex temperato seruetur, & ex distemperato calido vel frigido destruat, ipsæ aues ad suum bene viuere quærunt temperiem aëris & loci, & fugiunt immoderantiam frigoris, immoderantiamq; caloris. Vnde vere siquidem & æstate in frigidis locis commodè commorantur, autumno verò & hyeme incommodè morarentur in eisdem, propter hoc transeunt tunc ad calida loca quamuis sint remota. Aliæ causæ sunt minus principales prædictæ, vna videlicet vt illic inueniant sibi cibum. Nam cùm contingat in frigidis regionibus aquas congelari per frigus, & in glaciem firmari, & herbas desiccare, & terram superficie tenus solidari in tantum quod semina herbarum, & fructus, & cætera quæ ceciderunt in terram adhæreant & solidentur cum terra, & vermes qui sunt sub terra tunc non possunt haberi, imò cum scarabæorum modos, vermiculos volantes, apes, vespas & huiusmodi oporteat præ nimio labore deesse, necessariò aues quæ viuunt de piscibus, rebus aquaticis, herbis, & cæteris prædictis cuiuscunque generis sint ipsæ aues, confugient ad loca calidiora, vbi nec aquæ congelantur, nec terræ, nec cibus ipsorum deest. Aues etiam rapaces transire oportet, quamuis possunt sustinere frigus melius cæteris, cùm sint eis calidiores. Nam vt viuant sapius de alijs auibus cuiuscunque

cunque speciei, quas rapiunt, & quas tenere possunt, cum illæ aues quæ sunt esca sibi, transeunt, & ipsæ transeunt sectantes escam suam, & temperiem aëris etiam. Aues etiam minoris quantitatis, vt cardilli, meruli, sturnelli, maluitij, seu turdi, & huiusmodi auiculæ, & propter temperiem aëris, & acquisitionem cibi sui transeunt: sed grues, aprones, anseres, anates, & huiusmodi multo magis propter intemperiem aëris transeunt. Mediæ verò vt sunt ciconiæ, corlini, pluerij, vanelli, & quæcunque habent rostrum longum ad modum corlinorum, pro eo quòd non possunt cauare sub terra ad inuentionem cibi, & liuercini, qui viuunt de scarabæis, transeunt ad loca calida, quamuis sint remota, vt illic viuant. Alia causa est, imbrium, ventorum, & niuium abundantia tunc temporis in regionibus frigidis, quæ omnia contraria sunt volatui auium & vitæ. Alia causa est specialis pro aquaticis auibus & medijs, quæ submergunt se in aquis pro timore auium rapacium, & pro timore, quem habent de feris, manent in aquis ad sui defensionem, conuenit vt per frigus congelans perdant hanc suam defensionem, & fugiant ad calidiora loca, transuolent ubi non congelantur aquæ. Patent itaque causæ, quare transeunt de frigidis regionibus ad calidas, & quomodo illæ aues, quæ non sunt de transitu, secundum mutationem temporum mutationem faciunt ad loca propinqua.

CAPITVLVM XIX.

De modo quem habent aues parandi
se ad transitum.

HAbent autem hunc modum parandi se ad transeundum, non statim quod exeunt de nidis intendunt ad hoc, nondum enim potentes sunt viribus, nec firmæ pennis, vt possint sufficere ad transeundum ad loca longinqua, nec instat frigus compellens eas recedere, nec carent cibo; donec firmantur in prædictis, hoc est, in fine veris, & per totam æstatem, volitant per regiones propinquas nido, & pascuntur confusè hûc & illûc, quandoq; cum auibz suæ speciei, quandoque cum alijs, quandoq; solitariè, recedente verò iam æstate, pro eo quod sentiunt debere aduenire frigidû tempus, dimittunt loca natiuitatis suæ, & congregant se cum auibz suæ speciei, non solum pulli cum pullis, sed indifferenter iuuenes cum senibus, siue sint pulli earû, siue non, & sic congregatæ transeunt & pascuntur in regione sunt diuissim exspectando quousq; tempus eis feruiat ad transeundum. Huiusmodi verò congregandi se, præparandi que locum habent, in aquaticis, omnib⁹ quæ sunt de transitu, & in terrestribz, præter in rapacibus, sicut dicetur in suo capitulo. De medijs verò terrestribz & aquaticis, adeò verû est quod se congregant cum multis suæ speciei, videtur enim quod quamuis sint diuersarum specierum, & valde similia, & quàmuis pascantur in eisdem pascuis,

pascuis, exeunt quasi mixtæ, rarò tamen aut nunquam aues vnus speciei commiscebunt se alijs auibns, nec tantùm sunt propinquæ, sed semper retrahent plus se ad aues suæ speciei, quemadmodum est videre in generibus anserũ, quæ licet vno nomine anseres communi dicantur, & sint plures species anserum, sicut species illarum quæ dicuntur roseræ, & species illarum quæ dicuntur Carboneræ, & species berniclarũ, & species lantabum, Ipse enim quamuis simul videantur in eisdem pascuis manere, tamen se separant illæ quæ sunt vnus speciei ab alijs diuersarum specierum. Amplius, secundum quod frigus successiue & gradatim in quibusdam locis sic ipsæ aues gradatim transeunt de quibusdam locis ad alia, & secundum quod frigus minus potest in vno loco, quam in alio, sic ipsæ in parando se ad transeundũ, plus morantur in vno loco quàm in alio.

CAPITVLVM XX.

De tempore anni, & temporum qualitatibus, ipsarum transitui conuenientibus.

Tempora verò ventosa, quæ conueniunt ad mutandum se ad loca in calore & frigore conuenientia sibi, secundum permutationem temporum, cognoscunt aues quadam vñ animæ presaga futuri, & naturali sensu, qui est eis secundum permutationem caloris & frigoris; vnde ad hyemem & æstatem permutant loca ad transeundum. Igitur tempora autumnũ conue-

cōueniunt, est enim tempus autumnī medium inter æstatem, (in qua susceperunt vires, & percreuerunt eis pennæ) & hyemem futuram, cui⁹ frigora timent. Elegerunt itaque hoc tempus, cum in eo recesserint à frigidis regionibus, & ad calidas accesserint, priusquā hyems veniat. Cauent à ventis contrarijs suo transitui, & ab imbribus & grandinibus, eo tempore in quo non sunt venti, iuuantes autem ventos attendūt, Septrionales siue collateraliter siue directè à tergo faueant eis, & hoc attendunt non minus sapienter, quàm nautæ, cum talibus namq; ventis de duobus laborib⁹ quos faciunt transeundo, vnum in impingendo se, alterum in regendo se in aëre, releuantur, præcipuè ab impulsione sua, tales enim venti impellunt aues transeutes, si enim vtrumque laborem simul haberent, non possent diu volare, nec ad loca longinqua; etiam quando transeunt cum vento, si volunt quiescere alis, possunt, & tamen vadunt, sustinente & prouehente ipsas vento, & si quando non esset ventus vellent transire, magnus labor esset eis, & multo maior si contra ventos transirent, haberent namque tres labores, sustinere se, impellere se, ventis obistere. Visum est namq; quando transeuntibus repente superuenit ventus contrarius, aut imbres magni, aut grandines, aut alia mala tempora, cadunt in mari, & si aliquæ de ipsis tunc possunt ad naues confugere, permittunt se capi, priusquam moriantur, aut quam cum vento contrario retrocedant. Et similiter videmus quod

quodd statim quod venti qui iuuant ipsas ad-
sunt, siue de die, siue de nocte, dimittunt omne
id quod faciunt, siue pascuntur, siue dormien-
tes quiescant, & arripiunt iter suum cum ven-
tis. Vnde & rapaces quib⁹ proiecimus prædam,
iam dimiserunt prædam quam sibi
& comedere volebant, & cum ventis transi-
bant; quæ aues non solum de die, sed & de no-
cte, si eosdem ventos habuerint, transibunt cū
ipsis ventis, & famem & laborem sustinent, quo
vsque fauent ipsi venti. Quæ autem de nocte
transeunt, cognoscitur ex vocibus earum, grues
enim, Ayrones, anseres & anates non ex labore
volandi quem sustinent, vt dicit Aristoteles, sed
magis vt aliæ alias aduocent, audiuntur de no-
cte proferre voces per aëra sursum. Adeo autem
cognoscūt de tempore & de vento, quodd si vi-
derint quodd tempus & ventus dñi debeant du-
rare, & fauere ipsis quousq; transuolent ad loca
ad quæ vadunt, iter arripiant, sin autem, non;
similiter si debiles volatu sint, non attentant
arripere transitum, quousq; certę sint de tem-
pore bono prolixiore, imò remanent vbi sunt,
expectantes ad longius tempus quodd
eis sufficiat. Si verò fuerint aues fortes volatu,
& sufficientes transire, cum illo modico bono
tempore, transibunt ad loca quæ petunt.

CAPITVLVM XXI.

De ordine & transitu auium secundum
prius & posterius, & earum or-
dine dum volant.

De au-

DE auibus autem quæ transeunt, illæ quæ debiliores sunt volatu, prius incipiunt transire & transeunt, vt omnes auiculæ quæ naturam habent transire, sicut modi ciconiarum, & modi Ayronum, quæ in fine æstatis, scil. in fine Augusti, transeunt & recedunt, hoc autem faciunt, ne importunitas temporis primitiua eas impediat, si amplius tardent ad transeundum. Aues verò quæ non sunt adeò debiles in volatu suo, vt suprà dictæ, circa initiũ autumnĩ transeunt recedunt, scil. à medietate Septembris in antea, vt duplex modus gruum, species namq; gruum maiorum & species gruum minorum, potentiores sunt sustinere ventos & pluuias incipientes quàm auiculæ, quàm Ayrones & quàm ciconiæ. Illæ autem quæ sunt fortiores vltimò transeunt, sc. circa vltimum autumnĩ, & hoc est in mense Nouembris, vt anates & anseres, quæ ideo quod possunt melius sustinere ventum, imbres, & alias tēporis asperitates, tardius transeunt, adeo em̃ fortes sunt in volatu, & potentes sustinere frigus, quòd tam de quolibet modo anserum, quam lançarum & Bernicharum, quæ similiter sustinent bene frigus, per totam hyemem, habentur plures in sexto & septimo climate, inueniunt enim illæ herbam de qua viuunt, & sunt boni volatus, propter quod tardius parat. Ad transeundum, & tardius transeunt, sunt enim de fortioribus contra frigus, sunt autem tantæ sagacitatis & industriæ, quod non solum in temporibus dictis transeunt, sed aliquando

quando citius, aliquando tardius, secundum quod vna æstas breuior est alia, aut secundum quod tempora hyemalia citius incipiunt vno anno quàm alio, propter hoc anticipant, aut postponunt suum transitum quælibet species, quæ potius possunt vel melius sustinere calorem vel frigus, vel aliud malum tempus, secundum qualitatem & quantitatem suorum corporum. Amplius, auium eiusdem speciei, sicut gruum aut aliarum, illæ quæ de remotioribus locis Septentrionalibus habent transire, pro eo quod apud ipsas citius incipit frigus, & propter longum iter quod habent facere, citius properant ad transeundum; Illæ verò eiusdem speciei, quæ à minus remotis locis habent transire, quoniam tardius eis aduenit frigus, & quia breue iter habent facere, tardius incipiunt transire. Amplius, si tempus autumnii fuerit aptum & venti fauentes, sine intermissione transibunt, & citissimè complebunt transitum: sed si fuerit ineptum, vt frigus interueniat, & venti non faueant, tardius complebunt transitum suum, expectabunt enim semper, quòd illa temporis asperitas pertranseat, & aues, quantò magis sunt prope æquinoctialem, tanto tardius transire incipiunt. Ordinem autem hunc seruant in transeundo; omnes enim illæ aues, quæ de riuera dicuntur, non confusè volant nec inordinate, quemadmodum volant illæ quæ terrestres sunt; nam terrestres non attendunt in suis volatibus quæ prior sit in illa multitudine, aut quæ posterior, ipsæ verò de riuera ad plus hunc

D

ordinem

ordinem seruant, vna præcedit, aliæ omnes de illa multitudine subsequuntur successiue & in gemina serie, vna series erit à dextris, alia à sinistris, & . . . erunt plures in vna serie, quàm in alia, quæ appropinquabunt præcedenti, vtrumq; in modum linearum, coniungentium ad faciendū quemcunq; angulum, & aliquando in vna serie solū. Et istum ordinem seruant non solū in transeundo ad loca remota, & redeundo de illis, verū etiam in exeundo ad pascua & redeundo de pascuis, vt prædictum est. Vna autem præcedit semper, maximè enim in multitudine gruum, non pro eo quod illa sciat loca, ad quæ ituræ sunt, & aliæ non, sed vt præuideat nocumenta, & alias reddat vociferando aut deniando cautiores, reliquæ namq; in tutela illius quæ præcedit, quæ dicitur Dux, affeçantur in volatu suo, sed quoniam labor est illi Duci diu præcedere, non solū per volatum, sed propter sollicitudinem quam habet, & propter timorem, exit de Ducatu suo, & de ordine, quoniam amplius hunc laborem tolerare non potest, & alia succedit ei in Ducatu, quæ verò exeunt, reintrant ordinem aliarum. Non est ergò verisimile quod scibitur ab Aristotele, quod vna semper sit Dux aliarum, nam si verū esset hoc, non permutaretur Dux, sed semper duceret.

CAPITVLVM XXII.

De quibus locis transeunt, & ad quæ loca transeuntes descendunt.

Loca

LOca autem de quibus recedunt ad transeundum sunt, secundum plus, loca Septentrionalia, quantumcunq; remotiora esse possunt, in quibus aues possint habitare, & loca etiam septimi climatis, in illis namq; locis est maior copia auium aquaticarum & ceterarum, quam in alijs locis citra septimum clima, quod infra patebit. Non solum etiam de illis locis recedunt ad transeundum, sed & de alijs climatibus ferè omnibus, scil. de sexto, quinto, quarto & tertio climate; vt generalius comprehendantur, omnes aues quæ sunt de transitu, per hyemem non remanent in locis quibus nascuntur, sed de illis locis recedunt & transeunt ad calidiora, nam si non transirent, male dicerentur de passagio, nisi fortè infirmitate aut debilitate detineantur in locis suæ natiuitatis. De secundo verò & primò climate, non est opus quòd transeant ad fugiendum frigus, illa nempe climata etiam per hyemem sufficienter calida sunt. Et si de aliquo loco contingat eas transire, transeunt ad loca propinqua, vt prædictum est. Maior itaque pars transeuntium transeunt de locis Septentrionalib⁹, confugientes ad loca Meridionalia. Loca verò ad quæ descendunt, dum durat tempus transitus earum, sunt loca conuenientia unicuiq; speciei earum, sc. ad aliquam terram vnde habeant cibum, vel ad insulas. Sciendum tamen est, quòd postquam transire incipiunt, non descendunt quousq; perueniunt ad locum ad quem transire intendunt, nisi aut necessitate famis quam

DE ARTE VENANDI CVM AVIB.

habent, aut per fatigationem aut per ventum contrarium. Descendunt igitur aut per ventum contrarium vt quiescant à fatigatione, & vires resumant, aut vt pascantur. Sic autè transvolant de regione ad regionem, de insula ad insulam, quousque perueniunt ad loca in quibus hyemare debent.

CAPITVLVM XXIII.

De locis ad quæ transeunt,
& quare.

Loca vero ad quæ transeunt fugiendo frigus, vt in eis hyement, sunt diuersa,

Apparet in autographo aliquot paginas hîc deesse, quibus auctor de locis ad quæ aues transeunt, & de causis cur ad illa ipsa transeant, atq; de earum reditu videtur disputasse. Quæ deinde sequuntur ad disputationem de avium membris pertinent.

pulli à generatione, per quam habent comparationes diuersas. Aues enim si haberent membra sua vnus ferè quantitatis, quamuis diuersarum specierum, vniformi essent comparatione contentæ, sed cùm habuerint membra sua diuersarum formarum ab inuicem, & magis diuersarum à membris avium alterius speciei, necessario varias exercuerunt operationes & multò magis varias ab avibus alterius speciei.

Membra igitur avium sicut & animalium gressibilibus & natalitium, duobus modis fiunt, quædam consimilia, quædam officialia. Consimilia sunt, quorum partes eiusdem naturæ sunt
cum

cum toto, & sunt hæc ossa, cartilagines, nerui, ligamēta cordis, venæ, carnes & pinguedo, panniculi cutis, plumæ, & ungues, de quibus omnibus pauca dicemus secundum se, nisi forsitan in tangendo naturam illorum membrorum, quæ componuntur ex eis, in consimilibus enim membris, secundum eorum essentiam, nullam aut modicam habent aues diuersitatem. Officialia verò membra constituta sunt ex diuersis consimilibus, & partes eorum non sunt eiusdem naturæ cum toto. Quæ officialia distinguuntur ab inuicem & figura, & quantitate, & numero, & positione, & sunt quædam eorum quæ sensui subiacent, quædam verò interiora quæ non subiacent sensui, per quæ vtraque aues exercent operationes sibi necessarias ad saluationem suam, secundum se, & secundum speciem. Nec est opinandum quod propter operationes quas faciunt cum membris, membra ipsa receperint talem suam formam, conuenientem scilicet illis operationibus, sumerent enim causam hoc modo à posteriori, quæ potius sumi debet à priori, membra siquidem prius sunt secundum naturam, deinde virtutes, quæ manifestantur postmodum per actus & operationes suas, quemadmodum actus per obiecta. Patet itaque quod operationes posteriores sunt suis membris, cum sint post virtutes, quæ sunt post membra, omne enim quod est posterius posteriore, est posterius priore multò magis. Sed dicendum quod virtus informatiua, materiam quam habuit in loco debito, naturaliter aptam recipere formas

membrorum varias, coaptauit & immisit in materiam huius auis formam membrorum similem membris parentum, quæ membra suas virtutes nata sunt tam à materia potente eas recipere, quàm à virtute generatiua informate. Præterea si natura generans, membra formasset propter operationes ad quas appropriata sunt, iam vnā speciem fecisset vt aliam perimeret, naturam rapacem vt non rapacem perimeret, ex quo sequeretur, vt vnā speciem creasset ad destructionem alterius, & secundum hoc esset in vna specie beneuola, in altera verò non, imò quod magis est, in vna fuisset beneuola & maleuola, vnaquæq; enim species inuenit in alijs speciebus quod sibi est nocuum. Potius ergò tenendum est, quod in vnaquaq; specie, & vnoquoq; indiuiduo cuiuscunq; speciei, sic natura prouidit & fecit de materia conueniente & habili, omnia illa membra quæ formare potuit cuiq; indiuiduo cōuenientiora, per quæ membra, ipsum indiuiduum perficit operationes sibi necessarias. Hinc est enim quòd vnumquodque indiuiduum, ex eo quod habet talem formam in suis membris, cum virtute insita eisde, appetit operari per vnumquodq; membrum, quicquid formæ ipsius membri conuenientius est. Membra verò officialia exteriora auiū, quæ sensui subiacent, in maiori parte sunt huiusmodi, caput, oculi, aures, nares, rostrum, collū, spatulæ, artus, latera, venter, & anus, coxæ, tibix, pedes, digiti, dorsum, lumbi, branchiæ, cauda, peruncum, & alia huiusmodi. Interiora verò sunt,

sunt, panniculi velantes cerebrum, cerebrum, nucha, lingua, & alia membra, quæ sunt in ore, canna pulmonis, pulmo, cor, casula cordis, diaphragma, item isophagus, gorgia, & intestina, stomachus, splen, epar, renes, testiculi, matrix, & alia plura intrinseca, de quibus omnibus nostri propositi non est dicere; cùm neq; velimus dicere omnes operationes quas aues faciunt secundum quælibet sui membra, illorum verò membrorum officialium exteriorū & interiorum varietatem maximè ponamus, per quæ membra defendit se à nocumentis, & per quæ conuersari habet in proprijs habitaculis, & per quæ sustentatur in aëre, & per quæ mutat loca, & illa quæ necessarium est scire in tractatu nostro de ægritudinibus. Habent siquidem aues membra propria prædictis operationibus, hoc aut multipliciter, aut enim vnum solum membrum vni soli operationi deditum, aut vnum pluribus, aut plura vni, aut plura pluribus. Et nos etiam plexitatem fugere volentes, & quoniam ad nostrum propositum non spectat, non dicemus inquisitè omnia de naturis membrorum, sed illa quæ nostro proposito pertinent, & à capite sumemus exordium.

Caput est membrum continens cerebrum, instrumenta sensuum, est autem constitutum de ossibus multis, craneo videlicet, & alijs multis, de lateribus & nervis præbentibus sensum & motum, de panniculis & de alijs pluribus officialibus membris deputatis sensui, de oculis scil. ad videndum, de aurib⁹ ad audiendum,

de naribus ad odorandum, de rostro & lingua ad gustandum. Est autem caput magni & necessarii iuuamenti, continet namq; id à quo virtutes sunt principales & sensibiles, & motiua, & iuuat in eo q, continet instrumenta sensus.

Aues autem diuersarum specierum, & etiam eiusdem speciei, magnam habent differentiam in capite, scil. in quantitate, figura, in numero partium suarum, & in positione earum. Sunt enim aues magni capitis, respectu sui corporis, vt modi bubonum & noctuarum, pluerij, vanelli, & alia plures. Alia sunt parui capitis in relatione ad suum corpus, vt modus vulturum, bistarda, pellicani, cinni, & alia plures. Alia habent caput proportionatum conueniens reliquo corpori, vt gallina, columba, & huiusmodi. Item quaedam habent caput oblongum, vt anseres, cinni, & alia plures, & in eadem specie sunt quae habent caput oblongum, quaedam magis, quaedam minus. Alia habent caput rotundum, vt corlini, vanelli, pluerij, modusq; auium cauantium sub terra vermes, quae quamuis sint longi rostri, nihilominus sunt capitis rotundi. Item quaedam aues habent caput sine plumis, quaedam verò inuestitum plumis, quaedam in capite carent plumis & lanulis, vt auis quae dicitur galeranus niger campester, habens rostrum & crura nigra, & sicut galeranus varius ex albo & nigro, qui libenter in Syria & in Aegypto, & in Orientalibus partibus sunt, huiusmodi enim in toto capite & vsq; ad medietatem colli, carent plumis & lanulis, & quidam
modus

modus auium comedentium cadauera , quæ sunt albæ, habentes extremitatem alarum nigram, croceum colorem secundū rostrum vsq; ad medium capitis, hæ carent plumis & lanulis; grues etiam in vertice capitis carent plumis, quàmuis habeant pilos plures supra caput, aliæ verò carent plumis supra caput, veruntamen habent illic lanulas, vt sunt genera vulturum, præcipue alborum. Illarum autem quæ habent caput plumosum, aliæ habent caput omninò sine crista, vt aues in maiori parte, aliæ habent caput cristatum. Habentium verò caput cristatum, aliæ habent cristam carneam & tenuem, desuper incisam in multis locis, vt galli, qui habent cristam rubeam super caput, & sub faucibus ad modum barbæ, & sicut sunt quædam aues aquaticæ, habentes rostrum rubeum, crura & pedes, dictæ anates de faraone, quæ sunt varix, ex albo nigro & rubeo, habent enim inter nares & frontem, quoddam tenue carneum rubeum eleuatum ad modum cristæ, non tamen incisum, sicut est galli cristæ, & sicut sunt masculi cuiusdam modi cinnorum, habentium rostrum rubeum, ipsi namque habent super rostrum inter nares & frontem quoddam molle carneum eleuatum, ad modum vnius auellanz, quæ dicitur cristæ eorum. Aliæ habent plumas eleuatas in medio capitis ad modum cristæ, vt vpupæ, & modus quidam psittacorum qui apportantur de India, de hoc enim modo vnam misit nobis Soldanus Babyloniz, albam pennis & plumis superioribus, sub lateribus verò ten-

dentem ad croceum colorem, & quędam habent plumas eleuatas per longum in medio capitis, & perlongatas ad modum crinium vsque ad dorsum, vt omnes modi Ayronum. Modus verò Bistardarum quę habentur in desertis, habent pennas eleuatas in medio capitis per longum vsque ad dorsum, ad modum crinium seu trizarum. Alię verò habent plumas eleuatas super caput dextrorsum & sinistrorsum, ad modum cornuum, vt fagiani, bubones, & noctuarum modi. Alię habent plumas eleuatas super caput dextrorsum & sinistrorsum, & præter hoc plumas dependentes vtrinque à faucibus versus collum, vt quoddam genus mergorum. Et alię habent in medio capitis tres pennas descendentes inferius versus collum ad modum barbæ. Eleuatio autem harum plumarum super alias, apparet euidentius quando aues timent aut irascuntur, nam horripilant plumas, huiusmodi etiam plumę in verè magis cunt & apparent. Item sunt quędam aues quę habent super caput suum, quoddam durum eleuatum ad modum cornu, vt illę quę vocantur gallinę de India. Item quidam visi sunt super habere caput quiddam durum vt . . . de simile speroni suorum . . . & aliquando duo cornua. Sunt præterea & alię plures diuersitates capitum in auibus, tamen parum aut nihil ad propositum valentes.

CAPITVLVM XIV.

Sequitur de oculis.

Oculi sunt instrumenta visus, de quibus quare sint duo, quare in prora capitis locati, & quare altius instrumentis aliorum sensuum, & quomodo constant ex tribus humoribus, septem tunicis, dictum est in libro animalium. Iuuamentum autem oculorum est videre, per quam actionem animal prouidet sibi nocuum & necessarium, vt illud fugiat, & hoc eligat. Differentia autem auium quantum ad oculos multiplex est, in quantitate, colore, & forma, quedam enim aues sunt magnorum oculorum in comparatione ad quantitatem corporis, quedam paruorum, quedam mediocrium, & quedam sunt nigrorum oculorum penitus, vt modi falconum, sed nigredo pupillæ in talibus intensior est nigredine albuginei humoris, & quedam sunt oculorum glaucorum in circuitu pupillæ, quæ nigra est, vt genera accipitrū, & nisorum, quedam sunt aliorum colorum, & aliæ mutant colorem in oculis secundum mutationem ætatum. Oculi autem auium vt in pluribus, clauduntur palpebris inferiorib⁹, quæ sunt in eis longæ, & sufficientes ad hoc, & quarundam auium oculi clauduntur à superiori & inferiori palpebra, carent autem palpebræ pilis; & aues super inducunt velociter suis oculis ad mundificationem ipsorum, quandam pelliculam palpebralem, & velociter retrahunt eandem. In oculis verò non minor est diuersitas, sed

sed ad præsens non ad propositum. Cilia autem, quæ sunt multùm prominentia super oculos ad defendendum ipsos, in auibus rapacibus sunt detecta, & plumis carentia, dura, & sic tenuia, vt ferè incidunt: In alijs verò auibus sunt minus prominentia, & sunt plumosa.

CAPITVLVM XXV.

De auribus.

AVres auium sunt instrumenta auditus earum, quæ sunt foramina duo post oculos, tendentia ad occiput. Ista duo foramina sunt intrinsecus tornatilia, vt torcular, sunt in osse petroso, vnum à dextris alterum à sinistris, nec habent exterius cartilaginem, quæ auricula seu buccina auris dicitur, quod fit in illis auib⁹ solum, quæ sunt de genere bubonum & noctuarū, & in quadā aue quæ dicitur Vhan, hæ enim habent pelliculam circa foramen auris, quæ quando replicatur, præterdit formam buccinæ auris humanæ patentis semper. Aures auium testæ sunt in circuitu, in quibusdam plumis, & in quibusdam pilis duris. Iuuant autem aures in eo quod per eas auditur, & auditu perpendit auis, ex sono sc. delectabile vel detestabile.

CAPITVLVM XXVI.

De naribus, rostro, humeris.

NAres sunt duo foramina in superiori parte rostri; vnum in directo alterius, quibus perficitur odoratus & eisdem anhelatur, & per eas emittuntur superfluitates venientes à cerebro,

bro, vnde & vtrumq; illorum foraminum interius habet duas vias, vnam tendentem ad caput, alteram tendentem ad palatum, illæ autem viæ quæ tendunt ad palatum, in ipso palato vno longo foramine sunt contentæ, quod foramen respicit versus cannam pulmonis. Iuuamentum autem narium iuxta descriptionem earum positum est. Aues enim habent diuersitatem in naribus, nam in quibusdam nares sunt rotundæ, in quibusdam oblongæ, in alijs perfractæ extrinsecus, vt in auibus aquaticis, in alijs est cartilago media inter vtramq; narem, & in quibusdam auibus caruncula est intus in naribus, in alijs prominens vsq; foras, vt in modis falconum, in alijs interius depressa & subiacens, vt accipitribus, & in quibusdam auibus non est caruncula in naribus, & quædam aues habent nares opertas in circuitu pilis duris, vt corui & huiusmodi, & quædam non opertas, & quædam habent nares suas interius tornatiles in modum testæ limacis, vt porfiræ, & quædam non sic, sed rectè perforatas, sunt & alijs multis modis nares & carunculæ auium, quos modos diligens inquisitio facile inueniet. Inter nares verò & oculos, quidam locus est in rostro mollis, & cedens tactui, habens cutem desuper, & duos panniculos subtus, vnum desuper alium, & sub illis est via patula, quæ prætenditur à naribus vsque versus cerebrum, & illinc transit superfluitas à cerebro veniens, & alia via tendens ad palatum.

Rostrum est membrum corneum in capite
auis

auis positum, cum quo sumit cibum, constat autem ex duabus partibus, superiore & inferiore, quæ sunt ei loco mandibularum in alijs animalibus, continentium dentes, partem superiori rostri contiguatur palatum, parti inferiori adheret lingua non tota, & subper iacet ei. Omnes aues mouent inferiorem partem rostri sursum, & superiorem deorsum, quando scilicet est eis necessarium, quàmuis Aristoteles dicat contrariū: hic verò modus in auibus raro est manifestus in rapacibus, sic & in psittaco. Maximè autem iuuantur aues omnes ex suo rostro, in accipiendo cibum intrahendo in os suum, in perungendo pennas suas, in scalpendo, vbi prurit & possunt attingere cum eo, & generaliter omnes defendunt se cum rostro à volentibus nocere eis rostro, & discernunt durum & molle, asperum & lene, tactus enim quamuis sit communis omnibus membris, magis vtuntur in tangendo rostro, digitis & vnguibus. Diuersantur autem aues in substantia rostri, forma, quantitate & cæteris. Aliæ enim habent rostrum durioris substantiæ, vt rapaces, picones, ciconiæ, grues, ayrones & huiusmodi, aliæ mollioris, vt turtures, columbæ domesticæ, & faecha & plures alię. Alijs sunt rostra adunca, alijs recta, & alijs acuta, alijs dentata, & alijs non, & alijs serrata, alijs non. Sunt & aliæ plures formæ, quarum omnium exemplum facile est inuenire, & ex suprà dictis poterunt plurà perpendi. Aues aquaticæ nantes, quæ vtuntur piscibus & non alio cibo, habent rostrum suum talis figuræ, quod conueniebat

niebat eis comedere pisces, habent enim in ro-
stro vnde iuuantur contra lubricitatē piscium,
pisces equidem sunt lubricantes, & aqua facit
iplos amplius lubricare, & subtus fugere, sicut
videtur in pellicanis, qui habent rostrum lon-
gum & latum, asperum deintus, supra & infra,
ex in extremitate extrinseca superiori quasi
ungulam recuruam duram & scindentem, cum
qua capiunt pisces, & projiciunt intus in pelli-
culam, quam habent adherentem inferiori par-
ti rostri quasi saccum, quæ pellicula apta est a-
periri & claudi, in eam namque pisces incidunt
quasi in sagem, eo enim quod longum ha-
bent rostrum non dentatum, neq; incisum in
alterutram partium facile pisces poterant eua-
dere, propter quod adfuit illa pellicula in quam
incidunt & retinentur quasi in Modi
etiam mergorum habent rostrum cum aptitu-
dine, qua iuuantur in piscatione, habent enim
rostrum aliquantum longum & rotundum, in
extremitate curuum & acutum plus pellicano,
dentatum supra & infra vtrinq; subteriori verò
parti rostri adhæret pellicula, quemadmodum
in pellicanis, non tamen tanta in proportionē
sua, quanta in pellicano. Similiter in alijs au-
ibus aquaticis quæ viuunt piscibus, rostrum ha-
bet suam aptitudinem ad capiendum & reti-
nendum pisces, verbi gratia ayrones habent
rostrum longum obrotundum acutum, ante-
rius incisuum, asperum, vtrinq; dentatum. A-
quaticæ verò quæ viuunt herba, secundum plus
habent aptitudinem rostri qua secant herbas,
scil.

scil. rostrum dentatum interius, subtus & suprà, etiam in lingua habent denticulos ad melius incidendum, quas incisas immittunt postea per isophagum ad ventrem. Vniuersaliter autem aues aquaticæ, mediæ & terrestres, viuentes de herbis, granis, & seminibus, vtrinq; habent rostrum aptum vt colligant, transglutiunt.
 aquaticæ habent rostrum. concavū & in mar quasi ferratum, vt sunt modianatum, quæ collectis cibis in rostro suo, commouent rostrum quasi masticarent, & hoc faciunt ex vtroq; latere rostri, vt exeat limus terræ, & ceteræ superuacuitates quas colligunt cum granis & seminibus & alio cibo. Terrestres etiam quæ viuunt granis, habent rostrum aptū, obrotundum, & intus concavum, vt perdicum modi, coturnicum, & huiusmodi. Sed etiam de auiculis habentes rostrum durum, de granis quæ colligunt aptitudine rostri sui rumpunt corticem, & assumendo ejiciunt medullam, vt passerres cardilli, psittacus, & huiusmodi, & hoc accidit vt melius digerant, quia sunt pauci caloris, sed habentes rostrum molle, non habentes aptitudinem eius ad rumpendum corticem, transglutiunt grana cum cortice, tam dura quā mollia, vt columbæ, turtures fakecha, & plures alia rostri mollis, quæ habent calorem multum. Terrestres verò quæ carnibus viuunt solum, habent aptitudinem rostri ad hoc & ungues pedum iuuantes ad hoc idem, quia non possunt ferre granum cum rostro, habent namque rostrum durum aduncum incisum & dentatum,

tatum, vt falcones & huiusmodi, non dentatum, vt accipitres & similes. Quæ verò terrestrium comedunt grana & carnes, habent aptitudinem rostri ad colligendum grana, & ad dilacerandum carnes, vt sunt corui, cornelli, cornicularum modi, picarum & monedularum, & similium, habent rostrum incisium & apertum pro carnibus incidendum, pro grano colligendo. Aues verò mediæ, habent rostra sua diuersimodè apta, nam aliæ habent rostrum concavum, intrinsecus longum, durum, anterius non perfectè acutum, cum quo cauant terram ad extrahendum radices, vt modigrum. Sed illæ mediæ quæ viuunt vermibus quos cauant sub terra, habent rostrum conuenientis formæ ad sumendum sibi cibum, istarum namq; aliæ habent rostrum longum gracile, & anterius obrutundum & durum, vt quidam modus corlinorum, & alię habent acutius, vt pluerij & vanelli, & aliæ habent rostrum longum & curuum ad inferius, vt alius modus corlinorum, & aliæ habent longum & rectum, & in extremitate aliquantulum curuum, vt picariæ & huiusmodi, & aliæ habent & acutum anterius, vt pluerij, vanelli, & aliæ habent longum gracile & recuruum, quæ verò habent rostrum molle, limo molli. Habentium verò longum & gracile rostrum, aliæ habent minus longum, aliæ magis, tamen habent utræque anterius durum & grossum, in modum clauæ, quæ molliorem habent interiorem partem rostri, & mediam, &

E

vsque

vsq; versus caput, quā antèrius, per quod molle discernunt, an sit cibus eorū, quod cauauerunt subter terram, visu namque discernere non est eis aptum, cū non videant terrā dum cauant; sed illæ quæ colligunt grana, & alium sibi cibū super terram, visu discernunt inter cibum eorū & non cibum, nec habent rostrum tam molle, quod gustu possint discernere bene inter cibū & nou cibum. Aliæ etiam formæ rostrorū sunt multiplices, per quas diuersimodè assumūt sibi cibum, quas difficile esset enumerare & longū.

De crista verò quæ superest capitibus, & subest faucibus in quibusdam auibus, & decornibus etiam quæ nascuntur super capita quarundam auium, dictum est, quomodo se habeant, in capitulo, de diuersitate capitum, de eo vero quod superest rostro dicetur, vbi dicetur de rapacibus. Collum verò est membrum quod sustinet caput, & est mediū inter humeros & caput & constat ex plurib⁹ partibus, quoniā continet cannam pulmonis, isophagum, renas, arterias, neruos, lacertos, spondiles multas coniunctas inuicem, ligamentis continuatas. Habuit autē collum plures spondiles, vt sustinendo caput per suas iuncturas & flexiones, portaret caput dextrorsum, sinistrorsum, sursum & deorsum, ante, retrò, ad voluntatem auis, mediantibus musculis & neruis ab occipitio descendentib⁹, & hoc est iuuamentum colli. Diuersitas autem auium in collo multiplex est, quædam enim habent collum longum, & harum quædā plus, quædam minus; aliæ habent collum curtum, & ha-

& harum quædam magis curtum quædam minus curtum. Item aliæ habent collum grossum, aliæ gracile, & aliæ plumosum, aliæ sine plumis lanulosum tamen. Quantitas autem colli in omnibus auib⁹ vniuersaliter posterius protenditur à capite vsque ad principium dorsi, anterius vsq; ad furcam pectoris, & dextrorsum & sinistrorsum vsque ad humeros. Longum collum habent plures de auibus medijs, vt modi gruum, & ciconiarum, & aues aquaticæ nantes non submergentes se penitus, habent longum collum, vt modi cinnorum, & pellicani, & anseres, & non natantes, vt ayrones. Longitudo autem colli aut rostri aut vtriusq; simul necessaria fuit habentib⁹ longa crura cuiuscunque modi sint, maximè pascentibus super terram. Cùm enim corpus sustentetur ab altis cruribus, non possent colligere sibi cibum de terra, nisi haberent longitudinem in collo, & in rostro, aut in vtroque; non tamen illæ quæ habent hanc longitudinem, necessariò habent longa crura, cinni namq; pellicani, & anseres, longitudinem habent, in prædictis, tibiae tamò curtas. Breue tamen collum habent aues terrestres in maiori parte, & breuius quam aquaticæ & mediæ: sed breuissimum omnium habent bubonum & noctuarum modi, & cæteræ aues rapaces, & ideo habent collū fortius, quoniam cum paucioribus iuncturis, ex hoc sequitur, q̄ trahunt validius cum collo, quàm non rapaces, cuiuscunq; generis & modi sint. Grossum collum habent multæ auium, quemadmodū masculi

sculi & fœminæ bistardæ, sed masculis ingrossantur multò amplius tempore coitus, vt quicumque viderit possit iure admirari, nam alijs temporibus ad consuetam grossitiem reuertitur, fœminis verò tempore coitus & alijs temporib⁹ est eadem grossities, cur autem hoc eveniat, inquitendum relinquimus audienti. Gracile collum habent modi corlinorum & ayronum. Plumosum collum habent ferè omnes aues, sine plumis verò, vt modus vulturum. Omnes aues dum volant, tenent collum extensum, præter pellicanum & ayronem, qui collo replicato ad se & contracto volant, ayrones tamen, quando propter timorem conantur, volando extendunt collum. Humeri autem seu spatulæ sunt quibus coniunctæ sunt alæ, & inter humeros collum descendit ad reliquum corpus; sunt autem duo humeri, vnus ad dextram, alius ad sinistram, & sunt altiores lateribus, & ab ipsis incipit distinctio alarum à corpore. Constant autem ex tribus ossibus, nervis, musculis, ligamentis & chordis; ossa verò tria concatenata sunt & colligata in humero hoc modo, os furculæ, quod incipit ab initio altitudinis pectoris, eidem priori alligatur quadam distantia suis cartilaginibus, suisq; ligamentis, quod os furculæ ab illo loco bifurcatur, & vnum protenditur collateraliter à collo vsq; ad humerū, alterum ad alterum humerum, & sic collum intercipitur inter vtramque extremitatem cuiusq; horum, coniuncta sunt autem ad duo ossa colligata sibi inuicem in eodem loco suis ligamentis,

mentis, & illic faciunt angulum, nam vnum quod in extremitatibus suis est angulosum, sed in medio rotundum, descendit ab illa coniunctura & protenditur ad vnum principij pectoris ex sua parte, & ei contiguatur cartilaginibus medijs & alijs ligamentis, alterum verò protenditur ad dorsum, & supponitur costis prope spondila dorsi, hoc autem est curuum, & latum & debile, nullam penitus habens coniuncturam ligamento speciali, neq; colligationem allicui de ossibus in parte illa, vbi autem coniuncta sunt sibi inuicem hæc duo ossa ex parte alæ, quodam modo sunt concaua angulosa & cartilaginosa, & in eorum concauitate vertebrum primi ossis alæ, quod os medici dicunt armum locatum, & locatur & mouetur secundum motus diuersos sursum & deorsum, antè, retrò. Hæc autem duo ossa in coniunctione sua alterius ossis quod est de furcula pectoris, constituunt humerum, cuius humeri iuuamentum est, vt ala firmetur in eo, tanquam in sui centro, circa quod habent suos motus, & expositione ossium spatulæ, ala in suis spatulis motibus detinetur, vt nec plus debito supra ascendat, neque infra plusquam est necessarium descendat, neq; ante neq; retro plus debito relaxetur. Differentia autem in spatulis si tangatur parum prodest.

CAPITVLVM XXVII.

De alis.

Alæ sunt membra, per quæ volatilia habent volare. Sunt autem duæ in auibus, alia dextra,

dextra, alia sinistra, & sunt in auibus ad modū brachiorum in hominibus, & anteriorum crurum in quadrupedibus, constant autem ex pluribus ossibus coniunctis inuicem successiuè, & ideo plures habent iuncturas, quare melius reflectuntur, & nō solū ex ossibus constant, sed ex nervis, venis, arterijs, musculis, chordis, & & cæteris ligamentis; ossa hoc modo sunt ordinata. Loco qui dicitur humerus, coniungitur quoddam os, quod medici dicunt armum, & vbi finit istud os, coniunguntur sibi alia duo ossa, quæ dicuntur focilia, quæ sunt distincta & separata ab inuicem in medio ipsorum, sed in extremitatibus sunt coniuncta & colligata, & vbi finiunt hæc duo focilia, coniungitur ei reliqua pars alæ, quæ videtur in auib⁹ loco manus in omnibus, & continet in se & contiguit plura ossa in diuersas iuncturas minores, ordinata hoc modo: primò sunt ossa minora, collocata super vertebra illius ossis quod coniungitur focilibus, replentia vacuitates illius iuncturæ illic, & iocantia, quorum vnum exit longè extra alam, in auibus quæ percutiunt cum alis, & est durum, cum quo se defendunt & pugnant ipsæ aues, quæ habent ipsum foris prominens, vt in anseribus & cinnis, & in paruis paruum, & in magnis magnum. In hac reliqua parte est vnum os paruum semotum ab alijs, & hoc videtur esse loco pollicis, habens in sui extremitate forinseca quoddam subtile durum & acutum, in modum vnguis. Est & aliud os super isto gracile & debile, sup quod quoddammodo appodiat

appodiat se pollex, sub isto gracili, est aliud os grossius, vnum in suis extremitatibus, diuisum autem in duo, & fenestratū in sui medio, & vbi finit iunctura, alia duo ossa breuia, vnum latius reliquo, extremitati verò latioris, quod est supra paruum, coniunctum est os vltimum alæ, paruum & strictum. Hæc est ordinatio & coniunctura ossium.

Replicationes autem partium alæ hoc modo fiunt: quando ala reducta & recollecta est ad corpus, pars illa in qua est armus, descendit ab humeris iuxta latus, inferius versus ancham, sequens verò pars, quæ incipit à fine armi, & est locus cubiti, ascendit ad superius iuxta latus primæ partis, reliqua verò tertia pars alæ, descendit ab illo loco qui dicitur impulsorium alæ, & gallicè dicitur le bout, vsque inferius. Fuerunt autem in alis ad melius esse plures iuncturæ & reflexiones, & non vna tantum, nam si vna fuisset, aut esset longa, aut brevis, si brevis, non esset sufficiens sustentare corpus auis, neque facere quæ pertinent volatui: si longa, non replicaretur ad corpus conuenienter, nam si replicaretur ad inferius, pertransiret caudam, & impediret sessionem auis, si ad superius, pertransiret caput, & pennæ alæ essent apertæ & non coopertæ inuicem, nec essent tamen idoneæ ad sui operationem, pro eo enim quod aues in diuersas partes habent se mouere necessariò, scil. dextrorsum, sinistrorsum, antè, retrò, sursum & deorsum, si alæ essent contractæ vna iunctura sola, non conueniret ad variandos hos motus,

& si plures habuissent iuncturas quàm habent, cum illæ quas habent sufficiant ad suos motus diuersificandos, alæ essent debiliores, cum omne membrum debilius sit, quantò est plurimum iuncturarum, & essent impedimento cooperaturæ quam faciunt pennæ alarum inter se inuicem, & quarta iunctura si adesset, non replicaretur ad corpus, sed esset de foris, cuius pennæ non essent coopertæ sub alijs pennis vt conuenit, & si essent de foris, essent impedimèto pennis, quæ non essent sub coopertura, & illæ extremæ pennæ, quæ deberent descendere inferius, ascenderent superius, & esset inconueniens. Alis autem in sunt pennæ maiores per longum extremitatis posterioris earum, & plumæ minores insunt alis suprà & infrà, eo modo qui dicitur in capitulo de plumagio. Mouentur autem multipliciter secundum voluntatem auis, scil. sursum deorsum, antè, retrò, extensiuè, & contractiuè, fiunt autem hi motus diuersi per alios & alios lacertos alarū, motus namq; qui fit antè, fit per lacertos anteriores, retrò verò, per posteriores, sursum per superiores, deorsum per inferiores, qui veniunt ab ala vsq; ad pectus, extensiuus verò motus alæ, & contractiuus seu replicatiuus, per alios & alios lacertos fiunt. Auis autem quando volat, motum alæ ad superius non facit, nisi gratia inferioris faciendi, ad hoc enim exaltat alam, vt ab alto descendat infrà melius, & validius, & quæ auis altius extollit alas, & magis ad superiora dorsi replicat, motum inferiorem alarum validiorem faciet, per quem

quem motum subleuatur auis, impellitur & defertur, & quia hic inferior motus fit per lacertos ab alis venientes ad pectus, quarum auium grossiores & fortiores erunt hi lacerti, earum erit etiam hic motus validior, & per hoc impellitur fortius & velocius in volatu suo, de qua re Syllogizabo sic: Omnis auis habens grossiores & fortiores lacertos ab alis ad pectus, habet velociorem & fortiorem hunc motum in alis; Omnis auis habens grossius & densius pectus, habet grossiores & fortiores lacertos ab alis ad pectus: igitur omnis auis habens grossius & densius pectus, habet grossiores & fortiores & velociores motus in alis, & quæcunque habent huiusmodi motum, fortius & velocius volant. Amplius, motus vniuscuiusque alæ, qui fit ad volandum, est quasi pars circularis motus, & omnes pennæ maiores alarum mouentur similiter motu qui est pars circularis motus, sicut namque ala facit in suo motu portiones circuli, sic & quælibet penna alæ facit suam circuli portionem, & quæ penna propinquior est corpori facit portionem circuli breuioris, quæ verò remotior, maioris & amplioris, & portiones circuli quas faciunt singulæ pennæ, sunt de circumferentijs æquidistantibus, & ala quæ facit portionem maioris ambitus, & magis distat à corpore auis, iuuat magis subleuari aut impelli & deportari, quod ait Aristoteles in libro de ingenijs leuandi pondera, dicens quòd magis facit leuari pondus maior circulus. Iuuamentum autem alarum est in eo, quod per

E 5

motum

motum suum fit volatus, quo volant aues, mutant loca ad acquisitionem cibi & aëris sibi cōuenientis, & quo fugiunt nocumenta, Et aliquæ aues defendunt se cum alis & pugnant, & per motum etiam alarum subleuatur corpus auis ad aëra, impellitur & deportatur, & per reductionem & replicationē alarum ad corpus, pars dorsi & latera ab importunitatibus aëris proteguntur. Differunt autem aues in alis multipliciter, nam quædam habent alas breuiores respectu sui corporis, quædam longiores, quædam proportionales. Rursus quædam habent alas longas & pennas alarum longas, quædam habent alas longas, & pennas alarum breues, & quædam habent breues alas, & pennas alarum longas, & quædam habent breues alas, & pennas alarum breues, amplius, quædam habent alas ad similitudinem falcis, multum scil. falcatas, & quædam extensas, & nō multum falcatas. Sunt & aliæ differentię alarum, sed quæ dicta sunt, nunc sufficiant.

CAPITVLVM XXVIII.

De dorso.

Dorsum est illud membrum quod ab inferiori extremitate protenditur vsque ad lumbos, inter alas & latera. Est autem ossuosum, quoniam constat in sui medio per longum ex spondilibus, quæ sunt post spondiles colli, vsque ad principium spondilium lumborum, & vtrunque constant iuxta suos spondiles ex vatione quam faciunt costę cum spondilibus

dilibus dorſi. Iuuamentum autem eius eſt, vt defendat corpus à poſteriori. Diuerſitas auium in dorſo in eo eſt, quòd quædam ſint amplioris dorſi, quædam ſtrictioris, & quædam longioris, & quædam breuioris.

CAPITVLVM XXIX.

De lumbis.

L Vmbi verò protenduntur à fine dorſi vſq; ad caudam, & ſunt duo, dexter & ſiniſter, & in ſui medio continentur ſpondiles à fine dorſi vſq; ad caudam, & vtrinq; continent oſſa lata, concaua deſubtus, quæ dicuntur oſſa anchorum, habentia circa ſui medium quandam concauitatem quæ vocatur ſcia, Iuuamentum autem lumborum eſt defendere renes ab exterioribus nocumentis, & vt vertebra oſſium coſtarum firmentur in foraminibus anchorum.

CAPITVLVM XXX.

De cauda.

C Auda verò auis dicitur quod ſuper eſt ano, protenſum exterius, conſtans ex ſpondilibus exterioribus ſpinæ, extenditur autem vltcrius dilatando, & innafcuntur in ea pennæ maiores. Iuuamentum autem caudæ dicitur, vbi tractatur de plumagio. Aues verò in pluribus quæ habent longum corpus, habent breuiorem caudam, ſed quæ habent breue corpus, caudam longam.

CAPITVLVM XXXI.

De peruncto.

PErunctum est quoddam membrum, quod superest caudæ, constitutum ex geminis quasi glandibus, in medio illarum prope finem est quoddam neruosum, durum, eleuatum ad modum virgæ. Iuuamentum enim huius peruncti est recipere à reliquo corpore humiditatem virulentam, quam receptam & in ipso congregatam, auis cum opus fuerit, comprimendo cum rostro suo suget, & cum eodem rostro pennas suas & ungues perungit, quatenus pennæ melius possint resistere madefactioni, aqua enim pluens super pennas perunctas minus adhæret eis, & integrius & lubricabilius descendit, & pennæ saniores seruantur & ungues, rapacium verò ungues ex peruncto citius vulnerant, & sunt causa citius interficiendi prædam, Inferunt enim per hoc vulnera venenosa. Diuersantur autem aues in peruncto, nam aquaticæ generaliter multum habent de peruncto, & magis quàm medix & terrestres.

CAPITVLVM XXXII.

De pectore.

PEctus est membrum sub sui medio continens cor & defendens ipsum; ab anteriori parte eleuatum, prominens in medio sui per longum exterius, deintus autem concauum. Est verò ossuosum, hoc autem os strictum est, forte, & eleuatū in modum parietis in medietate sui;

pars

pars verò ossis pectoris altera à dextris, altera à sinistris subiacet, & hoc os in superiorib⁹ partibus sui, in quibus contiguatur cum furca pectoris & cum ossibus spatularum, densius & solidius est, in inferioribus verò partibus sui, ubi coniungitur loco qui dicitur ouaria, mollius est & cartilaginofius, ramificatum autem est & distinctum in plures ramos ossuosos, in partib⁹ illis in quibus coniungitur lateribus. De continentia etiam pectoris sunt lacerti, venientes ab vtraq; ala ad pectus vtrinque, & propter hoc conuenienter descendebat os pectoris ab vtraque parte, vt illi lacerti reuerterentur in angulositatibus illis quæ fiunt ex osse medio, & duabus partibus subiacentibus, & est etiam nervus quidam ad longum protensus super altitudinem medijs pectoris, coniungens vtrosq; lacertos illic; & in hoc apparet iuuamentum multiplex pectoris, nam os in sui medio fuit eleuatũ vt obfisteret nocumentis exteriorib⁹, & distingueret lacertos vnus alæ venientes ad pectus à lacertis alterius, quæ distinctio si non adfuisset, non posset moueri vna ala neq; pati, quin moueretur & pateretur altera. Concauitates verò angulosæ adfuerunt, vna à dextris, altera à sinistris, vt in eis locarentur lacerti; nervus protensus in longum adfuit desuper, vt quodammodo velaret & ligaret ad os medium lacertos, vtrinque concauum fuit inferius, vt cederet locum cordi, versus ventrem debuit esse mollius, ne duritie sua læderet mollitiem ventris, & idcirco in pluribus auibus est pannosum pectus inter

DE ARTE VENANDI CVM AVIB.

inter ramos quos diximus, maximè super ventrem. Differunt autem aues in pectore, nam aquaticæ & præcipuè natantes, longius habent pectus vniuersaliter, & habent longius corpus quàm terrestres. Rursus in generibus falconum prominentia magis est rotundior & grossior, quàm in generibus accipitrum & nisorum. Os etiam illud quod eminet in pectore gruvis, habet interiora sua vacua, in qua vacuitate locatur & reflectitur canna pulmonis, in reliqua verò parte sui, quæ solida videtur, non est soliditas, ne nimis esset ponderosum, sed quædam spongiositas, vt esset leuius ad portandum, cuius simile non est in ossibus pectorum aliarum auium, ossa enim magnarum auium respectu sui corporis, minus solida sunt, minusque firma, quàm ossa paruarum respectui sui: nam si essent solida in magnis auibus, essent ponderosa & difficilia ad portandum, in paruis verò solidiora debuerunt esse, vt firmiora essent, & difficilia frangi, ad multos & varios motus, quos habent paruæ aues plus quàm magnæ.

CAPITVLVM XXXIII.

De lateribus.

Latera verò sunt quæ sub alis iacent, inter pectus & dorsum, & penduntur à subaxillaribus vsque ad capita anchorum, & constant ex costis in quibusdam pluribus, in quibusdam paucioribus, & pannis & lacertis colligantibus costas, quæ costæ perueniunt vsq; ad spondiles dorsæ.

dorsi. Est autem iuuamentum laterum collateraliter defendere cor, pulmonem, panniculos, & cætera intrinseca sub eis, quemadmodum pectus, cor ab anteriori parte. Venter verò qui à quibusdam ouaria dicitur, est totum id quod extremitate pectoris protenditur inter anchas & costas vsque ad anum, & etiam magna pars ventris continetur sub ipso pectore vsq; prope cor, continet autem in se stomachum, intestina, epas, splenem, & cætera nutritiua, vt consuetum est dici. Est autem venter desuper pennosus, neruosus, lacertosus, & ideo mollis, extensiuus, vnde superfluitatibus contentis in ipso, & transeuntibus ouis, & humoribus & ventositatibus cedere posset per extensionem suam. Iuuamentum autem eius est, cōtinere membra quæ diximus, & calefacere, & superfluitates deportare exterius. Dicitur est, quòd in loco lumborum sint duo ossa ancharum, longa, cōcaua, inferius lata, habentia circa sui medium quandam cōcauitatem, quam medici dicunt, sciam, & in illa scia locatur vertebrum superius coxæ. Sunt igitur coxæ, crura & pedes, membra sustentantia corpus auis super terram, & per eadem habet auis ambulare super terram, & habere quandoq; defensionem suam, maxime autem per pedes & vngues habent scalpere vbi sibi prurit, raspare terram, illæ scil. quibus hoc conuenit, Et hæc sunt iuuamenta quæ habentur ex coxis, cruribus & pedibus. Constant autem coxæ, crura, pedes, ex ossibus multis successiuè sibi inuicem contiguatis hoc modo; os
COXÆ

coxae quod vnitum est cum suo vertebro superiori, locatum in scia, & illic detinetur nervis chordis & alijs ligaminibus, habet circa se lacertos plurimos, à quibus habet diuersos motus, hoc autem os refertur illi ofsi in alis quod dicitur armus, habens in quibusdam auib⁹ medullam, in quibusdam nullam. Huic verò ofsi cōsequenter colligantur duo focilia cruris quæ sunt in alis, sunt autem duo focilia cruris, vt si vnum pateretur, reliquum remaneat sanum, & illud quod exterius est, quoniam erat paratum recipere nocumenta, grossius & firmitus fuit, & illud minus quod est in crure, adeò est tenerum, maximè inferius, vt illic credatur esse nervus, & quanto plus tendit, tanto plus rotundescit, & subtiliatur, hæc autem duo focilia, quæ nos dicimus constituere crus, à quibusdam appellantur coxa, qui etiam quod superius est appellant supra coxam; os verò vnicum iungitur extremitati duorum focilium inferius, & protenditur vsq; ad digitos pedis, & hanc partem multi appellant crus seu tibiam, nos tamen opinamur magis quòd sit de pede, quemadmodum in fasianis, gruibus & bistardis. Hoc autem os cui applicantur digiti, in quibusdam auibus est tectum corio squammoso, omninò carens plumis, in quibusdam verò non squammoso & habente plumas vsque ad pedes, & in quibusdam vsque ad ungues, & in alijs raras plumas inter squammas, vt in falconibus. Item in aliquibus habet à posterius quoddam carneum acutum longum, vt gallinis, fasianis, pæonibus, in ali-

quibus

quibus verò omninò carent huiusmodi, quod dicitur speronus. Extremitati autem huius ossis, applicati sunt & catenati suis chordis & ligaminibus digiti ipsarum, de quibus in suo capite dicetur plenius. De comparatione autem coxarum ad alas sic se habet: illæ quæ habent grossius & carnosius pectus, habent fortiores alas, & proinde graciliora crura, & coxas, & huiusmodi sunt potentiores in volatibus, quàm in gressibus, sed quæ habent grossiora crura & coxas, gracilius habent pectus, & ideo potentiores sunt in gressibus huiusmodi & paucioris volatus, quàm quæ habent è conuerso. Quod enim recuperant partes membrorum inferiorum, diminutum est eis ex parte alarum.

Replicationes verò iuncturarū in coxis cruribus & pedibus, contrariæ sunt replicationib⁹ iuncturarum in alis, in fursum scil. & deorsum applicando ad corpus, quod patebit si reddantur singula singulis. Item iuncturæ tibiæ & coxarū in auib⁹, replicantur è conuerso iuncturis coxarum & tibiæ posteriorum in animalibus ambulabilibus, ad anterius scil. & non ad posterius, & hoc ideo, vt motum suum in stando & capiendo melius habere possint, cum pedib⁹ enim capere volens, ad anterius capiet, ad posterius verò non potest, hoc modo enim pedes prius vadunt ad capiendum, antè retrò, dextrorsum sinistrorsum, quemadmodū persona auis. Membra coxarum tibiæ & pedum, in auib⁹ aquaticis natatilibus, percre-scunt citius quàm alæ earum, quoniam cum pe-
F
dibus

dibus suis habent in aquis acquirere cibū suum, non cum alīs, & maior sua defēsiō est in aquis natando cum pedibus & submergendo se, hæc ideo membra natura statuit prius complere, deinde alas, in quibus postquam formatae sunt, nascuntur pennae maiores; adest & alia ratio, motus enim pedum quos aues faciunt natando per aquam, attrahunt humores & nutrimentum ad se, ob hoc etiam alae quae non sunt in motu nisi modico, nec est eis opus cum alīs recedere, percomplentur tardius quàm coxae & crura & pedes, in alijs verò avibus quàm in natilibus, non simpliciter se habet ita, sed citius percomplentur in mēbris superiorioribus, cum quibus est eis opus acquirere cibum sibi, fugere nocumentum, & habere defensionem suam.

CAPITVLVM XXXIV.

De digitis pedum.

Digiti autem sunt super quos tanquam super bases suas stabiliuntur crura ex coxae, & per consequens tota avis, & ideo sunt plures, & expansi & remoti ab invicem, quod enim super basem ampliorem firmatur, firmitus stat, ex hoc apparet quoddam iuvamentum ipsorum. Iuvant præterea ad amplectendū ramos & alia super quae stant, & ad alia plura iuvant. Constant autē ex plurib⁹ ossibus, successivè sibi invicem colligatis per suas chordas, suaq; ligamenta, & omnes colligati in unū sunt cum osse prædicto. Sunt autem digiti pedum in pluribus avibus quatuor, in aliquibus tres, in aliquibus duo: habentium

bentium verò quatuor digitos in pede, plures habent tres digitos antèrius, & vnum posterius, pauca verò sunt habentes duos antèrius, & duos posterius, vt picones, & modi psittacorum, & alia applicantes se arboribus. Sed illa quæ habent tantum tres digitos, digito carent generaliter posteriori, ipsos namq; antèrius habent, vt sunt bistarda, liuercini, pluerij, & in maiori parte aues conuersantes in campis lapillosis, aut in torrentibus lapillosis. Auis verò quæ habet tantum duos digitos in pedibus, medium & forinsecum, intrinsecum non habet, ne noceat ei in gressu suo, sicut est strutio, qui habet vtrumq; antèrius, hic quoniam grandis est, fortiores digitos habuit in pedibus, neq; enim sedet super ramos, neq; habet facere multa cum digitis, nisi currere. Item digitorum alij sunt coriales vt cophanus, & vt anser, qui sc. habent corium neruosum & cartilagosum ligans eos inuicem, quamuis distanter, sicut sunt digiti auium aquaticarum natantium, quod ideo fuit, vt impellendo aquam ad posterius maiori copia, se ipsos impellerent in antea melius in natando, & quando sunt plus coriales, tanto magis natant. Alij verò sunt digiti coriales, sed corium deciduum est, vnicuiq; digito adherens collateraliter, vt est videre in fulicis. De habentibus digitos coriales, pellicanus solus habet posteriorem continuatum cum digito anteriori intrinseco, & distat longè à digito anteriori extrinseco, cuius rei simile non est in alijs aui-
bus habentibus digitos coriales, vt est videre in

auibus terrestribus & medijs. Digiti autem pedum nō fuerunt lineares & sine iuncturis, nam ex hoc essent minus habiles ad officia sua, cū enim nō essent flexibiles in circulum, eò quod iuncturas non haberent, ramos, glebas, saxa & alia corpora, magis rotundæ figuræ quàm alterius, quib⁹ insident, sæpius tangerent in puncto vno, sed sicut in geometria legitur, linea tangens sphericum aut circulum, necesse est vt in puncto tangat, quod autem in puncto tangit, minus tangit, & min⁹ amplectitur rem tactam, & ideo fuerunt plures iuncturæ necessariæ in digitis pedum, ex illis enim pluribus iuncturis digiti complicabiles fiunt in circulū, & in pluribus locis tangunt quod amplectuntur, & ob hoc firmiter retinent, quod fuit necessarium auibus, quādo sedent plurimū dum dormiunt super vnum pedem in maiori parte. Replicatio autem digitorum in suis iuncturis ad superiorem partem, non fuit necessaria, ad subteriore verò partem fuit, quatenus brancarent cōuenientius ramos, ad quos confugiunt per sepe, vt illic dormiant, præcipuè illæ, quæ non habent digitos coriales, & quæ nidificant inter arbores; & vt fortius & firmiter retinerent, tenendæ fuerunt plures iuncturæ, præcipuè in digitis anterioribus, sicut dictum est. Numerus autem & dispositio iuncturarum in digitis auium, præcipuè habentium quatuor digitos, tres antè & vnum post, talis est, digitus posterior vnum habet os, & vnam iuncturam, & ideo fortior est, sicut enim omne membrum plures iuncturas habens

habens, minus rigidum & debilius inuenitur, sic habens pauciores iuncturas, rigidius & firmitus inuenitur, quod conueniebat digito posteriori, fit enim appodiatio auis ad posterius super ipsum, & ipse solus sustentat ad posterius, vt tres ad anterius, & iste digitus refertur ad ceteros digitos anteriores, quemadmodum pollex in manu; anteriores primi digiti replicantes se ad posteriorem, & posterior replicans se ad anteriores, circulationem percomplere videntur, & ideo rem inclusam firmitus retinere, & similiter fortitudo respondet fortitudini trium, & falcones feriunt cum posteriori digito, quod falconarij dicunt talum. Alius verò digitus à parte intrinseca, duo habuit ossa & contiguata inuicem, & duas iuncturas vel articulos tantum, vt etiam fortis esset, cum ipso namque stringunt aues fortius quàm cum alijs duobus, & fortius cum illo se defendunt, & super ipsum fortius firmant se, ipse etià directius respicit posteriorem, & ideo cum ipso perficit anteriùs circulum. Medius autem digitus anteriorum, in pluribus longior est alijs, hic habet tres iuncturas ex tribus ossibus contiguatis inuicem, quia amplius debebat brancare quàm alijs, in circulari enim conuolutione, medium obtinebat, replicatio enim digitorum, quando aliquid capiunt, sphericam & circularem formam videntur facere, in qua posterior digitus cum intrinseco anteriori, breuiorem circulum faciunt, medius maiorem circulationem comprehendit, vnde ossa sua longiora sunt, extrinsecus

secus verò quatuor habet iuncturas ex quatuor ossibus contiguatis, est autem breuior digito medio, pro eo, quod sua quatuor ossa sunt breuiora tribus illius, cum autem sit ex pluribus iuncturis quàm alij, debilior est cæteris, nec fuit ei necessaria magna fortitudo, cum ipso namq; auis minus se defendit, & in ipso minus se firmat, hic autē digitus habuit officium concludendi brancationem ex altera parte, & in formam quasi sphericam reducendi, vt pro eo quod habuit plures iuncturas, in pluribus locis rem contentam tangeret, & rem subtiliorem rotundare posset, vt dictum est. Ex his etiam patet mirabilis ordo complementi naturæ in articulis pedum, posterior digitus quem dicunt talum, vnicum habet articulum, digitus verò anterior intrinsecus, quem plures dicunt pollicem, duos habet articulos, sunt ergo tres articuli in his duobus digitis, digitus verò anterior medius tres habet articulos, qui cū prædictis complet senarium numerum, digitus autem anterior extrinsecus, est quatuor habens articulos, quaternarius verò numerus secundum pythagoram, adiunctus senario reddit decem, quem denarium completum numerum vocat; Decem igitur articuli digitorum pedis hoc ordine, & ad prædictam vtilitatem sunt dispositi per naturam. Sciendum etiam quod præter vniuersale corium quod tegit totū corpus, superest cruribus vsq; ad subcoxalia, & per totum pedem & digitos vsq; ad ungues, quoddam corium durius alio vniuersali, in quibusdā auibus

auibus squammosum, in quibusdā non squammosum, in quibusdam plumosum, in quibusdam non plumosum. Cuius corij iuuamentum est munire pedes & crura, quæ sæpius exponuntur tribulis, spinis, lapidibus & aquosis locis, & alijs nocumentis dum gradiuntur aues.

CAPITVLVM XXXV.

Sequitur de vnguibus.

VNgues quàmuis à medicis inter consimilia membra numerentur, quoniam tamen adhærent digitis officialia membra, & ipsi ijdē multa habent officia, dicemus in tractatu officialium de ipsis. Sunt autem vngues qui circumdant extremitates digitorum, solidi, substantiæ cornæ, concaui interius, in qua concauitate recipiunt extremitates digitorum, sunt autem solidati cum carne iuncta sibi, & cum cute suprema, ligamenta eorum sunt chordosa, & ad ipsos veniunt nerui arteriæ, & venæ præstantes eis sensum & naturale nutrimentum. Est autem in extremitate cuiusque digiti vnus vnguis. Iuuamentū autem vnguuium est, ne offendantur extremitates carniæ digitorū à corporibus duris tangentibus digitos, primò sunt iuuamenta auium ad scalpere & raspere, & in pluribus sunt arma, nam cum eis pugnant, rapiunt, & laniant & adhærent solis vnguibus. Auium autem quedam sunt rectorū vnguuium, vt plures de non rapacibus, quedam aduncorū, vt modi rapacium; sunt tamen etiam plures de non rapacibus aduncorum vnguuium, non re-

etorum, vt monedulæ & picæ, & aliæ plures, quod ergo Aristoteles dicit in libro animalium, aues vncorum vnguium idem sunt quod aues rapaces, non sic se habet. Inter omnes aues generaliter habent vnguem mediij digiti anterioris ferratilem à parte domestica, & hoc non sic est in alijs vnguibus, cum isto namq; vngue caput & cætera membra, ad quæ possunt attingere rasant & scalpunt, ex vtroque pede scilicet. Alaudæ verò, cozardi, calandræ & similes his, habent in digito posteriori vnguem longiorem & rectiorem quàm in alijs digitis, & quàm aliæ aues in sua proportionem. Grues etiam habent in digito anteriori intrinseco cuiusq; pedis, vnguem fortem, durum, aduncum & acutum, quasi esset rapacis alicuius, & hoc non habent in alijs digitis, cum quo vngue ex vtroq; pede grues se defendunt, & vt huiusmodi vngues feruentur inhebetati & illæsi, natura stabilivit, quod dum grues stant super pedes, huiusmodi vngues secundum latus, non secundum acumen sui stant super terram. Ciconia verò habet vngues non vt aues aliæ, sed latos sicut homines & simiæ.

CAPITVLVM XXXVI.

De membris interioribus officialibus.

Membra interiora officialia sunt lacerti, craneum, panni velantes cerebrum, ipsum cerebrum, nucha, & alia huiusmodi, quæ sensui non subiacent, de quibus nostri propositi non est dicere perfectè, quæ sint, aut ex quibus constant

constant, nisi ea tantum in quibus aues habent aliquam diuersitatem & manifestationem. Lacerati namq; cùm de carne constant, & nervis, ligaminibus atq; pelliculis vestiuntur, ad hoc iuuant, vt membra per eos moueantur, vnde sunt diuersa ad mouendum diuersa membra, diuersi etiã ad mouendum vnum in partes diuersas. De craneo vero, certum est quod defendit cerebrum, & habet formam suam in qualibet specie auium, secundum diuersitatem capitis superius assignatam. De cerebro, quoniam administrat medullam quomodo ab ipso oriuntur omnes vel mediatè vel immediatè deferentes sensum & ad cætera membra nullam in auib; diuersitatem, de triculis verò id idem De spina verò, cùm non sit nisi contiguatio spondilium omnium in vnum corpus, & conseruans & defendens nucham vsque ad extremitatem caudæ, dicendum quod in quibusdam auib; est longior, secundum quod sunt longioris corporis & longioris colli, & in alijs est breuior, secundum quod sunt breuioris corporis, & breuioris colli, & quod in vna spina sunt plura spondilia quàm in alia. Et spondilia dorsi sunt iuncta inuicem tanta vnitate, vt supra dorsum videantur spondile vnum vsque prope lumbos, vbi est principium ossium ancharum, illic namq; manifestè apparent iuncturæ spondilium, à lumbis verò desuper renes vsq; ad principium caudæ super anum, dilatantur spondilia, & intercipiuntur inter duo ossa

ancharum, & in quibusdam auibus dilatantur plus, in quibusdam minus, & hic locus à quibusdā appellatur crupponus, & solidiores sunt ipsorum iuncturæ, & foramina eorum illic ampliora, vbi verò finiunt ossa ani, qui ab illis est principium caudæ, gracilantur spondilia caudæ, & paulo pōst ingrossantur & dilatantur, vt plures carnes & grossiores lacertos recipiant, & per hoc melius sustineant membra peruncti, & vt pennis maioribus in circuitu nascentibus amplius locus detur, circa finem verò iterum gracilantur. De nucha verò quæ dicitur medulla spinalis, quomodo procedit à cerebro transiens per foramina omnium spondilium, vsq; ad extremum caudæ continuata, & quomodo ingrossatur super renes, vbi foramina spondilium sunt ampliora, & quomodo neruorum paria exeunt ab ea, ita quod inter quæq; duo spondilia est vnum par, cuius paris vnus neruus procedit dextrorsum, alter verò sinistrorsum, non pertinet dicere in nostro proposito. De ore verò & lingua in quibus aues plus differunt, dicamus. Os quibusdam auibus magnum est respectu sui corporis, quibusdā paruum, quibusdam dentatum secundum palatum, quibusdam nō. Non habet etiam os auium vuulam, neque epiglotum, neque dentes, sed pro dentibus habent rostrum, & in quibusdam auibus modicam aut nullam continet linguam, vt in ciconijs & pellicanis, & auibus habentibus rostrum recuruum, ad modum cochlearis, & alijs pluribus, quæ aues propter hoc minimè habent differentias

ferentias vocum, cùm careant instrumentis vocalibus, quæ verò habent linguam, manifestam vocem firman, & voces tantò magis variant, quantò sint eis habiliores linguæ ad motum, quæ enim habent linguam gracilem & agilem, in nostro paruo & gracili, certum est, quod habent plures modulos vocum, vt philomelæ, calandræ, alaudæ, sturnelli, meruli, cardilli, & cæteræ auiculæ, hæ namque & suas voces proprias proferunt, & sonos auditos nituntur conformare, maximè graciles sonos, & aliqua de illis garriunt plus in vere, & in tempore coitus earum, & in tempore sereno, quieto, temperato, & manè plus, sunt tamen quæ die & nocte vociferantur per plures menses veris, vt philomelæ, quæ alijs temporibus silent; sed quæ habent linguam carnosam & grossam, sunt quæ nituntur imitari in gutture suo voces humanas quas sæpius audiunt, vt coruorum modi & picarum, & magis psittacorum viridium modus, & maximè modus alborum, qui modi psittacorum proferunt literam R plus quàm aliæ aues. Hæ autem varietates vocum contingunt ex habilitate linguæ, & aliorum instrumentorum vocalium, maiores verò aues minus habent variare voces, propter ineptiam instrumentorum, sed quæ habent pauciores modos vocum, habent ad minus tres modos vocum, aliam enim habent ad desiderium acquirendi escam sibi, aliam ad desiderium coeundi, mas aduersus foeminam, & è conuerso, aliam quando timent & propter timorem vociferant. Lingua verò in pluribus
auibus

auibus secundum subteriore partem sui ha-
 bet quoddam durum admodum vnguis, quod
 peruenit vsq; ad summitatem linguæ anteriùs,
 ex quo fit durior & firmitior in anteriori parte,
 circa verò sui medium, per transuersum habet
 quandam flexibilitatem, sub quo loco interius
 in lingua quarundam auium est os quoddam.
 Interius autem lingua ramificatur in duos ra-
 mos vtrinq; procedentes vsque ad occiput, qui
 videntur esse neruosi, forma verò linguæ sequi-
 tur, vt in pluribus, formam rostri, vt conten-
 tum continens, & rostro cum re-
 cto in stricto & subtili, stricta & gra-
 cilis, in lato lata, in dentato dentata, iuuans per
 hoc ad incisionem herbarum, in breui breuius,
 in duro & acuto dura & acuta, vt est in modis
 piconũ, qui cum rostro verberant & perforant
 arbores, & acumen linguæ infigunt in vermes,
 & extrahunt ipsos vt comedant. Patet igitur
 q; aues habent diuersitatem in lingua secundũ
 diuersitatem rostrorum. Iuuamentum autem
 linguæ est perficere gustum. In fine verò linguæ
 interius est vnum foramen in lingua, quod de-
 scendit in cannam pulmonis, & nullum habet
 epiglottum, habet enim naturam claudendi se,
 dum cibus aut potus desuper ipsum transit ad
 subsequens foramen, quod descendit ad iso-
 phagum, illac transit cibus & potus. Sunt etiam
 in superiori parte oris, scil. in palato, duo fora-
 mina, vnum longum præcedens, quod respon-
 det vijs tendentibus ad nares, quibus attrahi-
 tur flatus intrans in cannam pulmonis, aliud
 verò

verò foramē sequitur, istud est in fine palati interiorius, vnde descendunt superfluitates à capite, & hoc tenet officium vululæ secundū hoc.

CAPITVLVM XXXVII.

De canna pulmonis.

CAnna autem pulmonis cartilaginosa & annulosa, hinc descendens vna vsque prope pulmonem, hic enim diuiditur in duas minores cannas, quarum vna vadit ad vnam partem pulmonis, altera ad alteram. Item canna pulmonis descendit vsque ad collum, rectè super spondilia, vsque in loca pulmonis, præterquam in gruibus, canna enim gruū in longum & rectum descendit inter furculam pectoris, & procedit & reflectitur illic inter ossa pectoris, quæ exit inter duastabulas, & reflectitur & regiratur illic supra seipsam duplici giro, deinde peruenit ad pulmonem, diuidens se in duas partes sicut cannae cæterarum auium, hinc est quod aër verberatus & reflexus in tortuositates cannae pulmonis, sonat altius, quapropter grues habent sonoram vocem & altam præ cæteris auibus, sed minores grues non nisi sibilant, vsq; ad annum, & tunc mutant vocem.

CAPITVLVM XXXVIII.

De pulmone.

Pulmo verò auium diuisus est in dextram partem & sinistram, quæ adhærent & collocantur inter costam, & super eas prope spondilia

94. DE ARTE VENANDI CVM AVIB.

lia dorsi, & prolongatur pulmo vsq; versus vltimas costas ex vtroq; latere.

CAPITVLVM XXXIX.

De diaphragmate.

Diaphragma non videtur euidenter in auibus, sed est inter duo spiritualia membra & nutritiua; præter casulam cordis positi sunt multi panni distinguentes nutritiua ad iniuicem, vt epar ab intestinis, & cætera nutritiua similiter.

CAPITVLVM XL.

De Isophago.

Isophagus verò rectè descendit in quibusdam auibus iuxta anteriorem partem colli, & in quibusdam reuoluitur circa collum, vt in cinis & quibusdam auibus, habet supra furculam pectoris quoddam amplum ad modum sacci, quod gorgia dicitur, primò recipit cibum & potum ab ore in eam transmissum, in ea enim cibus & potus calefit, & præparatur priusquam veniat ad stomachum, & in quibusdam auibus supra furcam pectoris nihil habet ampli, neque habet gorgiam, sed protenditur isophagus ab ore vsq; ad stomachum, & vbi continuatur cum stomacho, amplior efficitur.

CAPITVLVM XLI.

De stomacho.

Stomachus verò est membrum ad quod per isophagum mittitur cibus & potus, & in eo dirigi-

LIBER PRIMVS.

dirigitur, & ei continuantur intestina ab inferiori, quemadmodū isophagus à superiori. Hic autem stomachus in quibusdam auibus est valde carnosus, densus & durus, vt in anseribus, anatibus, gallinis & huiusmodi, & in quibusdam auibus stomachus non est carnosus neq; durus, sed neruosus tantum, quantum ad tunicam superiorem & inferiorem, vt in auibus rapacibus. Ab ore itaq; cibus & potus deducitur per isophagum ad stomachum, à stomacho verò post digestionem cibi, superflua deportantur ad intestina, quæ intestina multipliciter sunt inuoluta, & protenduntur vsque ad podicem quod subest caudæ.

CAPITVLVM XLII.

De Epate.

E Par est membrum generans sanguinem diuisum in duas partes, vnā dextram, & alteram sinistram, cui Epati applicatur in quibusdam auibus saccus fellis, sunt namque aues quæ penitus carent felle, vt columbæ & turtures.

CAPITVLVM XLIII.

De Renibus.

Renes in auibus duo sunt, vnus dexter, alter sinister, & adhærent prope spondilia sub ossibus anchorum, protensi vsq; versus anum, & viæ deferentes vrinam transeunt sub ipsis, adhærendo eis vsq; ad locum exitus superfluitatum, inde est quod aues emittunt vrinā cum egestionē, nec fuit eis necessaria vesica.

CAPL

CAPITVLVM XLIV.

De testiculis & matrīce.

IN principio renum super spondilia, adherent in masculis auium duo testiculi, vnus dexter, alter sinister: In fœminis verò illud membrum in quo creantur oua, quod membrū etiam dici potest matrix, modica autem est diuersitas in auibus, quantum ad testiculos & matricem.

CAPITVLVM XLV.

De plumagio auium generaliter, comprehendente quædam similia pilis, lanulas, plumas, pennas.

DIximus de diuersitate quam habent aues in membris, & in iuuamento ipsorum quantum expediebat, dicemus nunc de plumagio auium, quod sequitur membra ipsorum, & fundatur in membris. Est autem plumagium de superfluitatibus exeuntib⁹ à corpore auium, sicut pili à corpore quadrupedum, & squammæ à corpore reptilium; quod plumagium necessarium est auibus, ad melius esse, scil. ad cooperimentū cutis, per quod à calore & frigore & maledactione defendantur, ad sustentandum volucres in aëre, & ad volandum. Innascitur verò auibus plumagium multiplex, pullis namque nouiter genitis primò innascuntur ille, quæ nec sunt vt pili, neq; vt lanulæ, sed habent naturam inter vtrumque, quæ cooperiunt, & à frigore, quoquo modo defendunt. Secundò innascuntur aliæ quæ dicuntur lanulæ, à quibusdā dumæ, hæ sunt

hæ sunt exiles & molles, densiores & longiores primis, hæ plus cooperiunt & plus defendunt, illis, & his natis cadunt illæ. Tertiò innascuntur aliæ quæ dicuntur plumæ, & simul cum eis illæ quæ dicuntur pennæ, & differunt plumæ à pennis, nam plumas dicimus quæ habent cannulas in radice, & costam procedentem per medium gibbositatis, vsq; ad vltimum earum; hæ plumæ nascuntur per totum corpus, & cooperiunt cutem; sed pennas dicimus quæ habent maiores cannulas, radices sibi, & similiter costam protensam per medium pilositatis vsq; ad summum, hæ sunt maiores plumis, & multo magis sunt ad sustinendum volucrum in aëre, quàm ad cooperimentum cutis, sed præcipuè sunt ad volandum, vt fugiant nocumenta, & accipiant escam, & non nascuntur nisi in alis & cauda. Plumis itaq; & pennis nascentibus, & sua longitudine pertranseuntibus lanulas, ipsæ lanulæ cadunt, & quantò plus crescunt, & lanulæ plus cadunt. Verùm quoniam inter cannulas plumarum, & inter cannas pennarum sunt intervalla spaciofa, & ob hoc corpus illic minus sufficienter cooperiretur, vnde posset intrare frigus, adfuerunt aliæ lanulæ prioribus minores in locis illis, vt cooperiant illic, & calefaciant, & suppleant defectum plumarum & pennarum, hæ lanulæ remanent corpori, vsq; dum mutant plumas, & pennas, hinc est quòd in quibusdam auibus, plumæ habent sub se alias plumas minores adhaerentes cannulis, & ab eisdem exeuntes, vt calefaciant, hæ aliæ, in hoc ge-

G

runt

runt naturam & officium lanularum, & ad hoc in fine cannulæ, vbi finit pilositas plumæ, inferius adsunt ex vtraque parte quædam molles de natura lanularum; sed quæ non habent plumas alias adhærentes cannulis, habent plurimum de huiusmodi lanulis, exeuntibus à cannulis vtrinque & proximius cuti, & vt plumæ melius cooperiant & calefaciant & defendant ab aqua. Inter cannulas quarumque duarum plumarum propin quarum, sibi superest tertia pluma, cooperiens more squamarum in reptilibus, sunt etiam ex hac serie sua protegentes, & protectæ ab inuicem, & magis calefacientes & defendentes à suprâ dictis nocementis.

CAPITVLVM XLVI.

De coloribus plumagiorum.

A Vium siquidem secundū totam speciem, quædam sunt albæ, aliæ magis, aliæ minus, quædam nigre, aliæ magis, aliæ minus, quædam griseæ seu cinericeæ, quædam fulvæ, seu terrestris coloris, quædam variæ ex albo & nigro in diuersis pennis, aut in eisdem, & varietas ex multis coloribus, plus in quibusdam ex viridi & croceo colore. Sunt & aliæ species ex multis alijs coloribus, & sub eadem etiam specie inveniuntur in diuiduo diuersorum colorum, & in tota aue sunt diuersi colores, & quandoque in vna penna vel pluma. Et sunt aues, quæ mutant colorem plumagij, secundum ætatem, vt cinni, qui primo anno sunt bisæ, seu cinericij, secundò mediæ ex cinericio, & albo, tertio deinde fiunt albi magis ac magis, hæc eadem mutatio solet accidere

accidere pluribus speciebus auium, quæ sunt albae secundum speciem. Et sunt aues quæ mutant colorem plumagij tempore coitus, sicut mutant figuram in pluribus suorum membrorum, ut ayrones bisi, quib⁹ tempore coitus florescunt suæ plumæ & pennæ quodam flore pulueroso & bifo; & ex hoc manifestum est, quoniam tingunt pannos quos tingunt alterius coloris colore simili suo, quibus eisdem rostrum & pedes rubent tempore coitus, & ad singulas mutas mutantur colores plumagij. Propter hoc de colorib⁹ plumagij vniuersaliter auium, non est nostrū propositum dicere, pro eo quod ferè innumerabilibus modis sunt in omnibus speciebus auium, nisi tantum in auibus rapacibus, quibus utimur in venatione, & illud non hîc, sed vbi tractabitur specialiter de eisdem, sed dicamus in genere, quib⁹ auibus innascuntur plumæ & pennæ citius, & quibus tardius, & quibus percomplentur in sua magnitudine citius, & quibus tardius. Auibus terrestribus quarum nidus est super terram, & eis parentes non ferunt escam, sed ipsæ statim quod natæ sunt sibi acquirunt, plumæ & pennæ innascuntur citius, & citius completur augmentum plumarum & pennarum, quam illis auibus quarum nidus est super terram, & parentes ferunt eis escam quando natæ sunt, & his & illis citius quàm auibus quarū nidus non est super terram, sed in alto, quibus omnibus habentib⁹ nidum suum in alto parentes ferunt escam, non enim est possibile teneras & nouiter genitas ab alto descen-

descendere, & per se cibum acquirere. Qua de re natura prouidit vtiliter, dare plumas & pennas velocius nidificantibus super terram, cum immineant eis plura nocumenta, de serpentibus scil. vermibus, feris, auibus rapacibus, & de alijs multis, cum quibus plumis & pennis possent nocumenta vitare, parentes sequi, & per se sibi acquirere escam, hæ enim citius videntur volare cum parentibus suis, vt sunt pulli perdicum, fasianorum, coturnicum, bistardarum, & aliarum huiusmodi; etiam illæ quæ nidificant super terram, quib⁹ parentes ferunt escam, sicut sunt alaudæ, cozardi, & plures aliæ, videntur citius volare, quàm nidificantes in altum, nidificantibus enim super frutices, arbores, rupes altas, & super alia loca alta, non imminet tot nocumenta, quot prædictis, & plumæ & pennæ innascuntur eis tardius & percrescunt, quàm prædictis. Pullis itaq; auium rapacium non imminet tot & tanta nocumenta, cum nidus ipsarum in securioribus locis sit, verbi gratia, in rupibus altis, in arboribus altis, & illinc parentes à remotioribus prouident escam; plumæ & pennæ innascuntur tardius & percrescunt tardius, quoniam sunt siccioris naturæ quàm ceteræ aues, quod autem in sicciore aue plumæ & pennæ tardius nascantur & crescant, quàm in minus sicca aue, signum est ex eo, quod videmus de pennis, illa quæ est in sicciore membro, aut in sicciore parte membri, tardius percompletur, quod patet in alis: præterea auibus rapacibus longiores sunt plumæ & pennæ respectu sui corporis,

corporis, quàm cæteris auibus, tam quoniam longiores sunt, tum quod in sicciori corpore, tardius percomplent suam longitudinem plumæ & pennæ. Veruntamen quoniam pulli rapacium expelluntur citius à parentibus suis, quàm pulli aliarum, & vi volatus habent sibi acquirere prædam, & fugere nocumenta, nascuntur eis plumæ & pennæ, crescentes proportionaliter suo corpori fortes & firmæ, non rapacibus verò nascuntur plumæ & pennæ minus fortes & minus firmæ, quàm conueniant corpori earum, quod natis plumis & pennis, & in sua longitudine iam completis, amplius crescit. Auibus autem aquaticis natatilibus, plumæ & pennæ nascuntur tardissimè omnium, quamuis parentes non ferant ipsis escam, cùm enim cōtra nocumētā imminētia sibi habeant defensionem suæ personæ, natando in aquis, & cum in eis inueniant escam, sibi minus fuit necessaria origo pennarum & plumarum à principio natiuitatis suæ, quàm alijs, & quamuis in his tardissimè omnium plumæ & pennæ nasci incipiant, tamē quoniam huiusmodi aues humidiore sunt, & in humidis locis assiduè commorantes, plumæ & pennæ ex quo nasci incipiunt, & citissimè omnium crescunt, & in sua longitudine citissimè complentur, sicut est videre in modis anserum, anatum, & reliquarum natantium, cum collo namque, cruribus, & pedibus natantes per aquam, escam acquirunt, & nocumenta fugiunt multo tempore antequam plumæ & pennæ incipiunt nasci, & quàm mem-

bra alarum sint completa, & si euellantur ab eis plumæ & pennæ, vsq; ad modicum tempus renascentur & completæ erunt.

CAPITVLVM XLVII.

De plumis.

Plumæ verò auib⁹ innascentur & percomplentur ante complementum pennarum, quod fuit vtile ad cooperimentum & tutamen totius corporis contra importunitates aëris, hæ plumæ, quoniam nascuntur in humidioribus locis corporis, & minus remotæ à corde quàm pennæ, & quoniam sunt breuiiores quàm pennæ, percomplentur citius in augmento suæ longitudinis quàm pennæ, & de ipsis eisdem plumis, quantò nascuntur in minus humido loco corporis, à quo habent minus de nutrimento, & quantò maiores sunt alijs plumis, tantò tardius in sua longitudine percomplentur alijs. Depennis verò hoc item manifestum est, vltima namq; penna forinseca alarū, pro eo quod radicitus adhæret ossi, & remotior à corpore, alijs tardius crescit, & percompletur, quàm cæteræ pennæ, quæ pennæ quantò plus nascuntur prope corpus, tantò citius crescunt & percomplentur. Inde est quod illæ quæ dicuntur vani, citius percomplentur quàm decem vltimæ forinsecæ, vani namq; magis sunt propinqui corpori, quàm reliquæ decem; & in pennis caudæ similiter est videre, pro eo namque quod sunt in loco pingui & humido, citius percomplentur pennis alarum, & inter pennas caudæ illæ
dux

duæ quæ nascuntur in medio aliarum, sub quibus duabus aliæ receptantur, pro eo quod sunt in humidiori loco, citius crescunt & per complentur alijs pennis collateralibus sibi, de quibus collateralibus, illæ quæ sunt remotiores ab illis duab⁹ ex vtraq; parte, crescunt & per complentur tardius, quæ verò propinquiore velocius. Dicatur etiam vbi nascuntur plures dumæ & plumæ, & vbi pauciores & de numero penarum in alis & cauda.

CAPITVLVM XLVIII.

De lanulis.

LAnulæ verò siue dumæ plures sunt circa anum, & ante ouariam seu ventrem, hæc enim loca cum intestina contineant, & plurimum sint pannosa, & non habeant carnes ante positas, indiguerunt maiori calefactione; multæ etiam sunt in pectore, quamuis non in tanta copia quanta ante ouariam, pectus enim quamuis carnosum sit, tamen semper est oppositum imbribus & ventis, in lateribus verò pauciores sunt lanulæ, calefiunt namque latera per superpositionem alarum, in dorso verò paucissimæ, cum non obstat imbribus & ventis. Plumæ verò sunt super dorsum, lumbos & vsq; ad caudam, duriores & firmiores, non tamen plures quam in pectore, aut ante ouariam, illic namque sunt plures ratione prædicta, paucissimæ verò sunt in vtroq; latere, alis supplentibus defectum plumarum illic. Plumæ autem, vt dictum est in capitulo de iuuamento membrorum, in capitib⁹

& collo quarundam auium non adsunt omnino, & in quibusdam auibus per totum corpus, sed in coxis & sub coxalibus non per totum, in quibusdam verò in coxis & subcoxalibus totis, vsque ad iuncturam quæ est sub coxalibus, & in quibusdam in coxis subcoxalibus & cruribus vsq; ad digitos pedum, & in quibusdam in his etiam per digitos vsq; ad ungues, sicut est videre in generibus bubonum & noctuarum, & alijs. Fuit autem vtile hoc eis, quoniam nocte volant sæpius irruentes in loca spinosa, ad acquirendam sibi prædam, sed in bubonibus, quæ sunt in digitis magis sunt de natura plumæ, in noctuis magis sunt de natura pili. In habentibus autem coria pedum & squamosa & dura, non innascuntur plumæ, squamis non permittentibus eas nasci, visi sunt tamen modi falconum, accipitrum & nisorum, habere plumas in cruribus & pedibus, quæ oriebantur inter squamas & erant raræ, & hoc accidit rarò.

CAPITVLVM XLIX.

De pennis alæ.

Pennæ verò in alis & cauda nascuntur solum; in his autem locis sufficiens fuit nasci pennas ad subleuandum corpus in aëre, & sustentandum, cum enim expanduntur pennæ alarum per extensionem alarum & caudæ, ventus & aër subleuant volucrem, cuius motus in aëre per motum alarum volatus, est sicut gressibilibus incessus, piscium per aquam natatus, per terram ambulatus. Numerum autem positionem

tionem & iuuamentum pennarū in alis & cauda dicamus. Cæterum quoniam in quibusdam auibus non rapacibus, in alis & cauda pennæ sunt plures, & in quibusdam sunt pauciores, & non semper sunt sub certo & eodem numero, quod est videre in pennis caudarum gallorum, fasianorum, pauonum, anatum & aliarum plurimum, prætermitemus dicere de auibus non rapacibus, & dicemus de ipsis auibus rapacibus, quibus utimur in venatione, Sic namq; expedit nostro proposito, vt infra patebit. In speciebus verò auium rapacium sæpius sunt sub certo & eodem numero, quamuis alterius formæ, sed quod dicemus de pennis auium rapacium, maxime de positione & iuuamento ipsarum, referri poterit ad pennas auium non rapacium.

CAPITVLVM L.

De numero pennarum alarum.

NVmerus itaq; pennarum in vnaquaq; ala est viginti sex, quatuor magis propinquæ corpori, quæ dicuntur corales, & postea duodecim, quæ dicuntur vani, firmiores & duriores soralibus, & alterius coloris & figuræ, demum versus extremitatem alæ, aliæ sunt decem quæ forinsecæ dici possunt, hæ sunt firmiores duriores & longiores illis quæ dicuntur vani, vltima harum decem dicitur faxellus, & de his decem faxellus, & illæ quæ priores sunt faxello, sunt decise & formatæ ad similitudinem curtelli, quod enim de penna distinctè latius est, manu-

brij locum obtinere videtur, & hoc est infra, sed quod distinctè strictius est, locū videtur obtinere ferri curtelli, quod est extra manubrium; & hoc est suprà, propter quod opinamur, quòd dicantur cultellæ, quædam tamen habent plures, quædam pauciores, & quædam habent incisuras vel stricturas longiores, & quædam curtiores, & quædam strictiores, & quædam minus strictas: sunt itaque viginti sex pennæ in ala. Sunt præterea quatuor parvæ pennæ & duræ in ala positæ, extra has decem forinsecas, & adherent illi paruo ossi forinseco, quæ dicuntur esse loco pollicis, hæ quatuor vocantur empiniones, & sunt minores pennis, & maiores plumis.

CAPITVLVM LI.

De positione maiorum pennarum.

Positio autem pennarum maiorum in ala, hoc modo est, & incipiamus ab extrinseco, deuenientes ad illas quæ sunt propinquiores corpori. Vltimò ossi tertiæ iuncturæ alæ quam diximus, adhæret illa sola penna vltima & forinseca, quam dicimus faxellum, & adhæret secundum longum seu cannoli radicis suæ, & peruenit vsque ad illum locum, quo iungitur hoc os alijs ossibus. Alij ossi cui iungitur istud, adhærent tres pennæ maiores, quæ non adhærent tam fixè huic ossi quàm firmè adhærebat faxellus primo ossi, & istæ tres videntur cum faxello magis continguari inuicem quàm cum alijs sex quæ sequuntur. Alij verò ossi quod contiguatur huic, adhærent sex pennæ, quàmuis
non

non tam fixè neq; tam firmè, quemadmodum
tres prædictæ ossi prædicto, & sic tribus his ossi-
bus adhærent decem pennæ, quas dicimus de-
cem forinsecas, hæ verò decem sunt magis con-
tinguata inuicem, quàm cum illis quæ sequun-
tur, & harum decem, quando ala est extenta, v-
naquæque facit angulum acutum cum ala sibi
subiecta exteriorem, interiorem verò obtusum
propter saxellum, qui tam propè adhæret ossi,
quod nullum angulum cum osse subiecto facit.
Ossi verò maiori de focilibus, & est extrinsecū,
adhærent duodecim pennæ seriatim perlon-
gum, quæ dicuntur vani, & hæ sunt vnus for-
mæ, & vnus coloris, scil. alterius quàm illæ de-
cem forinsecæ, hi verò vani extenta ala, faciunt
vnaquæque angulos duos rectos vtrinque cum
osse subiecto. Reliquæ quatuor subsequuntur
has duodecim vanos seriatim, quæ quatuor di-
cuntur corales, & sunt ferè alterius formæ, &
coloris quàm vani. Omnes autem hæ viginti
sex continentur seriatim in cute cooperiente
alam, extenta illuc vnde exeunt cannulæ radi-
cales pennarum, & hæ cannulæ perueniunt vsq;
ad os intus in corio, perforantes præter saxel-
lum, qui adhæret ipsi ossi, vt dictum est. Sunt
etiam in ala supra istas viginti sex pennas seria-
tim, & infra ipsas aliæ pennæ minores illis &
maiores plumis, & sunt duriores & maiores re-
spectu sui, quàm aliæ. Sed vnaquæq; illarum quæ
supràstant decem forinsecis, inter quasque duas
lateraliter collocantur, & perueniunt vsq; ad
os, sc. quantum maiores, & plus: Illarum verò
qua

quæ substant, vnaquæq; adhæret alicui, sc. maiori lateraliter iuxta cannas maiores, & non protenduntur vsq; ad os, quantum protendebantur cannae maiores, & istæ quæ substant illis decem, sunt paræ, debiles & exiles, plus quàm illæ quæ suprà stant. Illæ autem quæ suprà stant vanis & coralibus, non suprà stant collateraliter ipsis, sed directè, vnaquæq; parua supra suam maiorem, & tantum appropinquat ossi, quantum illæ, sed illæ quæ substant vanis & coralibus, adhærent similiter illis non collateraliter, sed directè sub illis, & non protenduntur vsque ad os, sed vsq; ad lacertum subteriore, & sunt debiles & exiles, vt illæ quæ substant decem primis. Et supra has minores, quæ suprà stant maioribus, & sub istis quæ substant similiter maioribus, sunt aliæ locatæ seriatim per ordinem, pennæ minores & plumæ vsque per totam alam, sic munientes & protegentes totam alam & confirmantes aliæ alias. Præterea sunt illæ quæ dicuntur empiniones, in loco vbi diximus. Sic autem sunt propinquæ huiusmodi pennæ inuicem, quod quando extenditur ala, interior medietas forinsecæ per longum cooperitur ad minus ab exteriori medietate illius quæ sequitur eam, & sic de ceteris per ordinem, quod fit vt non sint interualla nocentia volatui; quod autem exterius est de pilositate, extra costam pennarum decem, & multò magis saxelli, durius densius & breuius quàm quod est ex alia parte costæ, hoc fuit necessarium, cum illud latus pennæ esset detectum ex expositum, ad incidendum ventum

ventum & aërem, & quanto plus elongantur à faxello, tanto dilargatur & debilitatur plus, cuius simile est in cauda, quando verò ala replicata est, & reducta in corpus ad replicationes, iuncturis debitis corales cooperiunt vanos, & vani curtellos, quod totum est ad meliorem custodiam pennarum aliarum ab alijs inuicem. Est autem iuuamentum coralium, ut quando extenditur ala aduolandum, munita sit pennis vsque ad corpus, & sine aliquo intervallo, per hoc enim melius sustinetur avis in aëre, quod si corales deessent, magnum esset intervallum inter corpus, & locum vnde incipiunt vani, per tale siquidem intervallum transiret ventus & aër, & aqua pluuiæ, quod totum esset nocumen tum sustentationis & volatus avis, & quando ala esset reducta ad corpus, iam dorsum & vani non haberent sufficiens cooperimentum. Est verò aliud iuuamentum pennarum, quæ dicuntur vani, hæc namque, quando extenditur ala & mouetur ad volandū, iuuant sustentare auem, & impelli ad anterius, maxime ex motu alæ prædicto, & quando ala reducta est ad corpus, vani cooperiunt curtellas, imò omnes illas decem forinsecas. Decem verò forinsecæ habent hoc iuuamentum, quando extenta est ala aduolandum, iuuant sustentare auem, sed magis iuuant impelli ad antea, & hoc est earum proprium, per motus namq; suos semicirculares & æquidistantes, iuuant subleuari pondus corporis avis, & impelli ad ante, & vnaqueq; magis, quando magis exterior & remotior

motior est, sicut prædictum est in iuuamento membrorum, & ideo accidit, quod amissa vna de his decem, auis peius volat, quam amissa aliqua de vanis, & magis nocebit volatui quàm si amiserit vnā de exterioribus, & quando ala reducta est ad corpus, hæ decem iuuant cooperiri latera & calefieri, in quibus lateribus paucę plumę, & paucę dumę naturaliter insunt. Empiniones autem iuuant ad hoc, quod quando auis descendit de alto, coarctat & concludit ceteras pennas ad corpus, & extendit empiniones, nam si expansis pennis & empinionibus descenderet, ventus & aer subleuaret ipsam, & prohiberet eius descensum, & si totaliter conclusis alis, pennis & empinionibus descenderet, ipsa ponderosa descenderet & non regeret se quò vellet, aut quomodo vellet. Cum empinionibus verò expansis solùm, non impeditur in suo descensu, sed descendit regendo se quò vult, & quomodo vult; penne verò supra stantes & substantes maioribus, & aliæ per ordinem supra illas & sub illis, iuuamentum habent concludere & cooperire interualla, quæ erant inter cannas & cannulas pennarum, & confirmare magis pennas. Dictum est itaque de numero, positione & iuuamento pennarum in ala, dicatur nunc de cauda.

CAPITVLVM LII.

De numero pennarum caudæ.

NVmerus autem pennarum in cauda rapacium, vt sæpius accidit, est duodecim. Accidit

cidit etiam aliquando quod sint tredecim vel quatuordecim, vel pauciores, propter abundantiam, vel indigentiam materiæ, sicut est videre in digitis humanis, & in cornibus arietum & in alijs. In auibz non rapacibus, sunt in quibusdam speciebus multo plures, & in alijs pauciores, de quorum numero nō intendimus dicere, vt suprà dictum est. Hoc tamen hīc notandum est, quòd aliquando nomine caudæ intelligimus solas pennas caudæ, & non membrum à quo exeunt pennæ, aliquando verò & magis propriè, membrum illud à quo oriuntur & exeunt pēnæ caudæ, cui membro superest id quod dicitur peruncium in maribus & fœminis.

CAPITVLVM LIII.

De positione & forma pennarum caudæ.

Positio autem & forma pennarum caudæ, hoc modo se habet; rectè à medio membri quod dicitur cauda, secundum longitudinem exeunt duæ pennæ, quæ cooperiunt alias pennas, quando cauda non est extenta, dicuntur coopertoriæ, & naturaliter harum dextra cooperit sinistram, hæ sunt longiores alijs in pluribus rapacibus quibus vtimur, sed in alijs auibz, in quibusdā longiores, in quibusdā breuiiores. Sunt & aliz decem collaterales istis duabus, quinq; ex vno latere, quinq; ex alio seriatim, & per ordinem vna subsequens aliam, quæ decem quando cooperiuntur à duabus cooperculis,

culis, quando cauda non est extenta, dicuntur cooperculę, hę dextrę, illę sinistrę. Cooperculę verò, vt amplius cooperire possent, ex vtroque latere costulę suę fuerunt æqua amplitudine pilosę, reliquę verò latius sunt pilosę à latere intrinseco quàm extrinseco, & secundum quod magis distant ab his duabus, sic strictius sunt pilosę exterius, & pilositate strictiore, & interius sunt pilosę pilositate latiore & molliore, quod patet manifestè in duab⁹ forinsecis pennis caudę, vna dextra, altera sinistra, quod conuenienter accidit propter duas causas dictas in pennis forinsecis alę. Quando vero hę duodecim pennę caudę sunt extentę & expansę ad volandũ, extremitates longitudinis earum faciunt formam in generibus falconum, portionis circuli, & hanc exterius in quibusdam maioris portionis, & in quibusdam minoris: in modis verò accipitrum & nisforũ, non faciunt formam portionis circuli, sed potius æqualem longitudinem linearem. Sunt & alię aues, in quarum caudis huiusmodi forma est arcualis non exterius sed interius, pro eo quod pennę medię sunt breuiore, extreme verò & forinsecę longiores. Sunt verò plures alię species non rapacium, in quibus secundum quod sunt diuersę, sunt & alię huiusmodi formę extremarũ pennarum caudę extendarum. Super has verò duodecim pennas caudę sunt & alię multò minores eis, desubtus verò similiter alię subalbide molliores & longiores illis quę supra stant ipsis duodecim, & hę inferiores à quibusdam dicuntur

tur Bracale. Iuuamentum autem caudæ in auibus est multiplex, ipsa enim expansa iuuat sustentari corpus auis æquo magis pondere, & per adiutorium caudæ, alæ minus fatigantur, & per caudæ motū auis iuuatur habere quatuor motus sursum, deorsum, dextrorsum, & sinistrorsum: illæ verò quæ supstant duodecim pennis caudæ, & illæ quæ dicuntur bracalæ, sunt illic ad claudendum interualla, quæ erant inter cannas illarum duodecim, & ad fortificandū pennas, & ad calefaciendum loca in quibus sunt. Sunt & aues quibus non insunt in cauda pennæ magnæ, quàmuis sint magni & ponderosi corporis, vt grues, bistardæ, cinni, anseres, anates, & vniuersaliter aues aquaticæ, in maiori parte habent breuiorem caudam quàm cæteræ; & sunt aues quæ habent longam caudam respectu sui corporis, vt pica. Generaliter autem pennæ alarum & caudæ in quibusdam auibus, naturaliter sunt longæ, respectu sui corporis, in quibusdam breues, in quibusdam molles, in quibusdam duræ, in quibusdam amplæ, in quibusdam strictæ, & in quibusdam mediocres.

Addidit Rex.

INter modos auium aquaticarum, terrestrium seu mediarum, quædam habent breuem caudam, quædam longam. Omnes verò aues aquaticæ & mediæ, sunt breuem habentes caudam, sicut cinni, anseres, anates, grues, & huiusmodi, generaliter tamen omnes aues aquaticæ, mediæ & terrestres, quarum mansio semper est in terra,

H

vel

vel in aquis, pascetes herbas, seu piscantes, habent breuem caudam respectu sui corporis. Causæ verò, quare habent curtam caudam sunt hæ: prima videl. cum iuuamentis quibus longa cauda iuuare videtur, istæ aues non egeant, eo quod mansio eorum non est in arboribus seu rupibus, ita quod quando vellent à terra super arbores insidere, volando in sursum velint se regere supra caudam, nec resideant in arboribus, quod oporteat eas opponendo se ventorum incursum & alijs obstaculis, se regere & gubernare cum cauda. Secunda est, quia cum earum status sit supra terram ratione mansionis, & acquisitionis cibi, & oporteat eas ad hoc quod cibum inueniant discurrere super terram, & maximè manè vadant ad pascendum, tempore scil. quo herbe sunt plenè rore, ad minus, si caudam haberent longam, madefierent caudæ ipsæ, vnde tam ad reditum suum, quàm ad alium quemcunq; volatum, cauda longa madefacta, noceret potius quàm iuaret, & si hoc accidit pascentibus herbam, multò magis in piscantibus, quæ manent semper in aquis.

CAPITVLVM LIV.

De maneriebus volatuum in auibus.

DICTO de diuersitate membrorum in auib⁹, & de iuuamento ipsorum, nec non & de plumagio, sequitur vt dicamus de natura volatus post illa duo, cum ex illis duobus habeatur. Est autem volatus incessus volatilium per aëra, qui fit cum motu alarum: quemadmodum ambulatio

bulatio est incessus super terram, qui fit per motum pedum, sed nec omne volatile, nec omne alatum dicimus esse auem, cum multæ sint alæ, quæ non sunt auium, sed omnem auem dicimus esse alatam, illam verò solùm auem dicimus, quæ pennata est, & plumosa naturaliter. Et quoniam volatus auium fit cum motu alarum suarum, videnda est diuersitas motus alarum volando, vt per hoc videatur diuersa maneries volatus in auibus. Auium quædam vno motu mouent alas in suo volatu, & illum motum nõ nisi necessitate vrgente mutant; quædam diuersimodè mouent suas alas in volatu, & modos mouendi alas mutant necessitate etiam non vrgente. Illarum quæ vno motu mouent alas in volatu suo, quædam frequenter mouent alas, quædam rarò, quædam neque rarò neque frequenter. Quæcunq; igitur aues habent alas breuiiores, & pennas alarum forinsecas breuiiores, quàm conueniat corpori suo, & quæcunq; habent alas longas, pennas tamen forinsecas alarum breuiiores quàm corpori conueniat, pro eo quod sine multo motu alarum non possunt impelli, neque bene sustentari in aëre, frequenter mouent alas, quæ si habuerint simul cum prædictis dispositionibus, pennas forinsecas alarum strictas & molles, cum interuallis naturalibus vel accidentalibus, frequentius mouebunt alas volando, si verò duras vel amplas sine interuallis, minus frequenter mouebunt alas, pro eo quod amplitudo pennarum & durities earum, iuuant aues melius sustentari & impelli

peraëra. Inter aquaticas aues plures sunt quæ
 frequenter mouent alas, vt modi anatum, anse-
 rum, mergorum, fulicæ, & plures alix; Inter me-
 dias, modus plueriorum, & alix plures; inter
 terrestres, vt franquillini, modi perdicum, fasi-
 ani, modi coturnicum, & quæ dicuntur anates
 campestris, & plures alix, & inter indiuidua v-
 nius speciei, sunt quedam quæ frequentius mo-
 uent alas alijs, & sunt quedam quæ minus fre-
 quenter. Quæcunque verò aues habent alas &
 pennas forinsecas alarum longiores quàm con-
 ueniat suo corpori, & quæcunque alas breues,
 pennas tamen alarum forinsecas longiores ha-
 bent quàm conueniat corpori, pro eo quod si-
 ne multo motu alarū possunt sustentari & im-
 pelli per aëra, rarò mouent alas, quæ si habue-
 rint simul cum prædictis dispositionib' alarum
 & pennarum, pennas forinsecas alarum duras
 & amplas, sine interuallis naturalibus & acci-
 dentalibus, pro eo quod huiusmodi alæ & pen-
 næ diutius iuuant aues sustentari & longius im-
 pelli, rarius mouebunt alas volando, si verò
 molles & strictas cum interuallis aliquibus, mi-
 nus rarò oportebit mouere alas, cum huiusmo-
 di pennæ non iuuant aues sustentari in aëre aut
 impelli longè, sine motu alarum; ideo omnis
 auis habens curtas pennas alarum, & molles,
 plus quàm conueniat suo corpori, pro eo quod
 ponderosa est, & omne ponderosum tendit ad
 centrum, si non frequenter moueat alas, ca-
 dendo tendit ad terram. Aues rarò mouentes
 alas volando, sunt modi ayronū. albani, huani,
 milui,

milui, & genera aquilarum, & plures aliz de aquaticis, terrestrib⁹, medijs, & omnes aues maiores corpore, rarò mouent alas volando, propter longitudinem alarum & pennarum quam habent, maiorem circulationem faciunt cum mouent alas ad volandum, & alæ & pennæ ductæ per maiorem circulationē, per longius spatium ducuntur, propter hoc tardius reducuntur ad iterandum motum, & sic necessariò rarò mouent alas, similiter è conuerso, illæ quæ curtas habent alas & pennas alarum, motu alarum breuiorem circulationē faciunt, & per breuius spatium ducuntur alæ & pennæ, ppter hoc citius reducuntur ad iterandū motum, & sic necessariò mouent frequenter alas. Inter has etiā quæ rarò mouent alas, sub eadem specie sunt quædam quæ mouent rarius alijs. REX.

Præterea aues habentes longas alas & pennas amplas, cū ante se volunt impellere in volando, mouendo suas alas longas versus dorsum, impellunt ea quantitate, qua contingunt aërem ipsum, & cū longæ sunt alæ multum, & pennæ amplæ, multum de aëre contingunt, quare multus aër multum resistit impulsioni, & ppter resistantiam ipsius, in aperiendo etiam & claudendo alas, alæ rarius mouentur, & hoc accidit simili modo, sicut accidit de motu plumbi lati & acuti, eo quod plumbum latum tardius descendit quàm plumbum acutum, propter maiorem resistantiam, vt dicit Philosoph⁹ in libro cæli & mundi. Quæcunq; autem aues habent alas & pennas forinsecas alarum pro-

portionales suo corpori, scil. quòd neque longiores habent, quàm conueniant, neq; breuiiores, sed tantas quantæ conueniunt, pro eo quod ex motu alarum & pennarum, neque maiorem circulationem faciunt neq; minorem, sed mediam inter maiorem & minorem, & sic neque tardant ad iterandum motum neq; properant, neque rarò neque frequenter mouent alas volando, sed inter vtrumque, quoniam tamen medium contingit distare æqualiter ab extremis, & contingit quod appropinquet magis alteri extremorum, si habuerint pennas alarum forinsecas, amplas & duras, non iam verè mediocriter, sed accedendo ad raritatem mouebunt alas volando, & tantò plus accedendo ad raritatem, quantò ampliores & duriores habebunt eas: sed si habuerint eas pennas strictas & molles, non iam verè mediocriter, sed accedendo ad frequentationem mouebunt alas, & tantò amplius quanto strictiores & molliores habebunt eas. Aues quæ mediocriter mouent alas sunt, vt plures modi falconum, & alia plures de vnoquoque genere. Vniuersaliter de omnibus generibus auium dicitur, quòd quantò habebunt pennas alarum forinsecas ampliores & longiores ac duriores, tantò erunt illæ aues melioris volatus, & è conuerso. Patet itaque ex prædictis, quæ sint aues quæ habent in volatu suo vnum modum mouendi alas, de quibus etiam sciendum, quod istum suum modum mouendi alas mutant quando necessitas vrget, verbi gratia, quando timent & quæ-
runt

runt fugere, omnes conantur quāto plus possunt frequentius mouere alas; & similiter propter escam acquirendā, præcipuè rapaces quando conantur rapere prædā, sed quando longum volatum conantur facere, sicut accidit transeundo ad loca longinqua, & redeundo, omnes nituntur rarius mouere alas, frequens enim motio alarum ipsas defatigaret, & defatigatz longum volatum facere non possent. Inde accidit quòd aues rapaces habentes interualla pennarum, sicut accipitres & nisi, postquam frequentius mouerunt alas ad prædandum, si cōtingit quòd non capiant prædā, statim extentis alis, & non motis neq; frequenter neque rarò, per spatium coguntur euolare, quatenus ab illa defatigatione quam sustinuerunt, in frequentius mouendo alas ad prædandum, quiescere valeant sic extentis alis, quando etiam ascendere quæruunt circumuolando ad altum, mutant modum mouendi alas, sicut accipitres & nisi, postquam per aliquod spacium frequenter mouerunt alas, postea ipsis extentis & non motis, vt quiescant, in circuitu circumferuntur, statimq; cum volunt plus ascendere, iterum frequenter coguntur mouere alas, deinde circumferuntur extendendo alas, & non mouendo eas per spatium, sic vicissim permutantes motum alarum vt quiescant à labore, quem habent ex frequentiori motu alarum, diu namq; non possunt frequentius mouere alas; per hoc etiam patet quod frequens motio alarum generata est per fatigationē auium, fatigatio verò

facit quod non diu possit durare frequens motio alarum, & sic necessitate coguntur mutare modum mouendi alas. Vniuersaliter autem omnes quando volant aliquò ad insidendum, tenent alas expansas, nec mouent eas vt melius insidant. Illarum autem auium, quæ in volatu suo diuersimodè mouent alas nulla necessitate urgente, sed naturaliter, plures sunt modi, quædam enim sunt, quæ frequenter mouent alas per spatium, & in eodem volatu suo conclusis alis se impellunt per spatium, sic vicissim complentes volatum suum, vt noctuæ, & plures de auiculis, & quædam sunt quæ modò frequenter mouent alas, modò rarò, & modò conclusis alis volando per spaciū se impellunt, sic vicissim perficientes volatum suum, vt modi picarum, Iayus, vpupa, & quædam aliæ, & tam hæ quam suprà dictæ, pro eo quod habent alas curtas & pennas, & pro eo quod habent distantias inter pennas, non possunt diu volare frequenter mouendo alas, ideo necessariò mutant modum mouendi alas, vt quiescant dum tenent alas conclusas, & per vicissitudines huiusmodi releuantur à fatigatione. Est etiam quidam modus columborum de Syria, qui directè volando naturaliter, in ipso volatu inuersant se bis vel ter, quasi stupefacti essent, & statim iterum directè volant, quod vnde proueniat ignotum est nobis, nisi hoc faciant alacritate & lætitia. Sunt & alij modi plures mouendi alas de pluralitate, quorū prolixum esset subdere exempla.

Rursus auium quædam sunt velocis volatus

tus, quædam tardi, velociter autem volare dicimus, pertransire in breui tempore spatiū quod transuolant, velox enim est, quod in breui tempore multum pertransit: Et tardum, quod in multo tempore parū pertransit. Aues itaque, quæ sunt fortes, & habent pectus carnosum & lacertosum, pennasq; alarum forinsecas duras & longiores, & firmas, quoniam per hæc iuuantur amplius impelli in illo breui spatio, sunt velocis volatus, quemadmodum de raro mouentibus aquilarum genus, bistardæ, modus columborum, galerani campestres & aquatici, species corlinorum maiorum, & plures aliæ, præcipuè quæ habent maiores alas, & maiores pennas, ex motu namq; harum maior circulatio fit, per maiorem circulationem fit impulsio fortior, & sic motus velocior, quod videtur in galeis nauigantibus longioribus remis, & quemadmodum de frequenter mouentibus alas, modi anserum, anatum, & pluerij, & quæ dicuntur anates campestres, franquilini, fasiani, modi perdicum & coturnicum, & plures aliæ. Sed aues quæ sunt debiles & pectus non habent carnosum, neq; lacertosum, neq; pennas forinsecas, duras & firmas, quoniam per hanc dispositionem membrorum & pennarum minus impelluntur, sunt tardi volatus, quemadmodum de raro mouentibus alas, omnes modi ayronum, & sibi similium, albani, huani, & plures aliæ, quemadmodum de frequenter mouentibus alas, genera mergorum, fulicæ, modi rallo- rum tam campestrium quàm aquaticorum, &

aues quædam de regione Orientali, quæ dicuntur aues de paradiso, & plures aliæ tam de aquaticis quàm terrestribus. Amplius, auium dum sunt in volatu suo, quædam diuertunt & cedunt rapacibus persequentibus eas, quæ omnes sunt de rarò mouentibus alas, & non de maioribus corpore, hæ quoniam non impediuntur frequenti motu alarum, neq; magnitudine corporis, diuertere possunt & cedere in volando, vt modi ayronum, albani, huani, cornices, milui, vpupæ, vanelli, picæ, & plures aliæ tam de minoribus, quàm de mediocribus; Et quædam neque diuertunt, neq; cedunt in volatu suo rapacibus persequentibus eas, quæ omnes secundum plurimum sunt de frequenter mouentibus alas, vt modi anserum, anatum, pluerij, fassiani, franquilini, modi perdicum & coturnicum, & generaliter omnes quæ frequenter mouent alas, ex eo enim quod frequenter mouent alas, non possunt dare operam ad diuertendum, & ad cedendum, maiores etiam corpore, vt cinni, cofani, bittardæ, grues & huiusmodi maiores, pro eo quod magnitudo corporis impedit diuertimenta fieri in volando, & non diuertunt neq; cedunt dum volant. Amplius, auium quædam sunt curti volatus, quædam longi, curti volatus dicimus illas aues, quæ parùm possunt perseuerare volando & non multùm, de quibus contingit, quod fatigentur suis volatib⁹, vt capiantur aliquando manibus, aliquando canibus, vt sunt fassiani, modi perdicum, coturnicum, franquilini, & plures aliæ de illis quæ frequenter

mouent

mouent alas, nam de rarò mouentibus nullæ sunt curti volatus, propter hoc generaliter potest dici, quod omnes quæ parùm perseuerant volando, sunt de illis quæ frequenter mouent alas, non tamen è conuerso, cum plures inueniantur de frequenter mouentibus alas quæ nō sunt curti volatus, vt inferius dicetur. Causa autem quare aues non perseuerant volando, & sunt curti volatus, est hæc; in omnibus huiusmodi auibus alæ sunt paræ, quantum ad corpus quod deferunt, & pennæ alarum forinsecæ strictæ cum interuallis pluribus, propter quod oportet eas frequenter mouere alas, & ex frequenti motu talicitiùs defatigantur, & cum non possunt diutius in aëre sustentari, quoniam alæ & pennæ non sunt quantæ conueniunt corpori, necesse habent ad terram descendere, & ideo sunt curti volatus; longi verò volatus sunt illæ quæ diu possunt perseuerare volando, quas non potest homo defatigare tantum volatibus suis, quod contingat ipsas capi manibus aut canibus, quemadmodum multæ de frequenter mouentibus alas, quæ diu perseuerant volando vt ayrones, albani, huani, milui, & plures aliz, hæ autem omnes sunt longi volatus, quoniam habent alas longas & pennas amplas respectu sui corporis, quod deferunt, vnde diutius possunt in aëre sustentari, de rarò verò mouentibus alas, quæ species rarius mouebit alas, perseuerabit diutius, & longiorem facit volatum, & sub eadem specie, quod indiuiduum rarius mouebit alas, perseuerabit diutius quàm illud quod
non

non tam rarò mouebit. Illæ autem quæ sunt curti volatus, & frequenter mouent alas, adiutorio venti longum volatum faciunt, sci. quando transeunt aut redeunt, & tunc non frequenter mouent alas, sicut, cùm de insula in insulam transeunt, vt coturnices. Item aues quæ habent longas alas & pennas, melius volant cum vento, quàm illæ aues quæ habent curtas alas & pennas, esto quod sint vnus velocitatis in volatu suo sine vento; sed illæ quæ habent curtas alas & curtas pennas alarum, melius volant cōtra ventum, quàm illæ quæ habent curtas alas & longas pennas, esto quod sint vnus velocitatis in volatu suo sine vento. Et illæ quæ frequenter mouent alas suas, sunt melioris volatus directè contra ventum, quàm illæ quæ rarò mouent alas. Plures insunt de minoribus cuiuscunq; modi sint, quæ possint melius volare contra ventum, quàm de maioribus. Omnes etiam aues aquaticæ minus lèduntur in volatu suo à pluuijs quàm aliæ, & eadem auis dum habet plumas & pennas sauras seu primas, magis lèditur à pluuijs, quàm habens pennas mutatas, & quantò magis nouæ erunt pennæ mutatæ, dummodo per completæ sint, tantò minus lèduntur à pluuijs. Amplius, auium quarundam volatus in die tantùm est, sed hoc duobus modis, sc. omnibus horis diei indifferenter, vt modi picarum, columbarum, passerum, & plurium auicularum, aut circa manè & circa serò tantùm, circa manè ad habendam escam pro die, circa serò & noctem, vt aues aquaticæ, quæ exeunt ad pascen-

pascendum in terra, & plures de medijs & terrestribus, nam circa medium diem timent volare, nam tunc propter assumpta pascua sunt ponderosiores & pigriores ad volandum, vnde minus quàm quando ieiunx sunt, possunt resistere rapacibus auibus, vt aquilis & alijs rapacibus. Consueuerunt namque rapaces circa medium diem sublimē volare, præcipuē in æstate, & in diebus calidis ad refrigerandum se in sublimi, & exaureandum. Est & alia ratio quæ apparet magis sufficiens, videlicet quod cū aues manē exeant ad pascendum famelicæ factæ, & completa digestionē noctis præcedentis, postquam sufficienter pascua sumpserint, de necessitate oportet quiescere tunc, quod in quiete melior sit digestio, quàm in motu. Et volatus quarundam etiam sæpius est in nocte, aut in crepusculis, vt noctuarum, bubonum, vespertilionum, quæ non tunc volant quod melius videant quàm in die, sed quoniam in die volare timent, cū habeantur odio, & verberentur à cæteris. Et volatus quarundam est in die & in nocte vt liuercinorum. Generaliter verò omnes aues dum transeunt aut recedunt, quando cunque ventus fauet eis, de die & de nocte volant, vt dictum est in capitulis de transitu & reditu auium. Volatus quarundam est sæpius prope terram, & infirmus, vt gallinarum, perdicum, fasianorum, pauonum, coturnicum, & cæterarum, quæ sunt grauis & mali volatus, & hoc vt citò recuperent ad loca suæ defensionis. Et quarundam volatus sæpius est sublimis, vt auium rapacium,

rapacium, & non rapacium plurium, quæ sunt leuis & boni volat⁹, & hoc vt à remotis videant escam sibi, & propter hoc etiam rapaces fuerunt præ cæteris boni visus; sed quæ petunt volare ad alta, aut directè ascendunt vt huani, aut circumvolando, vt ayrones, sed dum cum adiutorio venti quærun^t volare, omnes aues altius extolluntur, cum verò ventus est contrarius, quantò plus infrà possunt, quoniam ventus plus potest in superioribus. Amplius, volatus quarundam vt semper, in singularitate est, vt auium rapacium, pro eo quod vna quærit rapere prædam alij, vnde vnaquæq; timet, & singulariter volat, propterea quod non potest deglutire escā suam, sed paulatim deplumat; & deinde paulatim morsellatim degustat; vnde dum sic præparat escam suam, timet de alijs rapacibus, & ideo libentius singulariter volat. Et quarundam volatus, vt sæpius, est in societate, vt omnium quæ granatim colligunt escam suam, & semel deglutiunt quod semel accipiunt. Sed volatus qui est in societate, duobus modis est: quædam enim volant ordinatè, vt grues, anseres, anates, & aquaticæ: quædam volant inordinatè & confusè, vt passeres, sturnelli, columbi, quæ ideo in societate volant, quod saluius & securius sunt, maximè cum auibus suæ speciei, quas vnitas & similitudo naturæ consociat & confœderat. Et quarundam volatus est aliquando singulariter, aliquando associatus, vt turturum, & fachtarum. Et omnes aues ad pullificandum consociant se mas & fœmina, & ad mutandum loca propter

propter calorem aut frigus associant se magis,
& quando non pullificant, in maiores turmas
congregantur.

CAPITVLVM LV.

De his per quæ pugnant aut de-
fendunt se aues.

Postquàm iam dictum est de iuuamento
membrorum & plumagij, sequitur vt dica-
mus, per quæ pugnant & defendunt se aues.
Modus itaq; pugne & defensionis, quæ fiunt in-
ter aues generaliter, est aut per membra sua, quæ
opponunt ad pugnandum & defendendum,
aut per volatum suum, aut per recursum, quem
habent ad loca. Per membra verò, sicut per ro-
strum, per alas, per pedes, & ungues, per hæc ve-
rò aut omnia, aut quædam. Per rostrum multis
modis, secundum quod multæ sunt formæ ro-
strorum, aut enim percutiendo, aut mordendo,
aut vtrumq; faciendo, & has impugnationes
aut defensiones faciunt duobus modis, volan-
do aut non volando. Illæ namq; quæ habent ro-
strum dentatum & latum, sæpius mordent quàm
percutiant, & hoc non volando, volando nam-
que mordent, vti modi cinnorum, pellicani, &
genera anserum anatum, & similium aquatica-
rum, & naturaliter omnes habentes rostrum
latum & dentatum, sæpius mordent quàm per-
cutiant. Sed illæ quæ habent rostrum longum
acutum & durum, volando & non volando
percutiunt cum rostro, & non mordent nisi ac-
cidenta-

cidentaliter, & postquam percusserint, vt modi-
 ciconiarum & ayronum, habentes verò rostrū
 aduncum & durum, & acutum, mordent cum
 rostro tam volando quàm non volando, & non
 percutiunt, vt aues rapaces, & specialiter vt ge-
 nus falconum. Genera verò, gruum cum lon-
 gum & durum habeant rostrum, neq; latum vt
 anseres aut anates, neq; acutum vt ciconiæ aut
 ayrones, percutiunt & mordent, & vtrumq; fa-
 ciunt magis non volando, sed plus percutiunt
 quàm mordent, siue volando siue non volan-
 do, quoniam habent formam rostri magis ad
 percutiendum quàm ad mordendum. Et vni-
 uersaliter, omnes habentes rostrum acutum &
 durum, percutiunt plus quàm mordeant, mer-
 gones verò, qui & corui marini dicuntur, mor-
 dendo percutiunt, & percutiendo mordent, &
 habent rostrum longum, & curuum & incisum.
 Corui verò cornices & similes, percutiunt &
 mordent, & habent rostrum durum, acutum &
 partim recuruum. Quæ verò cauant sub terra
 pro inueniendis vermib⁹, modicam vel nullam
 pugnam aut defensionem faciunt cum suo ro-
 stro, quàmuis longum habeant, cum sit rostrum
 molle per totum, præterquam in principio an-
 terius, vbi est durum rotundum & hebes, vt
 sunt corlinorum modi, pluerij, vanelli & hu-
 iusmodi, per alas pugnant & defendunt se per-
 cutiendo, siue volent siue non volent, percu-
 tiunt autem cum alis, sed specialiter cum illis
 ossibus alarum quæ exeunt de foris dura & acu-
 ta vt diximus, Aquaticæ verò quæ se defendunt
 cum

cum alijs, habent hoc os longum, durius, & grossius ceteris, vt modi cinnorum, anserum, anatum, pellicanorum & similium, & quædam de terrestribus, vt modi columbarum & bistardarum, & quædam de medijs, vt pluerij, vanelli, liuercini, & corlinorū modi, & omnes cauantes sub terra, per pedes & vngues pugnāt & defendunt se percutiendo, dilaniando branchando, opponendo ipsos vbi expedit, & repellendo nocumentū, & hoc faciunt tam volando, quam non volando. Grues habent tres defensiones cum pedibus, volantes enim aliquando recalcitrando percutiunt cum pedibus, vt dicetur in tractatu de venatione, & stantes super terram erectè, calcant & subpedicant cum pedibus, sed supinatæ iacentes, percutiunt & lacérant cum illis vnguibus vtriusque pedis, quos diximus. Ayrones verò, non nisi resupinati super terram defendunt se cum pedibus, tunc verò nituntur repellere nocumentum à se cum vtroque pede, quàmuis hoc possint facere debiliter. Sed aues rapaces brancant & vulnerant cum pedib⁹ tam volantes quam non volantes; Contingit enim quod auium rapacium persequentium, illa quæ fugit porrigit pedes suos fuganti, & sic capiunt & colligant pedes cum pedibus, sed rarò accidit quod auis rapax ad defensionem per se pugnet cum alia rapace. Generaliter verò omnes aues, quæ non habent aduncos vngues, neq; vnum neque omnes, defendunt se nunquam cum pedibus laniando, sed de pedib⁹ suis illam defensionem faciunt, quam vniuersaliter omnes aues
I
quæ

quæ non habent aduncos vngues, anteponunt
 namq; pectori suo pedes, vt cum eis repellant a-
 ues rapaces. Sunt etiam aues quæ cum pedibus
 saltant super terram, vt aues rapaces sub se com-
 primant, vt bistardæ, & anates campestræ, simi-
 les sunt bistardis, sed longè minores, & in æstate
 turpem sonum faciunt ad desiderium coitus.
 Per volatum suum multipliciter se defendunt
 aues, nam aliæ per longum volatum quærunt
 euadere, vt grues, aliæ per velocem ad venien-
 dum ad locum defensionis suæ, vt perdicum &
 coturnicū modi, aliæ per diuertimenta & ces-
 siones quas faciunt in volando, vt modi ayro-
 num, cornices, vpupæ, vanelli, picæ, & plures
 aliæ. Aliæ verò per volatum ad altiora se quæ-
 runt defendere, & hoc duobus modis; aut enim
 directè ascendunt, vt columbi, turtures, anates
 campestræ, aut in gyrum circumuolando ascē-
 dunt ad defensionem sui, vt ayrones, qui se-
 cundum quod dictum est, duplici vtuntur de-
 fensione per volatum, diuertimenti scilicet &
 ascensus. Et omnes quæ per volatū quærunt de-
 fendere se ascēdendo, idcirco ascendunt, quod
 non possint superari & vinci ab auibus rapaci-
 bus in magis ascēdendo. Aliæ sunt quæ quærūt
 se defendere volando versus loca de quibus ti-
 ment rapaces, quamuis ad ea non descendant;
 vt anseres, anates, & plures aliæ de riuera, quæ
 volant circiter loca in quib⁹ sunt aquæ magnæ,
 nemora, calami & cannæ, de quib⁹ locis timent
 aues rapaces, ad huiusmodi enim loca timent
 descendere & accedere. Aliæ ad maiorem fe-
 curita-

curitatem sui, volatum suum faciunt in crepusculis, & in nocte, vt noctux, bubones & liuercini, qui pro eo quod sunt timorosi, de nocte volant securius.

CAPITVLVM LVI.

De modo defensionis.

DE modo autē defensionis, quem habent aues refugiendo ad loca securiora, dicendum est, quod vniuersaliter omnes aues ad plus si possunt, refugiunt ad loca natiuitatis suæ, vel ad similia illis. Illæ siquidem quæ natæ sunt prope aquas, ad eas confugiunt, quarum quædam natando in eis solum habent defensionem, vt pellicani, quædam submergendo se penitus sub aquis, vt modi mergorum, anatum & aliarum plurium, quædam non penitus submergendo se, sed in parte, vt cinni, & anserum modi. Aues verò quæ non natant, neque sunt aquaticæ, timore auium rapacium ad aquas confugiunt, sciunt enim q̃ aues rapaces de aquis timent, & circa aquas debilissimæ sunt, vt dictum est in capitulo, de diuisione auium. Plures itaque auium ad aquas confugiunt, quædam pro defensione sua, quædam pro cibo, quædam pro utroque. Illæ verò quæ natæ sunt inter arbores, ad arbores confugiunt, vt modi cornicum, picarū, & aliorum plurium. Et illæ quæ natæ sunt prope aquas, & ipsæ eadem quandoque inter arbores confugiunt, quandoque ad aquas, vt modi ayronum. Si verò natæ sunt supra prata, frutices, aut dumos, ad ea confugiunt, vt turdi, sturnelli,

nelli, & auicularum plures: Quæ natæ sunt in rupibus, ad saxosa confugiunt, vt rapaces. Sed quæ natæ sunt super terram, & sunt coloris terrestris, in terra latitant, & terræ se recomendant, vt perdices coturnices, coyardi, anates campestres, calandræ, & auiculæ plures, de quib⁹ multæ sunt adeo stolidæ in cautela sui, quod credentes se esse securas in terra, capiuntur etiâ manibus hominum, & quando insequitur eas rapax, in terram confugiunt. Perdices, fasiani & huiusmodi, quoniam sunt curti volatus, & per adiutorium loci quærunt defensionem sibi, nunquam libenter recedunt longè à loco apto defensionis suæ. Defensionibus & impugnationibus prædictis, generaliter vtitur maior pars auium, quædam pluribus, quædam paucioribus. Speciales autem defensiones insunt auibus & propriæ, vt bistardis & anatibus campestribus est propria defensio, emittere longè à se sterqus suum in aues rapaces quæ sequuntur eas. Rursus bistardæ & anates campestres, contra aues rapaces horripilant plumas, agrifando se, & eleuant alas, deponendo caput ad modum gallorum pugnantium, quod propter timorem faciunt, sed tamen bistardæ percutiunt alis in petore aues rapaces. Sunt & aliæ aues, quæ refugiunt ad societatem & congregationem aliarum suæ speciei; vt inter eas securiores sint, & per eas defendantur, sicut sunt columbi, grues, sturnelli, & aliæ ferè omnes, imò etiam tota agmina in se ipsa densius se constringunt, auibus rapacibus facientibus insultum in ea. Quod autē

in fo-

in societate tutiores sint, signum est, quod plures sunt species auium, quæ concurrunt ad defendendum auem speciei suæ sociam, quam auis rapax persequitur, & opponunt se rapaci aui, & nituntur verberare eam, vt grues, anseres, cornices & plures alia.

CAPITVLVM LVII.

De mutatione plumagij, quam generaliter faciunt aues singulis annis.

Diximus de diuersitate membrorum exteriorū, & de iuuamento eorum, & de plumagio, scil. quomodo nascentur auibz plumæ & pennæ, & de situ plumarū, & de forma, quantitate, numero & positione pennarum, & de iuuamento plumarum & pennarum. Verum quoniam aues singulis annis mutant plumas & pennas, euenit vt dicamus de mutatione plumagij, & videamus quare mutant aues plumagium, & quare singulis annis, & quo tempore anni, & quo modo mutant, & quo ordine, & quæ citius explent mutationem, & de differentia plumagij ante mutam vel post. Fuit autem necessariū & vtile quod aues mutarent dumas, plumas & pennas, quoniam generantur de superfluitatibus humorum, & de debili materia, quæ multis ex causis corrumpuntur, eas namq; ad plus per totum annum durare contingit, & dum procedunt vltcrius, incipiunt deuastari, vnde si primo anno non mutarentur, tantum corroderentur in seipsis & rumperentur, quod modicam aut nullam operationē facerent aues

cum eis; idcirco natura prouidit substituere nouas per quas expelluntur & cadunt veteres, hæ autem nouæ de abundantibus superfluitatibus humorum generantur, superfluitatum autem copia ex humorum abundantia fit, cuius rei signum est, quod quando aliquis falco perficit suam mutationem citius debito, accidit & iterum eijcit aliquot de pennis alarum, quas primò inter alias mutauerat, & hoc est propter calorem temporis aperientem poros, & propter nutrimenti & humorum copiam. Præterea capilli & pili, quando rumpuntur aut reciduntur, restauratur quantum fuerat deperditum & amplius, cum per continuam successionem vaporis generatio ipsorum indeterminatam longitudinem suscipiat, plumis verò & pennis non accidit sic, cum enim determinatam habeant quantitatem, si corrodantur, non restauratur eis quod deperditur, quare cum contingat corrosionem usque ad radicem processu temporis protendi, si non substituerentur aliæ, careret auis omninò plumis & pennis, & tunc esset insufficienter munita contra importunitates æris, & prorsus inutilis ad volandum. Singulis autem annis mutant plumagium, cum non sit sufficiens ultra annum; imò contingit quod aues non rapaces plumagium natiuitatis suæ mutant, postquam sunt completæ & perfectæ, & assumunt aliud plumagium quod percrescit & percompletur proportionaliter & continuò, in quo corpus ipsius auis percompletur, & hoc plumagium secundum deponitur & mutatur
item

item in complemento eiusdē primi anni, sicut est videre in fasianis, perdicib⁹ & coturnicibus, & pluribus alijs, quæ primo anno deponunt & renouant plumagium suum semel. Causa autē propter quam in primo anno semel accidat mutatio plumagij in rapacibus, & non rapacibus bis, sumitur ex eo quod dictum est in capitulo de plumagio, scil. quod non rapaces, quibus iminebant plura nocumenta quàm rapacibus, indigebant plumis & pennis à principio, cum quibus & nocumenta fugerent, & escam sibi acquirerent, maximè illis quibus parentes non ferunt escam, & quoniam erant humidioris naturæ quàm rapaces, oriebantur eis pennæ citò, debiliores tamen & molliores, percrecentes citius quàm corpus auis, crescente verò aue, & corpore iam maiore factò, & propter copiam nutrimenti, priores plumæ & pennæ tanquam insufficientes deferre corp⁹ iam maius factum, decidunt, & natura substituit alias firmiores, propter hoc quod humores iam sunt solidiores, & istæ secundæ sufficiunt deferre corpus usque circa cōplementum anni, & tunc propter abundantiam humorum, deponitur hoc plumagium secundum, & succedit tertium, quod sufficit durare per subsequentem annum: rapacibus verò, quib⁹ non imminet tot nocumenta, & sunt siccioris naturæ, quàm non rapaces, non oriebantur plumæ & pennæ velociter, neq; à principio, sed paulatim, vnde oriebantur firmiores & duriores, percrecentes proportionatè corpori, propter quod sufficiebant deferre

corpus vsq; circa complementum anni, & ideo semel tantū mutant plumagium primo anno, singulis verò annis succedentibus, semel mutant plumagium, tam rapaces quàm non rapaces, ratione prædicta. Tempus autem in quo incipiunt mutare plumagium maior pars auium, est ver: in vere namq; abundant humores, humorum proinde superfluitates de quib⁹ fit plumagium, & conuenienter fit mutatio plumagij in vere, quoniam succedit æstas, in qua non læduntur à frigore, & per æstatem crescunt & firmantur pennæ tantum, quod sufficit transitui, quem faciunt aues in autumno ad loca calida timentes hyemem; nec in alio tempore quàm in vere esset conueniens mutatio plumagij, quemadmodum dictum est suprà de transitu auium. Sunt tamé aliquæ aues quæ in æstate mutare incipiunt, & hæc diuersitas temporū mutationum, accidit secundum natiuitatem ipsarum in diuersis temporibus, vnaquæque enim auis incipit mutare plumagium suum, anno cōpleto, in tempore simili natiuitatis suæ tempore, vt accidit circa mutationem frondium & herbarum in stipitibus & radicibus circa complementum anni sui, renasci incipit prioribus desiccatis, & hoc totum opinamur accidere ex motu superiorum, & diuersis aptitudinib⁹ materiæ in quam agit. Modus autem mutandi plumagium duplex est, alius enim est ordinarius, alius inordinarius, ordinarius verò est, quando simul deponuntur multæ pennæ, sed quibus deiectis succedentes tantum crescunt quousq;

iuuare

iuuare possunt ad volandum, priusquam deponantur alix, & post hoc deponuntur alix simili modo & ordinatim. Inordinarius verò modus mutandi plumagium est, quando simul deponuntur multæ pennæ, & quando quibusdam eiectis deponuntur indifferenter & alix, nō expectando quousq; substitutz crescant, deinde deponuntur & alix pennæ inordinatim & dissimili modo. Aues itaque rapaces pro eo quod vi volatus debebant acquirere prædam suam, fugientem ante se, habuerunt ordinatum modum mutandi plumagium, ex qua mutatione non perditur volatus, qui eis erat necessarius ad prædandum, sed aues non rapaces terrestres, minus ordinatum modum mutandi habuerunt, non enim indigebant vi volatus ad capiendum escam, cum ipsa esca non fugiat ante eas, veruntamen ad sui defensionem, & ad fugiendum nocumenta, indigebant volatu, vnde non omnino confusè mutant, sed aues aquaticæ natantes, inordinatū modum mutandi plumagium habuerunt, neq; ad fugiendum nocumenta, neq; ad acquisitionem escæ indigebant volatu, cum vtrumq; reperiant in aquis. Ordinem autē qui habetur in mutando plumagiū, experti sumus ferè in auibus rapacibus euidentius quàm in cæteris, propter q̃ de ipso dicemus plenius infra, vbi tractabitur de muta auiū rapacium. Hic tamen dicemus generaliter vt conuenit, aues incipiunt prius mutare pennas quàm plumas, pennæ enim longiores sunt plumis, & ad sui generationem & complementum indigent ampliorib⁹

prioribus humoribus quàm plumæ, sed si incipiant ducere plumas prius quàm pennas, vel æquè citò, completa esset mutatio plumarū per multum tempus antè quàm mutatio pennarum, & sic aue mutata plumis diu, & non mutata pennis, nō esset complementum mutationis totius plumagij in eodem tempore, quod totum esset contrarium volatui auis; rectum est igitur quod à pennis prius incipiat mutatio, vt cum plumarum incipiet, in eodem tempore cōpleatur mutatio vtrarumque. Mutationem autem plumarū citius explent aquaticæ propter abundantiam humiditatis & humorū, secundo terrestres non rapaces, propter maiorem copiam humiditatis, tardissimè omnium aues rapaces, facta pportione ad eandem quantitatem, sunt enim siccissimæ inter aues. De tempore autem, quantum tempus scil. postulat à principio mutationis vsque ad complementum eiusdem, & de ordine mutationis pennarum in alis & cauda, dicetur plenius, & specialius infra vbi conuenit. Plumagium autem saurum, seu non mutatum, differt à mutato in eo, quod generaliter plumæ & pennæ post mutam sint meliores, & alterius coloris, dumæ verò plures sunt post mutam, quàm ante mutam, pennæ verò meliores sunt post mutam in eo, quod non tam citò madefiunt, nec tam citò rumpuntur, nec tam faciliè corroduntur, sicut ante mutam. Quæ itaque nunc dicta sunt de mutatione plumagij generaliter sufficiant,

PRO.



PROLOGVS SECVN- DI LIBRI.



Voniam in præcedenti tractatu dictum est, quòd venatio quam faciunt homines cum auibus est ars, & quæ ars est, & quoniam est ars venandi aues non rapaces, præcipuè cum auibus rapacibus ea doctis. Et dictum est quare ars huiusmodi nobilior est cæteris artibus venandi, & quoniam etiam dictæ sunt generaliter quædam naturæ animæ, aquaticarum scil. mediarum & terrestrium, tam rapacium quàm nō rapacium, vtiles non modicum ad huiusmodi venationem. In hoc tractatu secundo accedemus magis ad nostrum ppositum, descendendo ad artem ipsam specialius, & ad omnia quæ necessarium est scire & habere illum, qui hanc scire desiderat & exercere. Artifex debet hanc artem suscipere, per doctrinam alicuius experti in ea, & susceptam exercere per se ipsum, qui qualis esse debeat, docetur infra, postquam scil. iam acquisitæ sunt aues rapaces, cum quib⁹ exerceri debet venatio, nō enim qualis qualis esse debet, sed qui appetat naturaliter, & diligat venationē huiusmodi, & qui per naturam ad venandum sit habilis, & deinde per doctrinam. Materia etiam circa quam, & circa cuius partes versatur tota intentio artificis, quæ materia est aues rapaces, cum quibus exercetur huiusmodi venatio, & quam

quamuis sunt instrumenta artificis, cum quibus capit aues non rapaces, tamen artifex versat intentionem suam, circa habendas ipsas & instruendas, & circa diuersos modos ipsarum auium rapacium conuenibilium ad venationem. Partes verò huiusmodi materiei sunt diuersæ species auium rapacium, sicut sunt falcones, accipitres, & huiusmodi, de quibus fiet executio sufficiens postea. Partes autem artis diuersæ sunt secundum diuersitatem partium materiæ, nam alia pars artis est de venatione quæ fit cum modis falconum, & alia quæ fit cum modis accipitrum & nisorum, & hæ partes comprehendunt etiam partes sub se, & sunt etiam partes artis & scientiæ, secundum modum sciendi, vna in habendo in anima, contemplatione vniuersali, ea quæ docemus non referendo ad operationem, & hæc theórica dicitur, alia in sciendo ad operationem reducere quæ docemus, & hæc practica dicitur. Et cum quis huiusmodi venationem exercebit non secundum intellectum theoricæ, qui prius est, neque secundum scientiam quæ refertur ad opus, dicemus ipsum casualiter operari, non secundum artem, quamuis alioquin bene operaretur in sua venatione, etenim inermes qui in palæstricis se exercent, ferunt aliquando bonos ictus, & ignarus sagittandi percutiet aliquando ipsum signum. Finis qui mouet artificem, est intentio eius, prius vt habeat aues rapaces, quæ edoctæ sunt per suam artem capere non rapaces, eo modo quem ipse vult. Posterius verò vt cum ipsis arte doctis capiat non

non rapaces, & ex his consequitur vtilitatem triplicem, secundum q̄ dictum est in principio primi tractatus. Principia verò quibus vtitur in arte ipsa, sunt documenta & regulæ traditæ in hoc nostro libro, qualiter esse aut fieri debeant omnia quæ sunt necessaria ad venationem, quæ documenta & regulæ, in eo quod sub compendio debito, & secundum quod exigit rectitudo traduntur, artem perficiunt venandi cum aui- bus rapacibus non rapaces. Neq; liuoris oculus nos de prolixitate redarguat, cum neq; eadem inutiliter repetamus, neq; apponamus superflua aut impertinentia, sed tantummodo necessaria huic arti. Operationes verò quibus inni- tur artifex circa hanc suam materiam, scil. circa aues rapaces, diuersæ sunt & multæ, & antece- dentes inuicem, & subsequentes; aliz namque sunt in cognoscendo aues rapaces, aliz in ac- quirendo eas, vt artifex eas habeat, aliz vt aues rapaces iam acquisitæ detineantur ab artifice, aliz in mansuefaciendo detentas, sc. quod non horreant conuersari cum homine. Aliz in in- struendo mansuefactas exire de manu artificis, & redire ad eius manus, aliz in docendo, vt sciant capere illas aues quas artifex vult, & quo- modo vult, quas forsan per se non caperent, aut non illo modo: aliz in vtendo ad venationem non rapacium eis iam arte doctis. Præter has au- tem sunt & aliz operationes non modicum v- tiles ad propositum, sc. in conseruando aues ra- paces in sanitate, quatenus opus quod ab eis re- quirat artifex bene perficiant, & aliz in curando ægrotas.

ægrotas. Ordo qui attendi debet in arte ipsa se-
 cundum hoc, in doctrina nostrorum tracta-
 tum huius libri, patet per ordinem operatio-
 num, quas diximus, prius namque est acquirere
 quam acquisitum detinere & mansuefacere, &
 sic de cæteris, quod totum patebit plenius in
 quantum quæq; suum locum sortita decenter.
 Instrumenta autem per quæ artifex in operatio-
 nibus suis circa hanc materiam consequitur fi-
 nem intentionis suæ, sunt diuersa: nam quæ-
 dam sunt in acquirendo aues rapaces, vt retia,
 laquei, & huiusmodi, cum quibus capiuntur,
 cum auib; etiam rapacibus quandoq; capiun-
 tur rapaces, verbi gratia cum accipitribus falco-
 nes: quædam sunt in detinendo iam acquisitas
 vt maleclum iacti, & longa, sedilia conuenien-
 tia, & huiusmodi: quædam sunt in mansuefa-
 ciendo detentas, vt id quod dicitur tiratorium,
 cappellum, tina balneatoria, & similia: quædam
 in instruendo ipsas exire de manu, & ad manū
 redire, vt id quod fileria, seu credentia dicitur,
 loyrum cum carnibus & sine carnibus, & alia
 cum quibus reuocantur ad homines: quædam
 in docendo ipsas vt sciant capere aues quas vult
 artifex, & quomodo vult, sicut id quod dicitur
 trahina, siue fiat de grue, siue de ayrone, siue de
 alia aue, siue de pelle leporina impleta paleis,
 & sunt multa quæ spectant ad trahinam: quæ-
 dam instrumenta sunt in vtendo eis iam doctis
 ad capiendum aues, vt tympanum pulsans, chi-
 rotheca circumducta, & huiusmodi: quædam
 in conseruando sanas, etiam quando iam mu-
 tant

Tant pennas, vt domuncula quæ dicitur muta, & plumas, & multæ medicinarum: quædam in curando ægrotas, vt ipsæ medicinæ, & vasa necessaria ad dandum ipsas medicinas, de singulis horû instrumentorum dicitur, vbi conueniet. Præmissô verò prologo, redeamus ad intentionem, dicendo primò quid sit auis rapax, nam per definitionē seu descriptionem, maximè declaratur existentia vniuscuiusque; dicitur etiā postmodum quare rapaces, seu de rapina vocentur.

CAPITVLVM I.

Quid sit auis de rapina, & quare dicatur de rapina.

A Vis de rapina, est animal volatile, pennatū, terrestre, velocis volatus, modici gressus, vncorum vnguium & rostri, viuens de raptu viuorum animalium, fœmina cuius, est maior masculo. Animal est pro genere in ipsa definitione, volatile est differentia, qua differt à nō volatili, pennatum similiter est differentia, qua differt ab animali volatili non pennato, sicut sunt plura ex speciebus animalium, verbi gratia, sicut vespertilio, apes, genera vermium, & huiusmodi: Nam vespertilio alas habet non pennatas, sed carneas panniculofas, & cartilaginosas, quæ adminiculantur ei in adhæsione murorum, lignorum, & similium, nam debiles habent pedes, quibus inhærere non possent locis quibus latitare volunt. Terrestrè verò est, eò quod est calidius & siccus alijs, scil. aquaticis
seu

seu medijs, vnde inhabitare non potest loca huiusmodi qualitatibus opposita, videlicet loca aquosa seu paludosa, quorum naturæ oppositæ sunt & disconuenientes naturis rapacium: nam rapaces sunt calidæ, calore igneo, contrario frigori aqueo, & siccæ siccitate terrea contraria humiditati aquosæ, & dicitur à sapientibus, quod omnia per similia in forma & natura propria conseruantur, & per contraria corrumpuntur. Meritò igitur aues rapaces calidæ & siccæ, nō inhabitant loca dissimilia naturis suis, quibus corrumpantur, cū appetitus cuiuslibet rei viuentis non sit vt corrumpatur res ipsa, quinimò potius vt in sua naturali essentia conseruetur, appetitus enim contrarij viuenti non inest, nisi accidentaliter, sicut cū viuens ipsum sit ægrum, vel aliqua alia alteratione mutatum; & hoc patet exercentibus se in vsu rapacium, qui cum viderint eos aquam appetere, ægros ipsos iudicant, & proferentes aquam eisdem, ipsos curare intendunt, curati verò tanquam contrariam eorum naturæ non appetunt, nisi fortè eorum paucissimi, qui ex assuetudine forte habent eam assumere, vel forte patiuntur latentem distemperantiam siccitatis. Velocis volatus, est alia differentia, per quam non solum differt ab animalibus non pennatis, verum etiam ab auibus, quæ ferè omnes, de breui volatu & longo, respectu rapacium sunt tardi volatus, nam si sunt aliqua longo volatu, velociores quibusdam de rapacibus, tamen in breui volatu à quibusdam rapacibus attinguntur, verbi gratia,

gratia; anates & huiusmodi sunt velociore ex longo volatu, ita quòd euadunt accipitribus, & quibusdam alijs rapacium, de curto tamen leuiter capiuntur ab eis, Falcones tamen ex longo & curto volatu capiunt eas, & specialiter falcones qui girofalcones dicuntur. Modici gressus sunt, nam vt sapius accidit, aues omnes velocis volatus, modici seu tardi sunt gressus, quia quòd gressu deficit, volatu suppletur, & è conuerso, & hoc manifestum est in hirundinibus, quæ quia velocissimi sunt volatus, pauci vel nullius sunt gressus. Per hanc differentiam, vncorum vnguium & rostri, magis specificè differunt à pluribus maneriebus auium, & ferè ab omnibus, licet dixerit Aristoteles, quod aues omnes vncorum vnguium sint rapaces; licet instantia inueniatur in multis, nam monedula, sturnelli, vultures, & quædam aliæ aues, vncos habent vngues, tamen non viuunt de raptu, capiendo alias aues, nec rapaces dicuntur, sine dubio necessaria est hæc consequentia, quod aues si sunt rapaces, vngues vncos habent, sed nō conuertitur. Quòd verò additur, viuens de raptu viuorū animalium, est verè speciei differentia, quæ constituit speciem, præcedentibus addita: Nam vncorum vnguium aues, quæ de raptu viuorum animalium non viuunt, rapaces non dicuntur, sicut vultures & plures, quæ de cadaueribus viuunt, & quædam species anserū & similes ipsis. Cuius fœmina est maior masculo, hæc est proprietas non modicum substantialis, nam in nullis animalibus nobis notis reperitur

K

peritur

peritur quod fœmina sit maior masculo, imò æqualis, vel minor in omnibus reperitur; quod quare accidit, rationes quas vidimus super hac quæstione sufficientes dicimus, & in scriptis redigi fecimus, eò quod ab vtentibus venationibus cum auibus rapacibus, sæpe interrogati fuimus de hac quæstione, & sunt hæc.

CAPITVLVM II.

Quare fœmina sit maior masculo.

LEgitur namque in pluribus libris philosophorum, quod calidum est operans & augmentum efficiens in subiectis, & hoc videmus per signum, nam in quolibet potentialiter humido liquefacto per calidum, magis videtur quantitate liquefactum, licet nihil aliud ei admixtum fuit siue adiunctum in liquefactione; humidum verò est patiens & recipiens, quod si proportionatum est calido, extenditur subiectum, & ad magnitudinis moderatam metam peruenit. Si verò humidum in proportionem excedat calidum, calido ipsum humidum regulare potente, subiectum egredietur metam prædictam, excédens magnitudinem, ppter quod magnum efficietur, exinde subiectum recedens à moderata quantitate magnitudinis, plus & minus secundum proportionem ipsius humidi ad calorem. E contrario accidit paruitas corporis, videl. humido modico existente in comparatione calidi operantis, sic ergo multiplicata caliditate respectu humidi, corpus paruum efficitur,

citur, humido verò proportionato, corpus moderatæ magnitudinis efficitur, sed ipso humido excreſcente in comparatione calidioris corporis, efficitur magnitudo moderantiæ prædictæ excedens, vnde cùm aues rapaces ſint calidæ natura, & ferè calidiſſimæ, eo quod in eis multiplici de cauſa caliditates cōueniunt, ſunt enim calidæ comparatione generationis, eò quod aues, Aues namque in comparatione ambulabilium tanquam mobilioreſ calidæ iudicantur, ſunt & rapaces, quarum rapacitas à caliditate contingit, inuaſio enim ſeu raptio aliarum auium animoſitatem oſtendit, & animoſitas nō niſi à calore contingit, iudicantur etiam calidæ à complexione, & comparatione facta ad emperantiæ melioris & temperatioreſ ſpeciei præſarū. Vnde cùm tot de cauſis caliditates contineant auib⁹ iſtis, meritò calidiſſimæ iudicari poſſunt, ex multiplicitate enim ſubiectionis calidi, caliditas vigoratur & intenditur, ſed ſignum eſt in hoc, quia videmus plura grana piperis magis calefacere paucis. Et generaliter multa calida ſi iuſdem ſpeciei ſint, vel diuerſarum coniuncta, oſpoſita plus calefaciunt paucis, & hoc accidit, quia profunditas operatur ad augmentum, & multiplicationē operationis qualitatum, propter quod multus ignis ad multam materiam comburendam ſufficit, & paruus non niſi mollicam, eò quod ſuffocaretur à multa. Cùm igitur humidum auium rapacium, ſit humidū viſcoſum & ſpiſſum, quod apparet ex neruoſitate multa ipſorū, diuerſificatur ratione ſexus,

nam in foeminis, quæ sunt frigida & humida, respectu marium, frigiditas sexus ipsarum calorem obtemperat seu remittit, & humiditas, spissum & viscosum reprimat, quare efficitur magis obediens ostensioni, quæ fit à calore agentis. Calor igitur intensus rapacium, & humidum spissum & terreum ipsarum, remissa à frigiditate, & humido aquoso sexus foeminei, magnitudinem corporis in feminis operantur, & è contrario in masculis paruitatem, iuxta illud Philosophi: contrariarum causarum contrarij sunt effectus. In vnaquaque specie avium rapacium, secundum Plinium, pauciora sunt individua individuis cuiusvis speciei non rapacium, facta videl. comparatione vnus speciei rapacium ad vnicam speciem non rapacium. Secundum Plinium verò ideo dicimus, eò quod in maiori parte hoc accidit, quia in paucis est reperiri instantiam, dicitur enim quod aliqui sunt modi non rapacium, in quorum tota latitudine speciei non est nisi vnus mas, & vnica foemina, sicut dicitur de phœnice, & huiusmodi: nos verò illud non credimus. Aues rapaces pauciores sunt cæteris avibus non rapacibus in specie sua, & sunt terrestres, & nullæ de rapacibus sunt aquaticæ, seu mediæ: quia cum vniuersaliter calidiores & sicciores sint aquaticis & medijs, contrarietatem habent aquæ, in duabus qualitatibus, vna actiua & alia passiua. Cum etiam non habeant formam membrorum neque plumagij convenientia aquis, non inhabitant aquas, nec etiam possunt esse in aquis, neque

stando

stano super pedes suos, cum longa crura non habeant, quemadmodum ayrones & grues, neque natando, cum non habeant pedes coriales, neque digitos sicut anseres, anates, fulicæ, & ferè omnes aquaticæ. Quod si rapaces conuersarentur in aquis, plumæ & penne ipsarum ad hoc ineptæ, madescerent plus quàm aquaticarum, & ungues sui remollirentur, ex quo vix possent volare, & aues quas prædarentur, vix cum unguibus vulnerare & retinere: propter has causas aues rapaces horrent manere in aquis, tanquam valde debiles in eis. Sunt tamen quædam similes aquilis, sed minores eis, quæ manent circa aquas in altis rupibus, & de alto prospicientes pisces in aquis, repente ruunt in ipsos, & piscantur eos, & de ipsis viuunt, quæ ob hoc dicuntur aquilæ piscatrices. Hæ habent meliorem formam membrorum, & melius plumagium ad hoc, quàm ceteræ rapaces, & licet piscentur in aquis, non tamen propter hoc aquaticæ iudicantur, cum earum mansio non in aquis, sed terris semper existat.

Dicto, quid sit avis de rapina: quædam auium rapacium quædam sunt, quibus homines non vtuntur, sicut sunt omnes modi aquilarum, quæ propter ponderositatem non sunt habiles ad portandum, & maximè si portarentur, omnes aliæ aues rapaces quas portari contingeret, cum eisdem nec portari possent decenter, nec volare timore ipsarum. Et sunt etiam aliæ aues rapaces parvæ, sicut sunt sineciliones, vbleti, & huiusmodi, & tam his, quàm maioribus prædictis,

K 3 homi-

homines non vtuntur nisi ad delectationem tantum, & raro, & pauci, solum vt ostendant quendam nouum modum, per quem credantur scire, plus enim appetunt videri esse scientes, quàm esse. Idem tamen modus est docendi illos, de quibus agere volumus, & istos tam maiores quàm minores. Nos verò de istis tractare non intendimus, sed de illis auibus rapacibus, quib' vtuntur homines, & sunt habiles ad portandum, & vna non in tantum timet aliam, q̃ volatū suum dimittat, si ad inuicem portarentur, & quicquid vtilitatis & delectationis fieri posset cum prædictis, magis & commodius fit cū istis. Ideo intentio nostra est de istis tractare.

Homines autē venationem exercent cum auibus rapacibus, aut ad delectationem, aut ad vtilitatem, aut ad vtrumq;, vel pro se, vel pro alijs, capiendo aues magnas, mediocres, & paruas, aquaticas & campestres, vtpote grues, bistrardas & similes, & fasianos, perdices, anates, & huiusmodi, & quandoq; capiunt quadrupedia vt gazellæ, caprei, hinnuli capreorum, hinnuli ceruorum, vulpes, lepores, cuniculi, & similes; & quoniam hæc omnia capi non possunt cum vna specie aut duabus auium rapidarum, sed cum pluribus & diuersis: propter hoc dicendum est, quot species sint auium rapidarum, quibus homines vtuntur in sua venatione.

Aues rapaces quibus homines vtuntur, & apud nos vsi sunt ab antiquo, sunt iste: Gyrifalci, sacri, gentiles peregrini, gentiles & laynerij, quæ quidem sub vno genere comprehenduntur, videlicet falcone.

Sunt

Sunt & de auibus rapacibus auiores, speruerij, & istæ comprehenduntur sub accipitre. Omnes autem aues rapaces, tam istæ quibus homines vtuntur, quàm alæ quibus non vtuntur, sub istis duobus generibus comprehenduntur, scil. in falcone, & accipitre. Et quàmuis hoc nomen accipitris plures attribuant soli auctori, nos tamen dicimus ipsum esse genus omnium auium rapacium, quæ capiendo & non feriendo, vt falco, venantur, sicut prædicti auctor & speruerius, vtpote hoc nomen ab accipio accipis deriuatum, & super hoc loquimur latius in libro de auctore, vbi loquimur specialius & diffusius, dicentes de conuenientijs & differentijs.

CAPITVLVM III.

De combinatione ipsarum ad pullificandum.

AVes rapaces pullos suos à se abijciūt quàm statim possunt volare, & diuidunt se vna ab alia per diuersa loca, propter quod rarò aut nunquam in simul reperiuntur, vt expressius dicitur infra. Et ideo rarò possunt se inuenire, nisi ad certum locum expectant se inuicem aliquando, in locis prope nidum suum consuetū, qui à quibusdam arca dicitur, pluries enim visus est mas prius venisse ad nidum, expectans illic foeminam per multos dies, quousque veniret, & similiter foemina expectat marem, & aliquando simul veniebant ad nidum.

CAPITVLVM IV.

In quibus regionibus & locis
nidificant.

AVes omnes rapaces nidificant in septimo, sexto, quinto, & quarto climate, & credimus quod in alijs climatibus nidificent. Aliæ autem in vno climate, & aliæ in alio. Girofalci autem quia sunt maiores, fortiores, audaciores & velociore omnibus alijs falconibus, ideo primò de ipsis tanquam de dignioribus tractare voiumus, & subsequenter de alijs speciebus falconum. Nidificant autem girofalci in fine septimi climatis & vltra, in rupibus altis, videlicet in fixuris, cryptis, foraminib⁹ saxorum, montium, quorū quidā nidificant in saxis remotis à maritima, & quidā in rupibus, ppinquis maritimæ, & isti sunt meliores & nobiliores illis qui nidificant in remotis à maritima: & quidam nidificant in insulis maris Septentrionalibus, scil. in altis rupibus ipsarum, videl. in quadam insula, quæ est inter Noroegiam & Gallandiam, & vocatur Teutonice Yslanda, & Latine interpretatur contracta, seu regio glaciei, & isti sunt meliores omnibus alijs, Girofalco enim dicitur à Hiero, quod est sacer, inde Gerofalco, id est, sacerfalco, vel à Kyrio, quod est Dominus, inde Kyrofalco, id est, Dominus falco, secundum Græcam linguam. Citra septimum clima, neque nidificant, neq; morantur etiam, neq; elongantur ab ipso, versus sextum, quintum aut quartū, sed à septimo climate vltra, versus polum arcticum

cum nidificant & morantur. Falcones verò facri nidificant in minus frigidis regionib⁹ quàm girofalci, qui nidificant in septimo climate & citrà, & frequentius in Britannia & Bulgaria. Audiuius etiam quod vbi nascuntur, nidificant super arbores, quia in partibus dictis non sunt montes, sed arbores tantum. Credimus tamen, quod si in dictis regionibus essent montes, libentius in rupibus nidificarent, cùm sint de genere falconum. Falcones autem qui dicuntur gentiles peregrini, nascuntur in Septentrionalibus regionibus valde longinquis, vltra septimum clima prope Oceanum, & nidificant in insulis Septentrionalibus, & in altis locis, sicut nidificant girofalci. Falcones autem absolutè gentiles, nascuntur à septimo climate versus regiones Meridionales, & nidificant sicut & peregrini. Peregrini verò dicuntur, quasi de pelago venientes, pro eo quod veniunt de remotis & per Oceanum transeunt, dicunt autem multi quod falcones gentiles peregrini, & falcones absolutè gentiles, sunt duæ diuersæ species falconum, & non vna, vident enim maiorem diuersitatē inter falcones peregrinos gentiles, & gentiles absolutè, quàm inter peregrinos ad inuicem, & quàm inter gentiles ad inuicem, videlicet quod peregrini tardius mutantur, & maiores & pulchriores sunt. Nos verò nullam videntes substantialem differentiam inter ipsos, dicimus quod sit vna species falconum, non diuersæ, sed sunt similes & propinqui & vtrique gentiles: diuersitas verò quæ est

inter ipsos, accidit propter diuersitatem regionum in quibus nascuntur, nam peregrini tardius mutant, quia tardius nascuntur, tardius autem nascuntur, & maiores sunt & pulchriores, propter frigiditatem locorum in quib⁹ nascuntur, diuersitas enim regionum, colorum & morum, non facit homines aut animalia esse diuersæ speciei. Falcones autem laynerij, nidificant in omnibus climatibus, & in locis prædictis, sicut & alij falcones, & si nidificant in illis regionibus in quibus sacri, nidificant in arboribus sicut & sacri. Prædictæ verò species falconum, generaliter nidificant in rupibus altis & in locis prædictis, vt aues quas capere volunt pro' pastu suo & pullorum suorum, quas & per violentiam longi volatus quem habent acquirunt facilius, videant, & auantagiū habeant capiendi eas, & quod homines & aliæ aues rapaces, seu animalia alia ipsos offendere nequeant.

CAPITVLVM V.

De accipitribus.

A vstures & nisi nidificant in omnibus climatibus, in nemoribus videlicet supra arbores, & quantò sunt magis imæ, tantò creduntur esse audaciores, & comunis opinio est, quod hoc faciunt quia capiunt magnas aues, vt eas ad nidum facilius deferant, & in conuallib⁹, vt prædam quam capiunt in locis altioribus circum circa nidum, ad nidum suum volando à sursum deorsum facilius ferant, imò quando capiunt prædam in planis, aut in conuallibus, ipsam

ipsam licet cum labore trahunt & deferunt trahendo ad locum altiore nido, & de illo loco volant descendendo ad nidum facilius cū præda, & propter aquas quæ plus sunt illic quàm in altis locis, præcipuè tempore suæ nidificationis, æstiuo scil. tunc quoniam illas aquas frequentant aliæ aues propter potum & balneum ipsorum, & sic non multum recedunt à nido quærentes prædam, & propter locum humidiorum & frigidiorum, quo defenduntur à calore solis, & quia sicut rapaces, & calidæ naturæ, affectant locum superiorem. Vniuersaliter autem omnes aues rapaces quæ nascuntur in septimo climate, & vltra, versus polum arcticum, sunt maiores, fortiores, audaciores, pulchriores, meliores & velociore, quælibet autem in specie sua. Maiores, quia in septimo climate & vltra, est frigus intensum, cōtemperans caliditatem intensam quam habent ex eorum natura, & ex contemperatione caliditatis augmentatur humiditas, & ex augmentatione humiditatis dilantur membra, & sic efficitur corporis magnitudo, quod probatum est apertius & plenius in præcedenti capitulo, vbi dicitur quod fœmina est maior masculo. Fortiores, quia boreas & frigiditas illic dominans, corpora constituit fortiora, claudendo enim poros cutis, naturalem calorem & spiritus exhalare non finit, quæ duo conseruata in corporibus, ipsa reddunt fortiora, robore in neruis consistente, & conseruatur sanguis & alij humores puriores: in calidis vero regionibus, spiritus, calor & humores euaporant,

rant, & vis deficit, item membra sui corporis sunt grossiora, quod est signum fortitudinis in animantibus. Item audaciores sunt in frigida regione, quia sentiunt se habere vires, & habent sanguinem calidum & purum, magis quàm in calida regione; Aues enim ipsæ, per conseruationem caloris & spirituum, in intrinsecis fortius digerunt, & calidiores generant humores, item habent cor magnum respectu sui corporis, & calidissimum, quæ duo faciunt ad audaciam, & per appetitum vehementem, habent audaciam inuadendi aues quas rapiunt, & probatio huius est, quia vidimus corda accipitrum quorundam de Septentrione grossa, & inferius habentia duos corios, & hos accipitres vidimus audaces valde. Pulchriores secundum formam membrorum, quia cùm in huiusmodi aëribus sint magis & melius cōtemperati & proportionati humores, sicut superius dictum est, & ex humorib⁹ nutriantur & foueantur membra, & membra ipsa in aëribus istis magis & melius sunt proportionata, & propterea aues istæ sunt pulchriores: item secundum speciem plumagij aues istæ sunt pulchriores, quia cùm ex humiditate pennæ proueniant in aëribus, & ex eo proueniat calor, ex quo calore color rubeus generatur, & aues istæ calidiores sint naturaliter omnib⁹ aëribus, color in istis inuenitur magis rubeus quàm in alijs, qui color rubeus pulchrior iudicatur in aëribus istis, secundū quod inferius plenius dicetur. Item meliores & velociores sunt ex rationibus suprà dictis. Dicimus
ergo

ergo aues rapaces quantò nascuntur propinquiiores septimo climati, tantò sunt maiores fortiores, audaciores, pulchriores, meliores & velociores, quælibet tamen in specie sua.

CAPITVLVM VI.

De ouatione.

TEmpus quod est inter conceptionem & ouationem, non distinguimus, cùm de die conceptionis constare non possit. Aues de rapina ponunt oua quandoque tria, quandoque quatuor, quandoque quinque, & de istis non semper veniunt filij ad perfectionem, aut quia quædam de illis sunt oua venti, aut quia tonitrua permutant ea, aut ex aliquo accidenti corrumpuntur.

CAPITVLVM VII.

De cubatione.

DE tempore cubationis ouorũ auium rapaciũ certi non sumus, pro eo quod plures de auibus rapacibus nidiñcant in regionib⁹ longinquis, & nimis remotis à nobis, de quibus notitiam habere nō possumus, opinamur tamẽ ipsos cubare oua sua infra quadraginta dies.

CAPITVLVM VIII.

De plumis, lanulis, & pennis.

IN nascuntur primò pullis auium de rapina nouiter genitis, illæ quæ non sunt vt pili, neq; vt lanulæ, sed habent naturam inter vtrumque quæ cooperiunt eos, & à frigore quoquo modo defen-

defendunt. Secundò innascuntur lanulæ, & à quibusdam dicuntur dumæ, hæ sunt exiles & molles, densiores & longiores primis, hæ plus cooperiunt & plus defendunt illis, & his natis cadunt illæ. Tertiò innascuntur eis pennæ, quas pennas non firmannt ita citò, pro eo quod sunt, siccioris naturæ cæteris, & siccitas repugnat velocitati credienti, & quia omnes aues de rapina longiores ponunt pennas respectu sui corporis, firmannt autem pennas ipsas circa duos menses quas pennas primo anno suæ natiuitatis, in quo dicuntur sauræ, semel mutant, non bis secundū quod mutant cæteræ aues non rapaces. Pennæ verò maiores, quæ sunt in alis & cauda ipsarum, in pluribus sunt sub certo numero, non rapacium verò non sic.

CAPITVLVM IX.

Quomodo pascuntur à parentibus.

Modus matris rapacium in pascendo pullos suos talis est: quousq; pulli firmiores fiant quod possint volare, dum sunt adeo nouelli & teneri, quod non possint rumpere carnes, portat ipsis carnes in gutture suo, & euomit carnes deponendo eas ante ipsos. Carnes autem hæ sunt de auibus, aut si defuerint aues, de quadrupedibus, quas capere possit, calefactas itaque huiusmodi carnes in sia, quæ dicitur gorgia, decisas, minutas & inceptas digerere, dat pullis suis, nam sic alteratas & minutas carnes facilius digerunt pulli, & in quantitate debita pascunt

pascunt eas, & hostis conuenientibus, manè sci. & serò. Postquam verò iam fortiores sunt rostro & alijs membris, non amplius portat ipsis escā in gorgia sua, sed portat in pedibus suis aues deplumatas, & ponit ante ipsos, & aliquando deplumat eas ante ipsos, aut carnes, si auiculas non habuerint.

CAPITVLVM X.

Qualiter mater docet eos aucupari.

Quando pulli in nido iam sunt facti maiusculi & fortiusculi, mater portat ante eos auem morticinam, & docet illos eam deplumare, & pasci ipsa deplumata, & hoc facit pluries. Postquam verò iam sciunt deplumare, & cognoscunt iam aliquantulum, portat eis auem viuam partim deplumatam, vt non possit bene volare, quam priusquam ostendit eis, finit volare vt potest, & filij insequuntur eam, & si aliquis capiet eam, mater conuocabit alios, vt alij pulli pascantur de ea ipsa aue, & si fortè aufugiet auis illa, volat mater & iterum capit, & dimittit eam ante filios, & statim cùm aliquis ceperit illam, & erit intentus circa prædam occidendam & comedendam, mater alios phibet, vt nō impediant illum. Et sic docet volare pullos suos & aucupari.

CAPITVLVM XI.

Quomodo expellantur à parentibus, & quare.

Pulli autem postquam sciunt volare & aucupari, mater fugat eos à tota contrata, quia

DE ARTE VENANDI CVM AVIB.

quia si venarentur vnà cum matre, in vna contrata, non rapaces aues fugerent, & minus inuenirentur de ipsis, & sic vix parentes haberent cibum sufficientem sibi & filiis, & si mater caperet aliquid, filij auferrent ei, & vnus alij. Sic ergo postquam docuerint ipsos aucupari prædam, expellunt eos à se, & à tota contrata; ipsi autem fugati diuiduntur à parentibus, & à se inuicem, vnusquisque singulariter intendens venationi suæ, & prædantur grillos, bruchos & scarabeos, & in defectu bruchorum & huiusmodi, quos mori contingit aut fugere ad . . . & modica frigora, capiunt auiculas & bestiolas quascunque retinere possunt.

CAPITVLVM XII.

De loco, quem eligunt, donec in regione morantur.

PVlli auium rapacium postquã expulsi sunt à parentibus, in quacunq; regione morantur, semper sibi eligunt vnum locum altum, eminentem & expeditum, videlicet aut in arbore, aut in petra, aut in gleba, vt longius videre valeant, & facilius capiant prædam, pro esca ipsorum, ad quem locum libentius redeunt ad quiescendum, dum fuerint in eadem regione, nisi per aliquam causam cogantur dimittere regionem.

CAPL

CAPITVLVM XIII.

Quomodo exeunt ad prædandum, & ad
acquirendam sibi escam.

AVes rapaces manè exeunt ad prædandum; quæ postquam comederint, redeunt ad loca propria suæ mansionis; quod si cibus quem manè sumpsierint, non sit eis sufficiens vsque in crastinum, quia fortè non ceperunt magnam prædam, sed priusquam complexent sibi pastum, cogebantur ipsam dimittere, post nonam iterùm exeunt ad prædandum. Visum fuit etiam aliquando, quod falcones venabantur & prædabantur per noctem, maximè in plenilunio, quoniam de die nihil rapere poterant, ex quo potest coniecturari, quod & cæteræ aues rapaces idem faciant aliquando, non naturaliter, sed necessitate urgente, vel quia propter aliquod aliud impedimentum quod habuerunt, in die aliquid capere non potuerunt.

CAPITVLVM XIV.

De transitu ipsarum, & quare transeunt,
& de modo transeundi.

AVes rapaces solitariè transeunt, timentes de alijs rapacibus ne auferant sibi prædam, propter quod nunquam vadunt cum alijs rapacibus, siue sint suæ speciei, siue non, quia natura rapacium est, auferre prædam alijs rapacibus, si simul se inueniunt; transeunt autem rapaces & propter semperiem aëris, sicut & cæteræ aues, quam-

quamuis calidiores sint cæteris auibus, & melius possint sustinere frigus, & quia oportet eas transire, nam cum viuant de alijs auib⁹ non rapacibus quas rapiunt, & illæ aues transeant quæ sunt sibi esca, ipsæ sequentes ipsas transeunt.

CAPITVLVM XV.

De tempore anni, & temporum qualitatibus.

AVes rapaces transeunt in tempore anni videlicet in autumno, & in qualitatib⁹ temporum sicut cæteræ aues non rapaces, siue de nocte, siue de die, cum habile tempus habuerint, & dimittunt omne id quod faciunt, siue pascantur, siue dormientes quiescant, & arripiunt iter suum cum ventis, vnde vidimus rapaces quibus proiecimus prædam, quod dimiserunt prædam quam sibi parauerant, & comedere volebant, adueniente sibi vento conueniente ad transitum.

Rex Manfredus.

NEcessitas verò quare venentur falcones de nocte est hæc: cum adueniente tempore transitus, properent falcones ad transitum & festinent, ne forte tempus aptum ipsi transitui turbetur, & fiat ineptum, & potius velint aliquo dierum non pasci, quàm perdere tempus transeundi, accidit quod transeundo in die nõ curent de pastu, vnde si contingat plenilunium esse, vt falcones videre valeant, auem venantur, & capientes ipsam pascuntur.

CAPIT.

CAPITVLVM XVI

De quibus locis transeunt, & ad quæ loca, quare morantur in locis ad quæ transierunt, & quàm diu.

DE quibus locis transeant aues rapaces, & ad quæ loca, & quare morantur in locis ad quæ transierunt, & quàm diu, non facimus speciale capitulum, quia vniuersaliter id quod dictum est in capitulo de quib⁹ locis transeunt, & ad quæ loca transeunt descendunt generaliter omnes aues, conuenit tam rapacib⁹ quàm non rapacibus.

CAPITVLVM XVII

De reditu ipsarum, & quare, de modo redeundi, tempore anni, & temporum qualitatibus.

AVes rapaces redeunt solitariè, & circa tempora veris propter temperiem aëris, & redeunte esca sua, quemadmodum transierunt cum eadem, & in temporum qualitatibus sicut redeunt cæteræ aues; redeunt & ad pullificandum & generandum sibi simile, vt saluetur species, secundum quod dictum est in generali capitulo de reditu auium. Aues rapaces magis abundant in frigidis regionibus, vt in septimo climate & vltra, maximè tempore veris & æstatis, pro eo quod sunt calidissimæ naturæ, & aër septimi climatis magis conuenit suæ naturæ quàm aër calidæ regionis, maximè cum tunc in-

164 DE ARTE VENANDI CVM AVIB.

tendant ad nidificandum, & aues quæ sunt præda & cibus ipsarum, tam aquaticæ quàm terrestres, tunc magis abundant in regionibus supra dictis, & quia inueniunt illic arbores multas, syluas & rupes altas, in quibus possunt nidificare, & se à nocumentis tueri, syluas & arbores pro genere accipitrum, & rupes pro genere falconum, pro eo etiam quod regio septimi climatis & vltra, aded est spatiosa & ampla, quod aues rapaces possunt ibi melius nidificare & prædari, sine contrarietate vnius cuiusque. Tempore verò autumnii & hyemis, magis abundant in calidis regionibus, pro eò quod aer ipsarum regionum eo tempore magis est eis temperatus, quàm frigidarum regionum, & tunc magis abundant in ipsis regionibus ceteræ aues, quæ sunt cibus & esca ipsarum, vt dictum est in capitulo, de transitu auium non rapacium.

CAPITVLVM XVIII.

De cognoscendis falconibus per formam membrorum, & plumagium, comprehendens tantum formam & colorem pennarum, & de Electione pulchriorum. REX.

CVm sæpe legeremus & relegeremus hunc librum, vt fructum scientiæ caperemus, & ne vitio scriptoris aliquid remanserit corrigendum, finito præmio, inuenimus quod Dominus pater noster subsequenter ordinauerat capitulum istud inter alia capitula, videl. de modis

dis quibus habentur falcones; tamen inter capitulum istud & proœmium, erant chartæ non scriptæ, quibus repertis existimauius aliquod aliud capitulum deesse, & omissum fuisse, quod scribi debebat in eis, post spatium verò temporis, dum quæreremus quaternos & notulas libri istius, eo quod videbamus ipsum ratione scriptoris correctione egere, inuenimus in quibusdam chartulis quoddam capitulū, intitulatum De plumagio falconum. Quo capitulo docebantur differentiz falconum per membra, & plumagia ipsorum: nos autem rememorantes dubietatis quam habuimus, cum perlegendo librum peruenimus ad capitulum prædictum, quod proœmium sequebatur, vbi credebamus aliquem fuisse defectum, propterea quod chartas non scriptas videramus ibidem: visum fuit nobis, quod capitulum de forma membrorum & plumagio falconum, illic locari debebat, eò quod capitulum de cognoscendis falconibus, capitulum de habendis ipsis præcedere debet, & quod ignota & incognita, si quærantur reperiri non possunt, quia quod est incognitum qualiter reperitur? & si accidit inueniri, non est ratione scientiæ, sed fortunæ, propter quod ut inuentoris intentio non frustretur, & auem vnius speciei loco alterius non acquirat, vidimus præponendum esse capitulum quo docetur qualiter cognoscantur falcones, & in quibus conueniant & differant ratione plumagij & membrorum, capitulo, quo docetur, qualiter habeantur.

CAPITVLVM XIX.

De Girofalconibus.

MElior forma membrorum, & melior proportio in Girofalconibus est hæc: quod superior pars capitis sit æquè iacens, non tumida in sursum, posterius capitis amplum & spaciosum. Anterior pars capitis, quæ est supra oculos, sit ampla, supercilia exeuntia forinsecus, oculi concaui, nares largo foramine amplæ, rostrum grossum, curuum & durum, collum versus caput gracile, versus spatulas grossum, amplitudo & spatiositas ab vno humero ad alium per latitudinem dorsi, iuncturæ alarum mediæ tendentes versus caput, quæ à quibusdam dicuntur pulsiones alarum, dum alæ non sunt expansæ neque extensæ, tendant versus caput in sursum, & non deorsum, corpus eius descendat vniformiter in subtilius & acutius vsque versus caudam, hanc formam dicunt Geometræ formam pyramidalem, tenet alas ambas comprehensas & eleuatas ad dorsum, non decedentes neq; dependentes, vna ala versus caudam supponitur alteri, & intersecant se in modum crucis. Pennæ maiores alarum, tam cooperientes alias, quàm illæ quæ sunt coopertæ, hoc est, tam superiores quàm subteriores, sunt latæ & duræ, pennæ cooperientes, quantò plures subteriores cooperient, & quantò longius versus extremitatem coopertarum, tantò erit melius, omnes pennæ caudæ, quando non volat, sunt relectæ & adunatæ sub duabus superioribus

ribus, quæ dicuntur coopertoria. Locus gorgiæ est amplus & profundus, gorgia post multum cibum parùm turget, & plena cibo est rotunda, pectus forinsecus prominens & carnosum & densum, anchæ spatiosæ, tibie curtæ & grossæ, palma grossa & ampla, digiti longi, macri, asperi, squamosi, distantes ad inuicem, spatiosi, ungues macri, curui & acuti, plumæ quæ sunt sub maiorib' pennis caudæ, quæ vocantur brachæ, sunt densæ, & tendunt versus extremitatem caudæ, vt suppleant & claudant interualla maiorum pennarum caudæ, quando volant, plumæ coxarum quæ sunt à genibus suprâ, sunt longæ, & tendunt versus caudam. Vniuersaliter omnes plumæ & pennæ magnæ & parvæ nō sunt hirsutæ neque horripilatæ, sed comprehensæ ad corpus, & relectæ inuicem, item totum corpus eius maius est quàm in cæteris falconibus & ponderosius.

CAPITVLVM XX.

De plumagio Girofalconum.

Plumagium Girofalconum sic se habet: alij enim sunt grisei coloris, alij albi coloris aut subalbidī, maxime in pectore, alij sunt medij inter album & griseum, ab aliquibus dicuntur cannauacij. Albi plus albescunt circa pectus, sed dum sunt infra primum annum, super dorsum habent colorem in plumis partim album partim subruffum vel subrubeum; postquā verò sunt mutati, subruffedo mutatur in
nigre-

nigredinem, & albæ pennæ sunt albiores & clariores, & rostrū albi girofalci & vngues tendunt ad albedinem, plusquā in ceteris girofalcis. Grisei antequam sint mutati, sunt diuersi plumagij, nam alij sunt fusci seu sub nigri, alij sunt subrubei, & hi duobus modis: nam quidam eorum sunt non guttati super dorsum & caudam, & quidam sunt guttati super dorsum & caudam, quidam plus, quidam minus. Subnigri post mutationem fiunt grisei, obscuri, subrubei; non guttati fiunt grisei clari, subrubei; & valde guttati, fiunt cannabacij. Medij inter albos & griseos pluribus modis fiunt, quā alij: nam quidam eorū tendunt plus ad albedinem, alij magis, alij minus, & quidam tendunt plus ad griseitatem, & horum alij magis, alij minus.

CAPITVLVM XXI.

De laudabiliori plumagio in Girofalconibus.

DE laudabiliori plumagio in girofalconibus vix possemus dicere quale sit, quoniā visi sunt de omni plumagio eorū boni. Et nos iam habuimus de omni plumagio bonos, sed albi quoniam sunt pulchri, & rarò habentur de eis, quia apportantur à magis remotis locis quā ceteri, habentur rariores, post hos cannauacij secundum eundem modum. Quicumq; igitur girofalconum habebunt ea quæ diximus, laudabiliores erunt. Qui verò approximabunt his, quantò plus approximabunt, tantò laudabiliores erunt post illos.

CAPIT

LIBER SECVNDVS. 169
CAPITVLVM XXII.

De sacris.

Sacri secundum formam membrorum sic se habent, approximant enim girofalconi in magnitudine corporis, plusquàm cæteri modi falconum, sunt tamē minores girofalcis, habent caput magnum rotundum, rostrum breuius, corpus subtilius & longius in proportionē suā, alas longiores, caudam etiā longiorem, pectus minus carnosum & minus densum respectu sui corporis, quàm girofalci, digitos pedum habent breuiore. Per bonam formam & proportionem in sacris, & per pulchrū plumagium eorundem, non potest haberi certum signum de laudabilitate ipsorum, quemadmodum habetur in girofalconibus, & cæteris modis falconum, multoties enim visi sunt falcones sacri bonæ formæ membrorum, & pulchri plumagij, qui non erant veloces, nec in alijs bonitatib⁹ laudabiles: & è contrario, visi sunt sacri indecentis formæ & turpis plumagij, veloces & in cæteris bonitatibus laudabiles, ut igitur habeatur certitudo bonitatis eorum, ad alia signa recurrendum est.

CAPITVLVM XXIII.

De plumagio.

Sacri, dum dicuntur sauri, hoc est, antequam sunt mutati, inueniuntur de diuerso plumagio: nam alij fiunt bruni tendentes ad nigredinem, alij sunt subrubei, alij sunt flauī, qui

omnes post mutationem parùm dissimilantur
in plumagio à se non mutatis.

CAPITVLVM XXIV.

Degentilibus peregrinis.

Gentiles peregrini sunt minores falconibus
Sacris, & conueniens forma & melior, est
in eis qui habent quædam de melioribus formis
giro falconum, scil. rostrum grossum & curuum,
seu aduncum, nares amplas, supremum capitis
planum & æquum, non eleuatum neque tumo-
rosum, oculos concauos, supercilia foris promi-
nentia, posterius capitis spatiosum, collum cur-
tum, & prope caput subtile, & versus spatulas
grossius, partem colli inter spatulas eleuatam,
fossam inter pectus & collum habet amplam &
profundam, in qua locatur pars meri recipien-
tis primo cibum, & in qua fossa præparatur an-
tequam ad ventrem pertranseat, vt illa fossa
post cibum multum sumptum non infletur ni-
mis, & sit rotunda, pectus prominens foras, &
plenum, densumq; carnosum. Illæ plumæ quæ
vocantur bracæ, sunt longæ & copiosæ plumis,
& sunt eis pendentes sub genibus versus caudâ,
crura grossa & curta, palmæ pedum sunt amplæ.
digiti sunt expansi, longi & macri, ungues au-
tem magni. Ab vna spatula vsq; ad aliam est am-
plitudo & spatiositas per medium dorsi. Loca
in tertia iunctura alarum, vnde incipiunt nasci
pennæ longiores alarum, quæ quando alæ non
sunt expansæ, videtur altior prior pars alæ, sunt
eleuata ad superius in directo capitis. Alæ sunt
eleuæ super dorsum, non decedentes cùm de-
bent

bent se interfecare super renes. Plumę dorsi sunt amplę & rotundę in extremitate sua. Pennę maiores alarum, tam coopertę quàm illę quę cooperiunt, quas cooperientes vocam' vanos, & coopertas vocamus cultellos, sunt planę, non crispę, amplę & durę. Omnes pennę & plumę sunt comprehensę & constrictę ad totum corpus. Pennę maiores sunt relectę sub duabus quę dicuntur coopertoria. Falconum gentiliū peregrinorum, dum sunt sauri, quidam sunt bruni simpliciter & absolute, qui nullam marginem habent in pennis, aut tendunt ad rubedinem secundum magis & minus, habentes marginem rubedinis, aut tendunt ad pallorem secundum magis & minus, habentes marginem palloris. Item ruffi, aut sunt ruffi simpliciter & absolute, non habentes vllam marginem neq; in dorso, neq; in cauda, aut tendunt ad brunedinem secundum magis & minus, habentes marginem tendentem ad brunedinem, aut tendunt ad faluedinem secundum magis & minus, cum margine simili. Item falui aut sunt simpliciter falui & absolute, qui non habent marginem in dorso neq; in cauda, aut tendunt ad rubedinem secundum magis & minus, cum margine simili, aut tendunt ad pallorem secundum magis & minus cum margine simili. Maculę quę sunt in anteriori parte falconis, quę scilicet sunt à gula per totum pectus vsq; ad ouariam, aut sunt grossę omninò aut minutę omninò, aut partim grossę & partim minutę, scil. à collo vsq; ad furcam pectoris minutę, sed
à furca

à furca pectoris vsq; inferius grossæ. Item ipsorum peregrinorum quidam sunt desuper guttati in pennis, quæ sunt in dorso in alis & cauda, quidam non sunt guttati. Item habentium guttas, quidam eorum habent guttas subrubeas, quidam subpallidas, item quidam rotundas guttas, & quidam oblongas; item quidam maiores, & quidam minores; item quidam multas, quidam paucas. Item peregrinorum brunorum, alij habent plumas & pennas in dorso, alis & cauda marginatas subalbedine cum pallore, quidam marginatas subrubedine, & horum quidam habent marginem ampliorem, quidam strictiorem, & præcipuè in extremitate pennarum. Item peregrini subrubei & falui, possunt diuidi quantum ad maculas, quantum ad guttas, quantum ad margines pennarum, secundum suum modum, quemadmodum peregrini brun.

Lucipiemus itaq; de brunis, id est de fuscis, qui tendunt ad rubedinem, quamuis sint aliqui credentes quod huiusmodi falcones non sint de manerie illorum qui dicuntur gentiles peregrini, tum quia pauci inueniuntur de ipsis, tum quia sunt fusci, & dissimiles valde subrustis & faluis, de quibus habetur maior copia quam de ipsis brunis & fuscis: nos verò ipsorum opinionem contradicimus, quod isti brunii sunt de melioribus & pulchrioribus peregrinis, maxime si habuerint formam membrorum prædictam, & plumagium quod dicemus in præsentia. Sciendum est igitur, quod huiusmodi fuscos seu brunos tendentes ad rubedinem, vocamus illos

lōs qui habent colorem brunum permixtum rubedini, adeo quod nec ille color sic mixtus possit dici brunus, nec verè rubeus. In melioribus de istis, suprema pars capitis debet habere quasi coronam quandam in circuitu capitis, de plumis rubeis, pars illa corij, quæ est inter duri-
tiem rostri, & primas plumas capitis, scil. vbi sunt nares, quam vocamus ceram, debet tendere ad viriditatem. Plumæ quæ sunt in maxillis sub oculorum parte, sunt subrubæ, sequentes verò quæ sunt circa aures, debent esse faluæ, & tendere ad rubedinem. Pennæ supra dorsum, debent esse brunæ brunedine quæ tendat ad rubedinem, & debent esse marginatæ margine rubedinis, & quantò talis margo erit amplior, tantò erit conuenientior, & melior, & debent esse sine guttis. Pennæ maiores alarum sint brunæ, & marginatæ vt diximus. Pennæ caudæ eiusdē coloris cum pennis dorsi, & similiter marginatæ, & sine guttis, laudabiliores & pulchriores erunt quantò margines pennarum caudæ maiores erunt: item margines pennarum caudæ, si tendunt ad rubedinem, melius erit, de illis dico, qui habebunt pennas caudæ marginatas, quàmuis in omnibus sint minus rubæ pennis dorsi prope extremitatem. In omnibus falconibus habentibus pennas caudæ marginatas, consueuerunt esse illi margines in plurib' sub-
albidi & pallidi, magis quàm in extremitatibus dorsi, & hoc accidit, quia margines pennarum caudæ remotiores sunt à corde, & à principio caloris naturalis, qui est in corde, vt extrema fo-
liorum

litorum in arboribus palleſcunt ex diminutione caloris, & defectu nutrimenti, & extrema capillorum in canitie; item dicti, margines in cauda, ſi pallidi ſi corroſi inueniantur, accidere poteſt ex eo quod falco frequētius percutit terram & alia corpora ſubiecta cum eis, quàm cum extremitatibus pennarum dorſi. Maculæ nigræ in plumis ſub gutture ſint groſſæ, & non multum longæ, & ſint æqualis magnitudinis & ſimilis coloris circa guttur, per totum pectus. Plumæ ſub alis debent tendere ad rubedinem. Plumæ ſuper partem coxarum, debent habere amplum ſatis illud brunum, quod habent per medium ſui, ita quod reſiduum ex vtraque parte plumæ dictæ, ſit rotundum & ſaluum, tendens ad rubedinem. Plumæ coxarum habeant maculas coloris macularum pectoris, neq; ſubtiles neq; acutas, ſed ſint conuenientes, in ordine quantitate & colore, non confuſæ: item eadem maculæ plumarum coxarum, debent longitudine ſua eſſe ordinatæ, & ſimiles inuicem. Color pedum ſolet reſpondere colori plumæ falconis, hoc modo: quod ſi falco fuerit brunus, color pedum cōſueuit eſſe viridis, & quanto brunior eſt falco, tanto magis habebit pedes colore virides, & quanto plus tendet ad rubedinem, tanto pedes tendent magis ad viriditatem citrinam, & in hoc quidam magis, quidam minus, & ſi fuerit rubeus, viriditas pedis tendet magis ad citrinum, & ſi fuerit de ſaluis, viriditas tendet plus ad albedinem, & in hoc quidam plus quidam minus, ſecundum intentionem & remiſſionem.

remissionem coloris plumagij. Color autem pedum respondebit colori illius loci in rostro qui dicitur cera; accidit tamen quod color pedum & ceræ in aliquibus falconibus discordent à plumagio, & inuicem. scil. color pedum à cera, sed hi non consueuerunt esse laudabiles, quemadmodum illi in quibus concordat: & si color ceræ concordat plumagio, & pedum non, minus malum est quàm si neutrum concordaret plumagio.

CAPITVLVM XXV.

De peregrinis brunis, & de subruffis & faluis, qui retrahunt ad colorem meliorem, & ad meliorem formam.

Q Vicunque peregrinorum fuscorum seu brunorum, plus retrahent ad supradictum plumagium, & ad supradictam formam, illi plus laudabuntur, & chariores erunt & pulchriores. Illos vocamus brunos rēdentes ad rubedinem, qui plus tenent de brunedine, & sunt plus brunni quàm rubei, & illos vocamus rubeos tendentes ad brunedinem, qui habebunt plus de colore dicti plumagij, in dorso, in plumis & pennis, & in alijs quæ diximus; & qui habebunt plura conuenientia secundum suum plumagium, de ipsis melior spes erit.

CAPL

CAPITVLVM XXVI.

De disconuenienti plumagio, & disconuenienti proportionem membrorum in peregrinis.

Peregrini falcones, qui sunt pallidi guttati, & maximè guttis liuidis, & finis pennarum non est marginatus, & si est, margo est pallidus, & cauda grisei coloris, dissimilis colori dorsi, & maculæ antepectus sunt minutæ, & plumæ super partem coxarum habent maculam quæ est per medium sui, adeo strictam, quod residuum ex vtraq; parte maculæ plumæ, est quasi continuatum, & plumæ sub alis sunt pallidæ tendentes ad liuedinem, & plumæ coxarum non habent similitudinem, neque ordinem, neque in quantitate, neque in colore, sed potius confusionem, & maximè qui habent colorem croceum in cera & pedibus, & reliqua signa erunt contraria signis laudabilibus supradictis, tales inquam falcones peregrini habent plumagium disconueniens, & de quo non est spes, quantum ad signum coloris. Item quicumque peregrinorum habebunt formam in membris & figuram dissimilem prædictæ, quæ conuenientior est inter omnes, illi erunt minus chari, & minus laudabiles, & quantò plus habebunt de contrariis bonæ formæ, tanto erunt illauidabiliores. Falcones peregrini postquam mutati sunt, efficiuntur corpore grossiores, & pennæ alarum & caudæ fiunt curtiores, ampliores & duriores quàm sauræ, & in anteriori parte eueniunt albæ, & super

& super dorsum bisei coloris, & aliqui ipsorum falconum, illorum præcipuè qui non sunt pulchrioris plumagij, habent maculas super dorsum, & caudam per transversum, tendentes ad brunedinem, & hoc secundum magis & minus, respectu coloris quem habuerunt quando fuerunt sauræ, & quantò plus sauræ tendunt ad pallorem, tantò magis mutatæ sunt albæ, & quantò plus sauræ tendunt ad brunedinem, tantò minus mutatæ eueniunt albæ, & maculæ circa gorgiam sicut erant sauræ per longum, sunt similiter & mutatæ, sed sunt subtiliores, & omnes aliæ maculæ à gorgia inferius quæ fuerant sauræ per longum, mutatæ eueniunt per transversum, & sic tam istæ quàm alię super gorgiam, efficiuntur brunæ, & hoc secundum magis & minus, videlicet maculæ quæ in sauritie fuerunt brunæ, in mutatione efficiuntur bruniores alijs maculis, quæ in sauritie non fuerant tantum brunæ, & pellis circa oculos & pedes illorū, quæ mutantur syluestres, efficiuntur crocei coloris.

CAPITVLVM XXVII.

De falconibus gentilibus absolutè.

Falcones gentiles absolutè, quando sunt sauri, secundū maneriem plumagij trium modorum sunt, sicut & peregrini, & qui plus tendit ad illa duo, scil. ad plumagium & formam falconis peregrini bonæ formæ, laudabilior habebitur. Et licet dictum sit, quod falcones gentiles absolutè sint eiusdem speciei cum falconibus

M

pere-

peregrinis, tamen in aliquo differunt, videl. quod sunt corpore minores, habent caput rotundius & minus, rostrum curtius, pedes minores in sua proportionem quàm peregrini, & color cuiusque maneriei in falcone gentili, non est ita viuis & pulcher sicut in peregrino eiusdem maneriei. Et ad illam pulchritudinem plumagij, & illam decentiam membrorum quas diximus, omnes peregrini magis appropinquant, cuiuscunq; maneriei sint, quàm gentiles, & aliqui eorum habent eam totaliter, gentiliū verò vix aliquis aut nunquam. Et quia sunt multæ conuenientiæ inter gentiles & peregrinos, secundum plumagium & formam membrorum, & pauca differentia, & illæ differentia, inter se tantum parum distant, quod non potest adeo lucidum declarari, vt cognoscatur per plumagium & formam gentilis à peregrino, & quod aliquando etià aliquis in hoc non erraret, nisi ex longo vsu: in operationib⁹ verò, quia multum differunt inter se, & differentia ipsæ sunt inter se valde distantes, per eas de leui potest cognosci vnus ab altero, secundum quod apparebit in capitulis de operationibus ipsorum. Quando verò falcones gentiles sunt mutati, eueniunt pennæ eorum in omnibus sicut & pennæ peregrinorum, sunt tamen plus guttata in dorso & cauda quam pennæ peregrinorum, quia non sunt ita pulchri sicut peregrini.

CAPI.

LIBER SECVNDVS.
CAPITVLVM XXVIII.

179

De Lanerijs.

Falcones Lanerij minores sunt gentilib⁹ falconib⁹ absolute, & habent caput & collum grossiora ad proportionem suorum corporum quàm alij falcones, sunt longi & subtiles, parum carnosi, pedes habent paruos, digitos pedum grossos & curtos & coloris flauī, & eorum quidam sunt bruni, quidam tendentes ad rubedinem, & pro maiori parte pallidi, & generaliter omnes sunt guttati in dorso, sed quidam plus, quidam minus. De his verò dicere non possumus qui sunt meliores, secundū formam membrorum & maneriem plumagij, quia de qualibet forma & manerie membrorum inueniuntur boni & minus boni: nos tamen illos reputamus pulchriores, qui secundū formam membrorum & maneriem plumagij magis assimulantur falconibus sacris. Falcones lanerij postquam mutati sunt, eueniunt albi ante pectus, & super gorgiam habent maculas nigras, paruas & rotundas, & à gorgia inferius habent maculas nigras, & per transversum & super dorsum. Et quidam sunt grisei coloris, & habent maculas grossas nigras albedine marginatas, & per transversum, qui post mutationem efficiuntur deteriores, quam fuerant in sauritie, quia non sunt ita audaces, neque ita veloces.

Dicto de falconibus secundū genus suum, & de omnibus speciebus ipsorum, quibus homines vsi sunt, videndum de austure & niso.

M 2

Dicen-

Dicendum est & de speciebus accipitrum quib' utimur, sed quia intendimus specialem tractatum de eis facere, exinde tacemus ad præsens, dicemus tamen differentias quas habent falcones inter se nidafios & ramagios.

CAPITVLVM XXIX.

Dicto de forma & plumagio conuenienti austurum saurorum, & eorum qui mutati sunt; Dicendum est de Speruerijs.

Speruerij sunt minores alijs auibus de rapina, quibus frequentius utuntur homines, & quia secundum formam membrorum & maneriem plumagij, assimilantur austuribus, licet sint alterius speciei, tamen illi qui appropinquant formæ membrorum conuenienti, & pulchro plumagio austurum, sunt laudabiliore, habent tamen maculas per transuersum, & maculas caudæ similiter pertransuersum, & si aliquis inuenitur qui maculas caudæ habeat, ut dictum est de austuribus, pulchrior iudicatur. Speruerij mutati habent maculas per transuersum in anteriori parte, sicut erant sauræ, & illi sunt pulchriores, qui habent plumagium, sicut dictum est de austuribus mutatis. Vnum tamen sciendum est, quod quando Austures & Speruerij infigunt aciem ad videndum aliquid, nigredo pupillæ oculorum videtur magnificari, & quando non, minorari. Et aliquando vidimus austures & Speruerios habentes pupillam oculorum magnam, ad modum falconum, sed falcones

cones nunquam visi sunt habentes oculos ad modum aulturis, vel Speruerij.

CAPITVLVM XXX.

De differentijs falconum nidafiorum
& ramagiorum.

Falcones differunt inter se, quando sunt nidafij à ramagijs, nidafij vix possunt nutriri, quin in membris læsionem aliquam patiantur, & si non læduntur in membris, vix esse poterit, quod ita pducant totas pennas amplas & claras, & viridis coloris sicut ramagij, & rarò producant eas quod non sint aliquæ ex ipsis corrosæ vel affamatæ, nec pducunt eas ita proportionatas ad inuicem sicut ramagij, & hoc contingit, quod non pascuntur ita bene ab hominibus cum conuenienti cibo & hora, sicut à parentibus, neque custodiuntur neque nutriuntur in sic puro aëre sicut in loco vbi nidificant, & color pedum & ceræ est magis albus in nidafijs quàm in ramagijs, nec ungues, nec rostrum nidafiorum sunt ita politi, lucidi & acuti, sicut ramagiorum, item nidafij sunt magis clamorosi & hiantes quàm ramagij, & quando nidafij pascuntur, horripilant pennas, cooperiendo pastum ipsorum & rostro & pedibus, cùm manus custodis eis porrigitur, pastum defendunt, qui dicuntur grinosi, & quantò citius extrahuntur de nidis, tanto plus habent de prædictis proprietatib⁹, & quantò tardius extrahuntur, tanto minus habent de ipsis proprietatibus,

& magis simulantur ramagijs, & differunt inter se inuicem in operationibus. Quod infra dicetur, in capitulo vnius cuiusq; per se.

CAPITVLVM XXXI.

De modis per quos habentur falcones nidasij.

S Equitur dicere modos per quos habentur falcones nidasij: Modi autē secundū quos habentur plures sunt. Vnus modus est quando extrahuntur de nido. Alius modus est, quando iam exierunt nidum, & capiuntur cum cæteris instrumentis, ad huc non multū elongati à nido. Tertius modus est, quando capiuntur tempore veris, quando sc. fugientes frigus mutant se, & transeunt ab vna regione in alterā. Quartus modus est, quando etiam tēpore hyemis capiuntur, in regionibus in quibus remanserunt ad hyemandum. Quintus modus est, quando capiuntur tempore veris, quando scil. redeūt ad loca natiuitatis suæ, vnde recesserant, vt dictum est, propter frigus; & tam inter illos qui transeunt, quā inter illos qui redeunt capiuntur sauri, & aliqui mutati vna muta vel pluribus. Illi verò qui habentur à nido, habentur similiter pluribus modis. Vnus modus est, quando accipiuntur oua de nido, & submituntur auibus domesticis ad cubandum, sed iste modus, quoniam aues sic exclusæ pauci vel nullius valoris sunt, nullatenus est approbandus. Alius modus est, quando ipsi extrahuntur de nido

nido non habentes plumas vel pennas aliquas ad volandum, sed tantummodo illas quæ dicuntur lanulæ ad tuitionem sui corporis contra frigus. Alius modus est, quando lanulæ iam deciderunt, quamuis non omnes, & tunc sunt quasi varij de lanulis ex plumis simul mixtis. Alius modus est quando lanulis prorsus depositis, pennæ & plumæ sunt augmentatæ eis, sed nondum exeunt extra nidum, neque ad volandum, neq; ad venandum. Inter omnes istos modos, illi qui minores & juniores extrahuntur, sunt deteriores ad id quod intenditur. Quapropter quantò maiores poterunt extrahi extrahantur à nidis, quando enim diutius nutriuntur à matre, tanto erunt meliorum membrorum & meliorum pennarum & fortiores, neque fient clamorosi seu frequenter hiantes, neq; erit tantum periculum in nutriendo ipsos postmodum parentes, siquidem pro nutriendis pullis suis venantur carnes conuenientes, & dant eis ad comedendum in tempore conuenienti debitam quantitatem, & propter hoc, pulli nutriti meliori nutrimento, habebunt pennas & plumas meliores, & singula eorum membra, & totum corpus augmentabuntur in melius. Si verò extrahuntur paruuli de nido, quoniam homo nutriens, nescit habere modum in his quæ necessaria sunt, quantitatem & qualitatem, tam in pascendo quam in custodiendo, erit periculum nutriendi, quoniam de facili morerentur, & ad paruam occasionem quamlibet, vel fierent læsi læsione perpetua, in aliquo

M 4

suorum

184 DE ARTE VENANDI CVM AVIB.

suorum membrorum, vel erit periculum si euadant sani, quod rarò accidit, non erunt fortes neque pennæ eorum firmæ, quantum illorum qui nutriuntur in nido, propter quod, quanto tardius poterunt extrahantur de nido.

CAPITVLVM XXXII.

De modo accedendi ad nidum.

Modus accedendi ad nidum vt inde extrahantur, diuersus est, secundum quod nidi in diuersis locis erunt: nam si nidus erit super arbores, ascendet homo super arbores, & extrahens ipsos de nidis, ponet eos in calathò, & portabit eos ad loca in quibus nutrire volere eos: si verò nidus erit in fixuris rupium, ligatur homo cum funibus, & ligatus demittitur de cacumine rupis, vsq; ante cryptam in qua est area nidi eorum, & intrans accipit eos: & sunt alij qui alios modos excogitant accedendi ad nidum vbicunque sit. Illi autem approbandi sunt, in quibus omnis diligentia omnisq; cautela adhibetur, dum capti salubriter portentur ad locum in quo nutriendi sunt.

CAPITVLVM XXXIII.

De præparatione loci in quo nutriuntur, & modo nutritionis eorum.

Distinctus est modus quo habentur extracti de nidis: dicendum est, quomodo præparandus est locus in quo nutriuntur, & quomodo nutriuntur, deinde dicentur alij modi secundum quos habentur, postquam dimiserint nidum.

Locus

Locus itaque in quo nutriendi sunt paruuli falconum, sit in loco campestri, distantia ab arboribus & à syluis, in turri aut in domo alta solitaria, nutriebantur enim à parentibus suis in altis locis longinquis à sylua, præterea falcones naturaliter diligunt loca campestria, multitudine arborum carentia, & in talibus locis venantur, vnde si nutrentur in syluis aut inter arbores, postquam creuissent, licet nondum firmi, hūc & illūc extra suum locū volarent ad loca campestria, quoniam naturaliter condelectantur in eis, neq; redirent libenter ad locum in quo nutriebantur, quamuis pulli falconum sicut & cæterarum auium, dum adhuc sint teneri nutriantur per alium, si aliquando auolauerint & consuetudinem habeant redeundi ad locum in quo nutriuntur. Ex quo sequitur, quod pulli falconum non possint de facili re haberi, cū libentius in campestribus morentur, quā ad syluosa loca redirent, & ex vsu recedendi à loco arboroso in quo nutrentur, possent aufugere & amitti. De loco verò in quo nutriri debent pulli accipitrum secus est, vt dicitur in tractatu de accipitribus. Item inuento loco vbi conuenienter nutriri possunt, pręparatur eis locus paruus ad similitudinem nidi sui, & de simili materia de qua erat nidus, aut de alia conuenienti. Locus autem hic paruus, debet esse apertus in tribus partibus, vt ventum Septentrionalem, Orientalem, & Occidentalem recipiant, & Solem ab Oriente & Occidente: à parte verò Meridiei sit clausus, ne Austerni venti noceant eis, dissol-

uendo humores de capite, reddendo eos pigriores & debiliores, & ne calor solis penarum & malorum humorum. Esca verò quæ sit conueniens dictum est, qualis debeat esse dicatur nunc. Carnes quæ debent dari pullis falconum, sint crudæ, quia resistent melius fortitudini caloris ventrium ipsorum, quàm coctæ, talibus enim vtuntur qui genuerunt eos, & isti deberent vti talibus iam etiam maiores. Sint teneræ carnes, imò teneriores quæ poterunt haberi, & propter hoc debent carere neruis, venis, arterijs, cartilaginibus, ossibus & pinguedine, quæ omnia dura sunt digeri. præcipuè à nouiter genitis, erunt autem teneriores quæ erunt de pinguioribus & non macilentis auibus, bestiis domesticis & non domesticis. Sint recentes, quoniam dum recentes suas proprias retinent qualitates, & sunt adhuc calentes calore naturali, suum saporem bonum non mutant, quæ si diu steterissent postquam fuissent separatæ de animali cuius erant, exhalante & expirante calore eorum naturali, calor extraneus subintrans humiditates earum corrumpere, vnde faceret malum saporem, & corruptos humores generaret. Sed si tamen non poterunt semper haberi recentes, illæ quæ parùm steterunt & refrigeruerunt, dari poterunt hoc modo, quod tantùm calefiant primitus in aqua dulci calida, donec perueniant ad caliditatem similem suæ caliditati quam habebant in animali cuius fuerant, sic enim minus erunt nociuæ. Sint de animali sano, nam carnes infirmorum animalium, pro eo quod

eo quod malas habent qualitates, malum nutrimentum facerent. Sint de auibus aut bestijs mediocris ætatis, quoniam benè digeruntur, & benè incorporantur, ex quo pennæ confurgunt duriores & firmiores, & si essent de nouiter genitis, & iunioribus, tam volucris quàm bestijs, tam domesticis quàm nō domesticis, molle & minus firmum facerent nutrimentum, quædam plus quædam minus; vnde videmus quod carnes pullorum gallinæ parum nutritificant ipsos, & molles carnes generant, & citò de corpore dissoluuntur, & signum est, quod dantur aliquando carnes de iuniorib⁹, ad hoc quod venter falconum solubilis habeatur: Et si carnes essent de senibus aut senioribus, nimis siccum & durum facerent nutrimentum, & non sine multis superfluitatibus, quia essent duræ ad digerendum. Habitis carnibus dictarum qualitatum, pro eo quòd pulli rapacium quàm diu sunt in ætate nouiter geniti, carent fortitudine rostri & vnguium, & cum ipsis non possunt decidere carnes neq; minutare sicut sibi expediret, conuenit vt priusquam dentur eis minutatim incidantur, & minutatim ante eos ponantur super tabulam vnam ligneam, & hæc fiant tantò diligentiori cura, quantò erunt iuniores, nam periculum est in nutriendo tam paruas, & esto quod nutriantur, minus boni confurgunt, & tardius habentur ad id quod intenditur, quia minus habuerunt de nutrimento matris, propter hoc dictum est supra, quod quantò maiores poterunt extrahi de nidis, extrahantur.

Iam

Iam verò adultis & maioris ætatis, poterunt dari carnes minus teneræ, & minus minutatæ quàm prius, quia cum rostro & vnguibus minutabunt eas, quod enim cætera animalia comedentia carnes faciunt cum dentibus suis, hoc faciunt aues rapaces cum vnguibus tenentibus & cum rostro scindente, ad hoc autem incidunt & minuant, vt melius transglutiant & digerant. Illi verò qui non habent carnes, & propter hoc dant caseum recentem aut recoctam, minuant & ponunt ante eos, & cauent omninò, quod neq; caseus neq; recocta sint saliti aliquo modo. Et illi qui in defectu carniū dant oua cum lacte, hoc modo faciunt: Accipiunt oua gallinarum & rumpunt ea, & in cacia vel capice lignea aut ferrea, quæ tamen sit stagnata, ponunt ea, sed in rumpendo ouum, remouent summitatem testæ oui, & albumen & vitellum, postea deponunt in cacia, & implent lacte eandem testam, & miscent cum oue in cacia, & quot erunt oua, tot testas implebunt lacte & miscebunt, & simul mixta super agitando decoquunt ad lentum ignem carbonosum, vt neque fiant dura, neque mollia, & huiusmodi esca tepida data pullis rapacib⁹, melior est quàm recocta, vel caseus. Et de esca qualis esse debeat, & qualiter præparata dictum. Quantitas autem cibi neq; sit superflua, neq; diminuta: nam si erit superfluus, aut euoment, aut non euoment, si euoment, non nutrit eos & debilitabuntur, si non euoment, nō poterunt digerere, quia multus, & ex cibo non digesto, sequetur suffocatio caloris

caloris naturalis, & ex hoc malum nutrimentum, & debilitas virium, & grauitas membrorum, & generatio malarum pennarum. Si erit cibus diminutus, calor naturalis tendet ad extinctionem, sicut ignis per subtractionem lignorum, & erunt macilenti, debiles, & generabuntur in ipsis pennæ corrosæ, & inconuenientes in forma & longitudine. Oportet igitur ex his quæ dicta sunt, quod neq; sit superfluous neq; diminutus, sed sit quantitatis quæ ipsis conueniat, scil. pullis maioribus corpore aut ætate, maior, minoribus minor, & similiter illis qui erunt calidioris naturæ, & calidiorū ventrium; maior, secundum quod vna species calidior est quàm altera, & vnum indiuiduum vnius speciei quàm aliud eiusdem: Illis verò qui erunt minus calidæ naturæ, minor. Caloris autem naturæ sunt signa, quod sint benè digerentes, vt dicit Hippocrates in aphorismis: Eorum quæ velociter & copiose nutriuntur, veloces & copiosi secessus fiunt, calidorum ventrium erunt quæ citius digerunt, & citius & bene egerunt, & bonam egestionem faciunt, secundum portionem quantitatis cibi assumpti: Minus calidorum ventrium sunt, qui tardius digerunt, dummodo non impediuntur in sua digestionem per malitiam cibi, aut per infirmitatem. Et propter ea quæ dicta sunt, non potest dici certa mensura quantitatum cibi exhibendi, sed habeatur hæc consideratio circa hoc, quando incipit eis dari cibus, videatur appetitus quem habebit tunc vnusquisq; , & auiditas comedendi, bona enim natura

natura tantum appetit vel circa, quantum digerere potest, vnde cum datur cibus, videatur quando hîc appetitus obtunditur, & hæc auiditas comedendi, attendendo simul cum hoc plenitudinem surgorgiæ, quo viso, non amplior cibus dandus est illa vice. Et si carnes erunt bonarum qualitatum, amplius poterit dari de eis, si malarum, minus, hoc modo tamen, quod gradatim subtrahatur quotidie de quantitate malarum, & postquam habebuntur carnes meliores, addatur paulatim & gradatim aliquid quantitatis, vt restauretur in tantum in bonis, in quantum subtractum fuit in malis; Et si in præcedenti comestione amplius datū erit, in sequenti detur minus & tardius; aut si in præcedenti comestione, siue serò siue manè, fuerit minus datum, in sequenti detur amplius, & præueniendo horâ. Et si bis pascere debet quis, & carnes habeat malas, manè detur minus, & serò restauretur ei de bonis, quod minus datum fuerat in manè. Et hæc de quantitate cibi dicta sunt.

CAPITVLVM XXXIV.

De vicibus cibandi ipsos, & de horis conuenientibus cibationi.

DE numero autem cibandi ipsos, & de horis conuenientibus cibationi ipsorum dicatur. Isti pulli nouiter geniti & iuniores, cum non habeantur sic paruuli, nisi in fine veris, & per æstatem, quando scil. dies sunt longi, cibandi erunt omni diē bis ad minus, nam si semel tantum

tantum daretur eis cibus, non sufficeret propter longitudinem dierum, & fortem calorem quem habent, & si multum daretur & semel, calor diei debilitaret stomachum, & indigestionē paterentur propter multitudinem cibi, bis itaque detur, sed secunda vice nō detur, nisi quod prima vice sumpserint, digestum fuerit, appositio enim crudi super inceptum digeri, & non digestum, naturalium virtutum ordinem perturbaret, & operationes confunderet. Digesti autem cibi signa erunt in huiusmodi aibus, flatus exiens per os non foetebit graulter, de cibo nihil tenebunt in gorgia, imò postquam cibus de gorgia descenderit ad stomachum, & de stomacho ad intestina, & diu in eisdem steterit, egerent pluries, & maximè secundū quod conuenit qualitati assumptorum ciborum, & in egestionē quam faciunt, illud nigrum durum, quod consuevit esse in ea, erit modicum & granulofum, & illud album molle quod consuevit esse in ea, erit multum liquidum & multum album, & egestio non erit foetida. Signa verò indigesti cibi sunt contraria prædictis: nam flatus erit grauis, & si aliquid tenuerint in gorgia; nondum digesserunt, & postquam etiam totaliter descendisset cibus de gorgia ad ventrem & intestina, & pluries egressissent, non bene digesserunt, si nigrum in egestionē fuerit multum, & liquidum, molle verò fuerit fatidum valde, & in quantitate minus quàm in egestionē digesta, multiplicatio autem nigri, & diminutio albi in egestionē, accidit per calorem incipi-

incipientem digerere, & non perficientem digestionem, quod contingit videre in igne incipiente decoquere lapides in fornace calcinaria, qui in principio denigrantur, sed postquā peruenerint ad digestionem perfectam, nigrum minoratur, & album multiplicatur.

CAPITVLVM XXXV.

De horis conuenientibus cibationi.

HOræ conuenientes in cibatione talium, sunt horæ matutinæ, ante horam tertiam, dummodo hic sit vacuus primo cibo, ne feruor caloris meridiani comprehendat cibum in gorgia vel in ventre, deterior namque per hoc fieret digestio. Et horæ serotinæ cōuenientes sunt ante occasum solis, vt nocte superueniente quiescentes dormiant, & melius digerant, nam & in similibus horis mater eis dabat escam, quod verò dabitur manè sufficiens sit vsque serò, & quod dabitur serò, detur iteratum, quod sufficiat vsq; mane. Qui verò ministrabit eis escam non permittat accedere illūc multos homines, sed solus accedat ad ministrandum escam, & ad faciendū cætera quæ facere oportebit, & quanto rarius poterit, accedat illuc, nam per hoc neque fient clamorosi neq; frequenter hiantes. Item ille qui nutrierit eos vt dictum est, in tantum quod percreuerunt, & volare poterūt huc & illuc, nō statim debet accipere illos ad mansuefaciendum, neq; ad docendum, sed permittat eos volare huc & illuc, ad loca propinqua illi in quo nutriti sunt, duriores enim pennas & me-

& meliores proinde habebunt, quoniam serenum, pluuiæ, aër & sol faciunt bonas pennas, & ipsi fortiores erunt propter hoc, & melius volabunt ad quæcumque volare debebunt; neque est timendum de fuga ipsorum, redibunt enim ad locum, in quo ministrabantur eis cibus, imò stabunt ferè quantum stant volitantes circa nidum suum, & plus poterunt dimitti volitare, cùm non sit qui fuget ipsos ab ipso loco, sicut erat mater quæ fugabat à nido & à locis vicinis. Stabunt autem volitantes circa illum locum, neque aufugient, quousque scil. firmi erunt, & sufficientes per se acquirere sibi cibum.

CAPITVLVM XXXVI.

De præparatione locorum à quibus recolligi debent falcones postquam nutriti sunt in eis.

Quando verò capi debebūt de loco in quo nutriti sunt, alijs aperturis illi⁹ loci claudis, vna remaneat aperta, & habeat regiolum quæ clauditur serò, per hanc namque regiolum capi poterunt facilius & sine læsione; & hoc non fiat de regiola, nisi cùm iam temp⁹ aduenerit mansuefaciendi ipsos super manum, possent etiam imponi laquei qui dicuntur iacti in pedibus ipsorum antequam possint volare, & possent dimitti cum iactis volare hūc & illūc: nam quando capi deberent, posset homo securius accedere ad capiendum ipsos in obscuro, & possent facilius capi. Veruntamen si hoc fieret, esset eis
N pericu-

periculum volare deforis hūc & illūc, propter aquilas & alias aues rapaces, quæ caperent ipsos propter laqueos quos crederent esse prædam, aut defugarent ipsos extra regionem, propter hoc non approbamus fieri illud quod dictum est de iactis imponendis.

Circa verò tempus in quo capi debent & extrahi de illo loco, per tres dies antè claudantur aperturæ loci, & vna sola remaneat quæ non claudatur, sed fiet vna regiola cum qua clauditur triplici serò; illo verò serò quando capi debent, hoc modo debet homo accedere ad capiendum ipsos, si tamē firmi sint quod debeant capi, de nocte accedendum est ad locum cum lumine & duobus socijs, vel ad minus cum vno socio. De nocte dicimus, quoniam si de die accederetur ad ipsos capiendos, ipsi videntes hominem velle ipsos capere, cum sint iam facti agrestes ex frequenti volare ad campos tantum, allident se hūc & illūc per locum in quo sunt, quod non effugerent læsionem membrorum aut pennarum, aut vtrorumq; , propter hoc accedendum est de nocte ad capiendum ipsos, lumen portatur, vt cum lumine videatur in qua parte loci sunt, & remota candela capiantur vbi sunt, cum duobus socijs accedi debet, quoniam iuvabunt in ciliando, & in ponendo iactos. Intra bit itaq; homo, & capiet vnumquemque eorum cum ambabus manibus, apprehendentibus ipsum per dorsum, & peruenientibus digitis vsque ad subteriora pectoris, & summo opere caueatur ne in capiendo neque in tenendo

nendo recipiant aliquam lēſionem in membris
vel pennis.

CAPITVLVM XXXVII.

De ciliatione ſeu bluitione ipſorum.

Poſtquam verò capti ſunt, priuſquā ponan-
tur ad ſtandum ſuper manum, ſunt ciliandi,
& ſunt vngues eorum hebetandi, & iacti eorum
pedibus imponendi, & campanella in altero pe-
dum imponenda, & tornetū ſi oportet, & longa.
Sunt itaq; oculi eorum cōtegendi & claudendi
ne hominem videant, & huiuſmodi act⁹ appel-
latur ciliare ſeu bloire; ſi enim non clauderen-
tur eis oculi, dum viderent faciem hominis, &
ea quæ videre non conſueuerunt, fierent magis
immanſueti & magis agreſtes, quando deberent
fieri manſueti. Ciliare autem eſt detinere oculos
auis clauſos, cum palpebra inferiore ſuperindu-
cta uſque ad cilium. Dicitur autem ciliare pro
eo, quod cum palpebra inferiore contegitur o-
culus uſq; ad cilium; & ſi dicatur quod hi ſint
nidafi, neq; eſt opus ciliare ipſos, cum iam ſint
quaſi conſueti cum hominibus, ſatis ſtabunt
quietè, dicendum quod quamuis ſint nidafi,
tamen ſunt ciliandi & bloiendi, nam per cilia-
turam citius & melius manſueſcunt, & retine-
buntur ſaluius in membris & pennis, & tolera-
bunt melius quæ conueniunt fieri circa ipſos in
principio. Ciliantur autem hoc modo, ille qui
capit ipſum, teneat ipſum cum ambabus mani-
bus, per dorſum ſuauiſſe conſtringens alas &
N 2 dorſum

dorsum, cauens à nimia constrictione, nam per nimiam cōstrictionem non bene possunt habere flatum, & sic teneat ipsum cū digitis descendentibus ad pectus, aliquis teneat crura ipsius, & procuret quod auis cum pedibus suis non possit impedire ea quæ debent fieri circa ipsum. Si verò in calore diei capi debet, & fieri debeant ei ea quæ diximus, oportet quod ille qui capere debet, madefaciat pannum vnum lineum, & manib⁹ suis intrinsecus velatis ipso panno amplectatur auem, ita quod pannus tangat auem, & manus super pannum sit, & capiat vt diximus, & alius accipiat crura, & ea comprimat suauiter versus ouariam donec sic tenetur, & tunc alius qui ciliare volet, faciet hoc modo: habebit acum rotundum, nam cum triangulari noceret, quoniam non duraret ciliatura propter incisuram palpebrarum, cum cuspe verò acus accipiet inferiorem palpebram, & incipiendo ab interiori parte perforabit eam perducendo acum ad exterius: nam si è conuerso fieret, pupilla lædi posset cuspe acus: in perforando etiam cauendum est, ne illa pellicula pannosa quæ subest inter palpebram & oculum perforetur, sed tantummodo palpebra, nec accipiatur modicum de ipsa, ne rumpatur ciliatura ante tempus, nec accipiatur multum de ipsa, nam multum scinderetur de ea quod esset nocuum tutelæ oculi. Rectè igitur accipiatur sub margine palpebræ, vbi est medietas longitudinis eius, & magnam partem fili à parte intrinseca palpebræ immittat, deinde acum cum filo super caput

put ducat, & palpebram inferiorē alterius oculi ab intrinseco ad extrinsecum perforet, tunc acur remota, ambæ extremitates filii coniungantur super caput falconis, & attrahatur vtraq; palpebra tantum sursum versus cilium, quod totum oculum cooperiat, & falco nihil videat, extremitates itaque filii tunc ligentur strictæ super caput falconis, tantū quod palpebræ retineantur sic cooperientes totum oculum, & duæ extremitates filii prope nodum incidantur, deinde cum alia extremitate acus plumæ capitis superponantur filo: nam filum sit coopertū plumis, minus poterit rumpi vnguibus falconis raspanantibus caput. Acuitas verò vnguium falconis cum forficibus amputari debet, & hebetari; & vtrum hoc debet fieri statim quod captus est falco, an postquam ciliatus est, an postquam iactis impositis sibi iam positus est ad standum super manum, non curamus: in amputando verò caueatur ne nimium amputetur de vnguibus, nam propter hoc posset sanguis fluere, quod esset nocuum falconi. Sola igitur acuitas obtundenda est, nam propter hoc minus nocebit manibus portatoris, & si chirothecas habuerit, non infiget vngues suas chirothecis, neq; futuris chirothecarum, sicut noceret si vngues remanerent acuti, nec stare tam conuenienter super manum cum acutis vnguibus. Et quando etiam continget quod aliquis falco caperit prædam suam, & hic alius iactabitur cum ipso, si accidat quod cum volet capere prædā sorij capiet ipsum suum socium, cum vnguibus habetatis non nocet

cebit ei tantum, quantum noceret cum acutis;
& ad multa alia valet, quæ dicuntur infra.

CAPITVLVM XXXVIII.

De iactis qualiter fiant & quomodo apponendi sunt in tibijs falconum.

S Equitur dicere de iactis, longa, tornetto, & campanella, quæ omnia habenda sunt circa falconem tenendum; & dicatur primò de iactis, quid sunt iacti, quomodo meliori forma fiant, quis eorum dexter, & quis sinister, vt quisque vnum pedem conuenienter teneat, quomodo ligantur ab tibijs falconum, quæ sunt vtilitates iactorum. Iacti sunt laquei de corio facti imponendi pedibus falconum, vt cum eis retineantur & iactentur ad prædandum, qui ob hoc iacti dicuntur, quod cum eis iaciuntur falcones & emittuntur ad prædandum. Formantur autem huiusmodi iacti à diuersis diuersimodè, sed ille modus quem dicemus iam, melior est, pro eo quod secundum nostrum modum iacti formati fortiores erunt & durabiliores, & falconum pedibus aptiores. Hoc modo pro falconibus facimus iactos: accipitur corium molle & forte, & scinduntur duæ corrigiæ de ipso æquales, vnaquæq; longa secundum vnum palmum, & lata secundum latitudinem quam inferius distinguemus. De his duabus corrigijs formantur iacti in hunc modum: Extremitas corrigiæ quæ debet amplecti tibiam falconis, latior esse debet quàm reliqua extremitas pendens inferius, &
vltimum

ultimum illius extremitatis, quæ debet circum-
ire pedem, scindatur ex utroq; latere modicū,
vt illū fiat aliquantulum strictior, quàm in lati-
tudine quæ erit circa tibiam, quod autem la-
tum erit de ista corrigia circa tibiam, pro giro-
falcis & sacris, sit latius latitudine digiti mino-
ris, pro peregrinis, gentilibus, & lanerijis parū
minus: ita quod latitudo iactorum in parte illa
proportionaliter respondeat maioritati & mi-
noritati falconum; pars autem iactorum, quæ à
tibia descendet inferius, in tantū efficiatur stri-
cta, quod sua strictura redeat ferè ad medium la-
titudinis illius, quod erit circa tibiam; corrigijs
igitur sic aptatis, extremitas corrigiæ latior pro-
pe suam ultimitatem perforetur per medium
sui foramine oblongo, quod foramen tantum
sit, vt alia extremitas corrigiæ transire possit per
ipsum; vsque ad id quod de ipsa circumdat pe-
dem: Hoc autem foramine facto, illū fiat in ea-
dem corrigia, vnum aliud foramen ad similitu-
dinem prioris, & tanta debet esse distantia inter
vnum foramen & aliud, quantum sufficiat am-
plecti tibiam falconis, vnde ad probandum po-
natur illa pars corrigiæ circa tibiam falconis, vt
melius sumatur distantia inter vtrumque fora-
minum, reducatur itaque extremitas corrigiæ
perforata ad aliud foramen desuper, & intro-
mittatur per secundum foramen, & tantum
transeat de illa extremitate per secundum fora-
men, quod totum suum foramen exeat extra
secundum, & tunc reliqua pars corrigiæ quæ nō
est perforata, replicetur ad superius, & introdu-
catur

catur per primum foramen, quod primum intrauerat per secundum, vt sic veniant ista duo foramina inter sese, quod de ipsis fiat quædam tricuratura nodosa, ex hac autem forma replicationis extremitatis perforatæ super corrigiã ad secundum foramẽ, sit ambitus iacti, in quo continetur tibia, in superiore parte sui strictior, & inferiori largior, quæ amplitudo inferior ad hoc valet, quod quando falco distrahit pedem suum ad superius, non læditur pes per stricturam coniunctionis corrigiæ, nec eius circuitiois quod amplum erit, sit tam amplum quod pes exire possit, quod verò strictum, non sit tam strictum quod stringat tibiam falconis, vnde illi qui faciunt æquẽ strictum superius vt inferius, in hoc nocent, quod pedes falconũ ex strictura inflantur persæpe, & podagrici efficiuntur. Amplius habeantur duo annuli, seu maculæ loricarum, & hi annuli siue sint ferrei, siue ænei, non curamus. Illa igitur extremitas iacti, quæ non est perforata, & debet pendere inferius, ad posteriora pedum intromittatur per anulum, & quod intrabit per anulum de hac corrigia replicabitur, & suturetur cum reliquo corrigiæ, quod non transijt, vel nodabitur. Sutura autem hæc, seu nodus fiat tam prope anulum, quod annulus non possit discurrere hũc & illũc, debet autem esse tanta distantia inter futuram quæ continet anulum, & nodum prius factum prope tibiam falconis, quanta est longitudo digiti medij manus, quæ longitudo mensurari debebit hoc modo: ponetur futura distringens anulum super illam
iunctu-

iuncturam digiti qua iungitur cū palma à parte
exteriore manus, & debet extendi digitus in
longum super hanc corrigiam, vt extremitas
ipsius digiti pertingat vsq; ad nodum iacti pro-
pe pedem; similiter fiat de alio annulo in alio
iacto. Hæc est forma iactorum pro falconibus.
Horum autem iactorum alter dexter alter sini-
ster est, & oportet vt cognoscatur quis dexter,
& quis sinister est, vt dexter dextrum pedem
conuenienter teneat, & sinister sinistrum, quem-
admodum enim falco agilior & expeditior est
per iactos, si distribuatur quisque suo pedi, sic è-
contra erit, si distribuatur dexter sinistro, & sini-
ster dextro pedi. Discernitur autē dexter iactus
à sinistro hoc modo: Illarum partium iacti quæ
circundant tibiam, quæ breuior est, vadat ab in-
teriori pedis ad exterius, quæ verò longior & te-
neri debet inter digitos, veniat ad partem in-
trinsecam. Ligabuntur autem iacti ad tibias fal-
conum hoc modo: Dissolutis nodis iacti qui
debent esse prope tibiam, illa pars iacti, quæ est
inter vtrumque foramen circunducatur tibiz,
& perfecto gyro, pars superior iacti perforata su-
perducatur corrigiæ ad aliud foramen, & intro-
mittatur per secundum foramen, quousq; pri-
mum foramen, quod erat in illa parte, introeat
& transeat per secundum, quo factò reducatur
pars inferior corrigiæ non perforata, super par-
tem quæ transijt per secundum foramen, & in-
troducatur per ipsum primum foramen, quan-
tum intrare potest, vt fiat ex eis sic intrantibus
in se tricatura supradicta nodosa, & tunc suatur

corrigia iacti inferius, vel nodetur super annulum ea distantia quam diximus, vt sic apppositi iacti, secundum partem superiorem sui amplectantur tibias, & cum parte sua inferiori continente annulum, pendeat inferius ad posteriora pedum falconis, & hoc quod pendet de iactis, est id quod recipitur ab extrinseco man^o, ad intrinsecum inter duos digitos inferiores manus, & alios duos superiores eis. Vtiles autem iacti sunt ad hoc quod per eos retinetur falco, ne recedat præter voluntatem tenentis, & quod longa alligatur eis.

CAPITVLVM XXXIX.

De longa qualiter fiat, & ad quæ est utilis.

S Equitur de longa: vnde videndum est quid sit, quomodo formatur, quomodo ligatur ad iactos, & recolligitur circa digitum breuiorem, quæ sunt utilitates eius. Est autem longa, quædam corrigia qua ligantur & retinentur falcones ad sedem suam quamcunque, & hæc sua longitudine comparata ad iactos, meretur dici longa: fit autem hoc modo: scinditur ex corio molli & forti, vna corrigia longa, æqualiter stricta per totum, præterquam in extremitate inferiori, in qua debet esse parum strictior, & tantum stricta quod possit transire sufficienter & largè per ambos annulos iactorum: in extremitate verò superiori longæ fiat nodus vnus, qui non permittat longam totaliter annulos pertransire ex parte nodi; postquâ facta est longa vt

ga vt diximus, intromitti debet extremitas stricior per vtrumque annulum iactorum, & tantum introducatur de illa longa, quod quasi duę partes eius pertranseant, in tertia parte residua versus nodum scindatur corrigia longę, & fiat ibi foramen vnum oblongum, per quod intromittantur duę partes longę striciores vsq; ad annulos, ita quod ex huiusmodi immisione & recomplicatione, annuli iactorum firmitus retineantur in longa, vel sic, & tunc ex vtraque extremitate longę fiat vnus nodus, retinens & distringens annulos iactorum, ligata longa vt diximus, dum portatur super manum falco, recolligantur amba; partes longę, reuoluendo eas in plures aliquot reuolutiones largas & longas, circa digitum breuiorem, vt cōmodius portetur, & quando non portatur, ligabitur cum hac longa super sedem suam, vt docebimus infra. Sunt autem quidam homines qui hanc longam ligant cum iactis non habentibus annulos, sed cum nodis factis de eisdem iactis in sua extremitate: Nos autem approbamus omnem illum modum alligandi longam iactis, quo citius & expeditius ligatur & soluitur longa, quę modum dicimus esse de annulis iactorum. Utilitas autem longę est, quod cum hac ligatur & retinetur falco ad sedem suam, & huic longę alligatur filaria quando primo loyratur, & per longam retinetur falco quando balneatur.

CAPITVLVM XL.

De tornetto, qualiter factum sit, & ad quid sit vtile.

S Equitur de tornetto. Est autem tornettum quiddam duobus annulis compositum, gy-
rantibus in se inuicem, & hoc modo est factum:
Sunt duo annuli ferrei, aut ænei, aut argentei,
aut de alio metallo facti, magni ad quantita-
tem annulorum qui sunt in iactis: veruntamen
circūferentia vtriusq; debet esse lata aliquan-
tulum in aliqua sui parte, & in illa parte debet
esse foramen, ita quod vnum foramen erit in
circumferentia vnus annuli, & aliud in alia, &
etiam vnus clauellus intrans per foramen vtri-
usque, ex vtraque sui extremitate sic firmatus
quod non possit exire neq; ex vna parte neque
ex altera, ex hac autem coniunctura sequitur, q̃
vnus annulus inuoluitur liberè super circum-
ferentiam alterius, quoties igitur timebitur, ne
falco intorqueat se iactis, alligabitur hoc torne-
tum annulis iactorum, cum quadam corrigiola
subtili & forti, quam prius poterit alligari cum
annulo suo superiori, annulo verò eius inferio-
ri alligabitur longa, sicut alligabatur annulis
duobus iactorum. Est autem utilitas torneti
in hoc, quod falco non possit vexari per intor-
tionem iactorum in pedibus suis.

CAPI-

CAPITVLVM XLI.

De campanella & vtilitate ipsius, & modo ligandi eam.

S Equitur de campanella, quæ etiam nola dicitur. Hæc autem est de ære, & debet esse sonora, & magna vel parua secundum magnitudinem falconis, aut alterius auis rapacis, quæ debet eam portare, & debet habere foramina sua adeo stricta, quod falco nō possit intromittere acuitatem rostri sui in ipsa foramina, & sic impediri per campanellam, & debet esse quoddam foramen paruum in ansa campanellæ, per quod foramen intromittetur corrigiola, cum qua corrigiola alligabitur campanella ad quæuis pedum falconis, in altiori parte tibiæ quam sit iactus, & ligabitur ita quod non distringat tibiæ, neque quod multum pendeat, sed prope tibiæ. Vtilitas verò campanellæ multiplex est, per sonum namque campanellæ percipitur citò si falco stans in sede sua se diuerberat, quod percepto succurritur ei citius, etiam si perdatur falco, per sonum campanellæ facilius à remotis audietur vbi erit, & facilius poterit recuperari, & illi qui docti sunt & experti in sonitu campanellæ, cognoscunt si se diuerberat falco, aut scalpit, aut mordicat iactos aut campanellam, aut aliquid aliud facit. Modum autem ligandi campanellam, quem faciunt quidam ad pennas caudæ, perforando vnā vel duas de pennis caudæ, & corrigiolam campanellæ intromittendo, nullatenus approbamus, quoniam falco per huiusmodi

iufmodi alligaturam campanellæ, tenet caudam malè pendentem, & pennæ caudæ minus fanæ habentur.

CAPITVLVM XLII.

De modo quo portari debet super manū
& forma retinendi manum.

HIs factis circa falconem, dicendū est quomodo poni debet nidasius ad standum super manum & ad portandum; ad quæ præsciendum est, qualiter portitor debet tenere brachiū & manum, teneat igitur partem brachij quæ est ab humero vsque ad cubitum, quæ dicitur armus, descendente rectè iuxta latus, non tamen coniunctam lateri, nam si cōiungeretur ei, mouendo corpus suum moueret & brachium, quomodo inquietaret auem, reliquam verò partem brachij, quæ est à cubito versus manum, replicet ad anteriorem partem corporis, vt ex replicatione huius partis brachij & superioris, fiat angulus rectus, manum verò quæ est à brachio vsque ad extremitatem digitorum, non plicet interiorius neq; exteriorius, sed in rectitudine brachij teneat, coniungendo pollicem extensum indici, & replicet indicem ad extremitatem pollicis, & erit modus secundum quem abacista tenent septuaginta cum manu, & alij digiti eiusdem manus, replicentur in palmam sub illis duobus digitis, vt firmitus sustententur, ad similitudinem tenentis numerum ternarium, & sic ex replicatione indicis super pollicem, & trium digitorū in palma sub illis, teneat manum ad formam Abacistæ

facilte tenentis septuaginta tria, & hæc forma conuenientior est sustentandi auem super manum; manus etiam hæc opponatur summitati humeri, vt non approximetur faciei hominis: nam auis timet ad faciem hominis, quam naturaliter refugit & abhorret, quando sic portaretur deciliata aut sine capello. Item sicut diximus de forma tenendi vnâ manum cum suo brachio, sic dicendum est de alio brachio & alia manu, expedit enim quod portitor sciat portare falconem super vtramq; manum, vt si ventus venerit à sinistris, portet super dextram, & si à dextris, portet super sinistram, quoniam sic semper opponetur pectus falconis vento: nam si veniret à cauda & tergo, ventus horripilaret pennas caudæ & totius corporis, maiores scilicet, & minores, quod non sustineret falco, sed se reuolueret. Item sunt homines quarundam regionum, qui consueuerunt portare falcones in manu dextra, & tantum suum modum approbant & aliorum modum vituperant. Nos verò non facimus vim in huiusmodi diuersitate, sed vtrumq; modum laudamus, dummodo ventus non irruat in falconem à tergo, ideo laudamus sicut supra diximus, quod sciat portare cum vtraq; manu, nam scire portare cum vtraq; manu, iuuat propter custodire auem à vento, venienti à tergo falconis, & propter vicissitudinem alleuiantem manum falconarij, propter etiam aliam manum permutandam, si aliquando patitur, propterea cauendum est à quibusdam malis dicerberationibus falconis, vt infra dicetur.

Debet

Debet autē falco posthac erigi super pedas suos & collocari super manum inueltitam chirotheca, ita quod duo pedes falconis locum teneant super manum, à iunctura vltima brachij per manum, vsq; ad extremitatem digitorum, replicatorum in forma quam diximus. Et hoc modo erigatur, si teneatur auis super manum dextram, quod caput rostrum & pectus & anteriora pedum teneat versus sinistram. Erecto igitur falcone & posito super manum inueltitam chirotheca, vt dictum est, intromittantur laquei iactorum inter pollicem & indicem inter manum, & fiat vt exeant ad exteriorē partem manus inter duos digitos inferiores, & duos alios qui sunt supra eos, quamuis sint aliqui qui faciunt exire iactos inter quoscumque digitorum indifferenter, melius tamen tenentur & firmitus & strictius inter duos & duos digitos, vt diximus, quam inter tres & vnum. Et si contingat quod falco de manu se deijciat & deponat, & non reuertatur per se ad standū super manum, iterū supponatur ea forma quam diximus. Longa verò recolligatur circa digitum minorem per circuitiones paruas, hoc facto, & teneri poterit diu falco super manum, & portari conuenienter, & absq; impedimento auis, & reflexiones ipsius longæ, factæ sic circa digitum minorem, pendeant aliquantulum interius.

CAPITVLVM XLIII.

De modis quibus habentur falcones
ramagij.

D Icto de falconibus nidasijs, quomodo habentur, & quomodo nutriuntur, & parantur ad portandum super manum, & quomodo portantur; dicendum est de illis falconibus qui sunt syluestres & dicuntur ramagij, quomodo habeantur, & quomodo aptentur ad portandum, & quomodo portantur super manum. Hi verò extra nidum capiuntur cum retibus, laqueis aut alijs instrumentis & artificijs, quæ captio non sine magna arte & non sine magno studio fit, quam artem & quod studium, tanquam impertinentia nostro libro, dimittimus expertis: propositum enim nostrum est principaliter de captis falconibus, quomodo mansuefiant & doceantur prædari, & esse cum homine. Istud tamen dicimus, quod inter omnia instrumenta cum quibus capiuntur extra nidum, illa sunt laudabiliora, cum quibus capitur maior numerus falconum, & specialiter saluius & sine læsione capiuntur, nam de sic captis meritò poterit haberi maior fiducia, quæ autem in capiendo læduntur, videlicet dum rerenti conantur euadere, aut dum malè extrahuntur de retibus, vix aut nunquam euadent quin ex illa læsione aut moriantur, aut per multa tempora inutiles, & forsitan semper. Propter hoc consulimus, vt exercitati in arte capiendi falcones, cautè & sine læsione quanto plus poterunt capiant ipsos, & post captionem teneant

ant & tractent eos quanto plus possunt saluius. Capiuntur autem his quinq; temporibus, primum tempus est scil. quando volitant circa nidum; aliud est postquā dimiserunt penitus loca vicina nido parentibus expellentib⁹ ipsos, & tamen volant per cōtrata in qua nati sunt: aliud est quādo transeunt & instat passagiū ipsorum; aliud est, quando hyemant in regione in qua capiuntur: aliud est, quando redeunt; qui enim circa nidum volitant & prope nidum capiuntur, incipit captio eorum à medietate Iunij vsq; ad Iulium, sed illi qui dimiserunt loca nido vicina, & volant per contrata, in contrata quæ est circa nidum, & non prope nidum capiuntur, & ipsorum captio quasi per totum Iulium vsque ad principium Augusti durat; hī etiam capiuntur postquam sunt in transitu suo: veniente verò Augusto & prima mutatione temporis ad frigus, sunt in suo transitu, & qui capientur ab hoc tempore vsq; ad medietatem Nouēbris, dicuntur capti de passagio, & à medietate Iunij vsque per totum Septembrem, capiuntur plures de gentilibus in sexto, quinto & quarto climate, quā de peregrinis, ita quod quantò loca erunt p̄p̄inquiōra tertio & secundo climati, tantò plures de gentilibus capientur, tunc est namq; transitus eorum versus meridionalia climata, à Septembre verò in antea, scil. Octobri, in eisdem climatibus capiuntur plures de peregrinis quā de gentilibus, quoniam gentiles iam transierūt, sed peregrini qui nati erant in tardiori tempore, & in remotioribus

ribus Septentrionis locis tunc transeunt, & secundum quod climata sunt calidiora, & passagium eorum & captio durat plus, & in superioribus locis durat minus, quoniam frigus instat, & ipsi properant fugere loca frigida, & cum in transeundo mutant loca falcones, non possumus dicere specialiter vnum locum in quo capiuntur solum, nam in multis tunc capiuntur, & similiter quando redeunt. Tempore verò hyemali si aliqui capiuntur, erunt de illis qui aliunde venientes remanserunt in illa regione in qua capiuntur, & non transierunt cum alijs, sed remansio eorum fuit illic, aut quia aer illius regionis est conueniens eis in hyeme, respectu loci in quo nati sunt, aut quia prædantur sufficienter sibi illic tempore hyemis, aut quia læsionem aliquam patiuntur propter quam cum alijs transire non potuerunt, & isti capiuntur circa loca in quibus abundant aues quas prædantur. Tempore verò veris capiuntur illi qui redeunt ad loca natiuitatis suæ, & dicuntur capti de reditu. In omnibus verò temporibus anni accidit quod capiuntur sauri & mutati, & in tempore reditus pauciores, nec possumus distinguere captionem maiorem gentilium vel peregrinorum, sicut faciebamus in autumnis, magis enim inordinatè redeunt, quàm transierint, & plures de ipsis transeundo & post transitum capti fuerunt, & plures mortui. Generaliter autem de captione falconum speciei cuiuscunque dicendum, quod illi qui citius nascuntur, citius capi possunt & debent, qui verò tardius,

dius, târdius capiuntur. Girofalci itaq; sacri & gentiles quia nascuntur citius, capiuntur citius. Girofalci enim licet in frigidioribus generentur locis, non tamē nascuntur tardè, sed habent naturam generandi citò quantum gentiles, qui nascuntur in calidis regionibus. Si verò aliqui de girofalcis capiuntur tardè, non accidit quod nascantur tardè, sed quod non tam citò recedunt à loco natiuitatis suæ, pro eo q̃ melius sultinent frigus quàm exteri, & nascuntur in remotiori & frigidiori loco, quàm alij girofalci qui citò capiuntur. Lanerij verò capiuntur in eodem tempore in quo capiuntur gentiles, & capiuntur aliqui de ipsis priusquam de gentilibus. Peregrini verò pro eo quod in remotis nascuntur & tardè, capiuntur tardius cæteris, & sic illi qui citius nascuntur, citius transeunt, & citius capiuntur: qui verò tardius, tardius.

CAPITVLVM XLIV.

De locis in quibus capiuntur.

LOca verò specialia in quibus capiuntur sunt diuersa, secundum quod species falconum sunt diuersæ, & vtentes diuersis cibis. Peregrini namq; pro eo quod nascuntur in regionibus longinquis, frigidis & aquosis, in quibus paucæ sunt terrestres & plures aquaticæ quas venantur, & de quibus sunt consuetæ viuere, capiuntur sæpius iuxta aquas & riuieras. Sacri verò & lanerij, quoniam vsi sunt venari per campaniam largam & spatiosam aues campestris, mures, lacertos, & grillos & huiusmodi animalia, sæpius capiuntur.

capiuntur incampania larga & spacioſa, & non iuxta riuerias. Girolalci, quoniam uſi ſunt venari quandoq; aues campeſtres, quandoq; aues de riueria, capiuntur & in campania ſpacioſa, & prope riuerias, ſed ſæpius in campania, quoniam viuunt ſæpius de generibus anſerum quæ paſcuntur in campis herboſis. Gentiles verò quoniam viuunt ſæpius auihus campeſtribus, ſæpius capiuntur in campania. Statim quod falco caprus eſt ſylueſter ſiue agreſtis, ſi hic qui ceperit ipſum ſolus eſt, ponet ipſum primitus in malleolo, ſtabit enim quietius in eo, & hoc iuuabit maximè quando ſperabit eadem die capere alios, priuſquam ad domum ſuam redeat; etiam in malleolo poſitum poterit ſolus ciliare, vngues aptare, iactos & campanellam imponere: Et ſi ſunt duo, poteſt primò ciliare, & poſtea in malleolo ponere, vel è conuerſo, ſi libet. Eſt autem malleolum ſacculus quidam lineus, capax lōgitudinis & groſſicie corporis falconis, perforatus ex vtraque extremitate, foramen autem per quod debet exire caput, ſit tam largum, q̄ ſufficiat exire caput per ipſum, ſed foramen inferius, per quod intrabit corpus falconis, ſit largius, & ſit longum malleolum, vt ab armis totum corpus comprehendat vſque ad genua, & habeat laqueos ſtringētes ipſum in circuitu foraminis inferioris. Apprehenſis igitur pennis alarum & caudæ cum corpore falconis, intro-mittatur falco in ſacculum capite exeunte per foramen ſuperius, & vterq; pes & extremitates alarum & cauda, remaneant deſoris à parte inferiori.

feriori. Intromisso falcone in malleolum, constringatur malleolum per laqueos circa foramen inferius, & colligantur laquei simul. Iuuat autem malleolum in eo quod falco sic potest feruari, & portari saluius & sine læsione, vsque ad domum eius qui coeperit ipsum, & iuuat ad supradicta, nec diu debet detineri in malleolo, nam si diu detinetur, vix possit egerere, & egestio retenta desiccaretur in ventre & adureretur, quod esset valde nocuum.

CAPITVLVM XLV.

De ciliatione ipsorum.

Falcone posito in malleolo cum captus sit agrestis, protinus ciliandus est, nam si non ciliaretur, statim fieret agrestior ad visum faciei humanæ, & cæterorum quæ videre non consuevit, & vteretur magno conamine ad euadendum, ex quo conamine distraheret & disrumperet pennas suas & sua membra, & ob hoc haberet hominem odio, credens hæc mala sibi accidisse per hominem: inde est quod multi cum capiunt falcones, dum sunt detenti retibus, aut laqueis, aut alijs suis instrumentis, accedunt ad ipsos non opponendo faciem eis, & cauent quantum possunt, ne faciem suam videat falco, & ciliabitur vel ab vno solo vel à duobus, eo modo qui dictus est supra de nidasijs. Et hic tanto magis indiget ciliari quàm nidasius, quantum magis agrestior est nidasio, & minus vsus hominibus. Postquam portatus est in malleolo ad domum, & postquæ ciliatus est, potest conuenienter

uenienter remoueri de malleolo, & debet remanere ciliatus. Est autem iuuatiua ciliatura ad multa, per ipsam enim falco non se inquietat neq; se diuerberat tam saepe, cum non videat causas propter quas hoc debeat facere, nec homo efficitur falconi tam odiosus, cum non videat ipsum quousque iam affectet comedere & manere cum homine, & per ciliaturam in membris & pennis saluius custoditur, & mansuefit facilius, & assuefit facilius ad capellum, & non solum utilis est ciliatura pro agrestibus falconibus, sed vniuersaliter pro omnibus auibus quae se non sinunt portari aut tractari circa principium. Ciliari verò & melius portantur, & melius sinunt se portari.

CAPITVLVM XLVI.

De modis tenendi eos & portandi
super manum.

V Ngues etiam amputandi sunt, & iacti imponendi pedibus ramagiorum, priusquam ponantur super manum, eo modo qui dictus est de nidasijs; & falconarius debet tenere manum & brachium vt dictum est in capitulo de nidasijs, & postea debet erigi huiusmodi falco super pedes suos, & cum alia manu accipiens est per pectus, & super manum collocari debet, & si deponit se de manu, reflectatur manus, vt reuertatur super eam, qui quoties per se non redierit, iuuandus est cum alia manu posita ante pectus eius ad redeundum super manum. Debet autem homo portans falconem sic regere manum suam & firmam tenere, vt fal-

DE ARTE VENANDI CVM AVIB.

conem portet suauiter, nam si durè portabit, aut manum mobilem habuerit, falco inquietabit & diuerberabit se ex malo portamento, & debilitabitur coxis & renibus, & non solum requiritur quod falconarius sciat portare vt conuenit, sed etiam quod exercitium habeat & vsum portandi, & omnia faciendi, quæ facere conuenit circa falconem, per scientiam quam præhabuit ex hoc libro nostro, vt in theorica sit peritus, & in practica exercitatus. Signa autem per quæ cognoscitur, quod brachium & manus bene regant, & falco bene portatur sunt hæc: falco tenet alas reollectas in se & altas ad dorsum suum, & cauda descendit inferius in directo dorso, nec ipsa cauda facit gibbum aliquem in loco in quo cōtinuata est dorso, & tenet omnes pennas caudæ reollectas & coadunatas inuicem, & tenet pedes æqualiter distantes, & non firmat se plus super vnum pedem quàm super alium, & non stringit cum vnguibus suis manum portantis, sed leuiter sustentat se in pedibus, & si manus falconarij cōmoueat hinc inde, aut gyretur vt colloce falconem, falco facilè commutat pedes suos; si verò brachium & manus non bene reguntur, nec quis bene portatur nec bene tractatur super manū, erunt in eo signa contraria suprà dictis.

CAPITVLVM XLVII.

De falconarijs quales esse debeant.

H Abito quomodo & vnde habentur falcones, tam nidasijs quàm capti syluestres seu rama-

ramagij, & quomodo aptantur in suis membris, ad standum super manū, & quomodo ponuntur & portantur super eam, priusquam dicatur quomodo mansuefaciendi sunt antequā de manu dimittantur ad volandum, oportet nos dicere, qualiter debet esse falconarius, & quam intentionem debet habere ad mansuefaciendum & habendum falcones. Quicunque itaq; vult discere & exercere artem venationis cum auib⁹, ad hoc vt possit esse sufficiens, in nutriendo & custodiendo, mansuefaciendo portando, docendo ipsas, vt venentur alias aues, in vtendo eis in venationibus & in curando eas si opus fuerit, oportet vt in se habeat ea quæ dicentur iam, & præterea scientiam huius libri, quæ omnia cum sufficienter habuerit, à digniori nomen accipiens, falconarius poterit merito nuncupari. Qui sit mediocris staturæ, ne ppter magnitudinem superfluam plus lassus & minus agilis habeatur, neque propter paruitatem nimiam sit nimis agilis tam equester quàm pedester, sit mediocris habitudinis, ne propter extenuatam maciem deficiat sustinere laborem aut frigus, neque propter corpulentiam & pinguedinem nimiam fastidiat laborem & calorem, & pigrior, & tardior habeatur quàm cōuenit huic arti, non fastidiat artem neq; laborem, sed diligat & perseueret in ipsa, in tantum, quod etiā quando deuenierit ad senectutem, non minus intendat arti, quod totum procedit ex amore quem habebit in arte, cum enim ars longa sit, & plura in vsu secundum eam nouiter incidant,

nunquā debet homo desistere ab exercitio huius artis, sed perseverare quā diu vixerit, vt ipsam artem perfectius consequatur. Debet esse perfecti ingenij, vt quāuis didicerit plura & à doctis huius artis, circa ea quæ sunt necessaria auibus, tamen ex suo naturali ingenio sciāt inuenire & excogitare quæ necessaria fuerint incidenter, non enim esset possibile scribere singula & nouiter emergentia in operationibus bonis & malis auium rapacium: nam cum diuersorum sint morum longè, durum esset scribere omnia, pro qua re singulis ex suo ingenio, & ex arte huius libri, quidquid erit expediens ministrare tenetur. Sit bonæ memoriæ, vt bonū vel malum quod aliquando circa operationes auium & circa exercitium huius artis contigerit, causā sui vel causā auis, vel alterius rei, memoriæ cōmendet, quatenus alia vice quod bonum fuerit sectetur, quod vero malum & in cōueniens caueat. Sit acuti visus, vt visu comprehendere valeat etiā à remotis, in qua parte sint aues ad quas intendit venari, & auem suam quando elongatur à se visu sequatur, & cætera subtiliter videat quæ necessarium est videre. Sit levis auditu, discernet enim facilius in qua parte sint aues quas querit, ex vocibus auium quas audiet circumquaque, & socios suos audiet facilius, & campanellam auis suæ quando erit absens, imo per voces auium quandoque scire poterit, versus quam partem erit auis sua, quæ est absens. Sit homo magnæ vocis & fortis vocis, nam auis sua quæ aliquando stabit remota ab ipso

ipso, ad reuocationem suam quam audiet, & socij sui facilius cōprehendent. Sit agilis & promptus in suis moribus, vt citò succurrat aui suæ quoties expēdierit. Sit audax, in tantum quod nō timeat pertransire loca aspera, quando conueniet. Sciat natare, vt si auis sua transuolauerit aquam inuadabilem, ipsam aquam natando transeat & auem sequatur, & ipsi vbi oportuerit succurrere, succurrat. Non sit moris nimium iuuenilis, ne pueritia inducat ipsum aliquid facere contra artem, nam pueri consueuerunt esse gulosi, & delectantur videre plurimum amēnos volatus, & plures: nec tamen pueros ex toto repellimus, cū possint esse prudentiores, non enim pueri sufficiunt mansuefacere aut aliter docere aues, aut cum eis venari, cū non constet eos esse prudentes in his, sed discant à doctis, quousq; perueniant ad perfectionem huius scientiæ & ætatis. Item non debet esse somnolentus, requiruntur etenim multa, in intrando tardè lectum, in requirendo de nocte pluries auem suam, & in surgendo ante diem, & leuitas somni in audiendo campanellam auis, & motum alarum suarum, & inquietationem suam. Non sit gulosus nec nimis deditus gulæ, si extra domū siue in campania fuerit, aut etiam quādo perdiderit auem suam, cogatur per gulositatem suam domū redire citius, aut etiam si in domo fuerit, non obliuiscatur aui suæ habendo intentionem ad gulositatem suam. Non sit ebriosus, quoniam ebrietas quēdam insania est, per quam auem suam facilius deuastrabit, quam uis
etiam

etiam se credat eam bene tractare, & ab ebrio & fatuo custodienda non est auis. Non sit iracundus, neque facilis ad iram, accidit enim per sæpe quod auis facit ea, per quæ ille qui custodit eam ad iracundiam prouocatur, & nisi illam iracundiam dimittat, malo motu moueri poterit, ex quo malo illato aui per iram, auis ipsa, cum sit res debilis, certissime deuastabitur. Non sit piger aut negligens, quoniam ars ista multorum laborum est & magni studij. Non sit gyrouagus, ne per suos motus erraticos auem non requirat frequenter vt conuenit: auis namque in modico tempore læsionem recipiet, si neglecta fuerit, aut nõ fuerit sæpe sæpius requisita. Habeat chirothecam in manu super quam portare debet falconem longam vsq; ad cubitum, & amplam vt citò possit indui & exui, quæ debet esse de corio grosso: nam falco cum vnguibus suis minus adhærebit chirothecæ, & cum rostro & vnguibus, eamq; minus poterit penetrare, & quando continget quod falco iactetur de manu ad volandum, firmitus recedet de talibus chirothecis. Habeat præterea vnam hursam ad cingulum suum, in qua reponet carnes & tiratoria, quæ ideo dicitur carneria.

CAPITVLVM XLVIII.

De intentione quam habere debet falconarius ad tenendum & mansuefaciendum.

Illorum autem qui operam exhibent venationi exercendæ cum auibus rapacibus, multiplex

riplex est diuifio. Alij namq; intendunt in hoc, vt aues & quædam de quadrupedibus quæ capient cum fuis auib⁹ rapacibus, edant gulosè, aut fibi quomodo cunq; aliter lucrifaciant. Alij intendunt in hoc non cauſa gulæ, nec cauſa lucri alterius, ſed vt habeant inde delectationem ſolatioſam, in videndo ſcil. amœnos volatus auium. Alij intendunt in hoc vt glorientur & iactent ſe multas cepiſſe aues. Alij intendunt in hoc neq; cauſa gulæ, neque cauſa lucri alterius, neque etiam cauſa delectamenti viſus ſui, ſed tantum vt habeant ſuas aues rapaces bonas & meliores quam cæteri, ex quo acquirunt ſibi famam & honorẽ præ cæteris, & in hoc habent magnum delectamentum, ſci. quod habent bonas aues. Intentio prima redarguenda eſt, pro eo, quod cùm multum vexent & fatigent aues ſuas vt ex multitudine prædæ gaudeant, bonas aues rapaces diu habere nō poſſunt. Secundorū ſimiliter intentio non eſt approbanda, volentes enim videre frequentius amœnos volatus ſuarum auium, & quaſi circa hoc ſuam intentionem explere nequeunt, cogunt eas ſubire multos labores & intolerabiles, per quos deſiciunt, & hic modus puerorum eſt, & non conueniens arti. Tertiorū intentio reprobat, pro eo quod non faciunt vt conuenit, & vexant eas ultra modum. Quartorum verò intentio approbanda eſt, ipſi enim habentes ſuas aues meliores, non abutuntur eis, ſed diutius & perſeuerabilius in ſua bonitate manebūt, & ipſi modum ſequuntur conuenibilem magis arti, faciendo

endo volare aues suas, eo modo quod nō multum vexantur, & custodiendo ipsas aues diligentia meliori. Intentio itaq; quam debet habere falconarius, debet esse vt habeat aues rapaces arte doctas ad capiendum alias aues, & quxdam quadrupedum, in quo ars procedet vsq; ad finem intentionis. Sed quoniā aues rapaces sunt penitus secedentis naturæ ab homine, & etiam secundum proprietates & mores naturales suos, alienantur ab ipso meritò, timent enim retineri per hominem, cauentes in hoc ipso pennis suis & suæ personæ, semper & naturaliter absistunt ab homine: propter hoc ad habendum propositum nostrum de eis, necessaria est ars, & instrumēta, & artifex, per quæ priuentur, quamuis non ex toto, aues rapaces ab hac sua natura, & per quæ suas proprietates desinant naturales, & acquirant in se proprietates & mores artificiales, standi cum homine, & reuertendi ad ipsum, qui mores acquisiti per assuefactionem, processu temporis & assiduitate, verantur eis in habitum & consuetudinem & naturam alteram. Ex parte verò auis rapacis quæ doceri debet has proprietates, contrarias suis naturalibus, aliquid esse oportet quod sit quasi medium, per quod mutetur de sua natura in contrarium. Illud autē est sensus gustus, cum ceteri sensus sint repugnantes in hoc, videntes enim faciē hominis sibi ceterisq; animalibus terribilem, & cetera quæ cōuersantur cum homine insueta videri sibi, & tangere ea quæ tangere non consueuerunt, & tacti palpati tracta-
tisque

tiq; ab insuetis & horribilib⁹ sibi, & audientes voces hominū, & alios tumultus insuetos sibi, inducuntur ex ipsis eisdē sensibus, visu, auditu, & tactu, esse semotim longē ab hominib⁹: nam quod detineantur ab homine, q³ habeant iacticios laqueos in pedib⁹, quod stent ligati in sede sua, quod pascantur super manu hominis, quod cum homine stent, q³ volentes recedere vt earū moris est, de sede sua prohibeantur recedere, & quod teneant campanellam aut capellū, quod postquam iam dimissi sunt & sui iuris, ad hominē redeant q³ hominem vadentem ad ipsam expectent, quod clausi detineantur in domib⁹, hæc omnia contraria sunt naturæ suæ: proinde restat solū per gustum assuefacere ipsas ad videndum, tangendum & audiendum hominem, & cætera quæ conuersantur cum homine, & ad omnia modo dicta. Non solū falconarius debet esse qualis diximus, & habere intentionem dictam, circa falcones & alias aues rapaces, verū ne operam perdat in mansuefaciendo falcones, & in habendo eos si sani non essent, conuenit vt sciat signa per quæ cognoscat falcones esse sanos, quæ sunt huiusmodi. Falco sanus omnes pennas & plumas constrictas ad se retinet, non hirsutas neq; lassas, sed illas minores plumas, quæ videntur quasi pili, & sunt inter locum rostri qui cera dicitur, & oculos, & inferiores plumas quas vocamus barbam, habet hirsutas & horripilatas, & qui quiescit & affecurat se, pennas caudæ tenet reollectas sub duabus medijs superiorib⁹, quæ duæ vocantur coopercula,

percula, stat erectus super pedes & firmus postquam affecurat se, oculos habet rotundos, palpebras non frequenter mobiles, & quando aperientur aut claudentur palpebræ, citò redeunt ad locum suum, & pellicula illa subpalpebralis pannosa, illa scil. quæ exit à lachrymali oculi citò redibit ad locum suum, iuncturam autem illam alarum à qua incipiunt decem pennæ maiores forinsecæ, quam iuncturam quidam vocant humerum, & alij buctum alæ dicunt, teneat eleuatam ad caput, motus sui & suorum membrorum sunt veloces, hiare suum clarum est, & non raucum, quando vociferabit excutit se, & plumas suas, & vngnes in vtroq; suo latere, siue non fuerit balneatus siue fuerit, bene replicat caput suum ad capiendū perunctum desuper caudam, auidè comedit, bene digerit, largè egerit, & sine sonitu sibiloso, maior pars egestionis suæ est alba & mollis, & reliqua pars, scil. nigrum quod est in medio egestionis, granulosa est & dura. Accidit etiam quod mutat egestionem & facit eam alterius modi, in colore & substantia, quando comedit carnes madefactas, & quando vescitur diuersis carnibus, & præcipuè si comedit oua. Plumatam quam deglutiuit sine excussione capitis euomit, & ante se cadere dimittit, non cum excussione capitis ut astur & nifus, egerit propè, non longè, propter hoc super perticam falconum, quando lata est, inuenitur sæpe plumata egestio. Quantitas egestionis respondet proportionaliter quantitati cibi quem comedit, quando balneat se, submittit

mittit totum caput aqua, indubitanter & saepe & velociter, verberat cum alis suis fortiter aqua balnei, gratanter, & hilariter balneat se, quando dormit stat super vnum pedem, & tenet caput in spatulas dormiendo, quàmuis hoc faciat aliquando propter famem, & post diuerberationem suam rediens ad locum suum, suauiter anhelat, & non fit anxius anhelando quemadmodum æger, expinguedine tamen anxie anhelat, sed dum tenet os apertum, tenet eodem modo dum anhelat, & anhelat frequenter, non mouens caudam motu anhelitus, quemadmodum faciunt ægri.

CAPITVLVM XLIX.

De modis mansuefactionum falconum ad standum super manum, & ad alia facienda, vt mansuefiant.

H Abito quomodo falco ponitur super manum, & quomodo manus regi debeat in sustinendo falconem, dicendū est deinde quomodo mansuefaciendus est ad standum super manum, & ad cætera facienda sibi vt incipiat mansuefieri. Mansuefacere igitur nihil aliud est, quàm inducere falconem ad sustinendum esse cum homine quietè, & omnes suas operationes facere, multipliciter quidem fit hoc. Sunt enim quidam qui nunquam ciliant falconem, neque cū capello cooperiunt ei oculos, & ipsum mansuefaciunt, & inducunt esse quietè cum homine, falco tamē qui hoc modo videtur esse man-

P

suefa-

sufactus, & quietus stat, potius est defatigatus
 & deuictus, nec potuit induci ad hoc sine ma-
 gna sui læsione. Huius signum est, quod falco
 sic mansuefactus nunquam est fortis ad aliquas
 suas operationes: Quapropter istum modū pe-
 nitus reprobamus. Fit etiam mansuefactio fal-
 conis alijs modis duob⁹, qui ambo coueniunt
 in eo, quod à principio ciliant falconem, sed
 etiam multis alijs differunt. Nam primus mo-
 dus cum ciliatura mansuefacit falconem, nullo
 modo vtendo capello. Secundus modus cilia-
 tura vtitur circa mansuefactionem falconis &
 capello. Differunt etiam hi duo modi in hoc,
 quod ille modus qui est mansuefaciendi falco-
 nem sine ciliatura & sine capello, antiquior est
 & difficilior & tardior, & fatigat magis falco-
 nes, quàm ille modus qui est cum ciliatura &
 cum capello. Nos igitur vtrumq; horum mo-
 dorum docebimus, pro eo quod ambo hi modi
 temporib⁹ nostris consueti sunt inter homines,
 & dicemus tanta de vtroq; modo, quanta suffi-
 cere possunt circa mansuefactionem cuiuscunq;
 falconis. Cum enim falconum alij sint agrestio-
 res, & propter hoc difficiles ad acquirendam
 mansuefactionem, sicut sunt plures de illis qui
 capti sunt syluestres: Alij verò sint minus agre-
 stes, & ppter hoc ad acquirendam mansuetu-
 dinem obedientiores & velociore, quemad-
 modum sunt nidasij & multi de alijs, ad omnia
 siquidem citius mansuefiunt minus agrestes,
 sed agrestiores tardius; quæ dicemus sufficiunt
 agrestioribus & ferocioribus, qui vnquā possint
 esse

esse inter falcones, minus agrestibus verò pauciora de eisdem sufficient. Et dicemus primitus de mansuefactione quæ fit sine capello, ipsa enim prior est tēpore & antiquior: & scito quomodo fiat facilimè, poterit sciri quomodo fiet mansuefactio cum capello. In mansuefaciendo igitur falconem sine capello, procedendum erit hoc ordine & hoc modo: postquam falco ciliarus est, & positus super manum, vt dictum est, debet diu teneri super manum, & deportari suauiter per domū obscuram & solitariam, & tota prima die & prima nocte, si possibile erit, teneatur super manum, nec ponatur ad sedendū super aliquam perticam vel aliam sedem, quod vt melius fieri possit, transmutandus erit falco de manu ad aliam, aut de manu vnius hominis, ad manum alterius, per has namq; vicissitudines diutius poterit sustentari, & portari super manum, & si non poterit tam diu detineri super manum, deponetur de manu super sedem vnā, secundum modum quem dicturū sumus in capitulo de perticis & sedibus. Amplius, illa prima die & illa prima nocte nihil cibi dandum est ei, quaten⁹ die sequenti magis esuriat, & minus aliquantulum pauescat, in qua die dissolvendus erit de sede, & super manum resumendus, quomodo dicemus. Et antequam inuitetur ad comestionem, ipse falconarius habeat in carneria sua coxam vnā gallinæ aut alias carnes idoneas, supradictas in capitulo nutriendi falcones nidasios, quando autem primitus inuitari debebit ad comestionem, falconarius

portet ipsum ad domum non claram & solitariam, illic namq; facilius assuefiet ad comedendum primitus: & si dicatur quod ciliatus est, poterit teneri, & etiam dari ipsi cibus in domo clara vt non videat, Respondendum est, quod quàmuis ciliatus sit, tamen tenuitas palpebrarum non impedit, quin oculi percipiant lumen diei, quo percepto, minus libenter comederet falco, dum recordaretur aëre claro, in quo esse consueuerat, propter hoc iuuat vt in domo nō clara inuitetur primitus ad comedendum; in domo etiā solitaria prodest, nam si audiret voces hominum aut canum, aut cēteros tumultus insuetos audiri ab ipso, minus libenter comederet, timens de huiusmodi sonis. Manē verò inuitandus est ad comestionem, nam hac hora & venari consueuerat & comedere, & si tardius inuitaretur, ad comestionem, non restaret tempus sufficiens ad dandum sibi plurib⁹ horis cibum, vt conuenit fieri, instaret enim nox, in qua falconarius nō posset esse tantum assiduus circa falconem quantum in die. Hoc modo autem inuitabitur ad comestionem: ponentur carnes ante falconem, vt odoratu sentiat eas, cū eisdem etiam carnibus tangatur rostrum, pedes, & pedes falconis, vt ex hoc tactu fiat ei tedium, & aperiat rostrum ad mordendum, vt dum credet & volet mordere rem quæ tangit ipsum, mordeat carnes, & mordendo saporet, saporando enim ellicitur ad comedendū, præcipuè cū esuriet. Quando verò iam inceperit mordere carnes tam auidè, quod per sonum non

non impediatur in comestione, falconarius proferat sonos ad libitum suum, planos & sine strepitu, quos quoties audierit addiscat recordari comestionis, & allici per eos ad intendendum comestioni. Qualescunq; autem sint soni non curamus, dummodo eiusdem modi sint. Iuuat etiam assuescere falconē ad huiusmodi sonos, non solum pro inuitando ipsum ad comestionem, sed etiam ad præseruandum falconem à malis inquietationibus, si enim falco aliquando volet inquietare se, aut inquietabit super manum vel super sedem, si non habeantur carnes dandæ sibi, vel non sint dandæ tunc, proferantur huiusmodi soni, datus intendere sonis, cessabit ab inquietationibus, intendens & sperans comedere, & per huiusmodi sonos prolatos sibi, citius permittet fieri circa se aliqua necessaria quæ debent fieri circa ipsum. Nō est autem permittendū in principio quod vna vice comedat illam totam coxam gallinæ, aut totaliter illas carnes, quæ sibi sufficerent pro vno pastu, sed aliquid subtrahetur de suo pastu & reseruetur, de quo residuo postea multis vicibus in die detur sibi ad mordicandum, vnaquaq; vice parū, proferendo similes sonos illis qui proferebantur quando dabatur sibi pastus, per huiusmodi scil. mordicationes, siue vt ita dicam abbeccationes sæpe sæpius iteratas, amabit plus hominem, & assuescet citius & libentius recipere cibum de manu hominis, & minus inquietabit se. Hæ etiam carnes quando dantur falconi ad comedendum, teneri debent

in eadem manu quæ sustinet auem, scilicet. quod partim sint & retineantur sub tribus digitis qui concludebantur in manu sub pollice, & partim exeant inter hos digitos & pollicem, ante pedes falconis, & si opuserit iuuentur etiam retineri firmitus cum alia manu submissa prædictæ: si enim carnes non tenerentur firmiter, falco nimis auide nimisq; gulosè posset carnes comedere & deuorare, qui modus comedendi sibi esset nociuus ad digerendum, cum consueuisset foris tenere carnes cum pedibus & vnguibus, & eas rostro morsellatim incidere & deglutire. Mordicationes verò seu abbeccationes, quas facturus est falco, faciat in eadem coxa gallinæ, aut in carnibus pastui suo debitis, cauendo ne pluries dando sibi cibum, aut pluries faciendo ipsum mordicare, detur sibi vltra debitam quantitatem pastus quem dicturi sumus. Dum verò sic pauitaret mordicat, assuefaciendus est ad permittendum se tangi & tractari manib⁹: nam cum ipse attentus est comestioni, si tangatur suauiter aut tractetur manibus, minus pauescet ex illo tactu, & assuescet etiam permittere se tangi & tractari audaci⁹ alio tempore. Cauendum tamen est in tangendo aut tractando, ne cum manibus foetidis tangatur aut tractetur, quoniam proinde pennæ suæ sordidarentur, & citius madererent & deflorarentur. Debet autem deportari per domum huc & illuc: nam per deportationem huiusmodi, firmitus & securius sciet stare super manum. Circa serò etiam aut de nocte, dandum erit sibi quicquid restabat post

post abbeccationes pluries factas in die de pastu suo sibi debito, cōuenienter tamen priusquam tollatur de super manum, ponendus ad sedendum: sic namque complebitur sibi pastus sufficiens vsque manè, & superdormiet libentius, & quietus super sedem suam. Si tamen tam diu & tam suauiter teneatur de nocte super manum, quod dormiat ibi, longè melius erit in dormiendo super manum, assuescet amplius manum diligere, & non fastidiet stare super eam. Quantitas autem cibi est sufficiens coxa vna gallinæ mediocris quantitatis, aut æqualis quantitas de carnibus alijs conuenientibus, hæc enim quantitas sufficiens pastus est circa principium pro falconibus mediocribus in quantitate, vt cum hoc pastu valeant macrefieri, & per macrefactionem & per famem, doceantur facilius assuescere cum hominibus, & citius mansuescere; girofalcis verò plus pertinet sacris etiam quamuis sint maiores de numero falconum post girofalcos, sufficit eadem quantitas, scilicet vnius coxæ, fortes enim sunt, & possunt esse contenti huiusmodi quantitate & difficilius minorantur de sua pinguidine: Cum enim pusillanimes & debiles sint, non capiunt magnas aues quando sunt syluestres, sed paruas, vt sturnellos & huiusmodi, vermes & lacertos, de quib⁹ se pascunt & continent aliquando, sed quod huiusmodi parùm possunt habere, ita q^d interdum sustinent tota die cum valde modico cibo, & aliquando cum nullo, & sic assueti facilius possunt esse contenti prædicto pastu, scil.

vnus coxæ gallinæ, Sed tertiolis & minoribus
 inter falcones, dari debet pro pascu ſufficienti
 minor quantitas carniū, & minoranda eſt
 quantitas, ſecundam proportionem conueni-
 entem quantitati ſui corporis, computando ſc.
 quantitatem paſtus ad paſtum, & corporis ad
 corpus. Vniuerſaliter autem dicendum, quod
 maioribus maior quantitas conuenit, minori-
 bus minor, ſed maioritas paſtus & minoritas,
 dicitur ad quantitatem coxæ gallinæ mediocris
 quantitatis referendo. Veruntamen quoniam
 carniū quædam ſunt impinguanter magis &
 melioris nutrimenti, quædam minus, & peio-
 ris nutrimenti, de magis impinguantibus po-
 teſt dari minus, vt quod reciperent ex bona na-
 tura ipſarum carniū, ſubtrahatur eis ex quan-
 titate modici, de minus autem impinguantib⁹,
 poteſt dari maius ſimili ratione. Si etiam falco
 ſylueſter plurimū pinguis captus eſt, de quo
 dicimus quomodo debet primò aſſueſcieri ad
 cibum & macreſcieri, diminui poteſt de quanti-
 tate paſtus ſuſtentationis ſuæ debita, & paula-
 tim in tantum quod fameſcat plus & plus, & ad
 minorem pinguedinem ſeu ad maciem deue-
 niat: nam ex huiusmodi fame & macie illatis
 ſibi, affectabit cibum amplius, & ab homine
 minus aufugiet, ſperans ſemper ſumere cibum
 de manu hominis. In macreſactione autem fal-
 conis, certum terminum macri ad quam dedu-
 cendum ſit, dare non poſſumus, cū falcones
 alij maiorem maciem alij minorem tolerare
 ſufficiant, ſecundum fortitudinem & debilita-
 tem

tem virtutum suarum: hoc tamen omninò cauendum est, ne ad immoderatam & extenuatam maciem venire cogatur: nam per tantam maciem debiles fierent viribus & defecti, per defectum nutrimenti, tantum, quod non sufficerent facere ea quæ volumus ipsos facere, & vix possent postea retrahi à tanta macie, & recuperare carnem sibi debitam, & maxime per quam affectant esse cum homine, & sufficerent facere quæ volumus ipsos facere. Immoderata autem macies & extenuata dignoscitur in lacertosis carnibus, quæ sunt vtrinque; juxta medium pectoris: nam istæ carnes quæ sunt per longum pectoris diminuerentur descendentes vtrinque; in vallum quoddam, & medium pectoris fiet inde acutius & siccius, quæ duo cognoscuntur & tactu & visu, & color pennarum & plumarum & pedum & rostri mortificabitur quodammodo, & falco faciet exinde debilitet & remissè & impotenter, diuerberationes & exusiones & ceteras operationes suas. Non itaque ad immoderatam maciem deducendus est neque cogendus, neque paulatim neque multo magis repente: sed ad illam moderatam maciem, quæ non prohibeat ipsum facere quæ volumus, imò inducat falconem ad effectum cōuersandi cum homine & ad hominem redeundi, tanquam ab homine cibum recepturum. Sunt tamen falconarij, qui per nimiam famem & extenuatam maciem, velociter & quasi repente mansuefaciunt falcones. Et sunt alij plures qui quadam consuetudine & paulatim assuefaciunt, & ad

mansuetudinem inducunt eos. Primo modo habetur mansuetudo falconum celerius: secundo modo tardius. Sed mansuetudo acquisita celeriter, periculosior est & deterior: illi namq; falcones qui tam subito macrescunt odiunt proinde hominem, & si contingat quod recedant aut aufugiant ab homine quocunque modo, difficilius recuperantur & rehaventur, & præcipue si pascunt se foris, & longè difficilius si contingat eos pernoctare foris. Mansuetudo verò acquisita paulatim, est laudabilior, est enim salubrior in eo quod paulatim acquiritur, nam per hoc falco recipit eam in quandam consuetudinem, quæ sit ei quasi altera natura, & per hoc trahitur ad amandū hominem, & est minus nociua, in eo quod non repente macrescit falco, repente namq; calefacere aut macrifacere, aut aliter quomodocunq; corpus mouetur, naturæ est inimicum, paulatim verò naturæ amicum. Huic autem mansuetudini acquirendæ in falconibus insistimus, quoniam non timetur in ea de periculis supradictis.

CAPITVLVM L.

De sedilibus super quibus ponendi sunt falcones, postquam de manibus deponuntur,

ET quoniam tenere falconem semper super manu non est possibile, tum propter falconarium, qui non potest se semper dare falconi, cum necesse habeat dormire & comedere, & alia sua

lia sua necessaria facere, tum propter falconem, quem taderat semp esse super manum, cum naturaliter esse consuevit & stare super firmiores sedes, oportet vt dicamus de sedibus super quas ponendus est ad standum, quando de manu deponitur. Est igitur sedes falconis id super quod falco ligatur ad quiescendū, quando de manu deponitur. Sedium autem vna est, quæ pertica dicitur, alia est, quæ approbato vocabulo sedile seu seditorium nuncupatur: perticarum autem alia est alta, alia est ima: sedile verò non nisi vnū; prius verò dicamus de pertica alta, deinde de ima, deinde de sedili. Alta igitur pertica debet esse lignea, ampla desuper ad mensuram vnus pedis, vt falco qui habet magnam ponderositatem respectu quantitatis sui corporis, coxas & tibias breues, ligatus curtè vt dicitur in medio latitudinis perticæ, se de pertica deijcere non possit, neque ante retro, hic enim si non ligaretur curtè, aut si pertica esset strictior quam diximus, cum se diuerberaret & de pertica deijceret, non esset de facili promptus diuertere se, sed penderet, ex qua suspensione noceretur pennis suis, & toti suo corpori, præcipuè renibus. Debet autem esse exaltata super terram ad quantitatem staturæ hominis vsq; ad oculos, vt homo possit videre facilius super perticam quod necessarium est videre; egestionem verò falconis factæ quandoq; super perticam, & purgatura seu plumatura quam euomit super eandem perticam, & inuolutio quæ cōtingit quandoq; iactis, facilius videbuntur; quòd si pertica esset

esset altior, non possent hæc conuenienter videri; Et si esset inferior, non esset similiter conueniens, quoniam visus hominis superueniret ex opposito visui falconis, vnde plus timeret falco, & si canes etiam & alia animalia de quibus timet falco naturaliter, transirent sub pertica, longe magis timeret propterea falco, cum transirent & propius essent sibi, magis diuerberaret se. Sola etiam debet esse pertica, vt nulla alia pertica sit sibi collateralis, vicina neque remota in eadem camera: nam si essent duæ sic collaterales, vicinæ aut distantes in eadem camera, secundum eundem situm locatæ, falco qui sederet in vna earum, semper haberet volūtatem diuerberandi se, & deijciendi ad aliam perticam & nos semper intendere debemus qd se non diuerberet, & propter hoc si erunt duæ aut plures, locentur prope parietes diuersos in eadem domo; melius tamen est quod sit vnica. Situetur etiam tantum distanter à parietibus domus, quod falco sedens in ea, non possit diuerberando se cum alis suis tangere parietem, & situetur firma super pedes suos, ne motu eius si facile fieret, causa foret in quietationis falconis, bonum est tamen quod sit portabilis & de loco in locum mutabilis, in alio enim loco domus ponenda erit dum falco agrestis erit, & nondum mansuetus, quoniam in obscuro & remotè à ianuis, & in alio postquam falco mansuetus erit, quoniā in clariori loco domus poni poterit, potest etiam firma & immobilis permanere, & aer in domo per apertionem & clausuram

furam fenestrarum fieri minus clarus aut magis, in loco etiam ad quem fumus non possit peruenire, neq; cætera incōuenientia quæ fiunt in domibus, poni debet, & longa poterit esse multum vel parum, attendendo spatium domus q̄ comprehendere debet. Pertica verò ima, duobus modis esse potest; lignea rotunda, aut lignea quadrata, & debet esse exaltata super terram tantum, quod cauda falconis stantis super eas, non possit tangere terram, longa verò potest esse parum vel multum. Et si plures erunt, locentur, vt diximus, de altis. Sedile verò vocamus quod de ligno vel de petra fit, & eius superficies latior plana est & æqua, comprehensa in circuitu circumferentia columnari, & debet esse sedile rotundum descendens in acuitatem, ad modum figuræ quam Geometræ dicunt pyramidalem, in acuitate huius sedilis, infigatur ferrum longū vno palmo, grossum grossitudine digiti pollicis, ferrum sit siue quadratum siue rotundum, inferius acutum, vt citius possit infigi in terram, & firmitus adherere, altitudo quæ debet habere sup̄ terram sedile, tanta sit quanta erit perticæ inferioris; item circulus vn⁹ ligneus aut ferreus habeatur per se, absolutus ab hoc sedili pyramidali, qui deponitur in terram, & ferrum sedilis per medium eius in terram infigatur. Huius verò circuli vtilitas est, quod longa alligatur ad ipsum, quatenus in reuolutione longæ circulus reuoluatur, ne possit longa impediri in aliquo circa sedile, & iste circulus portandus est & habendus semper cum ipso sedili, & si

238 DE ARTE VENANDI CVM AVIB.

& si plura erunt sedilia locanda in eadem domo, sic locentur, quod falcones de diuersis sedilibus se non possint tangere. Quidam sunt qui hoc sedile quadratū de petra faciunt, quod non est tamen cōueniens forte, namq; contingit quod falco deijcit se de sedili quadrato, & longa retinetur in vno angulorum, vnde falco de facili allidit pennas caudæ & alarum angulis sedilis diuerberando se, prætereà quando falco balneatus imponitur sedili quadrato, & expandit alas, pennæ alarum madefactæ & tangentes angulos sedilis plicantur de facili, amplius, non potest ligari ad sedile quadratū cum circulo aliquo, sicut ad sedile rotundū, sed oportet quod cauilia vna lignea infigatur in terram prope sedile quadratum, ad quam alligatur longa, amplius non commodè fertur à loco ad locum petrinum hoc quadratum, quod commodè fieri potest ligneum pyramidale. Rursus, pertica alta & sedile locanda sunt in domibus prope parietes, vt non sint in passagijs hominum, aut aliorum animalium domesticorū, non tamen debent in tantum vicinari parietibus, q̃ falcones diuerberando se possint allidere pennas suas parietibus. Itē sub pertica ima & circum circa sedile, sternenda est palea, vel herba, vel sabulū, quoniam si falcones diuerberando se ad terram deijcerent asperam, possent de facili excoriare plantas pedū, & disrumpere extremitates penarum quæ sunt in alis & cauda. Tot igitur modis sunt sedes pro falconibus & tales, & sic poni debent. Pro accipitrib⁹ verò quales debent esse sedes, suo loco dicetur.

CAPL

CAPITVLVM LL

De diuersis iuuamentis diuerforum sedilium, & de perticis, & qualiter ligentur in ipsis,

Dicatur nunc in quibus est iuuamentum vnius perticæ, plusquam alterius, & perticarum quàm sedilium, & è contra. Iuuat autem pertica alta plusquàm ima in hoc, quod plures falcones ligari possunt ad altā quàm ad imam, & minus impedit domum alta quàm ima: Et falco stans super perticam altam, minus pauescet ad aduentum hominis, & aliorum animalium de domo, quàm stans super imam, canes enim & porci & huiusmodi, si contingat quod accedant versus perticam altam, etiam absente custode falconi minus nocebunt, quoniam nō poterunt attingere sursum, quamuis desubtus transeant, quam versus imam aut sedile, ppter hoc idem pro semideciliatis, & pro nouiter deciliatis & agrestibus, melior est alta quàm ima, & quàm sedile, prociliatis verò non est alta melior quam ima, aut quam sedile, cùm indifferenter possint poni in quauis sedum: sup imam tamē aut super sedile melius quàm super altam quia sup alta posset intorquere iactos, & allidere personā suam & pennas. Sedile etiā & ima pertica in hoc melius sunt pro ciliato falcone quā pertica alta, quoniam si contingat quod falco immitat rostrū suum in foramen campanellæ, pendere poterit ex alta, ex qua suspensione multum

tum poterit ladi: in sedili verò & in ima hoc non eueniet; ima verò pertica iuuat plus quam alta in hoc, quod falco non potest pendere ex ea, neque dirumpere suam personam, neq; suas pennas, quemadmodum potest super altam, & in hoc, quod de ima potest descendere & iacere in terra, si indiget vt quiescat, & in hoc, quod longa cum qua ligatur falco ad imam, non tam de facili intorqueri poterit, eo quod ligatio longæ ad vtrumq; scil. imam & sedile, fit longa, & in hoc, quod si falconarius non possit esse præsens aliqua hora, januis domus clausis, securius dimittitur falco super imam quàm super altam. Ima etiam melior est quam sedile in hoc, quod potest fieri longa multum, & recipere plures falcones, super sedile vero vnus solus falco ponitur ad sedendum. Sedile verò iuuat plus quam pertica alta & quam ima in hoc, quod falco securius & sine maiori læsione stare potest super sedile, quàm in quauis perticarum, nam in perticis si plures sedeant falcones, lædere possunt se inuicem facilius quàm super sedile, vbi non est nisi vnus solus, & in hoc, quod quando etiam vnicus falco staret super perticam, maius periculum est sibi quam super sedile, ad perticam namq; pro eo quod longa est, potest diuerberare se dextrorsum aut sinistrorsum, & vtrinque lædere personam suam & pennas, ad sedile verò non poterit, cum locus circa sedile sit expeditus. Deinceps dicamus qualiter alligandi sunt falcones istis suis sedilibus, non enim eodem modo alligandi sunt ciliati vt deciliati, neque

neque eodem modo perticis vt sedili, proinde videnda est diuersitas. Falco itaque quando ciliatus est, indifferenter poni potest ad sedendum in quauis pertica aut sedili, cum enim nō videat, non habebit maiorem causam inquietandi se & aliter diuerberādi in vna sede quā in alia. Hoc autem modo poni debet ad sedendum in pertica alta & longa, posita longa per ambos annulos iactorum & nodata circa ipsos, eo modo qui dictus est in capitulo de longa, facies falconis & pectus non debent apponi perticæ quando salire debet ad standū; cum enim ciliatus sit & non videat, sic oppositus perticæ non saliet super eam, quāuis perticam cum pectore suo tangat, sed falconarius debet exaltare manū suam super quam est falco, ante perticam, & prope ipsam, & postea debet humiliare manum eam paulatim iuxta perticam, tali modo, vt cauda falconis & ouaria ipsius supersit perticæ & coxæ falconis, & posteriora genuū cum manu falconarij tangant perticam, post hæc relaxentur iacti aperiendo manum in qua sunt: falco enim hic ciliatus frequentius & libentius descendet à posteriori, eo modo qui dictus est ad standum super perticam. Interim autem dum fiunt hæc cum manu portante falconem, falconarius cum alia manu accipiet longius caput longæ, & proijciat de super perticam vltra, & cum eadem manu accipiat vtrunq; caput longæ subtrus perticam & trahat inferius, vt nodus longæ continens annulos possit peruenire descendens ad medium amplitudinis perticæ,

ticæ, & tunc suauiter remoueaturs manus, quæ
 portabat falconem, vt falco de manu super me-
 dium perticæ suauiter descendat, & post hoc
 longius caput longæ regyretur alia vice circa
 perticam, quod debet implicari cum alio capi-
 te longæ subtus perticam, & innodari prius vno
 nodo post alium nodum solubilem, quem no-
 dum falconarius citò possit soluere cum opus
 erit: Ex his autem duabus complicationib⁹ ca-
 pitum longæ fit vnus nodus. Dux verò regyra-
 tiones de dicto capite longæ fiunt circa perti-
 cam, vt nodus longæ cōstringens iactos firmitus
 stet in medio perticæ: q, si sic non fieret, nodus
 iactorum cum longa discurrere posset ad partes
 perticæ hinc inde, & si falco diuerberaret se, nō
 posset facilè redire, vnde posset potius se ledere.
 Hoc modo ponitur falco ciliatus ad standum
 super perticam altam, & ligatur, ligato falcone
 recedere potest falconarius à falcone, secun-
 dum quod voluerit, dummodo neque impe-
 tuose neq; cum tumultu recedat: cauere namq;
 debet, ne aliquo modo timere faciat falconem,
 aut inquietare in recedendo. Quando autem
 falconario libebit ligare falconem ciliatum ad
 perticam imam, hoc modo faciet: traducet lon-
 gam per ambos annulos iactorum, vsque ad no-
 dum extremitatis longæ, nec innodabit annu-
 los iactorum cum longa, sicut fiebat quando li-
 gari debebat falco ad perticā altam, inclinabit
 se & genu flectet ex illo latere vnde non tenet
 falconem, & cum illa manu cum qua non por-
 tat falconem, ponat extremitatem longæ non
 noda-

nodatam circa perticam, & traducet longam in tantum per perticam, quod à pertica vsq; ad iactos non restet de longa nisi quantitas vnius pedis & medij, & nodabit ipsam longam cum pertica, tali modo, quod quando trahetur extremitas longæ, soluatur facîle, hoc facto appropinquet plus manum quæ sustinet falconem perticæ, vt manus falconarij & coxæ falconis tangent perticam: ouaria verò & cauda falconis super sit perticæ, hoc modo, à posteriori falco, cùm ciliatus sit, libentius ascendet super perticam, quàm anteposita facie vel pectore, ligato falcone sic relaxet iactos, & permittat falconem ascendere, deinde falconarius surgat suauiter & sine mora recedat. Rursus quando falconario libet, alligare falconem ciliatū ad sedile, hoc modo faciat: longa pertranseat annulos iactorū vsq; ad extremitatem nodatam, & nō nodetur cū annulis iactorum, sicut nec suprà: accedat falconarius & inclinēt se & genuflectat cū falcone ante sedile, quemadmodū ante perticam imam, sicut circa perticam nodabit longā, & ad eandem longitudinem, sic in annulo sedilis alliget longam, & ponat falconem ciliatum ad sedendum supra sedile, vt faciebat ad perticam imam, & recedat quemadmodum à pertica. Et licet dixerim quod falco ciliatus indifferenter posset poni ad sedendū super quam sedem vouerit falconarius de tribus dictis: tamen pro falcone melius est & saluius super sedile, vt dictū est suprà in operatione sedium & perticarū ad inuicem. Hi itaq; tres modi alligandi falconem

communicant in eo, quod falco ciliatus conuenienter ligari potest ad quamecunq; de tribus, & in eo, quod falco ciliatus ponitur super has sedes à posteriori conuenientius, & in alijs etiã communicant. Differunt autem in eo quod alligatura ad perticam altam fit cum curtitate longæ, ad imam verò & ad sedile cum longitudine longæ vnius pedis & medij: alligatura verò falconis ad perticam imam & ad altam differt ab alligatura quæ fit falconis ad sedile, quoniam ad sedile ligatur vnus solus falco, ad perticas autem imam & altam ligari possunt plures, falcones simul, plurium etiam falconum ligatura ad altam perticam & ad imam, differentiam habet vt patebit, dicto de ligaturis: ipsi quemadmodum habere se debent. Ad imam verò perticam plures falcones simul sic ligabuntur: ligato vno falcone, secundum modum qui dictus est, alius falco eiusdem speciei aut propinquæ debet ligari tam distanter à primo, quod nec cum alis aut cum rostro possint sibi inuicem nocere, vnde inter maiores falcones maior debet esse distantia, inter minores minor. Patet igitur quod ligaturæ ipsæ tantum distant quantum & falcones, & eodem modo possunt ligari plures ad eandem perticam, secundum quantitatem perticæ. Ad imam autem plures falcones sic simul ligabuntur: ligato vno falcone ad eam, vt prædictum est, alius falco ponatur distanter ab illo, sed tamen ambæ ligaturæ longarum ad perticam imam fiant vicinæ inuicem, quanto plus poterunt: tertium autem quando ligare volue-

voluerit ad eandem perticam, in tanta distantia liget ipsum, quod nec cum rostro nec cum vnguibus, nec etiam cum alis possit tangere aliquem de duobus qui prius sunt ligati. Quartum autem ligabit cum tertio, quemadmodum ligauerat secundum cum primo. Et sic facere debebit de pluribus per ordinem, binis & binis ligatis secundum longitudinem perticæ. Differunt namq; istæ ligaturæ in eo, quod plures ligantur ad altam perticam curtis ligaturis longarum ad perticam, & distantibus ab inuicem, ita quod singulæ ligaturæ per se factæ sint, & distent quantum falcones: Ad imam verò bini & bini ligantur, non curtis ligaturis longarum ad perticam neq; distantib⁹, sed quibuscunque duabus inter se vicinis & propinquis valde. Ad hæc autem duæ ligaturæ falconū collateralium in ima pertica vicinæ sunt, quia cum ligatura cuiusq; longarum ad perticam fiat secundum longitudinem vnius pedis & medij, si distarent ipsæ ligaturæ, ita quod falcones possent in diuerberando pertransire alter ad alterum, accidere posset quandoque quod ambæ longæ in modum crucis alligarentur inuicem falconib⁹ se conferentibus altrinfecus, & hæc intricatura longarum esset magno nocumento ambobus falconibus, sed quando ligaturæ quorumque duorum sunt vicinæ, non potest hoc contingere, imò si longæ illigant sese, colligantia nō stabit in sursum earum, sed descendet in deorsum ipsarū prope nodos earum, qui sunt super perticam, & remanebit longitudo longarum. sic

intricatarum non damnosa falconibus. Si tamē
 volet falconarius plures falcones ligare ad imā
 perticam singulos semotim, & tam longē quod
 non possint sese altrinsecus super perticam di-
 uerberando pertransire, vt fit ad altam perti-
 cam, fieri potest securē nec erit nocium ipsis
 falconibus, neq; per se ipsos, neq; per ligaturas
 sic distantes, attamen plures sedebunt in vna
 pertica ligati bini & bini, vt dictum est. Aut igi-
 tur ligentur plures ad imam perticam, tantum
 distantes, quod nullo modo sit eis nocium,
 aut sic prope, quod tritura longarum non in-
 cidat ad damnum falconis. Sunt igitur ligaturæ
 tales falconis vnius ad sedile, & vnius, aut plu-
 rium ad perticas, & hoc modo differunt inter se
 ligaturæ, quomodo autem leuandus est falco
 de huiusmodi sedibus, accipiat ex capitulo
 de ciliatis, quomodo leuantur de sedibus.

CAPITVLVM LII.

De inquietationibus & diuerberationi-
 bus, quas facit falco ciliatus: Et de
 differentijs inter inquietationem, &
 diuerberationem.

Postquā falco ciliatus positus erit & liga-
 tus ad perticas vel ad sedile, vt stans in ali-
 qua illarum sedium quiescat & dormiat, falco-
 narius debet esse attentus requirere & visitare
 falconem, eo enim quod falco sentit se captum,
 cupiens expedire se, aliquando inquietat se, &
 aliquando diuerberat se. Inquietationem au-
 tem

tem dicim⁹ omnem illam defatigationem quā facit falco nō conando recedere ad volandum, de loco super quem sedit. Diuerberare verò dicimus, quando de manu vel sede sua conatur recedere ad volandū. Quod diuerberare, quoniam acius facit quando deciliatus est & periculosius pluribus modis, dicetur postquam erit falco deciliatus: Nunc autem de inquietationibus suis dicamus, vt doceam⁹ pręseruare ipsum ab illis, pro eo q̄ inquietationes possunt causę esse multiplicis lęsionis in persona & membris falconis. Inquietat autem falco ciliatus se multipliciter, super manum aut sedem suam quamcunque: Aliquando enim mordendo iactos & campanellam, aut chirothecam portantis; aliquando raspando cum vnguibus caput suum, maximē vbi est ciliatura; aliquando circum-eundo super locum vbi stat, vnde intorquentur iacti in pedibus suis: aliquando flagellando. Causa autem quare mordeat iactos aut campanellam, aut chirothecam, est: cū non fuerit vsus habere ligamina huiusmodi in suis pedib⁹, neque superesse chirothecę, cupit remouere ligamina mordendo, ex quo sequitur quod dum mordendo trahit iactos, nocet aliquando suis pedibus per stricthuram ligaminis, & aliquando mordet digitos suos aut crura, & fatigat se, & accidit quod rostrū suum immittit quandoq; in foramina campanellę, si ampla sint; Vt autem non mordeat, anteponatur rostro suo testa vna, aut lignū durum, aut lapis quādo mordere volet, vt per fastidium & per duritiem rei opposita

fixa definat mordere: foramina campanellæ sint
 ampla tantum quod rostrum falconis non pos-
 sit intercipi. Raspat autem ubi est ciliatura, per
 duas causas, vna est, quia vult remouere ligamē
 ab oculis, ut possit videre, alia quia ex ciliatura
 dolent palpebræ, & ubi dolor, illic pedes eius,
 vnde accidit, q̄ immittendo pedem inter caput
 & ciliaturam, & rumpit ciliaturam, & dilacerat
 palpebras. Hoc tamen raspare non omnes fal-
 cones faciunt. Succurritur autem huic inquie-
 tationi hoc modo, ligantur digiti vtriusq; pe-
 dis, qui dicuntur pollices, cum corrigiola, di-
 stantes à se inuicem, sit autem distantia quan-
 tum est amplitudo trium digitorum, & plus vel
 minus, secundum quantitatem falconum. Maio-
 ribus namq; maior distantia cōuenit, & mino-
 rib⁹ minor: Hoc modo non poterit erigere pedē
 vsq; ad ciliaturam. Intorquet autem iactos suos,
 quando quærit mutare locum, & quia ligatus
 est non potest recedere, circuit super manū aut
 super perticam, ex quo circuitu sequitur intor-
 tio iactorum, propter quam intortionem con-
 stringuntur pedes falconis, & accidet quod nō
 poterunt stare super pedes, sed cadunt stantes
 super genua sua, ex hac etiam intortione sequi-
 tur inflatio pedum, & aliæ læsiones in pennis &
 membris. Huic autem succurritur in hunc mo-
 dum: quando percipit falconarius quod falco
 ciliatus super manum circuire parat, sic vertat
 se, quod ex circuitu falconis, & ex motu falco-
 narij & brachij falco inueniatur stans sup ma-
 num, eadispositione qua conuenit, vel ponatur
 ad se.

ad sedendum super perticam | imam, aut super sedile, illic enim pro eo quod ligatur falco longius, non possunt intorqueri iacti, & ipse sentit se magis liberum, quoniam ligatus est longius, vel si non vult ponere ipsum ad standum super perticam imam, neq; super sedile, sed retinere ipsum super manum, & iacti iam sint intorti, cum alia manu distorqueantur iacti, & si opus erit propter aliquid, ponere ipsum super manū, tollat ipsum mordicantem tiratorium, quousque fecerit quod debet, & postmodum si voluerit falconarius, liget ipsum tunc sicut prius ligauerat ipsum. Et quoniam non potest assiduus semper esse falconarius in custodiendo falconē, super perticam potest ligare longam ad iactos, mediante tornetto vno, & non poterunt iacti intorqueri, ita tamen curtum sit tornettum inter longam & iactos, quod falco per diuerberationes non possit transire perticam ex aliqua parte sui. Si verò sine tornetto ligabitur, sapius requiratur, nam intortio iactorum causa est, quod falco mordeat iactos, quemadmodum ciliatura causa est, quod falco raspat eas. Flagellat autem alis, quoniam voluntatem habet volandi, & cum sentiat se ligatum, non attendit diuerberare se, neq; dimittere locum in quo sedet, Cuius simile videtur in falconibus junioribus priusquam possint volare, siue sint de illis qui sunt in nido siue de illis qui nutriuntur in domibus, ipsi enim non sunt ausi recedere timore cadendi, sed desiderio volandi flagellant alis frequenter, & tamen locum suum non di-

mittunt, quod volare non possunt. Inde est quod existimamus hanc esse occasionem flagellandi, & in ipsa eadem flagellatione, falco assuefacit alas suas ad volandum, vnde sæpè accidit quod post flagellationē diuerberent se: flagellatio verò non erit periculosa, nisi quando ipsam sequatur diuerberatio. Cùm itaque videbit falconarius, quod falco flagellat alis, & timet ne inde sequi debeat diuerberatio, si falco super perticā aut sedile flagellabit, soluat ipsum, & tollat falconem super manum, nam omnes inquietationes & diuerberationes, minus periculosæ sunt super manum, quàm super perticam aut sedile, quia melius potest succurri. Et si super manum flagellauerit, & postea velit se diuerberare, diuerberatione quæ prohibenda sit, inuitandus erit cum vocibus, & si non sufficit, dabitur sibi tiratorium non carnosum aut carnosum: Et si per inquietationes calefit, & non cessat inquietare per ea quæ docuimus, oportebit quod irroretur aqua frigida, aut q̄ inuitetur ad balneum, secundū modum quem diximus, in capitulis mansuefaciendi ipsum falconem deciliatum.

CAPITVLVM LIII.

De mansuefactione falconum ciliatorū ad gustum, auditum, & tactum.

DIctus modus dandi cibum & abbeccationes plures, & assuefaciendi falconem ad suauem tactum cum manibus per rostrum, pedus, alas, caudam & pedes, circa principium faciendus

ciendus est, per aliquos dies in domo non clara, & solitaria, vsquequo se assuescat comedere, & aliquântulum auidè, & iam incipiat mansuefieri: Deinde verò portetur ad domum claram, cuius fenestræ & januæ sint apertæ, & in qua sint multi homines loquentes, & canes & cætera multa, inter quæ debet conuersari, & ad quæ audienda debet assuefieri, & debet sibi dari pastus, & abbeccationes pluries in die, sicut fiebat in domo obscura & solitaria, tangatur etiam suavi tactu, dum pascitur aut mordicat, vt melius assuescat se tangi, & pluribus diebus fiat hoc. Postquam verò iam comedit securè, vnaquaque vice dum pascitur debet assuefieri ad sonos diuersos, & tumultus qui cõsueuerunt fieri inter homines, vt assuetus eis, quoties illos audierit non pauescat, & debet deportari per diuersa loca domus die & nocte, vt assuefiat melius ad audiendum diuersa, & firmitus stare super manum. Hic autem modus habendus est circa falconem donec cognoscatur bene assuetus ad sustinendum portari super manum, tangi, & auidius comedere quàm prius, & audire securiùs sonos & tumultus diuersos. Patet igitur quomodo assuefaciendus est falco ad gultum, sc. vt cibum affectet accipere de manu hominis, quod non consueuerat, & per gultum ad permittendum se tangi ab his à quibus non consueuerat tangi, sed potius horrebat tangi ab eis, & per gultum & tactum ad audiendum sine timore quæ prius audire timebat, & ad hæc omnia assuefit, priusquàm decilietur, & quam permittatur videre insueta sibi,

sibi, nec esset facile assuefacere ipsum ad omnes sensus sine lēione. Hoc verò irrationabiliter quæritur, sc. quod sicut fuit necessarium ciliare falconem, ne videat horrenda & insueta sibi, & pro illis visis se inquietet aut distrahat, sic fuisse vtile obturare aures falconis, vt non pauesceret ad audienda horrenda sibi quæ nō consueuerit audire, & propter quæ audita pauescit & inquietatur. Ad quod respondendum est, quod falco assuefit ad tolerandum obiecta cæterorum sensuum, insueta prius sibi, & quoniam in dando sibi cibum iuuat proferre sibi sonos blandientes & allicientes, quos quoties audierit, recorderetur facilius, & inuitetur ad gustandū cibum, oportuit quod haberet aures apertas & non obturatas, vt audiret huiusmodi sonos. Amplius, magis erat consuetus audire voces hominum & aliorum, quàm videre facies hominum, aut interiora domorum, & quàm tangi ab aliquibus insuetis, & tangere insueta, omnia enim volentia tangere ipsum horrebat & timebat, credens ei nociua plūmis & pennis, nec non & suis membris. Amplius, ea quæ audiebat non dabant sibi tantam discretionem rerum noxiarū, quantam dabant quæ videbat, nec timebat tantum ea quorum sonos audiebat, quantum tangentia ipsum & ea quæ videbat. Et melius cognoscuntur per visum non esse placabilia, quàm per auditum, Hæc ergo mansuefactio facienda falconi, dum est ciliatus sufficit, vt ad tres sensus faciliores primus mansuefiat, scilicet auditus, gustus, & tactus.

REX

REX.

Amplius, intentio falconarij debet esse asuefacere falconem, vt vtatur sine horribilitate sua, omnibus sensibus suis secum, ad quod faciendum, oportet quod auferat sibi sensum per quem magis horret ea quibus non est vsus, scil. visum, & dimittat sensus per quos minus horret ea quę sentit, scil. auditum & tactum, quia licet per hos sensus aliqua horreat, sapor tamen gustus adeo delectabilis est, quod ipsos mansuefacit, quod de visu non accidit, cum maiorem horribilitatem reportet ex visu eorū quę videt, quam per delectationem ex gustu. Et amplius, si clauderētur ipsi aures, esset indomesticus quando apperirentur sibi aures, sicut priusquā audiret ea quę non consueuerat audire. Et sic falconarius amisisset intentionem suam mansuefaciendi ipsum falconem.

CAPITVLVM LIV.

De mansuefactione falconum ad visum,
quando paulatim deciliari
incipiunt.

DIximus quomodo mansuefaciendus est falco ciliatus ad gustum, tactum, & auditum: Dicamus quomodo mansuefaciendus est ad visum, paulatim autem mansuefaciendus est ad visum, sicut ad alios sensus paulatim mansuefactus est, & tantò indiget amplius paulatim mansuefieri ad visum, quantò magis horribile est ei videre insueta, quàm gustare, tangere, vel audire. Paulatim verò mansuefiet ad videndum

dum insueta, si paulatim deciliabitur, non repente: nam si repente deciliaretur totaliter, non solum non mansuesceret ad videndum insueta, sed potius ad cetera in quibus iam erat mansuefactus, magis insuetus fieret, & magis agrestis, aut si contingeret quod mansuetus fieret, sine ciliatura aut cum deciliatura subita, non eueniret hoc ex arte, nec ex consuetudine, sed falco fatigationibus & conaminibus suis esset deuiotus potius quam mansuefactus, quod non posset accidere sine læsione sui, tanta, quod vix unquam posset redire ad fortitudinem suam: ideo oportet primitus relaxare paulatim ciliaturam, ^{ut} & non simul ex toto deciliare. Relaxetur autem ciliatura usque ad medietatem oculorum, hoc modo: apprehendatur per spatulas, & tenebitur falco, sicut tenebatur quando ciliabatur, si palpebrarum foramina, in quibus est filum, non sint desuper putrefacta aut corrosa in tantum, quod non possit timeri de arruptione foraminum, usque ad tempus quo ex toto debet deciliari, dissoluatur nodus concipiens duo extrema fili super caput falconis, & iterum fiat nodus, ita tamen, quod ambæ palpebræ quas detinet filum, descendant usque ad medietatem oculorum, & reaptentur plumæ super nodum ipsum, ut fiebat, quando ciliabatur, sed si foramina palpebrarum adeo sunt corrosa & desuper putrefacta, quod non possint durare usque ad tempus id, in quo debet deciliari, filum dissoluendum aut scindendum est, & ex toto à palpebris auferendum, & alia duo foramina propinqua pri-

mis

mis erunt faciendæ, & operanda cum acu & filo, sicut in ciliando: tamen palpebræ non sunt eleuandæ, nisi vsque ad medietatem oculorum. De nocte verò, aut in domo non clara, in qua domo non sint multi homines, relaxanda est ciliatura, quæ iuuabit in eo, quod falco non videbit manifestè hominem, qui portat ipsum, nec faciem eius, nec cetera insueta videri, & quia non videbit ea manifestè, minus pauescet pro eis, & paulatim & gradatim assuehat videre ea, quâuis non clare, & quia paulatim & gradatim vertetur in quandam cōsuetudinem & naturā alterā, in hoc modo deciliationis incipiet melius assuefieri videre hominē & faciem hominis, & motus manuum, tam ad nō tangendū falconem, quam ad tangendū, & proinde facilius tolerabit se tangi, & præuidens in sursum claritatem luminis, diuerberabit se ad superius & non ad deorsum, cū non videat submissa sibi, & propter hoc assuefiet ad meliorem diuerberationem, de quibus dicetur infra, & addiscet stare erectus super manum, per hoc quod videbit & prospiciet ad altum. Relaxata itaq; ciliatura, vt dictum est, & reposito falcone ad standum super manum, portandus erit falco huc & illuc per domum, per diem & noctem priusquam ponatur ad standum in sede sua, & pastus suus diuisus in plures partes dandus erit sibi pluribus vicibus, vnaquaq; vice, particula vna, & pluries abbecandus erit cū tiratorio, & tangendus erit suauiter, & assuefaciendus ad sonos diuersos quos audiet, & cetera omnia erunt faci-

facienda per aliquos dies, sicut fiebant ei quādo erat ciliatus. Hoc facto per aliquot dies, transmutari poterit de non clara domo, ad domum aliquantulum claram vbi sint homines, & in illa domo aliquantulum clara tenendus est per aliquot dies & assuefaciendus, & de domo aliquantulum clara transmutandus erit ad magis claram, faciendo similiter, augmētato enim lumine paulatim, vt ipse paulatim incipiat assueferi ad lumen, & ad videndum caliginosa & homines & ea quæ sunt in domibus, & ad audiendum & ad permittendū se tangi suauiter. Quod autē diximus, per aliquot dies debere fieri circa falconem, intelligendum est hoc modo, si falco est agrestis valde, & ideo tardiū recipiens assuefactionem, omnia quæ diximus, erunt facienda circa ipsum per plures dies: si verò minus agrestis, & ideo citius recipiens assuefactionem, per pauciores. Quando autem videbitur quod falco semideciliatus iam non timeret in domo non clara, nec in claritate esse, cum homine portari, & videre ea quæ sunt in domibus, quamuis non manifestè videat, oportet quod semideciliatus assuefiat portari extra domum, ad aërem liberum, primò à falconario pedestri, deinde ab equestri, fiet autem hoc modo: falconarius quando debet portare falconem semideciliatum extra domum pedester, surget ante diem, & assumet falconem de sede sua super manum suam, & in transeundo per portam domus, habebit illam diligentiam, quam dicemus infra, & morando deforis, & redeundo, post-

postquam autem hoc erit factum per aliquot dies, portandus erit similiter extra domum ab equestri, & surget similiter falconarius ante diē, & assumet falconem, & exhibit de domo, & ascēdet equum, & portabit foras, primò propè & parum morando de foris, redire namque debet postquā lumen diei aduenerit alia, vice longius, & morando plus de foris, cum lumine diei erit redeundus. Qualiter autem cauendum sit falconi in ascensu super equum, aut in descensu, dicetur quando deportabitur foras deciliatus, semideciliatus enim non inquietat se tantum, neque diuerberat se tam acriter, neq; motus sui sunt tam agrestes quando semideciliatus est, cum non videat plenē quemadmodū quando plenē est deciliatus. Quando autem falconario placuerit ponere falconem semideciliatum ad sedendum, super aliquam de sedibus dictis, super altam perticam ponet ipsum: hæc enim est magis conueniens ipsi quàm ima, aut quàm sedile, pro eo enim quod videt, quāuis nō plenē, magis timeret, & diuerberaret se magis pro approximantib⁹ ad ipsum, si esset in sedib⁹ imis. Et iterum, quoniam videret, forsitan non sustineret esse quietus interim dum ligaretur, ad quamcunque de sedibus, ideo dum ligatur, falconarius debet dare ei tiratoriū, & postquam ligatura ad perticam vel ad sedile facta erit, auferet tiratorium ab eo, & facies falconis & pectore anteposito sedi, ponet ipsum ad sedendum, falco enim qui iam videt & discernit sedem, libentius recedit de manu falconarij ad

R

seden-

sedendum in sede quam videt. De cæteris verò omnibus, quæ conuenit fieri in ligando vnum vel plures simul, faciet vt dictum est de ciliatis. In defectu autem perticæ altæ, poterit poni ad sedendum ad imam perticam, aut ad sedile, sc. cum longitudine longarum &c: cum maxima tamen diligentia custodiendus est, & requirendus sæpe dum est in sedibus dictis. Qualiter autem suis inquietationibus succurri debeat, dictum est in capitulo præcedenti. Propter quas autem causas se diuerberat, & quomodo prohiberi debeat, ne se diuerberet, & quomodo succurri debeat diuerbationibus quas fecerit, dicetur in capitulis de mansuefactione falconis totaliter deciliati. Et quomodo leuandus est de sedibus huiusmodi falco semideciliatus, haberi potest ex eisdem capitulis.

CAPITVLVM LV.

De mansuefactione falconum totaliter deciliatorum, qualiter deciliantur, & quo tempore, & de ipsorum inquietationibus.

Postquam erit assuefactus in domo super manū pedestris semideciliatus, & extra domum super manū pedestris & equestris; assuefaciendus erit ad hoc quod videat manifeste, & poterit ex toto deciliari. Illa autem die quando debet deciliari totaliter, non est dandus sibi totus pastus manè, sed reseruandum erit aliquid de ipso quod dabitur falconi nocte statim cum erit

erit deciliatus, sed tamen de alijs carnibus recentibus, vt tunc compleatur sibi pastus suus priusquam deciliatus ponatur ad sedendum. Per diem autem non est deciliandus, quoniam per claritatem diei discernet euidenter & repente facies hominis, & cætera quæ nondum videre consueuerat manifestè, & timeret valde, ex quo timore inquietaret se, & magno conamine niteretur euadere, ex quo conamine accederet sibi fatigatio & morbus, ex quibus eum accederet, abhorreret magis hominem, credens quod per eum hæc mala sibi accidissent, & faciliè rediret ad suam pristinam agrestitatem, & multò tardiùs posset deinde mansuescieri. Per noctem verò deciliabitur multò cōuenientius, quoniam tūm ppter obscuritatem noctis, tum propter palpebras, quæ non poterant descendere subito & repente post deciliationem, cum diu steterint eleuatæ, non poterit videre manifestè nec faciem hominis, nec cætera circumstantia vnde timere possit, sed videbit ea sub quadam caligine, vt consueuerat, & assecurabit se paulatim ad videndum ea. Nocte igitur deciliabitur conuenienter, tamen decet adesse lumen quando deciliabitur, vt videatur quomodo deciliandus est. Quando verò debet deciliari, fiet hoc modo: capiatur falco, & teneatur cum ambabus manibus, sicut fiebat quando ciliabatur, & tunc dissoluatur nodus fili, aut ipsum filum scindatur, & totaliter ab vtraq; palpebra remoueatur, remoto autem filo totaliter, falconē sic deciliato, statim remoueatur lu-

lumen, quousq; positus sit ad standum iterum super manum, ad hoc autem remouetur lumen, ne statim cum deciliatus est repente videat unde timere possit, & diuerberare se, aut aliter inquietare, tunc enim cum per detentionem & per deciliationem cōturbatus fuerit, & ad suam agrestitatem quodammodo redierit, facile posset timere & inquietare se ad repentinū visum hominis & aliorum. Falcone verò posito ad standum super manum, statim proferantur ei soni consueti proferri quando comedebat, & detur sibi id quod reseruatum erat de suo pastu, vel tantum de alijs bonis carnibus, & quando videbitur quod comederit libenter, poterit reapertari lumen, sed non tam clarum vt prius fuit, in domo paulatim namq; augmentandum lumen est, vt paulatim assecuret se ipsum ad visionem manifestam hominis & aliarū rerum, quæ sunt in domo, lumen autem conuenienter esse potest in domo per noctem, vbi falco deciliatus est, vt per claritatem nocturnam discernat, & quoquo modo videat domum, & ea quæ sunt in ea, per visionem enim nocturnam, quam habebit circa hæc, veniente mane, facilius recordabitur visorum in nocte, & si non vidisset ea de nocte, non esset tantum assuetus ad eadem in crastinum, imo potius recordaretur eorum quæ viderat dum esset siluester in campis, ante scilicet quam captus esset & ciliatus, quoniam illa longo tempore vidit, & traderet obliuioni ea quæ parum vidisset. Nocte autem qua deciliatus est, falconarius debet vigilare plus alijs nocti-

noctibus præteritis, tenendo & deportando ipsum per domum huc & illuc, priusquam ponatur ad quiescendum per noctem in sede sua, ut quemadmodum palpebræ paulatim descenderent, sic falco gradatim & paulatim assuescat videre faciem hominis & cætera quæ sunt in domo, & non repente videat diurna, & vigiliatio proderit ad continuandam visionem nocturnam falconis visioni diurnæ ipsius circa ea quæ sunt in domo. Et si contingat quod dum tenetur & deportatur per domum nocte, propter timorem quem habebit de aliquo viso, se velit diuerberare; aut aliter inquietare, falconarius percipiens hoc, proferat sonos cōsuetos inuitando ipsum ad id, quod vocamus tiratorium, & detur ei tiratorium, ut attendens sonis, & gustans de tiratorio brancet manum strictius, & obliuiscatur causæ timoris: oblita verò causa timoris, & ipso eodem iam nolente se inquietare, auferatur ab eo tiratorium, ut non fastidiat se de ipso. Et his omnibus factis per ordinem circa ipsum deciliatum cum vigilijs nocturnis, ponendus erit ad quiescendum per noctem in sede sua usque mane, & tunc ante diem erit resumendus de sede super manum. Sed cum id quod dicitur tiratorium in mansuefactione falconis magnam utilitatem gerat, præcipuè in illa quæ sit sine capello, nullum enim aliud est, quod possit esse medium faciens falconem diligere falconarium nisi hoc, videamus quid est tiratorium, quot modis est, & ad quæ est utile. Est enim tiratorium quodcumque membrum avis, aut alterius animalis dandum

dum falconi ad mordicandum in eo, ne inquietet se falco propter timorem, aut aliam causam. Et est duplex tiratorium, vnū carnosum, quod debet esse recens, & de bonis carnibus, vt de coxa, ala, collo, vel alio membro quocunq; galinæ, aut alterius auis, aut de carne alicuius quadrupedis conuenientis: si enim erit de bonis carnibus, falco libentius & auidius mordicabit, & gustabit de ipso, & saporando, dulcedinem & bonitatem carniū affectabit & assuescet, & per hoc dimittet voluntatem inquietandi se. Aliud est non carnosum, quod debet esse ossuosum & neruosum, & munitū plumis aut pennis, quod datur falconi, potius ad impediendum falconē circa ipsum, & ad deplumandum in ipso, potius quàm ad gustandum vel comedendum, & ad purgandum caput malis humoribus, vt patebit in tractatu morborum. Est autē tiratorium vtile ad multa, videlicet ad faciendum velle obliuisci & dimittere suas inquietationes, & diligere magis hominem, & assuefieri cum ipso, & ad sustinendum videre insueta sibi, & ad multa alia quæ patent in mansuefaciendo. Falconarius itaq; habeat semper tiratorium in manu in qua non portat falconem, vel secum in carneria sua, aut in alio loco à quo possit haberi cito, & nō ostendat tiratorium falconi nisi quoties viderit esse opus: Cū autem videtur esse opus, dari debet tiratoriū hoc modo: inuitabitur prius cum sonis cognitis & consuetis ad tiratorium, nec debet aspicere ad faciem falconis dum est in sua agrestitate, nec antequam det tiratorium,
nec

nec quando dat: Dando autem, cum alia manu ponet ipsum ante pedes falconis, retinendo ipsum cum vna manu, vel cum duab⁹, vt fiebat in pascendo falconem. Postquã autẽ datum erit tiratoriũ, & ipse erit attentus in gustando aliquid de tiratorio, poterit falconarius aspicere ad ipsum, vt videat quæ erunt facienda circa ipsum, & facere illa, dum gustabit tiratorium. Dimittendũ autem erit tiratorium falconi, quonſque causa timoris tranſeat, & eam obliuiscatur, tunc enim auferendum erit ab eo, nec permittendũ erit, quod se ſatiet de tiratorio, quoniam alia vice poſtea, ſi opus eſſet tiratorio, nollet ipsum. Aſſuefacere autem falconem ad vſum tiratorij prodeſt, in hoc, quod quoties videbit aliquam cauſam timoris, poterit remoueri ab eo ille timor per tiratorium, & ſi nõ haberet vſum tiratorij cum aſſeſſet aliqua cauſa timoris, non dimitteret per tiratorium ſuas inquietationes, & ſi male accideret ſibi ex inquietationib⁹ ſuis, alia vice minus libenter aut nullo modo vellet tiratorium, quod eſſet valde contrarium manſuefactioni ſux, cum non poſſet haberi aliquid aliud, per quod falco poſſet induci ad deſinendum velle ſe inquietare, excepto capello, de quo ſuo loco dicetur. In dando autem tiratorium, aut antequam detur, aut poſtquam datum eſt, proderit ſi remoueatur cauſa illa, de qua timet falco, aut propter quam ſe vult inquietare: nam ſi non remoueretur, accidere poſſet, etiam dum guſtat tiratoriũ, quod ex nimio timore dimitteret tiratorium, & aſſu-

meret hoc in vsum, quotiens timeret, vel ex toto nolle, vel dimittere ipsum, & sic difficilius posset mansuescieri. Hæc de tiratorio dicta sufficiant. Item dando carnes falconi, aut tiratorium, porrigantur ei ab alto, & prope faciem dantis, vt assuescat ad faciem hominis. Nocte etiam illa qua primò deciliatus est, non est permittendus falco stare super sedem suam vsque ad lumen diei sequentis, sed falconaris surgat ante diem & tollat falconem de sede sua, & resumat super manum ante diem; visio enim falconis nocturna per hoc continuabitur visioni diurnæ, & quantò plus descendunt palpebræ & lumen diei adueniet, ipse falco tantò amplius assecurabit se, ad videndum hominem & cætera, propter hoc etiam tunc non portandus ad lumen diei clarum subitò, sed per domum non claram portetur, in qua domo lumen diei proportionaliter respondeat lumini noctis, quod fiebat cum lucerna, & paulatim augmentetur lumen diei, non repente de obscuro in clarum, ideo secundum quod falco erit magis agrestis, per minus claram domum deportandus erit, & secundum quod minus agrestis, per magis claram. Sed quoniam falco qui nouiter deciliatus est, veniente claritate diei manifestè videt faciem hominis portantis ipsum, & alia quæ sunt in domo, euidentius discernit, quoniam palpebræ iam descenderunt, & naturam habet dimouendi se in die & quiescendi in nocte, accidit vt in die longè magis inquietet se, & diuerberet quàm in nocte, videt enim clarè insuetam sibi

ta sibi & horribilia, de quibus timet, & à quib⁹ naturaliter appetit fugere.

CAPITVLVM LVI.

De diuerberationibus ipsorum, & de diuerberationum modis.

Diximus prius differentiam quam facimus inter inquietare & diuerberare, & modos inquietationum, & quid sit faciendum contra inquietationes: restat vt dicamus nunc de diuerberationibus falconis, quas acrius & periculosius & pluribus modis falco deciliatus facit, quàm ciliatus aut semideciliatus faceret. Has autē facit omnis falco aliquando in domo super manū, & aliquando super perticam aut sedile, & aliquando super manū equestris. In dicendo autē de ipsis, dicemus prius omnes modos diuerberationum, & quæ deteriores sunt, & quomodo assuefit falco ad minus malas, & quomodo retrahitur ad manum de iam factis, causasq; dicemus ppter quas diuerberat se falco, & signa vniuscuiusq; causæ, & quomodo subueniri potest diuerberationib⁹ suis priusquam fiunt, aut eisdem postquam iam factæ sunt, nisi enim prohiberetur à suis diuerberationibus, tantum defatigaret se & debilitaret, & pennas suas deuastaret, quod inutilis fieret ad faciendum ea quæ post mansuefactionem volumus ipsum facere. Diuerberare verò dicimus esse, quando falco ligatus, de manu vel de sede sua conatur recedere ad volandum, hoc facit pluries in domo

R 5

super

super manum deciliatus, dum scilicet durat agrestitas & immansuetudo sua. Modi autem diuerberationum super manum sunt tales: falco stans super manum, & videns quare se debeat diuerberare, diuerberat se quandoq; versus faciem hominis portantis ipsum, & talis sua diuerberatio est ad sursum, cum intendit transire super caput hominis, & hanc diuerberationem raro facit in principio agrestitatis suae, quoniam timet tunc faciem, sed eam facit saepius quando assuefactus est ad faciem; quandoque verò diuerberat se in longitudine brachij versus humerum; quandoq; diuerberat se recedendo à facie portantis in longitudine manus, extra manum scilicet. Et hæc diuerberatio tribus modis esse potest, in sursum scil. aut deorsum, aut inter vtrumque; quandoq; verò diuerberat se de manu super quam est, versus aliam, aut de sinistra versus dextram, aut è conuerso, hoc autem est de vno latere falconarij ad aliud, & est tribus modis, in sursum, in deorsum, & inter vtrumq;. Quandoq; verò diuerberat se falco ad posteriora manus, & hoc similiter tribus modis in sursum, deorsum & inter vtrumque. Hi sunt omnes modi diuerberationum quas facere poterit falco super manum. Sed quoniam horum quidam sunt deteriores alijs, videndum est quis modus diuerberandi minus malus est cæteris, ut cum non possit omninò prohiberi falco à diuerberatione, assuefiat & doceatur saltem ad minus malam diuerberationem. Prima itaque diuerberatio, quæ est versus faciem falconarij,

| minus

minus est mala cæteris, quoniam est ad altum, & ex ea retrahitur falco facilius & citius ad manum; cùm enim falco ponderosus sit, & omne ponderosum quando est in alto naturaliter petit deorsum, facilius descendit falco ad manum quæ substat sibi, amplius, ex hac diuerberatione ad altum, non potest falco habere læsionem in persona aut pennis, neq; multam defatigationem. Diuerberatio verò quæ est de vno latere ad aliud, siue de vna manu versus aliam, peior est quàm prædicta, in eo quod potest esse pluribus modis quàm prædicta, & in eo quod si falco consuetus esset solum portari super vnam manum, quando transmutaretur ad aliam manū, illam diuerberationem quam consuevit facere ad aliud latus, faceret ad posteriora manus, super quam mutatus est, & esset difficilior ad retrahendum super manum, reuerso enim modo, & per maiorem circuitum oportet ipsum redire; sed in eo, quod manus ipsa portans ex ea diuerberatione retrahet falconem ad standū super se, & facilius & citius, minus mala est cæteris. Diuerberatio etiam illa quæ est per longitudinem brachij versus humerum, in eo mala est, quod cauda falconis alliditur manui, in loco scilicet in quo digitus index replicatur super pollicem, ex quo nocet caudæ, falco enim in hac diuerberatione, submittit sibi facile caudam suam, & quando retrahitur ad standū super manum, & quando diuerberat se, vnde cauda intercepta inter manum & falconem de facili læditur. Diuerberatio autem quæ est per longi-

longitudinem manus ad extrinseca, mala est in eo, quod pluribus modis fieri potest, & in eo, quod falconē oportet facere quendam circuitum & quandam regyrationem sui, ad hoc vt redeat, ab interiori enim parte manus in quacunq; diuerberatione retrahendus est ad standum super manum, quemadmodū stare debet super eam & conuenit. Illa verò diuerberatio, quæ est ad posteriora manus, in eo quod plurib⁹ modis est, mala est, & in eo, quod falconem oportet facere maiorem circuitum & regyrationem sui, ad hoc quod redeat ab anteriori parte manus ad standum super eam, quemadmodū stare debet super manum & conuenit. Maior autē circuitus & maior regyratio, pro eo quod maius spatium obtinet, maius tempus requirit antequam falco retrahi possit ad standum super manum, eo modo quo debet, & ex hoc ipso mala est, quod tardius retrahitur falco ad sedem manus, falconarius enim quàm citius potest, retrahere debet falconem, de quacunq; diuerberatione, ad standum super manū. Quando enim tardat reducere falconem ad manum, falco pendet, & quantò plus pendet plus nocet ei: Inde est quod hæc diuerberatio quæ est ad posteriora manus, peior est omnibus. De modis verò diuerberationum tribus, vno sursum, alio deorsum, alio inter vtrumque, ad quamcunq; partem manus sint, ille modus qui est sursum, minus malus est alijs duobus, in eo quod ab alto facilius retrahitur falco super manum. Ille verò qui est deorsum peior est alijs duobus

duobus, quoniam falco pendet, & cum grauis sit, & grauia naturaliter tendant deorsum, & per violentiam sursum, laboriosius & difficilius est retrahere falconem de tali diuerberatione ad superiora manus, ut stet super manum sicut debet. Ille verò modus qui est inter vtrumque, minus malus est illo qui est deorsum, cum falco non pendeat sicut in illo, & cum possit facilius retrahi ad manum quam in illo, sed deterior est illo, qui est sursum, & cum sit inter minus malum & peiorem, non est tam malus ut peior, nec est tam laudabilis ut minus malus. Ex prædictis patet, quod diuerberatio falconis ad posteriora manus, deterior est cæteris, unde illa quæ in eandem partem manus fit deorsum, peior est peioribus. Cum autem falco qui vi detentus est super manum, aut super sedem suam, non diu possit stare, quin se diuerberet, præcipue dum durat eius immasuetudo, expedit ut saltem ad meliorem diuerberationem assuefiat, erit enim iuuamentum hoc in eo, quod à deterioribus abstinebit, & in hoc quod ad minus malam assuefiat, quæ est diuerberare sursum, assuetus enim diuerberare sursum non læditur tantum. Assuefit autem ad diuerberationem versus faciem hominis scilicet falconarij, multipliciter: vno modo, ut quoties falconarius vult quod falco mordicet seu abbeccet, ostendat ei carnes ab alto ante faciem falconarij, ut falco conuolet desiderio comedendi, & se diuerberet ad altum, ubi sint carnes: alio modo, ut quoties volet falconarius ponere falconem ad sedendum super perti-

perticam altam, ponat tergum suum à parte perticæ, inter perticam scilicet & falconem, & replicet manum suam, in qua portat falconem ad anterius pectoris, tantum quod falco videns perticam & affectans volare in eam, diuerberet se illic: sic enim assuescet diuerberare se versus faciem falconarij. Hoc autem modo faciet falconarius, si pertica erit altior capite suo: si verò non erit altior capite suo, humiliet se falconarius tantum, quod pertica super sit capiti suo. Ex hoc assuescet diuerberare ad altum, & videre faciem hominis. Hoc autem faciat falconarius frequenter in die, non tamen toties, quod cedat ad superfluum laborem falconis. Alio autem modo docebitur falco diuerberare se versus faciem hominis. Quando enim falco stans super manum in domo, aspicit ad fenestras domus, & ad cætera loca domus luminosa, falconarius vertat dorsum suum ad illa loca, ex hoc namque accidet, quod se diuerberabit ad illa loca ad faciem hominis, & sursum se diuerberabit, in quo assuescet meliorem diuerberationem. In istis verò tribus modis falconis diuerberantis se, falconarius consentiat falconi, cum manu sua sequendo ipsum, nam si rigidam tenet manum, noceret renibus & coxis falconis. Alio modo docetur etiam falco diuerberare se ad altum, hoc modo: si plures sunt fenestræ in domo, obturentur omnes præter vnam, & illa vna sit opposita perticæ vel sedi, quibus alligandus est falco, & sit illa fenestra altior quam pertica vel sedes. Statuenda est ergo vel sedes in tali loco domus

domus, quod opponatur lumini alto, sic enim falco perticæ alligatus seu sedi, capite suo existente versus illud lumen, desiderans exire ad aërem liberum, libentius se diuerberabit ad illud lumen, & esto quod se non diuerberet, stabit erectus super pedes suos, sic enim faciendo falco dimittet alias diuerberationes malas, & assuescet bonas, vnde istæ diuerberationes bonæ quas assuescet, vertentur per consuetudinem in quandam naturam, & ex hac consuetudine amabit diuerberare se ad altum. In cæteris suis omnibus diuerberationibus, huiusmodi diuerberare minus est nocuum ei. Quando verò diuerberat se in longitudine brachij versus humerum, falconarius sic plicet brachium, & manum ad faciem suam sic vertat, quod oporteat falconem vertere se versus faciem, & tunc retrahendus erit citò ad manum super quam stabat, quemadmodum quando diuerberabat se versus faciem. Et quando diuerberat se per longitudinem manus, extra manum, falconarius vertat se, & manum suam retrahat taliter, quod per gyramentum suum falconem oporteat esse versus aliud latus falconarij, & tunc citò retrahat falconem ad manum, quemadmodum in diuerberatione fit quæ est de vno latere ad aliud. Si autem falco se diuerberat versus aliud latus, vt minus noceat ei, falconarius debet assentire falconi cum manu, portano ipsum, quam manum lassam & assentientem falconi teneat, non rigidam, quod etiam prodest in omni diuerberatione, postea debet retrahere manum eandem suam.

suauiter & citò, in loco in quo primò erat dum portabat falconem, & si falco diuerberauerit se ad altum, faciet hoc modo: assentiet cum manu, & post retinebit eam, quoniam in retrahendo falcone falco descendet facilius. Sed si diuerberauerit se falco inter sursum & deorsum, oportebit vt declinet manum: nam falco conuenientius retrahetur ad manum si suberit pedibus suis; & si diuerberauerit se in deorsum, primò consentiet ei cum manu, & deinde aliquantulum eleuet manum, vt cum adiutorio ipsius manus subleuantis & attrahentis falconem, melius & altius se releuet, & postquam se releuauerit, humilietur in tantum manus, quod subsit falconi, falco enim rediens ad sursum, ad deorsum conuenientius semper redit super manum. Quod autem dictum est, de consentiendo falconi cum manu, & de submittendo manum eandem, de eleuando vbi expedit, & de retrahendo falconem, falconarius sine mora faciet, & quam citius poterit, mora enim in talibus trahit ad se periculum. Contra illud verò quod dictum erat, si consuetus esset portari in vna manu & altera, iuuat assuescere portare falconem super vtramque manum, quoniam addiscet facere diuerberationes de vtraque manu ad aliud latus, & non ad posteriora manus. Quando verò falco diuerberabit se ad posteriora manus, oportebit falconarium gyrare se tantum, & manum suam, quod falco veniat ad retractionem sui super manum, eo modo & ea dispositione, sicut quando se diuerberat de manu ad aliud latus,

tus,

tus, retrahendo falconem ad manum sicut retrahendus est. Iam igitur dicti sunt modi diuerberationum, quas facit falco super manum in domo, & qui minus mali sunt, & qui deteriores, & quomodo assuescit falco ad minus malas, & quomodo retrahi debet ad manum de vnaqua; diuerberatione.

CAPITVLVM LVII.

De diuerberationum causis.

CAUSÆ verò propter quas falco nouiter deciliatus diuerberat se super manum in domo, ad quod diuerberare inducitur propter agrestitatem suam, sunt multæ: aliæ enim causæ sunt propter falconarium portantem ipsum, & propter ea quæ videt in ipso. Aliæ verò propter multa alia quæ videt, & non sunt in falconario, vnde cum necessariò habeat diuerberare & aliter inquietare se, propter hominem portantem ipsum, pro eo quod impossibile est ipsum non esse cum ipso, cum mansuefiat ab eo, sed propter alia non habeat necessariò diuerberare se, cum falconarius possit procurare, quod aliqua non approximent falconi, oportet vt dicamus primò de illis quas facit propter hominem, & propter ea quæ sunt in homine: cum enim falco erit assuetus in illis, facile poterit postea per hominẽ mansuefieri ad alia, & nimis esset difficile mansuefacere ipsum simul ad omnes causas diuerberationis. Has verò diuerberationes dicendas, intelligere oportet in falcone capto syluestri seu ramagio, quoniam plures sunt & periculosiores

S

losiores

loſiores in ramagio: in nidaſio vero pauca ſunt, & minus periculofa, ſi tamẽ nidaſius faciat aliquas diuerberationes, ſubuenitur ei quomodo & ramagio. Falco itaq; captus agreſtis ſeu ramagius, ppter agreſtitatem ſuam, & ppter timorẽ quẽ habet, ſtatim quod deciliatus eſt, præſertim veniente lumine diei, videt in homine multa propter quã inquietat ſe & diuerberat, & conatur diffugere. De his autem eſt, tota perſona hominis portantis & tenentis ipſum, quam nõ conſueuit manifeſtẽ videre, & multò magis facies hominis, quã facies namque humana terribilis eſt falconibus ſicut & alijs animalibus, vnde illud: facies hominis facies leonis, propterea deciliatus recordatur illius tẽporis quo captus fuit ſylueſter ab homine, qui tunc videns faciem hominis perterritus fuit ex ea, propter hoc ad faciem hominis magis timet, tanquam inſuetam ſibi & horridam: de perſona verò hominis magis timent & inquietant ſe illi falcones quorũ ciliatura non paulatim, ſed repente remouetur ſimul totaliter, & longẽ magis illi falcones, qui ſine ciliatura penitus & ſine capello manſueſcunt, quem modum iam reprobauimus. Ruſſus de his quã in homine videt ſunt motus manuum, ad tangendum falconem in aliqua parte ſui, & alius motus manuũ, qui fit non ad tangendum falconem, ſicut ille geſtus manuum, qui à quibuſdam conſueuit fieri loquendo aut indicando, aut alia circa hominem faciendo, & motus totius perſonæ ad ſedendum vel inclinandum, vel ſurgendum, vel

vel gyrandum dextrorsum sinistrorsum, vel ad eundum, & tussire, & sternutare contra falconem, & ambulare duriter cum strepitu pedum, sunt de causis in homine, propter quas falco super manum in domo, circa principium deciliationis diuerberat aut aliter inquietat se.

CAPITVLVM LVIII.

De diuerberationum signis.

Signa autem per quæ discernere poterit falconarius vnamquamq; causam per se similiter, hæc sunt: Quando falco aperit rostrum, extrahit linguam cum quodam sonitu & sufflatu, plumas quæ sunt circa fauces in ceruice, collo, alijsq; partibus corporis horripilat, & aliquando proijcit voces timorosas, & aperit alas, & caudam, & respiciendo faciem hominis & personam, quærit diffugere, & hoc modo se diuerberat, quod stans desuper manum, deijcit se de manu retrorsum, & cum reducit ad manum, quærit iterum diffugere retrorsum. Aliquando etiam se diuerberat isto alio modo, quod deijcit se extra manum & per longum manus, & tunc sciri potest, quod non hoc facit nisi propter personam hominis, & magis propter faciem, à quibus tanquam agrestis & timidus diffugere conatur. Propter motus verò manus, quando videbit ipsam, aperit rostrum, & facit cætera quæ faciebat propter faciem hominis, quamuis non tam fortia, & eo modo diuerberat se, sicut propter faciem. Sed quando tangitur à manu in a-

liqua parte sui, & non prauidet motum manus tangentis ipsum, si plumas tenuerit lassas, destinget eas ad se, & si constrictas ad se tenuerit, magis constringet eas, & subleuat alas, & respicit manum tangentem ipsum, qua visa, stans super manum vt debet, diuerberat se ad fugiendum, vnde venit tactus, timens tam de motu manus quam de tactu. Motus autem si adfuerit repentinus in tota persona falconarij, aut si tussierit aut sternutauerit contra falconem, aut ambulatio dura & cum strepitu adfuerit in falconario, accidit quod falco attendit ad faciendum aliqua de signis prædictis, sed statim eo modo quo stat super manum diuerberat se ad fugiendum de manu. Quando tamen tussitur aut sternutatur contra falconem, statim retrorsum, aut per longum manus se diuerberat, non enim contra causas aduenientes, sed ab eis fugiendo recedit.

CAPITVLVM LIX.

De occurrendo inquietationibus & diuerbationibus.

Distis causis, modis & signis diuerbationum, quas falco facit in primo deciliationis, propter ea quæ videt in homine, de quibus timet: dicatur quomodo debeat occurrere sibi contra huiusmodi inquietationes & diuerbationes, priusquam fiunt, & impediri ne fiant, & quomodo debet subueniri falconi postquam factæ sunt, vt non iterum faciat, neq; facere aspirescat. Cum igitur falconarius cognoscet per signa

signa dicta, quod falco propter personam hominis & maximè propter faciem, velit se diuerberare, aliquo modo diuerberationum distarū, causam timoris amoueat primitus si poterit, hoc enim est quod attendi debet in hac causa & in omnibus alijs. Deinde deueniendū erit ad id quod per causam illam accidit in falcone, vnde in tali causa auertat falconarius faciem suam à falcone quantum potest, & auersa facie proferat sonos falconi, consuetos proferri sibi in comestione sua, & si falco per hoc deseret voluntatem quam habet inquietandi se, nō offeratur ei tiratorium, alioquin detur tiratorium, vt suprà docuimus, & auferatur ab eo secundum modum prædictum; vt etiam assuescat desinere timere propter hominem, & propter faciem hominis, proderit distribuere cibum in plures vices, & dare sibi multoties abbeccationes, siue de pastu, siue de tiratorio carnosio: nam in expectatione cibi à falconario, & desiderio ipsius cibi, & in receptione ipsius cibi sæpe sæpius iterata, personā falconarij & faciem minus timebit, & hoc potius confert falconi qui potest deciliatus manifestè videre. Falconarius verò, dum est in principio deciliationis, & quàm diu durat agrestitas, & in mansuefaciendo falconem, non opponat neq; ostendat faciem suam faciei falconis, & si opus erit aspicere falconem pro aliqua causa, inclinato capite, vel auerso & obliquo oculo aspiciendum erit ad pedes falconis, & non ad faciem, & retrahendo manum cum falcone ab aspectu falconarij, fal-

conarius teneat quandoq; galerum super caput suum, & quandoq; remoueat, vt falco assuescat videre ipsum cū galero & sine pileo; sed quando falconarius per dicta signa cognoscet quod falco propter motus manum vult se inquietare, & de manu aufugere, non faciet aliquem motum manum loquendo, neq; demonstrando aliquid, sed si expediat facere, sit omnis motus manuum suauis, non repentinus, neque tangat falconem dum est in sua agrestitate, & in principio deciliationis, & si oportuit quod tangatur cum manu, causa situandi plumas, aut pennas, aut pedes super manum, aut causa faciendi circa ipsum aliqua alia, non fiat hoc priusquam proferantur ei voces inuitatoriae ad escam, & quam positum sit tiratorium in pedibus eius, & quam gustet de tiratorio, & hoc facto, suauiter ducatur manus ad tangendum falconem, tunc quando falco non respicit versus manum, & si contingat quod videat manum extentam ad ipsum, nō vltrā protendatur manus ad tangendum, nec retrahatur, ne propter manus motum falco se inquietet aut diuerberet, sed quando falco respicit ad aliam partem, manus ducatur ad ipsum, vt deciliatus nouiter paulatim assuescat, & motum manus, & se tangi à manu, & desinat volūtatem quam habuit diuerberandi. Et quando per motus repentinos in tota persona aut in membris, timetur ne se diuerberet, postquam faciet aliquid de signis prædictis, falconarius non faciat hos motus, & si indigebit facere, prius opponat tiratorium in pedibus falco-

falconis, & prius guster falco de ipso, quàm faciat aliquid de motibus quibus indiget, & tunc suauiter moueat se ad sedendum, ad inclinandum ad surgendum, ad gyrandum se dextrorsum vel sinistrorsum, & ad eundum, & ad tussendum, & sternutandum, si tamen improuise veniat tussis aut sternutatio, ita quod non possit dari prius tiratorium, non tussiat aut sternuter contra falconem, sed quantò suauius poterit & minus repente, retrahat manum portantem falconem & auertat caput suum à falcone quando tussiet aut sternutabit. Sic ergò poterit præseruari falco à diuerberationibus illis, ne fiant, quas parabat facere falco propter hominem & faciem eius, & alia quæ sunt in homine. Et si cōtingat quòd falco sine voluntate diuerberandi vertat se super manum, in aliam partem quàm in qua stare debet & conuenit vt stet, falconarius non tangat ipsum cum manu sua ad faciendum ipsum reuerti, sed ipse de se vertat in illam partem, ad quam se diuertit falco, & eo modo faciat gyramentum suum, quod si portat falconē super dextram, pectus falconis in complemento gyramenti inueniatur versus sinistram, & è conuerso, & hoc faciat vt defendatur à diuerberatione quam posset facere post manum, fit etiam hoc modo: proferantur soni consueti ad escam, & porrigatur tiratorium, vertet se, & stabit vt debet super manum, hoc modo mansuefit falco, & assuefit ad nō inquietandum se aut diuerberandum, neque propter falconarium portantem ipsum, neq; propter ea,

quæ videt in falconario, de quib⁹ propter agrestitatem suam timebat, & pro eisdē inquietabat aut diuerberabat seipsum. Postquam verò falconarius mansuefecerit falconem deciliatum, & assuefecerit ad ea quæ sunt in ipso eodem falconario portante falconem, propter quæ falco diuerberabat se, & inquietabat super manum in domo, potest melius & facilius assuefacere falconem ad reliquas causas quæ non sunt in homine, propter quas falco nouiter deciliatus diuerberat & inquietat se super manum in domo: Hæ autem sunt subitus & improuisus aduentus alterius hominis, canum, aut aliorum animalium domesticorum, ab anteriori parte ad falconem, & multò magis à posteriori & à tergo falconis, de his namq; omnib⁹ falco cùm sit agrestis & nouiter deciliatus, timet. Signa verò per quæ discernitur quòd se inquietat & se diuerberat per causas dictas, quando veniunt ab anteriori parte, sunt hæc: falco si prius percipit hæc quàm homo portans ipsum, sæpe sapius respicit, & infigit intuitum in rem aduenientem, & applanat caput, dum remota est, & quando appropinquat ei, declinat caput, horripilat plumas capitis, colli, & personæ & quanto plus appropinquat causa timoris, tantò amplius facit hæc signa, deinde diuertendo caput suum hinc inde quærit quo diffugiat, & diuerberat se retrorsum. Sed quando causæ dictæ veniunt à tergo falconis, quas prius percipit falco quàm homo portans ipsum, cùm voluat caput suum frequenter antè, retrò dextrorsum, sinistrorsum,

strorsum, facit hæc signa, vertit faciem suam dextrorsum sinistrorsum, & retrorsum, vt videat rem aduenientem de qua timet, applanat plumas capitis, grossescunt oculi & prominent, extendit collum suum & graciliat, dextringit ad se plumas suas, erigit se super pedes suos, diuerberat se antè, & de manu deiicit, querens fugere à re post veniente. Falconarius itaq; quando cognouerit per signa quæ sunt in falcone, aut per circumspèctionem suam, rem aduenientem antè, statim proferat sonos consuetos falconi, & apponat tiratorium pedib' eius, vt attendat tiratorio, & non rei aduenienti, & dum falco attentus erit tiratorio, ipse falconarius procuret, quod res illa non veniat, si potest, & non vadat ad ipsam rem, aut saltem sic recedat in partem aliquam, quod res illa transeat, quantò remotius poterit à visu falconis. Et quando aliquæ de eisdem rebus cognoscentur per signa dicta, quod à posteriori veniant, statim falconarius voluat caput suum ad posterius, & cognoscat quæ sit illa causa, qua visa, proferat sonos, & inuitet falconem ad tiratorium vt attendat ipsi & gustet de ipso, & dum falco gustabit, falconarius procuret, si potest, quod res nō veniat, alioquin diuertat se quam citius poterit à re illa postuenienti, & eo modo secedat, & cedat rei, quod si portauerit falconem super dextram manum, res veniens transeat à sinistra, & si super sinistram, res transeat à dextra, minus enim malum est quod res transeat ante faciem falconis, & minus inde pauescet falco, quam si

transfret à tergo falconis, & statim quod res transferit, auferatur tiratorium à falcone, & abscondatur in loco debito.

REX.

Et si in hoc, quod superius dictum est, videlicet quod minus malum esset si res transfret ante faciem falconis quàm retrò, opponatur hoc modo, cùm superius dictum sit, quod peior diuerberatio quæ fieri potest est retrorsum, & quæ sit antè minus mala est, videtur quod minus malum esset, si res transfret retrò quàm antè, cùm ex transitu posteriori falco diuerberaret se antè, & ex transitu anteriori, falco diuerberaret se retrorsum? Respondendū quod hac de causa minus malum est, si res transit ante faciem falconis quàm retrò; etsi falco diuerberet se retrorsum ex transitu anteriori, falconarius paulatim retrahendo manū assentit sibi ad fugiendum à re de qua timet, & reuocato falcone ad sedendum super manum, persona falconarij opponit se visui falconis & rei de qua timet, & sic falco quia non videt rem de qua timuit & expauit, moratur quietè super manum, & non habet materiam iterandi diuerberationem, si verò falco se diuerberat antè ex transitu posteriori, oportet falconariū volendo reducere falconem ad sedendum super manum suam, retrahet ipsum ad illam partem, vnde vidit rem de qua timuit & expauit, & sic licet reducat ad sedendum super manum, tamen quia credit, quod res de qua timuit sit in illo loco vbi prius illam vidit, cùm nō possit post ipsum plenè videre,

dere, si de loco ipso recessit, aut non iteratò diuerberat & inquietat se. Diuerberationibus verò, postquam fecerit eas falco, propter aliquam de causis dictis, sic subueniendū est, si falco neq; per sonos consuetos ad escam, neq; per tiratorium dimiserit quin se deijciat de manu retrorsum timore faciei, falconarius auertat faciem suam & retrahat manum citò, & vertat se sic q; falco possit redire super manum vt prius stabat, non vi retrahendo falconem ad manum: nam per hos retractus subitos & coactos læderetur, & ex hoc fieret agrestior, & postquam redierit ad manum, ipse non respiciendo ad falconem directa facie, det sibi tiratorium cum alia manu suauiter & non repente, posset enim inquietare falco se ex ipso motu manus, & esset hic error nouissimus peior priore. Illis etiam diuerberationibus quas facit propter motum manus, siue fiat ad tangendum, siue non, cum similes sint prædictis, subueniendum est sicut prædictis, & sine mora retrahendus est falco suauiter, vt in prædictis. Illis verò quæ fiunt ppter motus qui sunt totius corporis & personæ, & propter tussire & sternutare, cum se deijciat de manu aduersus partem illam ad quam aspicit, diffugere enim nititur eo modo quo stat super manum, vnde si stabit alio modo super manum quàm debet, diuerberabit se aliter quàm ad anteriorem partem manus, & difficilius erit retrahere ipsum vt dictum est, si verò stabit sicut stare debet, in suis diuerberationibus, non erit tam difficile retrahere ipsum ad manum, nec tam tædiosum

diosum falconi, cū non sit opus falconarium
 se vertere ad retrahendū falconem, solum enim
 cum manu retrahendo ipsum vertitur ad ma-
 num. Si verò propter hominem aduenientem
 vel canem, vel aliud animal deiecerit se retror-
 sum, reducendus est ad manum, sicut dictū est:
 Et si propter hominem vel aliam rem adueni-
 entem à tergo, deijciat se ad longum manus
 vel antè ut stat, reducendus erit ut docuimus.
 Ad causas igitur quæ sunt in homine & ad cau-
 sas quæ sunt extra hominem, de quibus timet
 falco deciliatus, & se diuerberat super manū in
 domo, debet falco assuefieri successiue & pau-
 latim per aliquot dies, prius in domo non clara,
 quousq; signa agrestitatis remissa sint in eo, &
 non pavescat neq; se diuerberet ad illas causas,
 sed quietè sustineat videre eas, & stare cum eis:
 deinde poterit falco commutari ad domum a-
 liquantulum claram, & deinde ad domum cla-
 riorem, assuefaciendo ipsum falconem decilia-
 tum magis ac magis, ad plura & diuersa, quæ
 consueuerunt esse cum hominibus in domo,
 dandum est sibi tiratorium in domo clara, tan-
 to sapius, quanto per claritatem magis discer-
 nit causas unde timere potest, quousq; assuetus
 sit eis, in hac enim assuefactione quæ fit ciliato
 falconi & semideciliato, & totaliter deciliato
 sic paulatim, sic successiue sic sufficienter & gra-
 datim procedat falconarius in mutatione quæ
 fit de domo non clara ad claram, & clariorem,
 & in omnibus alijs mutationibus & operibus
 faciendis circa ipsum, quod ppter festinantiam
 & in-

& insufficienciam assuefactionis, non sit opus reducere falconem insufficienter mansuefactū de clara domo ad non claram, de deciliatura ad ciliaturam, & similiter de alijs, nam hic modus in mansuefaciendo non sequeretur ordinem, sed falco fieret exinde vitiosus, & malorū morum & inutilis. Amplius, præter causas diuerbationū quæ dictæ sunt, est & alia causa, quam dicemus nunc. Cū enim omnes falcones tam mansueti quā immansueti, tadio standi super manum cupiant recedere de manu, & ire ad sedendum, qui si non permittantur ire, inquietabunt se & diuerberabunt se: illi tamen qui malè portati sunt, & per longum iter, affectant magis recedere de manu, ad quiescendum super aliam sedem, & faciunt magis signa ad hoc quā ceteri falcones. Signa itaq; quæ facit falco volens recedere de manu sunt hæc: falco circa serò plus quā alijs horis diuerberat se, ad hoc quoniam eadem hora naturaliter ibat ad sedendū super ramos vel alia loca alta & tuta, ideo serò respicit circum circa vt videat locum in quo sedere & quiescere possit, si est in domo locus aptus ad sedendum, quo viso, ad ipsum se diuerberat, & si est foris similiter, & si non ponatur ad sedendum, faciet diuerbationes multas, proinde nociuas sibi. His autem diuerbationibus falconarius sic subueniet, si viderit signa prædicta, deponet falconem de manu, ad sedendum in loco conuenienti, si verò nolet ipsum ponere ad sedendum, dabit ipsi tiratorium, vt intentus eo desinat voluntatē quam habet in quie-

quietandi se aut diuerberandi, & vt placeat falconi stare super manum amore tiratorij, præterea recedat falconarius à locò illo in quo est ne falco videat locum conuenientem sessione suæ, & propter hoc cessabit inquietatio falconis volentis ire ad sedendum.

CAPITVLVM LX.

De deciliatis falconibus qualiter ponantur ad sedendum ad perticam, & leuentur ab ea, & inquietationibus & læsuris eis contingentibus in ipsa.

REX.

CVm non contineretur in hoc libro, qualiter falco deciliatus poni debeat ad sedendum in pertica, & leuari ab ea, & de diuerbationibus & læsuris quæ possent in ea contingere: sed esset in margine eius scriptũ, quòd addi deberet præsens capitulum, tanquam necessarium prælibatis documentis de falconibus editis, prout melius expedire vidimus, duximus inferendum; vnde si falconarius volet ipsum ponere ad sedendum, ponet eum hoc modo: Locabit enim ipsum in pertica alta, situata & posita prout superius est expressum, & locus in quo ponitur ad sedendum, non sit clarus nimium vel obscurus, sed in tantum quod falconarius quæ facturus est circa eum plenè videat, & discernat, & diligenter attendat ne aliquod foramen siue fenestra opponatur falconi ex transuerso perticæ, quia si se diuerberaret ad illam, illa

illa diuerberatio periculo esset ei. Si verò in longum opponitur, diuerberatio ad eam si qua contingeret sibi, nō fuerit tam nociua, eo quod quando se diuerberat in longum, alæ eius vadunt ex vna & altera parte perticæ, & sic à pertica non læduntur, & nullo modo in longum perticæ diuerberare se poterit, quando diuerberat se in sursum, quia deorsum non potest se diuerberare, nam pertica obstat ei, nec in directū, quia ipsum subleuari oportet. Diuerberatio verò ex transuerso perticæ periculosa est, quia quando se diuerberat ex transuerso, alæ tangūt ex vtroq; latere perticam, ex illo tactu falco de facili incurrere poterit læsionem pennarum: Et si alæ excederent latera perticæ quod non tangantur ab ea, & se diuerberabit in reditu quem faciet super perticam, propter retentionē iactorum nō assentientium sibi, alæ quæ remanerent extra latera perticæ, læderentur in ea, & posset de facili, cū se diuerberat ex transuerso perticæ, pectus in extremitate eius percutere, cū pertica lata esse debeat vno pede tantum, & sic in grauem incurreret læsionem. Et hæc inter diuerberationum species quæ accidere possunt, omnibus speciebus diuerberationum periculosior est. Appropinquabit autē falconarius perticæ, & apponet tiratorium lapidum falconi, inuitando ipsum semper consuetis sonis circa illud, mediando personam suam inter perticam & falconem, ne falco videns perticam diuerberet se ad eam, priusquam falconarius ad ipsam perueniat, vt est dictum, ad quam accedat tergi-

tergiuersus, quia si aliter accederet, non posset congruè se opponere falconi & perticæ, & cum fuerit sufficienter vicinus perticæ, & falco erit intentus circa tiratorium, accipiet longius caput longæ cum manu non tenente falconē, suauiter quantum poterit super perticam, cum falcone intendente ad tiratorium, & accipiat cautè dictum caput longæ, & iterum iactabit ipsum & inuoluet circa perticam, quo facto subtrahet sagaciter tiratorium falconi, & accipiat leniter ambo capita longæ cum manu tenente falconem, & demùm seducet ita manum à pedibus falconis suauiter, vt falco se inueniat super perticam motu subtractionis manus aliquatenus non turbatus, quibus subtractis ligabit ea sicut dictum est in capitulis de ligandis falconib⁹ ad perticam altam. Et caueat falconarius vt dum præmissa omnia faciat, non respiciat falconem in faciem, sed hæc faciat capite inclinato, semper proferendo sibi sonos consuetos, quibus ad tiratorium inuitatur, à quo recedat sine aliquo strepitu, & inspectione in faciem ipsius, vt falco sicut positus est in pertica, tranquillus remaneat & quietus, non tamen ita longè discedat ab eo quod si falconem aliquo modo inquietari contigerit, ipsi nō valeat celeriter subuenire. Sic igitur attentus falconarius & diligenter inspicat si falco protendet signa aliqua diuerberandi se, quia possibile esset quod falco haberet voluntatem diuerberandi se aut causa famis quam pateretur, & vellet sibi cibum acquirere, vt confueuerat tempore libertatis, aut opposi-
tione

tione alicuius foraminis aut fenestraz per quod
 euadere intenderet, aut quod aliquid in domo
 videret quod esset sibi timori, vt murilegos siue
 canes & huiusmodi, aut aliquid quod prxdari
 vellet, vt murem & similia, aut quia voluntatē
 volandi haberet eo quod diu non volauerit.
 Quod autem falco se diuerberare velit causa fa-
 mis, falconarius sic cognoscet: quia tunc falco
 deambulabit per perticam, respiciet circū cir-
 ca, suauiter alas aperiet, nec violenter diuerbe-
 rabit se, & hæc diuerberatio minus periculosa
 est alijs quas faciet super perticam: Si vero op-
 positione foraminis seu fenestraz, falco diriget
 & cōtinuabit intuitum ad fenestram, & semper
 se reuoluet ad illam, ex quacumque parte sit
 perticaz, & motus & contractus faciet ad volan-
 dum & exeundum per eam, diuerberando se
 versus fenestram. Si causa alicuius rei visæ quam
 timeat, signa diuerberandi se faciet, quæ con-
 suevit facere stando super manum quotiens ter-
 rebatur, vt superius dictum est. Nam diuertet
 caput à re sibi terribili, & nititur effugere id quod
 timet. Si causa prxdæ quam videat, figet aspe-
 ctum suum versus illam partem, in qua aspicit
 dictam prxdam, & cum subita apertione alarū
 vno eodemque motu se diuerberat versus prxd-
 dam. Præter hos quatuor modos diuerberatio-
 num quas facit falco super perticam, contingit
 eum inquietari in ea sine diuerberatione, cir-
 cuiendo nodos iactorum supra perticam, & hoc
 facit sæpius causa famis, aut beccat iactos &
 campanellam, aut quia sentit se ligatū, & vellet

soluere vincula vt volaret & euaderet, aut quia ipsum tædet campanellæ pariter & iactorum, & aliquando facit hæc omnia causa famis. Et si falco volet se diuerberare oppositione foraminis seu fenestræ, vt dictum est, per clausuram ipsorum remediatur eidem, & dum fenestram clauserit falconarius, se falconi opponat vt fenestram non videat, proferens sibi consuetos sonos, quibus alienetur falco ab intentione quam habet ad fenestram. Si verò causa timoris rei alicuius quam viderit, attendat falconarius quæ causa sit vnde timuerit, inter quam rem & falconem statim falconarius se opponat, vt eam videre non possit, sonos allicientes eidem proferat, & rem de qua timuit expelli faciat interim, quod falco & propter sonos sibi prolatos, & propter aspectum quem amisit rei prædictæ, ab illo quem habuit pauore quiescat. Et si causa prædæ, similiter faciat falconarius, quousq; falco quiete pristina potiatur. Et si forte falco his remedijs à diuerberationibus huiusmodi resistere noluerit, tunc cognoscere poterit falconarius quod falco voluntate volandi faciat, eò quòd diu non volauerit, quare ipsum, sicut dicitur inferius, subleuet, & recipiet super manū. Si verò falco quietus manserit super perticam nec se diuerberauerit, dimittat ipsum quiescere vsque ad horam congruam, qua leuandus & recipiendus est super manū. Et quoniam ex prædictis diuerberationib' & inquietationib', posset falco incurrere tam personæ periculū, quam pennarum, & obesset etiam mansuefactioni, falconarius

conarius sicut superius dictum est, non debet à falcone tam longè absistere, quin sibi valeat si necesse fuerit, infra scriptis remedijs subuenire, Nam si falconarius viderit quod falco se velit in aliqua specie prædictarum diuerberare, con-
 suetos sonos eidem proferat, & si propter con-
 suetos sonos quos sibi protulerit quieuerit, fal-
 conarius remaneat, & falconem permittat qui-
 escere, sed non tantum, quod propter nimiam
 requiem & moram quam traxerit sine falcona-
 rio, aliquod vitium agrestitatis acquirat. Et si
 forte propter huiusmodi sonos falco non quie-
 uerit, falconarius approximet perticæ oppo-
 nendo se faciei falconis, suauiter prædictos so-
 nos proferens, & si propter hoc ipsum quietari
 contingat eum, permittat quiescere, & recedat.
 Et si nondum propter ista quieuerit, ipsum le-
 uet & recipiat super manum hoc modo: acci-
 piat autem tiratorium in ea manu qua portare
 debet falconem, & elongata facie sua à facie
 falconis versus aliam manum, ponat manum,
 cum qua tenet tiratorium, ante falconem super
 perticam, ostendendo sibi tiratorium, sic aperte
 quod falco ipsum plenè videat & discernat, &
 manum ante falconem teneat valde firmam,
 proferendo sibi jugiter assuetum sonum, quo-
 usque falco tiratorium capiat, cum becco aut
 eum pedibus, quod si cum becco cæperit, teneat
 tiratorium ita firmum, quod sibi de manu non
 possit surripere, & ita etiam firmet manum, &
 ipse immobilis maneat, quod falco se assuet
 pedes ponere super manum, & cum receperit ti-

ratorium cum pedibus, approximabit aliam manū suauiter, & dissoluat nodum factum sub pertica, & antequam longz capita derelinquat, accipiet cum manu tenente falconem, iactos si poterit, & si fortè non poterit, tenendo curtum caput longz, dissoluat longum caput longz à pertica, & habitis ambobus capitibus longz, trahat manum in qua non tenet falconem, versus nodum iactorum & longz, & iactos capiat prope nodum, & aptet sibi iactos in manu, sicut dictum est, & subleuet manum à pertica cum falcone sine strepitu, & trahat retrorsum manū, ita quod pertica remaneat ante pectus falconis, sic quod si falco se velit diuerberare ad redeundum in perticam, se ante diuerberet & non retrò. Et falconarius quàm citius poterit, mediet personam suam inter perticam & falconem, & in eadem mediatione recedat, quousq; in tantum distet à pertica, quod falco occasione visz perticæ non habeat materiam se diuerberandi ad eam, & deinde poterit tutò subtrahere ratorium à pedibus falconis. Cautus sit tamen falconarius, quod in mutando falconem deciliatum de domo parum clara ad claram, & de clara ad clariorem, formam & regulam traditam de mutatione falconum deciliatorum seruet & teneat, sic gradatim hoc faciendo, quod falco se assecureret & assuescat manere in domo clara.

CAPITVLVM LXI.

De mansuefactione falconum deciliatorum facienda super manū in domo, & sine capello.

Mansuefactio facienda falconi super manum in domo à principio suæ deciliationis per aliquos dies, debet fieri secundum modum quem diximus; approximante verò tempore in quo portari debet foràs ad aërem liberum, quia videbit multa quæ videre non consuevit in domo, & apertius per claritatem ipsius aëris, & sentiens se esse sub aëre libero facile recordabitur agrestitatis pristinæ, & quia habebit illic multò plus occasionem inquietandi se, quàm in domo, oportet per aliquot dies distringere ipsum, & ad maiorem famem conducere priusquàm portetur foràs, vt ad maiorem famem conductus, tantò libentius foris accipiat tiratorium, quantò magis erit necesse per causas prædictas. Consideranda tamen erunt in distringendo ipsum agrestitas falconis, macies, & auiditas comedendi maior vel minor, illum enim falconē qui magis auidus erit, minus debemus distringere: illum vero qui minus auidus, magis; & si auiditas tanta erit quod superet agrestitatem, quod cognoscatur in eo, & pro agrestitate, vel cum aliqua causa vnde timere debeat adfuerit, non desinet tiratorium, tanta erit auiditas sua, poterimus ipsum minus distringere: sed si agrestitas vincat auiditatem, cuius signum erit, quod non erit tanta auiditas ad

tas ad tiratorium quin se inquietet, si adfuerit aliqua causa vnde debeat timere, magis erit distringendus, & minus macer, minus, & nimis agrestis magis.

CAPITVLVM LXII.

De mansuefactione falconum facienda à pedite, super manum foris in aëre libero, & inquietationibus & diuersionibus quas facit in eo.

CVm itaq; mansuefactus erit sufficienter in domo, & ad maiorem famem conductus, vt dictum est, portari debebit foras ad aërem liberum, primò à pedite, deinde ab equite, vt ad ea quæ sunt extra domum mansuefiat, fiet autè hoc modo; falconarius habito tempore conuenienti, de quo docetur in sequenti capitulo, surget ante diem, & resumet falconem de sede super manum suam, exhibitq; de domo dum erit adhuc obscurum noctis, vt quemadmodū paulatim & nō subitò lumen diei adueniet, sic ipse falco paulatim assecuret se ad videndum ea quæ sunt extra domum, sub quadam caligine prius, deinde manifestè, demùm manifestius, propter hoc etiam iuuat & melius est, si falconarius incipiat portare extra domum foras falconem semideciliatum, & portet ipsum sic per aliquot dies, deinde deciliatum portabit foras pedester, attendens & faciens quæ sequuntur.

CAPI-

CAPITVLVM LXIII.

Qualiter intrandum est, & exeundum
per portas cum falcone.

AD exeundum autem de domo foras, tem-
pus nubilum aut pluuiosum, pluuiæ pauca
quæ descendat vt ros, conuenientius est, quoniã
in tali tempore non poterit falco videre nimis
manifestè ea quæ foris erunt, & pennæ & plumæ
malescent, & sic minus timebit, & minus atten-
tabit diuerberare se, cum se sentiet malessentem,
& à tali etiam tempore reddetur piger, sicut &
cætera animalia. Sed quoniam in exeundo de
domo foras, falconario portanti falconem transi-
tus est per portam, & de facili posset malum ac-
cidere falconi, maximè si se diuerberaret illic,
dicamus quomodo transeundum est cum fal-
cone per portam, vt nō noceat falconi. Quoties
igitur falconarius cum falcone debet transire
per portam, intrando vel exeundo cum voci-
bus consuetis ad escam, apponat prius tirato-
rium in pedibus falconis, & quando falco in-
tendit mordicare tiratorium, ipse latus suum
in quo non est falco intromittat prius in por-
tam, longando à porta & à se, manum super
quam est falco, & capite suo intromisso simili-
ter in portam, prospiciat circiter loca illa ad quæ
vult transire, si sit illic aliquid insuetum falco-
ni, vnde timere possit, & ne falco ex illo timeat,
faciat id elongari, vel ex toto remoueri, si potest.
Illo verò remoto vel saltem elongato, transeat
per portam, & deinde tiratorium auferat, hoc

T. 4

autem

autem faciendum est quousque videbitur esse opus, quamdiu scilicet timebitur de agrestitate falconis.

CAPITVLVM LXIV.

Ad quæ loca deforis prius portandus est

Postquam autem exierit portam falconarius, ipse vadat ad loca in quibus nulla erit multitudo rerum insuetarum falconi, & si foris erit aliquis paries, vnde nō possit transire quis, illūc vadat, & vertat se sic quod teneat dorsum falconis versus parietem, & tantum appropinquet parieti vel illi loco, quod nihil de insuetis transire possit à tergo falconis, inter parietem & falconem, vel inter locum & falconem, & si videt aliqua venire insueta de quibus timere possit falco, non vadat ad illa falconarius, sed procuret quod illa non veniant, si potest, aut quod transeant longè ante falconem, & si illa debent venire aut transire ante falconem, priusquam illa appropinquent, proferat falconi voces consuetas ad escam, & det tiratorium falconi, vt falco per tiratorium desinat timorē quem habet, & multò magis est faciendum hoc, si res transire debeat à tergo falconis. Deportetur etiam falco hūc & illūc paulatim ad diuersa loca deforis, vt diuersitatem locorum & animalium assuescat videre paulatim. Amplius, si in portando falconem foras aduenerit aliquis ventorum, de quibus in succedenti capitulo plura dicuntur, falconarius sic gyret se, quod personam suam

suam ponat inter ventum & falconem, cauens ne ventus vnquam veniat à tergo falconis, quoniam falco veniente sibi vento à tergo, non staret quietus super manum, sed se multipliciter diuerberaret.

CAPITVLVM LXV.

Quando reportandus de foris intrò.

EX quo autem aliquandiu steterit de foris, & iam lumen diei inualefcet, & homines & animalia in maiori multitudine iam incipient ire hñc & illuc, redeundum erit cum falcone foris intrò, vt ad interiora & exteriora domus, & ad intrandum & exeundum affuescat.

CAPITVLVM LXVI.

Reportandus de foris intrò, acrius inquietat & diuerberat se.

CUm autem falco portatus fuerit de foris, vidit plura quæ videre non consueuerat in domo, & vidit ea manifestius, & dum fuit sub aëre libero, recordatus est libertatis quam habuit, dum erat per se in campis, & agrestitas ipsius nondum plenè transierat, maximè si ipse erat de agrestioribus, propter hoc habuit plures causas de foris diuerberandi se, & quomodo cumq; aliter inquietandi & fortiores causas, ideo cum maiori voluntate diuerberat se de foris, frequentioribus & acrioribus diuerberationibus quàm in domo, priusquam portaretur foras ad aërem liberum: reportatus etiam de
T 5
foris

foris intrò, recordatur se fuisse foris, & agrestior proinde factus est, & affectat redire ad aërem liberum, & cum maiori voluntate se diuerberat & inquietat ad exeundum foras, & signum huiusmodi est, quoniam postquam reportatus est ad domum frequenter respicit ad fenestras, & localucentia domus, inquietat & diuerberat se versus illa loca, & diuerbationes acriores, vehementiores, & frequentius quam priusquam portatus fuisset foras, & acrius, quamuis in omnibus fere eisdem modis diuerbationum & inquietationum dum est agrestis & reportatus in domum, quos faciebat in domo, priusquam portatus esset foras, propter enim agrestitatem maximè faciebat omnes illos modos: sed propter faciem hominis, & propter ea quæ erant in domo, cum sit mansuetus ad ea non facit diuerbationes aut inquietationes, sed illas diuerbationes quas facit foris ad diffugiendum, & illas quas facit in domo deportatus, pro voluntate quam habet ad exeundum foras, acriores & vehementiores & frequentiores facit.

CAPITVLVM LXVII.

De remedijs, & modis remediorum, scilicet tiratorio, irroratione & balneo, quæ fiunt contra inquietationes & diuerbationes ipsorum.

○ Portet itaque vt mansuefaciamus falconem ad hoc, vt frequentiz & vehementiz suarum inquietationum & diuerbationum, tam

tam faciendarum quam factarum succurramus, & dicamus quomodo debet fieri, non enim est toties dandum sibi tiratorium carneum, quoties vult se diuerberare aut inquietare: nam si daretur toties, impingueretur nimis, & non detineretur in illa macie, ad quam destringi debet & detineri. Et si non daretur sibi tiratorium, & inquietaret se quoties appetit, multum esset nocuum plumis, membris suis, suisq; viribus. Sed hoc modo faciendum erit: quando volet se inquietare, quod cognoscitur per aliqua de signis quæ diximus, dabitur sibi cum vocibus consuetis ad escam tiratorium, de aliquo membro plumoso, vt deplumet ipsum, aut de membro ossuoso & neruoso, vbi non possint inueniri carnes.

CAPITVLVM LXVIII.

De irroratione.

ET si fortè per huiusmodi tiratorium non dimittet diuerberationes aut inquietationes suas, pro eo quod viderit se pluries deceptum in tali tiratorio, aspergatur falco aqua frigida, & madesiant pennæ ipsius. Fiat autem hæc irroratio hoc modo: Falconarius lauabit ter vel quater aqua frigida, vt omnis viscositas salium & phlegmatis existentis in ore suo remoueat, & aqua frigidior exire possit ab ore, si namque non sic fieret, viscositas salium & phlegmatis exiret cum aqua, quando irroraretur falco, & adhereret pennis & plumis falconis, vnde fierent inuiscatæ & sordidæ, & aqua exiret calidior

DE ARTE VENANDI CVM AVIB.

dior ab ore, quæ duo non essent conuenientia. Postquam autem os erit ablutum, implebitur aqua frigida cum sufflatu & impulsione labiorum, de illa aqua eiecta, in minutas particulas, pluribus impulsionebus irrorabitur falco, supra dorsum, & ante pectus, eleuatisque alis sursum, irrorabuntur latera quæ sunt prope cor, & tantum irrorentur, quod pennæ & plumæ madide fiant, sic namq; cessabit vsque ad horam à voluntate quam habebit diuerberandi se, & si ex toto cessabit, non erit iteranda irroratio: si vero propter primam nō cessat se inquietare, poterit irrorari secundo & tertio, si opus erit. Debet autem huiusmodi irroratio fieri falconi in loco obscuro, quāmdiu durabit eius agrestitas. Iuuamentum autem harum irrotationū multiplex est: nam per irrotationes falco dimittit voluntatē quam habet inquietandi se, & etiam suas inquietationes, ex eo enim quod irroratio madefacit plumas & pennas, efficit falconē pigriorem, quāmdiu falco sentit pennas suas madefactas, non confidit iuari per eas, vnde stat magis quietus neq; attentat dimouere eas, neq; volare ad diffugiendum, sentit enim se pigrum & impotentem volare, expectando quousque pennæ sint desiccatae. Et signum huius est, quia madefactus alas caudam, & plumas totius personæ segregat, & excutit se sæpius, vt aqua per excussionem cadat citius, & exiccentur plumæ. Iuuamentum autem in hoc est, quod falco refrigeratur per irrotationem, vnde in æstate, & quando calefit, quaque dieta sæpius potest fieri.

hæc

hæc irroratio. Et quia pennæ desiccantur citius, potest fieri pluries, & hoc etiâ iuuat, quod per irrotationem parcitur tiratorio. Est itaque falco mansuefaciendus hoc modo, in casibus prædictis, & quando irrorandus ut dictum est, & quando dandum erit sibi tiratorium nõ carnosum, & quando tiratorium carnosum, ut per ipsum carnosum alliciatur ad non carnosum: De carnosum autem parum accipiat, ne excedat debitam quantitatem sui pastus. Prodest etiam ad alia irroratio, sicut dicitur in singulis capitulis de falcone irrorando. Præterea cum eodem ferè modos diuerberationum & inquietationum quarumcunq; faciat de foris super manum, & intra domum, postquã reportatus est de foris, quos faciebat in domo priusquam portaretur foras, præseruandus erit à faciendis, & succurrendum factis, eo modo quo dictum est in illis quæ fiebant in domo, & tanto studiosius & pluribus modis alijs, quanto acriores & frequentiores facere volebat aut faciebat. Vnde istud addendum est, in reductione falconis ad sedendum super manum, quod quando erit de foris, & diuerberabit se post manum, considerandum erit an sit ventus an non, & si non erit ventus, reducendus erit ad sedendũ super manum, ex illa parte vnde minor sibi est circuitus, si verò ventus erit, falconarius vertat se quam citius poterit, & manum suam in quamcunque partem aptiorem contra ventum, vnde cumq; veniat ventus, hoc modo scil. quod opponat tergum suum vento, quod si falco qui iam per huius-

huiusmodi versiones ante pectus falconarij se inuenit, nec ventus iam venit ad ipsum à tergo, possit retrahi ad manum, sicut retrahebatur in diuerberatione, quæ erat de vna manu versus aliam, facilius enim reducetur hoc modo, cum omnes aues semper habeant vsum insidendi & sedendi contra ventum.

CAPITVLVM LXIX.

De balneo.

Balneum est etiam vna de causis, quæ multum valet contra huiusmodi inquietationes & diuerberationes falconis, ad mansuefaciendum ipsum, & assuefaciendū ipsum cum homine: propter hoc dicendum est de balneo pro falconibus. Cum itaq; falcones, sicut & cæteræ aues rapaces sint siccioris naturæ & calidioris quàm cæteræ aues non rapaces, assuescunt balneare se, quando per se sunt, & immansueti, quibus, si non balnearent se, acciderent plures morbi de nimia siccitate, vt dicemus in tractatu de morbis, ideo & nos debemus necessariò offerre balneū falconibus, non solum dum mansuefiunt, sed quàm diu homo habet ipsos. Fiet autem hoc modo: habeatur tina vna lignea, vel terrea, cuius diameter sit ad minus duorum pedum secundū longitudinem, & sit alta tina tantum quod contineat aquam vsq; ad locum ouariæ falconis, & plus aut minus, secundum quantitatem altitudinis tibiarum & coxarum falconis balneandi. Aqua verò debet esse frigida clara & dulcis, quæ nullam habeat in se
malam

malam qualitatem, & vas nullam habeat ventositatem, quoniam attraheretur ventositas illa per aquam fluendo ad pennas & plumas falconis, & sic noceret. Hæc autem tina locanda erit in loco domus expedito, aut in horto, aut campo extra, ad quē locum canes aut porci vel alia animalia non veniant, neque incutiant timorem falconi. Tempus autem in quo inuitandus est ad balneum, in æstate est magis conueniens; in hyeme etiam & in alijs temporibus potest balnari, sed in æstate priusquam calor solis intensus sit, in hyeme verò quando iam calor solis incipit ascendere, nam si tardius balnearetur, præcipuè extra domum, timeretur de aquilis, vulturibus, milionibus, & alijs auibus magnis rapacibus, quæ illa hora volant per ærem: Et propter hoc falconem agrestem balneabimus conuenienter in domo. Sed tam in hyeme quam in æstate, & in alijs temporibus, balneabitur postquam iam comederit, debet tamen dari sibi minus de cibo, quàm alijs diebus in quibus non debet balnari. Si verò falco erit macer, & timetur quod paucitas cibi addat sibi ad maciem, postquam balneatus erit & digesserit cibum prius sibi datum, poterit sibi dari de cibo circa serò tantum, scilicet quod ex hoc quod dabitur, & ex illo qui ante balneum datus fuit sit vnus pastus sufficiens. Non nutem erit balneandus singulis diebus, sed intermissis aliquot diebus inuitandus est ad balneum. Falconibus verò agrestibus, quando iam deciliati sunt, magis conueniens est balneum, & etiam postquam
man-

DE ARTE VENANDI CVM AVIB.

mansueti sunt, etiam quando relaxata est ciliatura adhiberi potest balneum, etiam ciliatis, vnde si quis facere voluerit, ab eo tempore quo ciliati sunt, incipere potest assuefacere falconē ipsum ad balneandum. Hic est autem modus permittendi ipsum balnari; si falco erit agrestis, ponatur sessorium vel lapis iuxta marginem tinæ balneatoriz, & ligetur ad sessorium: Si verò sessorium non habuerit, sed lapidem, figatur cauilla vna seu passillus in terra iuxta lapidem, & ad illum passillum ligetur longa, & tunc ponatur falco desuper sessorium vel lapidem ad sedendum, & teneat capellum, si mansuefit cum capello, longa sit autem tantæ longitudinis, quod intrare possit balneum falco, & non possit pertransire tinam, & postquā positus fuerit falco ad sedendum, si est de illis qui mansuefiunt cum capello, leuabitur capellum, & recedet ille qui leuabit capellum à falcone, stans tantum à remotis, quod falco dum se balneabit, non possit timere de ipso, tamen videat falconem dum se balneabit, si verò est de nouiter deciliatis qui mansuefiunt sine capello, similiter deponendus erit iuxta balneum, vt se balneet si voluerit, & non stabit falconarius cum ipso quando falco agrestis se balneabit. Postquàm verò balneatus erit falco agrestis, & exierit de balneo, redeat ille falconarius ad falconem hoc modo, ambulabit in circuitu.

REX.

Dimittens falconem versus manum, ab illo latere manus cum qua leuaturus est falconem,
remo,

remouendo semper faciem suam ab aspectu falconis versus aliud latus, ex quo falco non est portandus, approximando ad ipsum paulatim, inuitans ipsum ad carnes, quas portabit ei in manu cum qua leuari debet, seu tiratorium, & subleuabit ipsum super manū sicut debet subleuari fessorio, & tenebitur super manum ad solem, donec se perungat, & quousq; exsiccantur pennæ, si solis non tædet eum, quia tunc in vmbra deberet teneri. Perungere autē dicimus quando post balneum, aut etiam sine balneo, falco accipit cum rostro suo de pinguedine quā habet super dumos & caudam, vbi scil. sunt duo quasi testiculi, & modicum virgæ, & de sic accepta pinguedine, perungat cum rostro suo pennas & plumas suas & vngues suos ex vtroq; latere. Istud autem perungere facit falco quoties balneatus est, & aliquando etiam quando non est balneatus. Si verò, quando falconarius redibit ad falconem balneatum, porrigendo sibi carnes, ipse voluerit gustare de carnibus, approximet ei quantum plus tolerare potest, ita quod non pauescat, de tali approximatione, & sedeat tunc non in oppositione faciei falconis, sed collateraliter, ex illo scil. latere vnde leuari debet falco, expectando quousq; pennæ exsiccatae fuerint, & tunc iterum præsententur sibi carnes, & subleuetur super manum, & si non perungit se, teneatur super manum in vmbra donec se perungat, si verò teneat alas apertas, & caudam & plumas & pennas apertas & segregatas, quod delectatur in sole signum est. Si verò

falco qui debet balneari ciliatus est, aut relaxa-
 m est ei ciliatura, manus super quam sedet ap-
 proximetur balneo, & tunc percutiatur cum
 virgula vna lignea in aqua, sic quod falco au-
 diat sonitum aquæ, qui si appetit balneare, in-
 clinabit personam suam ad aquam, & extendet
 rostrum suum versus aquam, & tunc manus
 quæ sustinet falconem, approximetur aquæ tan-
 tum, vt pedes eius sentiant aquam, & iterum
 moueatur aqua cum virga, audiens enim soni-
 tum aquæ, & affectans ire illuc, mutabit pedes
 suos desuper manum, & intrabit balneum, &
 postquam introiuerit balneum, retrahatur ma-
 nus, & permittatur balneari, & nihilominus
 iterum inuiteretur ad balneationem, quandoq;
 percutiendo aquam cum virgula. Postquam
 igitur balneatus erit & volet exire, quod co-
 gnoscetur ex eo, quod circumquaque mouebit
 se ad exeundum, accipiat longam cum alia ma-
 nu & trahatur, sic approximando manum cum
 qua portari debet, quod iacti recipiantur in
 ipsa manu prope pedes suos, & sic tollatur super
 manum & teneatur ad solem, donec exiccen-
 tur pennæ, & donec se perungat. Si verò nollet
 se balneare, quod cognoscetur quia mouebit se
 ad aliam partem quam ad balneum, & inquiet-
 abit se, non balneetur, nec cogatur balneari, &
 alij falcones similiter nō cogantur quando no-
 lunt. Si verò falco qui debet balneari jam man-
 suet factus est, ligabitur cum longa, sicut dictum
 est, aut tenebitur ipsa longa, & percutiatur a-
 qua cū virgula, & permittetur balneari, & post-
 quam

quam erit balneatus fiet ei sicut dictū est quod debet fieri alijs, statim enim sumatur super manum quousq; se perungat, & quousq; penæ sine exsiccata. Iuuamentum autem est in balneo, qm̄ falco conseruatur inde sanior, & fit mansuetior, & si calet pl^o debito, refrigeratur per balneū, & multas inquietationes & diuerberationes dimittit falco per vsum balnei, quas non dimitteret nisi esset vsus balnei. In eo etiam quod tenetur super manum quousq; pennæ & plumæ sint desiccata, & quousque se perungat, iuuamentum est non modicum ad mansuetudinem falconis. Balneatio itaq; & irroratio, & frequens exhibitio tiratorij carnosij & non carnosij, sunt de causis, quæ prohibent falconem tam frequenter diuerberare aut aliter inquietare se, qui falco assuefit portari foras à pedite, quibus diuerberationibus, quoties fecerit, falconarius subueniat quemadmodum subueniebat factis in domo. Cæterum in factis extra domū, quando regyrat se falconarius pedes ad reducendum falconem super manum, & in alijs etiam diuerberationibus, in quibus non conueniat ipsum regyrare, attendat quod in reducendo falconem super manum, quando ventus erit, ventū non recipiat à tergo falconis, sed semper ab anteriori parte, ventus enim veniens ab anteriori parte falconis, iuuat ipsum redire super manū. Amplius, falconarius pedes assuescere debet falconem extra domum ad minus malas diuerberationes, quanto plus poterit, & defendere ipsum omnino à magis malis, vt faciebat quando

assueſciebat falco in domo. Cauſæ verò ſpeciales propter quas ſe diuerberat aut inquietat falco extra domum, dicentur conuenientius in capitulo ſuccedenti, quando falco aſſueſcit portari foras ab equite. Qualiter autem ponitur ad ſedendum, & ſuper quam ſedem, & qualiter ligatur ad perticam, aut ſoluatur de pertica, dictum eſt in præcedenti capitulo, quando deciliatus manſueſciebat in domo. Hæc igitur omnia quæ diximus debere fieri falconi qui aſſueſcit portari extra domum à pedite, ſiant uſq; ad tot dies, quod falconarius cognoſcat falconem iam bene aſſuetum & bene tolerantem portari foras à pedite.

CAPITVLVM LXX.

De manſuefactione falconum facienda foris ab equite, & temporibus aptis ipſi manſuefactioni.

Poſtquam omnia quæ diximus facienda in manſuefaciendo falconem, portando ipſum foras, à pedite facta erunt per aliquot dies, debet idem falco manſueſcere ad eadem portandus foras ab equite, in quo obſeruanda ſunt prædicta, & præterea quæ tempora ſunt apta ad hoc, & quæ non, quorum morum debet eſſe eques, quæ ſunt neceſſaria habere falconarium ſecum, quem modum debet habere in aſcendendo ſuper equum, quæ loca debet cauere equitando, propter quas cauſas diuerberat aut aliter inquietat ſe falco, qui aſſueſcit portari foras ab

ras ab equite, & quomodo subueniendum est diuerberationibus ipsis, quando redeundū est ad domum, & quomodo de equo descendendum cum falcone, dicendum est.

Quamuis autem non omnia tempora sint apta omnibus falconibus, sed diuersa diuersis, tempus tamen tranquillum & quietū sine vento, generaliter bonum est omnibus falconibus: sed si æstas est, melius est nubilum, quia minus calidum & tardius calefcit, falconibus etiam agrestibus & immansueris, quanto magis nubilum, tantò melius est: nam tempus nubilum, pluuiosum non grossa pluuias sed minuta, sine vento, bonum est semper ad portandum foras falcones nondum mansuefactos, tam ramagios quàm nidafios, tempus namque tale madefacit pennas & plumas falconum, reddit ipsos pigros & desides, & quia pigriores efficiuntur per hoc tempus, & pennæ ipsorum ineptæ ex pluuias aduolandū, minus inquietabunt se, aut diuerberabunt se, quod satis est expediens ad mansuefaciendos falcones. Tempus pluuiosum, grandinosum; niuosum, ventosum ventis validis aut aliter malarum qualitatum, malum est; omnes tamen venti qui veniunt à tergo falconarij, quoniam falco ex persona falconarij defenditur ab illis, siue super dextram manum siue super sinistram portetur, minus mali sunt, anteponi namq; poterit manus portans falconem, ante pectus falconarij, & ob hoc ventus qui directe venit per medium dorsum falconarij, minus malus est alijs venientib; à tergo. Omnes venti

venientes ab anteriori parte falconarij deteriores sunt, quoniam falco non potest habere aliquam defensionem contra huiusmodi ventos vnde ille qui directè venit ad medium pectoris, deterior est ceteris venientibus anteriùs. De omnibus venientib⁹ à quouis latere falconarij ille qui appropinquabit magis ad anterius, peior erit inter ipsos, & ille qui magis appropinquabit ad posterius, minus malus erit inter eos. De huiusmodi autem temporibus dicitur amplius in capitulo de portando falcones de regione in regionem.

CAPITVLVM LXXI.

De equite qualis esse debeat, & quæ secum foras portare debeat.

QVis & qualis debet esse, & quorum morum, dicitur plenè in tractatu de venatione giro falconis ad grues. Falconarium verò necessarium est habere semper secum tiratorium non carnosum, & etiam carnosum, quod sit de illis carnibus quas falco libentius comedit, & melius digerit, de quibus dabit ad mordicandum falconi quantum expedire videbit. Nos tamè non possumus dicere falconario, quæ carnes sint appetibiliores falconi, pro eo quod non omnes falcones comedunt æquè libenter omnes carnes, quidam enim falconum comedunt quasdam carnes libentius, quidam alias; consideret tamen hoc falconarius in hoc, & videat quas carnes libentius comedit falco, & melius

lius digessit, de diuersis carnibus quas diebus
 prateritis exhibuerat ei, illas secum portet, aut
 tiratorium de ipsis. Falconarius volens assuefa-
 cere falconem ad delationem super equum, pri-
 ma vice surgat ante diem, & capiat falconem de
 sede super manum suam quam volet, qui si vult
 ascendere super equum à parte sinistra equi,
 & sumpserit falconem super manum sinistram,
 transmittet falconem ad dextram manum, &
 sumens ipsum de sinistra, quemadmodum de
 sede ad manum assumpserat, postea det tirato-
 rium falconi, inuitans ipsum vocibus consue-
 tis ad mordicandum, deinde ponat pedem suū
 in staffa sellæ, accipiens arcum sellæ anteriorem
 cum manu sua sinistra, super quam iam non est
 falco, posteriorem autem cum dextra super quā
 est falco, & postea firmet se super staffam sellæ &
 ascendat, & antequā mittat crus suum dextrum
 ad aliam partem, remoueat dextram manum
 super quam est falco, de arcu sellæ, & sedeat su-
 per sellam. Hoc modo enim non lædetur falco
 in ascensu falconarij super equum, & multò
 minus se inquietabit ex tali modo ascensus, & si
 se inquietabit, minus periculum erit sibi. Si ve-
 rò falconarius assumpsit falconem de sede su-
 per manum dextram, & velit ascendere super
 equum à parte dextra equi, transmutet falconē
 ad manum suam sinistram, & faciat e conuerso;
 quando etiam transmutabit falconem de vna
 manu ad aliam, quatenus cum minori pericu-
 lo possit ascendere, vt diximus, oportet quan-
 do vent⁹ erit, quod caput equi opponatur ven-

to, & si non transmutat vt diximus, oportet quod cauda equi opponatur vento: nam his modis veniet ventus contra pectus falconis, quod autem ventus superueniat contra pectus falconis, dum ascendit super equum, melius est, minus namq; inquietat se falco, si ventus veniat ex opposito ante ipsum, quod si falconarius aliter ascenderet super equum, verbi gratia, si cum manu cum qua portat falconem apprehenderet arcum anteriorem sellæ, aut collum aut comam equi, vt plures faciunt, ascendendo posset falco intercipi inter pectus falconarij, & arcum sellæ anteriorem, vel collum equi, aut falco per motum colli equi posset pavescere & se diuerberare aut aliter inquietare. Amplius, si falconarius teneret falconem super manum, & ita apprehenderet collum equi, aut arcum anteriorem sellæ, facies falconarij directè supponeretur faciei falconis, vnde magis timeret falco, & haberet maiorem materiam diuerberandi, & si falco diuerberaret se super collum equi, accidere posset, quod equus ex motu falconis timeret & fugeret, & ex hoc sequeretur maior inquietatio falconis, & falconarius facile posset cadere. Est ergò melius ascendere super equum cum falcone, eo modo quem diximus. Ad hoc autem datur tiratorium falconi, dum ascenditur super equum, quod falco qui agrestis est, & nondum assuetus equo, neq; ascensui falconarij in equum, facile diuerberaret se, si ascenderetur tiratorio non dato sibi. Est itaq; dictus modus, quem debet falconarius habere

habere in ascendendo cum falcone super equū. Amplius falconarius postquam erit eques, cum falcone equitet suauiter, & ad loca de quibus minus possit timere falco, etenim falco qui nouus est, ad motus equi & falconarij super equū posset de facili perterreri, ad ipsos scil. motus equi duos & incognitos, & ad loca forinseca, & ea quæ sunt in eis. Loca verò ad quæ poterit equitare cum falcone, huiusmodi sunt, in quibus non sunt vallones, neq; sylux, neq; aquæ multæ, neq; currus, neq; multitudo hominum, aut animalium aliorum, aut frutices, aut dumi, de quorum omnium sonitu, quando equitatur per ipsa, timet falco, de quibus omnibus iam dicitur plenius, scil. in causis propter quas diuerberat aut inquietat se falco.

CAPITVLVM LXXII.

De portatione falconum non mansuefactorum de regione in regionem, horis, temporibus, & locis conuenientibus ad portandum.

Dictum est quomodo mansuefiant falcones in domo & extra domum sine capello, quos non est opus portare de regione in regionem priusquam sint mansuefacti . . . quos opus est portari; falco namq; qui nouiter captus est & ciliatus, priusquàm portetur de regione ad regionem, assuescat comedere, & cognoscere sonos inuitantes ad escam, & interim dum assuescit ad hæc, debet tractari hūc & illūc, sæpius quàm

V 5

si non

si non esset transferendus de regione ad regionem, quatenus minus se inquietet ad transportationem quæ fiet sibi. Cùm etiam omnes falcones, & plus qui capiuntur syluestres, capiuntur in æstate autumno & vere, vt dictum est supra, nam pauci ex incidenti capiuntur in hyeme; Si erit de illis qui capiuntur æstiuo tempore, debet portari per noctem, maximè in calidis regionibus, in nocturno enim tempore non possunt sentire splendorem aëris, quem splendorem in die sentiunt, quàmuis sint ciliati, & per noctem non audiunt cantus auium, quarum aliquas rapere consueuerunt, ad quas se inquietant, nec audiunt aliquid vnde timere debeant, & naturaliter falcones pigriores in nocte efficiuntur, & libentius quiescunt, sicut & ceteræ aues, & aër noctis minus calidus est, quàm aër diei; omnia enim quæ dicta sunt, si per diem portarentur, essent eis causæ inquietationum & diuerberationum, quare minus conuenienter & difficilius portarentur. Si tamen esset opus portare ipsos per diem, surgat falconarius summo diluculo, & portet falconem donec calor incipiat, & in calore permittat ipsum quiescere, & si oporteat ipsum portare dum calor erit, aspergatur frequenter cum ore aqua frigida, vt dictum est supra, quando etiam portabitur in calore diei, dabitur sibi pastus in via, & madefactus in aqua frigida, non dabitur totus vna vice, sed distribuetur pluribus vicibus, vt defendatur ab inquietationibus & diuerberationibus suis: quod si totus pastus daretur eis vna vice, nocuum

tum esset digestioni eorum, propter motum qui fit in portando: madefactionem autē carniū in aqua frigida cōuenit fieri, pro eo quod omnes aues rapaces & falcones præcipuè, calidi sunt & ficci, vnde si in feruore æstatis per diem portarentur, cum agrestes sint, necessario inquietarent & diuerberarent se, & sic calefierent & desiccarentur magis, quapropter si darentur eis carnes non madefactæ in aqua frigida, adurerentur, & esset occasio morbi, propter hoc dantur eis carnes infrigidatæ & humectatæ in aqua frigida, ex eis enim sic præparatis, resistitur caliditati & siccitati acquisitæ per inquietationes. Hic ergo est modus portandi falcones qui capti sunt nouiter per æstatem; si autem erunt capti nouiter in autumno, & deportari debeant, quamuis tempus autumnī minus sit calidum, quam tempus æstatis, conuenientius portabuntur per noctē propter plures causas ex his quas diximus. Si verò opus erit portare per diem autumnī, faciat quæcumque diximus faciendā in die æstatis, si viderit esse tempus. Si autem per hyemem portari debeant, portantur conuenientius per diem quàm per noctem, cum nox multò magis sit frigidior quàm dies, vbi non timeretur de inquietationibus suis quas facerent eò quod sentirent splendorem aëris. Vnde cū magis timendum sit de inquietationibus diurnis, quàm de frigore nocturno, melius portabuntur de nocte hyemis, quàm per diem. Quando autem in nocte hyemis portari debebunt, non eligatur nox serena, nam serenum noctis
in hye-

in hyeme consuevit esse frigidius, & maximè in frigidis regionibus. Et quando per diem portari debebunt, serena dies congrua est sine vento magis & nubilo, & nubilosa dies sine vento & frigore: quàmuis enim claritas aëris nociua sit, propter id quod dictum est, tamen calor per splendorem solis intenditur, qui prodest falconi in hyeme, idcirco tantum vti magis debet tutorio in hyeme quàm æstate, cùm hyeme non sint irrorandi, vnde & falconarius non sumo diluculo surgat in hyeme, sed orto jam sole. In regionibus autè frigidis, siue per diem, siue per noctem hyemis portare oporteat falconē, falconarius habeat chirothecas pilosas de foris in manibus, super quas sedeant falcones, per hoc enim habebunt pedes calidiores, & exinde totam personam, & minùs lædètur à frigore. Quando etiā capti sunt in vere, & portari debent de regione ad regionem, faciendum erit in omnibus ferè quemadmodum in autumno, ver enim æquale tempus est & autumnus, quàmuis non tantum æqualis. Ex prædictis itaque sequitur, quod in omni tempore nox est conuentior ad portandum falcones de regione in regionem. Tempus verò hyemis, siue per diem siue per noctem portari debeant falcones, minus conueniens est cæteris temporibus: nam per noctem est nimia frigiditas, & per diem inquietabunt se ad splendorem diei, nec potest subueniri eis ex aqua frigida, irrorando, multum enim in frigidantur, & asperitas temporum plus abundat in hyeme quàm alijs temporibus. Æstate etiam minus conue-

conuenienter portantur quàm vere & autumno, nam si per diem æstatis portabuntur, intensus calor erit eis nocius, si verò per noctem, & habeat facere longum iter, nō poterit iter suum perficere priusquam superueniat calor diei sequentis, præcipuè in frigidis regionibus, in quibus noctes sunt multò breuiores quàm in calidis. In verè autē melius est quàm in autumno, pro eo quod veri subsequuntur dies meliorum qualitatum, quàm subsequuntur in autumno. Qualitates autem aëris magis conuenientes ad portandum falcones in die, sunt hæ: nebulosum tempus, nebula densa, & sine vento, conuenientius est, & tantò amplius quantò nebula densior est, tali namque tempore minùs se inquietant & diuerberant, quoniā pigriores efficiuntur ex eo, & minus sentiunt de splendore diei, tempus nubilum, pluuiosum pluuia minuta, & sine vento, etiam in die bonum est, quoniam pennæ falconum madefiunt, & propter rationes prædictas etiam bonum est tempus nubilum, sine vento & non pluuiosum bonum est, quàmuis non tantum quantū prædictum. Huiusmodi siquidem tempora prædictarum qualitatum, bona sunt & conuenientia, per ver æstatem & autumnum, & per hyemem etiam hæc eadem tempora conuenientia sunt, præterquā pluuiosum. Tempus grandinosum in omni tempore anni nociuum est, quoniam grandines percutiunt falcones, & rarò accidunt grandines sine valido vento. Tempus pluuiosum pluuia grossa, pro eo quod cum semper sit ventosum, malum

malum est, & quoniã madefacit falconem plus debito. Tempus niuosum in autumno & vere minus malum est, grandinoso & pluuioso, si est sine vento. Si tamen hæc tempora mala incidunt falconario equitanti, & viderit quod tempus transire citò debeat, recommendet se vel ad arborem, vel ad alium locum, quousq; transeat, & si non, protegat & defendat falconem, cum persona sua & galero suo quanto melius poterit, approximando falconem pectori suo, & opponendo se inter falconem & malum tempus, & si deuenerit ab anteriori, vertat tergum suum contra malum tempus, & quousq; pertranseat, si non habebit vbi se recommendet. Sed quia non potest esse, quin aliquando portetur in tempore ventoso, quod generaliter malum est, & vnus ventus peior est alio, oportet dicere qui venti deteriores sint alijs. Omnes autem venti qui veniunt à tergo falconarij minus mali sunt cæteris, quoniam falco defenditur ab illis per oppositionem falconarij, siue super dextram siue super sinistram portetur falco, anteposenda enim est manus cum falcone pectori falconarij, & si superueniant grandines, vel pluua grossa, nō nocebunt ei, cum pertranseant dorsum falconis, pectore falconarij anteposita, non tangent falconem propter oppositionem personæ falconarij, & venientes à tergo debiliores fiunt, ex eo quod falconarius cedit eis in suo incessu, inde est quod ille ventus qui venit per medium dorsi falconarij, minùs malus est alijs venientibus à tergo. Omnes autem venti venien-

tes

res ab anteriori parte, deteriores sunt omnibus alijs, quoniam ex incessu falconarij contra huiusmodi ventos, fit eorum fortitudo maior ex alterutra percussione hominis ad ventum, & è conuerso, & quoniam falco non potest habere aliquam defensionem à falconario contra huiusmodi ventos, vnde ille ventus qui veniet ad medium pectoris, deterior est cæteris venientibus ab anteriori. De omnibus verò ventis venientibus à quouis laterum falconarij, ille qui magis appropinquabit venientibus à tergo falconarij, minùs malus erit inter collaterales. Cōtra collaterales autem dextros, potest subueniri transmutando falconem ad sinistram, quatenus ventus non veniat à tergo falconis. Contra collaterales sinistros è conuerso, & ideo anteriores venti deteriores sunt collateralib⁹ & posterioribus, cū neque possit subueniri per transmutationem falconis de manu in manum, neque ex oppositione personæ, cū adueniat ex opposito ante hominem.

CAPITVLVM LXXIII.

De locis.

LOcorum etiam quædam sunt deteriora, alijs: in omni enim tempore per syluam melius est portare falconem; nam siue calor sit, siue frigus, siue ventus quicunq; , siue grandines, siue niues, siue pluuiæ, minus molestabunt falcones, dum portabuntur per syluam, & syluam dicimus quæ fit de arboribus altis. Loca plana siue vento bona sunt, cum vento verò meliora sunt

Sunt vallosa loca planis, quoniam ventus minus potest in conuallibus: colles verò & alta loca, tempore vëtofo deteriora sunt, pro eo quod venti perflant alta magis, nemorosa & fruticosa loca mala sunt, propter sonum quem faciunt rami ex gressibus equorum, & non possunt defendere falconem à vento & pluua, neque à calore, neq; ab alijs: nemora dicimus de minoribus arboribus. Aquosa verò loca mala sunt propter sonitum aquæ, præcipuè cum falcones timeant aquam. Per ciuitates & villas non esset malum, nisi timeretur de transitu & cæteris sonis animalium, aliarumq; rerum. Si autem falco qui debet portari de regione in regionem, ad tantam mansuefactionem sit deductus, quod relaxata sit ei ciliatura priusquam portetur, debet totaliter ciliari, quatenus dum portabitur, non videat causas per quas possit se inquietare, & postquam erit ciliatus, portetur, & fiat ei secundum quod de ciliato dictum est supra. Et si falco qui debet portari de regione in regionem ad tantam mansuefactionem sit deductus, quod totaliter sit deciliatus, priusquam portetur debet ciliari vsq; ad medietatem oculorum, quia si totaliter ciliaretur, rediret ad suam priorem agrestitatem, & perderetur totum illud ad quod iam mansuefactus erat, & si non ciliaretur, inquietaret & diuerberaret se tantum in via, quod esset nocium ei. Postquam ergo erit ciliatus vsq; ad medietatem oculorum, portetur, & fiat ei quod fiebat prædictis, & tanto plus subueniendum erit ei cum tiratorio & alijs, quanto ex eo quod

eo quod aliquantulum videt, magis habet occasionem diuerberandi, se& inquietandi plus quàm prædicti qui sunt ex toto deciliati. Si autem iter tam longum sit quod nō possit durare ciliatura, & oportet ipsum pluries capi ad ciliandū, & pluries ciliari si ciliatus portari debet, pro eo q̄ ex frequenti ciliatione & ex frequenti captione fieret agrestior, & magis odiret hominem, & palpebræ vastarentur, expedit quod in portando mansuefiat, & fiant ei cætera quæ fiebant in domo per aliquot dies, & tunc relaxetur ciliatura, & per aliquot dies portetur semideciliatus, & mansuefiat vsquequo totaliter decilietur, deinde portetur totaliter deciliatus & mansuefiat per viam: Quàmuis hic modus non sine difficultate fiat, & non sine fatigatione falconis, cū non arte sed vi fiat, cū non possint sibi fieri ea quæ fiebant ei in domo, nec eo ordine. Sed quando necesse erit fieri vt portetur, fiat sic: quod falco deciliatus portari debet in nocte, aliquot diebus, deinde falconarius surgere poterit ante diem, & portare ita falconem quod perueniat ad locum in quo hospitari debet in aurora, & gradatim alijs diebus sequentibus, poterit ipsum portare cum maiori claritate diei, quousq; securè possit eum portare per diem. Sed siue per diem, siue per noctem portari debeat deciliatus, habeat semper tiratoriū paratum defendere ipsum ab inquietationibus & diuerberationibus, quoties erit necesse. Et licet portare per sylvas aut per valles sit conueniens ciliatis, pro eo quod non inquietant se

X

ex illis

ex illis causis, cum non videant: tamen deciliatis non conuenit portari per syluam nec per valles, cum naturaliter odiant esse in syluis & vallibus, semper enim alta petunt, vt videant à remotis. Et si falco qui debet portari de regione in regionem ad tantam mansuefactionem sit deductus, quod in omnibus alijs iam sit mansuefactus, præterquam in loyro & cæteris quæ sequuntur, portetur deciliatus temporibus debitis, siue sit nidarius, siue ramagius, & cum tiratorio & cæteris quæ diximus præseruentur ab inquietationibus & diuerberationibus.

CAPITVLVM LXXIV.

De inquietationibus & diuerberationibus, quas facit falco super manum, sedilibus, perticis, & signis ipsarum.

Falco qui non erit mansuefactus secundum ordinem & secundum modum quem diximus, faciet hæc signa in principio suæ assuefactionis, & faciet eadem etiam diu post principium: quando falconarius accedit ad tollendū ipsum desuper perticam altam, falco distringit pennas & plumas ad se, & etiam applanat & distringit ad se plumas capitis, excutit se contra falconarium, infigit intuitum suum in visum eius, & quanto falconarius magis approximat, tanto ampliùs distringit ad se plumas, & excutit se falco versus falconariū, & ex quo falconarius iam proximus erit vt extendat manus suas ad dissoluendum falconem, vel quando iam extendit

tendit, ad hoc falco diuerberat se per longum
perticæ, aut ex alia parte perticæ, quærens diffu-
gere ab hominē. Et si de pertica ima, aut sedili
tolli debeat, facit eadē signa, & tantò ampliùs,
quantò magis timet in sedilibus imis à rebus
superuenientibus ei. Postquam iam est resu-
ptus super manum, facit hæc signa: respicit fa-
ciem portantis, & facies approximantium ei ab
anteriori, & multò magis approximantium à
posteriori, quærens inquietare se, aut diuerbe-
rare; & vix aut nunquam stabit super manum
plumis lassis, tenet enim eas semp districtas, ra-
rò erigit vnū pedem, vt sæpe accidit bene man-
fuefactis, rarò perungit se, rarò perquirat pennas
suas rostro, & rarò excutit se super manum, di-
uerberat se deorsum & retrorsum, & aliquando
exclamat, & facit cæteras malas diuerberatio-
nes quas diximus, & quando retrahitur super
manum, respicit faciem portantis, quando au-
tem pascitur, aliquoties mordicat carnes postea
respicit faciem portantis, & aliorū circumstan-
tium, & si nulli circumstant, respicit circum-
circà. Et quotiens homo cum ipso ascendit in
equum, inquietat se & diuerberat, & dum por-
tatur ab equestri, timet multum ab omni causa,
de qua debet timere falco, & quando descendit
cum ipso falconarius de equo, inquietat se & di-
uerberat. Vix vnquā balneabit se si falconarius
stabit sibi propinquus; postquam autem bal-
neatus erit, vix poterit tolli super manū quan-
do se diuerberat, etiam cum tiratorio, cum om-
nis falco postquam est madefactus, minus velit

tiratorium, quamuis sit carnosum. Qui autem ab huiusmodi vitio emendari debet, sic emendari debebit contra ea quæ facit.

CAPITVLVM LXXV.

De remedijs faciendis contra inquietationes & diuerberationes falconum, super manu, sedilibus & perticis.

Remedium contra ea, quæ facit falco super sedes, est hoc: Falconarius debet sæpe requirere falconem cum tiratorio carnosum, & offerre sibi tiratorium, & non debet approximare perticæ, neque sedi sine tiratorio, & quando tollere debbit falconem, tollat ipsum cum tiratorio, eo modo qui prædictus est, hoc autem faciat falconarius quousq; falco iam nō timeat de ipso, sed affectet videre ipsum. Remedium ad ea quæ facit super manum est, quod falconarius non aspiciat in faciem falconis ex improviso, sed porrigat sæpe sibi tiratorium super manum; & vt falco affectet se ad videndum faciem portantis ipsum, quoties ipse volet intueri falconem, ponat tiratorium inter faciem suam & faciem falconis, vt falco accipiat tiratorium versus faciem hominis primo longius, deinde proximius, nam sic sæpe faciendo, propter tiratorium affluet ad diligendam faciem, de qua timere solebat. Remedium contra ea, quæ facit quando ascenditur super equum est: quod detur sibi tiratorium quoties ascenditur super equum, & falco-

falconarius ascendat super equum quante suavius poterit, illo modo qui dictus est supra. Contra verò ea quæ facit super manū equitantis, est, quod falconarius sit sollicitus & attentus, percipere omnia de quibus timere potest falco, & porrigatur tiratorium falconi priusquam perueniat ad causam timoris, in descensu etiam de equo, porrigatur sibi prius tiratorium carnosum. Contra inquietationes & diuerberationes, fiat secundum quod dictum est supra. In balneando vero fiat quicquid dictum est, blandiendo ei cum tiratorio scil. & cum alijs, quæ dicta sunt, quousq; assuefiat ad balneandum se prope hominem. Illi autem falconi qui malè mansuefactus est, vt timeat de facie hominis, & de alijs rebus supradictis, & tamen benè portatus est, ciliantur oculi, & fiat quicquid supradictum est in cap. assuefaciendi falconem ad videndum faciem hominis & ad cetera. Illum autem qui bene portatus est, & malè mansuefactus, tantum quod timeat de facie hominis & de ceteris, & etiam defatigatus est ex longo itinere, oportet ciliare aut totaliter aut vsque ad medietatem oculorum, secundū agrestitatem quam habebit: nam si multū erit agrestis, totaliter ciliabitur, si parū erit agrestis, ciliabitur vsq; ad medietatem oculorū, & debet poni ad quiescendū super sedem imam, faciendo ea quæ diximus, nam si macer est debet impinguari, non tamen quod per pinguedinem redeat ad agrestitatem, & postquā sufficienter quieverit, mansuefiat eo modo quem exigit agrestitas sua.

Illum autem falconem qui non est malè mansuefactus, neq; timidus ad faciem hominis, & ad cætera, sed tamen eo quod portatus est longo itinere, & quandoq; est de illis qui naturaliter se diuerberant, est fatigatus, debemus ponere in domo obscura ad quiescendum, & si per hoc non cessabit ab inquietationibus suis, neq; quietem recipiet, debet ciliari, & debet ei succurri diuerberationibus suis factis & faciendis quemadmodum dictum est. Illi autem qui naturaliter diuerberant se, multùm defatigantur plus longo itinere quàm cæteri: nam ex itinere & ex suis diuerberationib⁹ se multùm fatigant, & hoc accidit pluribus ex eo, quod à principio mansuefactionis fuerunt nimis macrefacti.

CAPITVLVM LXXVI.

De signis falconum malè portatorum.

Falco verò qui per longum iter malè portatus est, vel diu malè portatus est, facit hæc signa: tenet alas demissas, cauda non descendit in directo dorso, appodiat se super manum cum cauda sua, & verberat manum cum cauda, cauda facit gibbum in loco in quo continuata est dorso, non tenet pennas caudæ reollectas inuicem, neq; coadunatas, non tenet pedes æqualiter distantes, firmat se super vnum pedem plus quàm super alium, stringit cum pedibus manum portantis, si commoueatur manus super quam est, non audet commutare pedes suos, sed apprehendit strictiùs manum, timens ne cadat,
excudit

excitit se, & diuerberat debilititer, non flagellat alis, sed extendit quandoq; vnam alam, quandoq; aliam, quandoq; ambas, & crura similiter, tenet oculos lassos, & claudit quandoq; vnum, quandoq; ambos. Hæc sunt signa quæ facit super manum, & similia facit quando sedet super perticas aut sedile; plures diuerberationes & inquietationes erunt in falcone, qui consuetus erat bene portari, quando stabit super manum mali portatoris, quam in illo falcone qui semper malè portatus est, quando stabit super manum mali portatoris: ille enim tanquam non vsus malo portatore, nescit esse super manum mali portatoris, & facit omnia supradicta, & diuerberat se, quamuis sit de illis falconibus qui naturaliter parùm se diuerberant, & diuerberando deijcit se de manu mali portatoris, quoniam non libenter stat super manum eius. Hic autem tanquam deuictus & defessus, & vsus malo portatore, sustinet sua mala. Signum autem certum & euident, quod falco diuerberat se & inquietat, ex malo portamento est, quod quando redit de manu mali portatoris ad manum bene portantis, excutit se super manum boni portatoris, & quiescit postmodum in ea, quemadmodum de manu bene portantis ad perticam vel ad sedile, excutit illic se, per quod excutere innuit quod membra quæ erant defatigata reaprat, & pennas collocat quæ fuerant desiccatae ex malo portatore, in pertica etiã aut sedili facit hoc idem libenter pro eo, quod pertica & sedile firmiora sunt sibi, quam manus quæcunq;.

Illi qui malè portatus est, & tamen aded est be-
 ne mansuefactus, quod non est timendum neq;
 defacie hominis, neq; de alijs rebus supradictis,
 remedium fiet hoc modo: non debet ciliari, cū
 non inquietet se neque diuerberet, sed vtile est
 quod ponatur ad sedendum & quiescendum,
 & ad maiorem cautelam in domo non clara, &
 super sedem imam, & in hyeme ponatur palea,
 aut fœnum, aut aliquod molle super terram, cir-
 ca sedem, & in æstate sabulum vt quiescat desu-
 per, & vt pennæ saluiore sint & pedes, & dum
 est in domo obscura, falconarius visitet ipsum
 frequenter, blandiendo ipsi cum tiratorio, ne
 per obscuritatem domus, & per absentiam ho-
 minis posset redire in agrestitatem, vnaquaq;
 verò vice quando debet pasci, trahatur de do-
 mo obscura & pascatur inter homines, vt per-
 maneat in mansuetudine sua, & si fuerit nimis
 macilentus, dentur sibi carnes, & impinguetur,
 non tamè tantum, quod per pinguedinem pos-
 sit redire ad suam agrestitatem pristinam, si e-
 nim impingueretur tantum quod nollet tira-
 torium, defatigaret se multum, & non profice-
 ret sibi quies, quæ data fuerat ipsi, & si non est
 nimis macilentus, sed est in eo statu, ad quem
 reduci deberet si esset mæcer, non impingue-
 tur, sed teneatur in eodem statu, & caueatur sibi
 à malo portatore, nam si rediret ad malum por-
 tatorem, rediret in peius, & non proficeret ei
 quicquid factum sibi fuisset. Falco verò qui ca-
 ptus fuit syluester, vel etiam falco nidarius, si
 malè portatus est & malè mansuefactus, in tan-
 tum

tum quod inquietationibus suis fuerit debilitatus, & quasi deuictus, quod accidit pro eo quod non fuit ciliatus à principio, & per malum portatorem, vt ad aliquam bonitatem redeat, debet ciliari, & ponendus est ad quiescendum in domo obscura, super sedem imam, & debent dari sibi bonæ carnes, & permittatur quiescere tantò diutius quantò magis est fatigatus, & postquam sufficienter steterit in quiete, debet tractari iterum suauiter, tantò plus, quantò magis male mansuefactus erat. Quandocunq; etiam videbitur quod falco malè portatus, aut diu, & per longum iter, faciet signa volendi ire ad sedendum, quæ maximè facit circa serò, non detineatur super manum, sed priusquam se diuerberat aut aliter inquietat ad hoc, ponatur ad sedem, & permittatur quiescere, & reparare sibi vires per quietem super sedem suam. Signa autem hæc dicta sunt in capitulo diuerberationū, quas facit falco dum mansuefit in domo, illic requirantur, & qualiter subueniendum est eis. Omnes autem hi falcones, postquam steterunt sufficienter in quiete sua, facient hæc signa: tenent oculos alacres & rotundos, tenent alas altas, & in loco debito, tenent pennas suas collectas ad corpus suum, stant erecti super pedes suos, sunt veloces ad motus suos, excutiunt se fortiter, flagellant rigidè & sæpe & fortiter, & quando videbuntur hæc signa, possunt mansuefieri, vnusquisq; secundum id quod exigit, eo modo quem diximus supra, perungunt se sæpe, & perquirunt pennas rostro sæpe.

CAPITVLVM LXXVII.

De mansuefactione falconum cum capello, à quibus gentibus capellum fuit inuentum.

H Veuſque dictum eſt quomodo falcones mansueſiunt ſine capello: nunc dicatur quomodo mansueſiendi ſint cum capello, vt audito de vtraq; mansuefactione, quæ ſit cum capello & ſine capello, eligatur modus ille qui magis placebit. Quare autem prius dictum fuit de illa mansuefactione quæ ſit ſine capello, diximus ſuprà, ſci. quoniam eſt antiquior penes nos qua habita, facilius haberi poterit illa quæ ſit cum capello, quam è conuerſo. Dicendum eſt itaq; de capello à quibus ſumpſerit exordium, & quid eſt capellum, & qualis debet eſſe forma boni capelli, & qualis eſt vſus capelli circa falconem agreſtem. In quo attendendum eſt, primò quid faciendum eſt falconi, priuſquam imponatur ſibi capellus, quando & vbi incipiendum eſt ſibi imponere capellum, qualiter imponendus eſt, quas deſenſiones facit falco contra capellum, quid faciendum eſt contra illas deſenſiones, quos modos inquietationum facit poſtquam impoſitus eſt ſibi capellus, quid faciendum eſt contra illas inquietationes, & maximè quomodo cauendum ne ejiciat capellum ſibi impoſitū, per quæ ſigna cognoſcitur quod velit tolerare capellum, qualiter remouendus eſt capellus, quibus de cauſis, & quando debet carere capello, qui falconum aſſueſiendi ſunt ad frequen-

frequentem impositionem capelli, & ad frequentem extractionem, & qui non, quando relaxanda est eis ciliatura, aut ex toto tollenda, & quando foris assuefendi sunt ad capellum à pedestri, & postea ab equestri, quòd non solum agrestis, sed etiam mansuetus ad capellum, inquietat se pro capello, propter falconarium imperitum circa vsum capelli, & propter malam formam ipsius capelli, & quando mutatur de vno capello ad aliud, & quid faciendum est cōtra hæc, quomodo cognoscetur de falcone nouiter habito, an fuerit vnquam assuefactus ad capellum an non, & si assuefactus fuerit ad capellum, an per peritum falconarium in vso capelli, an per imperitum, & si per imperitum, assuefaciendus est iterum per peritum, de vso capelli circa falconem portandum de regione in regionem, in quo est diuersitas ab illo vso qui fit circa falconem non portandum de regione in regionem, de capello in quibus communicat cum tiratorio, & in quibus differt, quæ sunt vtitates capelli.

Capellum autem sumpsit exordium ab orientalibus gentibus. Arabes enim orientales priusquam aliæ gentes, de quibus nouimus, aliqui vti sunt capello circa mansuefactionem falconum, & eorum quæ sunt de genere falconum; & nos quando transiuimus mare, vidim⁹ quod ipsi Arabes utebantur capello in hac arte. Reges namque Arabum mittebant ad nos falconarios suos peritiores in hac arte, cum multis modis falconum: præterea non negleximus ad nos vocare

care expertos huius rei tam de Arabia, quàm de regionibus vndecunq̃ue, ab eo tempore scilicet in quo primitus p̃posuimus redigere in librum ea quæ sunt huius artis, & accepim⁹ ab eis quicquid melius nouerant, sicut diximus in principio. Vnde quoniam vsus capelli erat vnum de melioribus quæ sciebant, & vidimus vtilitatem magnam circa mansuefactionem falconum in isto, exercuimus mansuefactionem falconum cum capello, & vsum capelli sic approbatum à nobis moderni nostri citra mare habuerunt, quare dignum esset à posteris non relinquere.

CAPITVLVM LXXVIII.

De capello & forma ipsius, de materia ex qua fit, & qualiter fiat.

Est autem capellus quoddam formatum de corio, secundū formam capitis falconum, ad continendum caput ipsorum vsque ad collum, rostro & naribus exclusis ab eo; de corio verò conuenientius fit, quod neq; nimis sit durum, neq; nimis molle; proportionatum verò debet esse formæ capitis falconum, vt caput conuenienter contineat. Caput continere debet ne falco videat, rostrum & nares excludantur, vt sine impedimento falco possit anhelare, amplū debet esse super caput, vtrinq; ab oculis elongatum, sub collo verò strictum, amplitudo verò superior nō permittit oculos comprimi, & strictura inferior non permittit capellum facile cadere de capite, non tamen sit tantū strictum quod

quod caput falconis non possit intrare, nec post introitum caput plenè continere. Pars verò capelli, quæ tegit sinciput falconis, perforata sit vno foramine, per quod foramen exhibet rostrum & nares solummodò, quod foramen debet esse largum seu strictum juxta grossitiem rostri. Pars autem illa capelli quæ teget verticem capitis, perforata sit vno foramine vel pluribus, quæ foramina ad hæc sunt vtilia, quod capellus non possit multum calefacere caput, & quod vapores ascendentes ad caput, exeant plenius. Hæc autem foramina addidimus nos priori formæ capelli, attendentes vtilitatem ipsorum, quando enim capellus carebat foraminibus illis, & remouebatur capellus de capite falconis, caput quod fuerat calefactum sub capello, expositum post extractionem capelli, aëri frigido, rheumatizabat, & non solum rheuma inde accidebat falconibus, sed alij morbi capitis quàm plures, quibus morbi non tam sæpe acciderunt falconibus postquam capellum fecimus desuper perforari, nec, imposito capello aut remoto, fuit tam subita mutatio in falcone de calore in frigus, aut e contra. Pars verò extrema capelli, quæ tegendo occiput tendit ad collum, desuper tendat vtrunque in acutum versus extremum sui, cui adiungatur corrigiola vna stricta de corio tenui & molli, tantum longa quod sufficiat descendere per dorsum inter ambas alas vsq; ad extremitatem penarum caudæ; talis debet esse forma capelli. Ea autem quæ falconarius debet facere circa falconem, antequam imponat sibi capellum, sunt:

vngues

vngues hebetare, iactos & campanellam imponere, ipsum ciliare, & super manum erigere, quæ nisi prius circa falconem fierent, valde difficile esset falconem mansuescere ad capellum. Quando autem debeat falconi capellum imponi, diuersi sentiunt diuersimodè; quidam enim dicunt quod falconi agresti postquam captus est & ciliatus, & de malleolo remotus, & super manum positus, statim imponendus est sibi, capellus priusquam quoquo modo tractetur manu, vel aliquo alio circa rostrum, pectus & collum, & dicunt hanc rationem: falco agrestis, eo ipso quod captus est de nouo, adeo timorofus est, quod defacili imponitur sibi capellum, quia perterritus paucam aut nullam defensionem facit contra capellum, & ex illa prima impositione capelli assuescit capellum, & potest imponi sibi post, dum tamen cum eo quoquo modo pertractetur vsque ad impositionem capelli sequentem; & sunt quidam qui dicunt, quod falco ramagius statim ac captus est, in malleolo positus & ciliatus, adeo est ab homine alienus, & ad tractandum repugnans, quod multimodâ defensionem facit contra capellum, & nullo modo sustinet imponi sibi capellum, vnde dicunt, non statim imponendum sibi esse capellum, sed prius aliquot diebus pertractandus & pertangend⁹ manu, vel aliquo alio circa caput, collum & pectus, & postmodum imponendus est sibi capellus, quoniam tunc melius sustinebit. Nos verò dicimus, quod falconum quidam sunt ex captione & ciliatione adeo perterriti,

præci-

præcipuè sacri & laynerij, quod nullam defensionem faciant à principio contra capellum: & quidam sunt adeo iniqui & feroces, ex eo ipso quod capti sunt & ciliati, quod multimodam defensionem faciant contra capellum. Et discernuntur hi ab inuicem per has causas: Falco qui in principio quando est ciliatus & super manum positus, tenet pennas capitis & colli & totius personæ constrictas ad se, & alas retractas ad dorsum, & pro tactu capitis & rostri non aperit ipsum rostrum, nec sufflat, nec commouet caput, nec horripilat pennas capitis & colli, perterritus est; & huic potest imponi capellus à principio priusquam tractetur manu, sed pauci inueniuntur de his. Falco verò qui contra facit supradictis, ferox est, & prius tangendus est, & tractandus manu vel aliquo alio circa caput, collum & pectus, donec scilicet perdat apertionem rostri, & horripilationem capitis & colli, & postea capellus imponatur, quoniam recipiet tunc facilius capellum, ex hoc patet, quando potest falconarius incipere imponere capellum falconi.

CAPITVLVM LXXIX.

De loco in quo debet imponi capellus, & de opere falconarij in imponendo ipsum.

Vbi autem debeat incipere imponere capellum, sit domus non clara, nam si esset clara, quàmuis ciliatus foret, tamen percipiendo claritatem, inueniretur agrestis contra capellum; sit so-

sit solitaria, in qua non audiat voces aut tumultus de quibus terreri posset, per quas difficilior esset ad capellum. Falconarius quando debet imponere falconi capellum, taliter faciat: teneat iactos falconis strictius & curtius, quatenus falco stet firmus super manum, quando imponetur sibi capellus, sustineat autem capellum à duobus digitis suis, indice scilicet & medio, quod pars capelli debens superesse occipiti, iaceat super ipsos digitos à parte intrinseca eorundem digitorum, & foramen vnde exhibit rostrum, stet superius, & pollex ponatur super partem capelli prope foramen vnde exhibit rostrum, ita quod illud foramen non sit inter pollicem & indicem, & corrigiola capelli pendeat ab interiori manus ad extrinsecum, ita quod duo digiti quos diximus, sint ex vno latere corrigiolæ, & alij duo ex alio, & tunc quando debet imponere capellum, debet erigere, manum sic tenentem capellum ante faciem falconis, taliter quod id vnde debet intrare caput, veniat ante faciem falconis, & sic visetur, quod intrante capite, rostrum sine impedimento intret foramen, quod pro ipso factum est, & caueatur ne pollex intret foramen ipsum, quia non posset imponi capellus. Item cum duobus digitis inferioribus qui non sustinent capellum, scilicet cum medio & auriculari, retineat falconem, ne imponendo capellum impelleretur falco ad posterius, ex hac namque impositione, aut se inquietaret, aut ad posterius caderet de manu, etsi pluries sic accidat quod impellatur, quando-
cumq;

cumq; debet imponi capellus. Plures falconum non solum ad suauem impositionem capelli, verum etiam ad solum visum huius capelli refugient & retrocadent, ideo imponitur adeo suauiter capellus quod falconem non tædeat, quoniam ex illo tædio, vt diximus, assuesceret se inquietare, quoties videret deberi poni sibi capellum, & ex hoc ipso hominem magis odiret. Corrigiola verò capelli quæ tenebatur inter duos digitos inferiores manus, & alios duos digitos qui sunt supra illos, debet conducì suauiter per medium dorsi inter alas, & descendat inter alam forinsecam & caudam, ita quod cauda remaneat inter corrigiolam & hominē, & extremitas corrigiolæ infra digitos recipiatur, manu tenentis falconem ab extrinseco digitorum, & hoc quando timetur ne falco expellat capellum de capite, propter hoc teneatur corrigiola inter digitos, & teneatur laxa, non tensa, quia si falco sentiret tensionem corrigiolæ, inquietaret se, retorquens caput, caperet corrigiolam cū rostro & distraheret, aut quando crederet capere corrigiolam super dorsum, acciperet pennas suas, & deuastaret cum rostro, aut propter multam tensionem corrigiolæ, excuteret caput frequenter, & deijceret se de manu. Iuuat etiam tenere corrigiolam inter digitos in hoc, quod si contingat capellum expelli de capite, quando falco scil. excutiet caput, aut scalpset se pedibus, aut aliquid aliud faciet contra capellum ipsum, capellus non poterit cadere in terram, corrigiola inter digitos retenta;

Y

verun-

veruntamen si falco suauiter sustineret capellum, & capellum adeò bene formatum est, quod non possit falco eijcere ipsum, melius est, non tenere corrigiolam, neque ponere ipsam inter spatulas falconis, sed permittat ipsam descendere anteriùs collateraliter collo. Est præterea corrigiola utilis in hoc, quod cum eadem corrigiola capellum ipsum ligatur cōuenienter ad perticam, & pendens seruatur ibi. Taliter imponendus est capellus, & taliter cum eius corrigiola operandum.

CAPITVLVM LXXX.

De inquietationibus & diuerberationibus & defensionibus, quas faciunt falcones in impositione capelli, & post impositionem ipsius, & qualiter succurratur eis.

CVM autem impositio capelli in capitibus falconum, & retentio eiusdem in capitibus eorundem, sit eis insueta, horribilis & contra naturam eorum, necesse est quod plures falconū defendant se contra impositionem capelli, & quod inquietent se postquam capellus est eis impositus. Quidam non inquietant se; & quidam non defendunt se contra impositionē capelli, sed postquam est eis impositus, inquietant se multipliciter. Vtriq; tamen pauci sunt, propter hoc expetit vt dicamus modos defensionum & inquietationum, quas faciunt pro capello, quatenus doceamus falcones cessare à defen-

defensionibus & inquietationibus suis. Defensiones igitur quas faciunt falcones cōtra capellum huiusmodi sunt: Quāuis sint ciliati aperiunt rostrū, sufflant, horripilant plumas capitis & colli, & etiam quamuis non videant, tamen statim quod sentiunt se tangi capello, faciunt ea quæ diximus, quoniam ex tactu capelli habent quandam titillationem cum horrore; sed falconum aliqui faciunt has omnes defensiones, aliqui paucas ex his, & quidam diu perseverant in faciendo has defensiones, quidam non. Illi igitur qui aperiunt rostrum, & sufflant & horripilant caput & collum, primitus debent tractari manu, vel penna, vel virgula, circa fauces, collum & pectus, vt assuefiant ad tactus, & per hoc desinant apertionem rostri, sufflationem & horripilationem, capitis & colli, & sustineant sibi imponi capellum, & titillatio quam habent ex capello, nō sit eis tam horrida, & posthac assuefaciendi sunt ad frequentē impositionem & extractionem capelli, & frequenter debent tangi circa collum, rostrum & pectus, vt dictum est. Quando autem est eis impositū iam capellum, inquietant se hoc modo: excutunt caput ad expellendum capellum, sufflant & strident, præcipitant se de manu vnde cunq; possunt, & per se non redeunt, sed si reponantur super manum, iterum præcipitant se, & si contingat quod stent super manum, stringunt eam pedibus, mordent iactos & chirothecas, & cum vno pedum suorum attentant accipere capellum, & quandoq; accipiunt, per quas

inquietationes facile possunt expellere capellū de capite suo. Et quidam falconum faciunt plures inquietationes, & quidā pauciores. In omnibus inquietationib⁹ quas facient sub capello, cauendum est, ne per inquietationes expellant capellum de capite suo, cauebitur autē hoc modo: corrigiola capelli recipiatur inter digitos, eo modo qui dictus est, & si excutiant caput, aut cum alterutro pedum accipere conentur capellum, aut scalpant se cum pedib⁹ ad eiiciendum capellum, teneantur per iactos suos curti⁹ & stricti⁹, & apponantur digiti capello ante frōtem, vt iuuent retinere capellum in capite, & reuoluatur manus super quam sedet, pro eo enim quod non sunt firmi super vnum pedem, oportet quod deponant alium, & sic cessabunt accipere capellum cum pedibus, aut scalpendo eiicere capellum. Si autem præcipitent de manu, & nolunt redire per se, reducantur ad manum, iuuando eos cum alia manu quoties hæc fecerint, & si mordent, apponatur aliquid durum ante rostrum quod mordeant, nam per hoc cessabunt mordere. Istis tamen qui se multipliciter inquietant sub capello, deiiciendo capellū à capite suo, diu dimittendum est capellum, & non frequenter imponendum est sibi capellum aut promouendum: & dum tenent capellum, non debent tangi, ne per tactum incitentur ad inquietationes. Ex prædictis patet quid faciendum est falconibus, qui se defendunt contra capellum, & inquietant se sub capello. Et quid illis qui se defendunt contra capellum, sed non inquietant se, & quid illis qui non se defendunt contra

contra capellum, sed inquietant se sub eo, post
 defensiones, inquietationes & diuerberationes
 multas, quas falco fecerit cōtra capellum. Signa
 b, falco velit tolerare vsum capelli sunt, quia
 p se falco tenens capellum in capite, aliquando
 excutit se, & deinde aliquando perquirat penas
 & plumas suas, & aliquando perungit pennas
 & plumas suas, & laxius stringit manum por-
 antis cum suis pedibus quàm prius faciebat, &
 quandoq; dormit tenendo capellum, maximè
 quando diu vigilatum fuerit tenendo ipsum su-
 er manum, aut si fame scat aut si sit fatigatus;
 quando videbuntur hæc, signum est quod falco
 elit tolerare capellum. Debet autē remoueri
 capellum de capite falconis taliter: apprehen-
 atur capellum ante frōtem falconis ex utroq;
 itere cum digitis, & non stringatur capellum
 remouendo, nisi quantum sufficit ad extra-
 ctionem eius, tollaturque de capite suauiter &
 non durè. Debet autem carere capello quoties
 debet pasci, & quoties dandum erit sibi tirato-
 rum ad mordicandum siue ad beccandum, &
 uàm diu sedebit super sedile aut super perti-
 um, & ad discendum exercitationem capelli, de-
 bet carere capello, vt quietiùs sedeat, & melius
 nescat, & quando balneandus est, & quando
 eijciendus ad volandum, si aliquo modo in-
 quietat se sub capello, non remoueat capel-
 lum à capite suo. Imò si contingat quod inci-
 endo remouere capellum quietus sit, sed in-
 mouendo se inquietet, desistat falconarius, &
 non remoueat capellum, ne ex retractione quæ-

tunc fieret, posset falco colligere malum vsum, dum enim aliquo modo se inquietat, si extrahitur capellum vt diximus, sæpe faciet similem inquietationem, quærens sibi remouere capellum. Ad frequentem autem impositionem capelli & ad frequentem exertionem, assuefaciendi sunt omnes illi falcones, qui se defendunt contra impositionem capelli, vt dictum est, & non illi qui se inquietant sub capello. Illi enim qui se defendunt contra capellum, frequenter imposito capello, & frequenter extracto, assuescunt rostrum suum & caput frequenter tangi cum capello, per quod perdunt titillationem quam habebant de capello. Alijs autem qui non se defendunt contra capellum, nō est opus frequenter imponere capellum, nec frequenter extrahere. Falconi autem qui assuescitur ad capellum, non debet relaxari ciliatura, priusquam assuetus sit tantum ad capellum, quod nec se defendat ad impositionem capelli, nec se inquietet propter capellum impositum, & si cōtingeret quod deciliaret se priusquam assuetus esset ad capellum, iterum ciliandus est. Cum autem assuetus erit ad capellum, relaxari debet ciliatura, vt assuescat paulatim videre manum & capellum, & motum manus imponentis capellum: nam si falconi relaxaretur ciliatura priusquam assuetus esset ad capellum, accideret bene quod falco agrestior fieret ad impositionem capelli, pro eo quod videret, quamuis non plenè, & manum & faciem & cetera de quibus timeret, cum nō videre consueuisset, &

hzc

hæc faceret si relaxaretur ciliatura, ante assuefactionem eius ad capellum, multò magis faceret hæc, & peiora, si deciliaretur totaliter & repente, ante mansuefactionem eius ad capellum, addisceret enim multos modos inquietandi se & diuerberandi ad impositionem capelli. Relaxata itaq; ciliatura vt conuenit, assuefiendus est falco semideciliatus ad impositionem capelli, quemadmodum assuefiebat ciliatus, fiet autem hoc modo: portabitur ad domum non claram, & in ea assuefiat ad frequentem impositionem & extractionem capelli, vt per obscuritatem minus videat & manum & faciem portantis, quas si videret, distorqueret caput quando deberet imponi sibi capellum, & aperiret rostrum, & aliter se inquietaret, quod totum faceret ppter capellum, cuius signum est, quod imposito sibi capello, non iam inquietaret se sub eo, postquã autem factum erit hoc per aliquot dies in domo nō clara, tantum quod falco semideciliatus iam sustinet impositionem & extractionem capelli, debet similiter assuefieri ad capellum in domo aliquantulum clara, deinde in clariore, deinde portando ipsum foras, primò à pedestri postea ab equestri, & postquam erit hoc factum sufficienter, debet totaliter deciliari: & simili ordine & simili modo procedendum erit in assuefaciendo deciliatū ad capellum, prius in domo, postea de foris, à pedestri & ab equestri: veruntamen quoniã sub aëre libero videt multa, quæ in domo videre non consuevit, & recordatur agrestitatis suæ, quoties extrahitur sibi

deciliato capellum, habet maiorem materiam inquietandi & diuerberandi se, quàm in domo, propter hoc falconarius maiori studio sit attentus, vt prohibere possit inquietationes eius, & alluefacere ipsum ad impositionem capelli. Hoc autem fiet melius, si porrigatur tiratoriũ quandoque falconi, & dum gultabit de tiratorio, & minus cauebit sibi, & minus se defendet, tunc falconari⁹ imponens sibi capellũ, & frequenter irroret ipsum aqua frigida, vt dictum est, & maxime in tempore dum etiam tenet capellum, & quandoq; balneetur, sed tamẽ debet balneari sine capello. Hoc modo melius assuefiet ad capellum, deciliat⁹ intus & foris, & melius cauebitur sibi à defensionibus & inquietationibus quas facit contra capellum. Non solum autem agrestis defendit & inquietat se, propter agrestitatem suam, contra capellum modis illis qui dicti sunt, sed & falco qui agrestis est, & ille qui iam mansuefactus est ad capellum, defendunt & inquietant se pro capello, si falconarius est imperitus in vsu capelli, & si capellũ est malè formatum, & si mutatur de vno capello ad aliud. Quandocunq; igitur ciliatus falco, & semideciliatus, & ex toto deciliatus, assuefactus erit sufficienter ad capellum, non tamen propter hoc committendus erit alicui falconario imperito in vsu capelli, nam propter falconarium imperitum in vsu capelli, eum malè ei imponat capellum & male extrahat, falco amittet omne quod primò benè didicerat ad capellum, & deinde difficilior erit assuefacere ipsum ad capellum,

lum, quàm à principio : & si hæc accidunt de falcone assueto ad capellum, propter malum impositorem, multò magis peiora accident falconi agresti, quando ab imperito falconario in vsu capelli assuescit. De omni itaq; falcone agresti vel assuefacto ad capellum, non est aliquatenus confidendum falconario imperito in vsu capelli. Si etiam capellum non fuerit formatum secundum formam capitis, vt diximus, falco defendet se contra ipsum, & inquietabit se sub ipso. Capellum verò malè formatum premit falconem in aliqua parte sui capitis, & si premet in oculis, habebuntur signa ex his, quod falco propter hanc pressuram fricabit caput suum ad humeros, ex vtraque parte capitis, vel ex illa solùm in qua est pressura, & capellum in parte interiori sui quæ tangit oculum, humectatum erit ex aqua oculi : Si verò premit capellum rostrum falconis, signum habebitur ex hoc, quod falco tenens capellum in capite aperit rostrum, excutit caput, quasi volens euomere carnes, ducit ungues ad rostrum scalpendo se vbi dolet, & in parte superiore rostri apparet rubedo & tumor cum depilatione quadam, & inferiori parte rostri deplumatio vtrinq; circa fauces. Si autem in collo premat, signum est quod horripilat pennas colli, & videtur ingrossare collum suum, & semper attentabit expellere capellum cum vnguibus; propter malam formam huius capelli defendit & inquietat se falco multipliciter ad mutationem capelli. Falco assuetus ad capellum, quàmuis capellum bene sit formatum

ad quod mutatur, tamen inquietat se sub capello, aliquo modo inquietationis, quod cum faciat propter solam nouitatem capelli, non propter hoc desperandum est; modus enim inquietationis quem faciet sub nouo capello, non est similis modus inquietationis quem facit agrestis falco, nam agrestis & propter agrestitatem suam inquietat se ad capellum, cum nullius capelli vsum habuerit, & multò magis se inquietabit si de vno capello mutetur ad aliud, & tam agrestis quàm mansuefactus ad capellum, si mutetur ad capellum malè formatum, quàm si mutetur ad capellum bene formatum. Remedium quod debet & potest fieri falconi contra imperitum falconarium in vfu capelli, est vt prædiximus, quod neque falco incipiendus assuefieri ad capellum, neque iam mansuefactus ad capellum, committatur imperito falconario, & si per imperitiū falconarium assuetus sit ad capellum, emendabitur vt dicemus paulò post. Contra malam formam capelli, non est nisi mutare ipsum ad capellum bene formatum, aut suum capellum emendare in eo quod male formatum est, ita quod non prematur ab ipso in aliqua parte. Bonam autem formam capelli docuimus in principio mansuefactionis fiendæ cum capello. Contra mutationem capelli per quam inquietat se falco, sic erit faciendum: assuefiat falco à principio cum capello vfitato & bene formato, quod non oporteat mutare, & si necesse erit mutare, mutetur ad capellum bonæ formæ, & non malæ, & caueatur

tur quanto plus potest caueri, à mutatione capelli frequenti. De falcone autem nouiter habito, an fuerit vnquam mansuefactus ad capellum an nō, & si fuerit assuefactus ad capellum, an perperitū, cognoscetur per hæc signa: Ille falco qui non fuit assuefactus ad capellum, quando imponetur sibi capellū, permittet sibi imponi absq; defensione, & postquā erit in capite suo, non sustinebit eum quietē, sed inquietabit se p̄ eo. Ille verò qui assuefactus fuit ad capellum, & per bonum impositorem, quando imponetur sibi capellum, nec defendet se ad impositionem capelli, nec inquietabit se sub eo, cū benè fuerit assuetus ad capellum; sed ille qui assuefactus fuit per malum impositorem, defendet se ad impositionem capelli, cum sciat quid sit capellum, & male fuerit sibi impositū, non tamen inquietabit se sub capello, cū assuetus fuerit tenere. In illis qui sibi permittunt imponi capellum absq; defensione, & inquietant se sub capello, faciendum est sicut fieret quando à principio assuefierent ad capellum: in illis autem qui nec se defendunt, nec se inquietant sub capello, nihil faciendum est, ex hoc tamen cognoscitur quod bene fuerit assuetus ad capellum, quia nec se defendit nec se inquietat. In illis qui assuefacti sunt ad capellum per malum impositorem & imperitum falconarium, sic erit faciendum, ciliandi sunt iterū & tractandi suauiter, & capellum debet eis imponi quantò suauius poterit, vt dediscant malam assuefactionem ad capellum, & addiscant bonam, & debebit rela-

xari

xari ciliatura, & omnia debebunt fieri meliori ordine & meliori modo, quem diximus suprà, & assuefiat ad capellum per peritum falconarium, & caueatur ne incidat in manus imperiti, & quod capellum bene sit formatum. Secundū ex igitur quæ dicta sunt, debet mansuefieri falco ad capellum in domo & extra domum, qui nō est portandus de regione in regionem. Qui verò deportandi sunt de regione in regionem, assuefiendi sunt ad capellum hoc modo: Illi falcones qui nouiter capti sunt, & debent portari, ciliantur, & eis ciliatis imponatur capellum, quoniam melius portabuntur, & sine maiori inquietatione, ad remota loca, & si dicatur conuenienter portari possunt ad remota loca sine capello, quoniam ciliati sunt, & sufficit ciliatura, cum non videant, nec est opus capello in eis potandis, dicendum quod ciliatura non sufficit quemadmodum capellum, quoniam non possunt adeo bene ciliari, nec palpebræ inferiores sursum eleuari, quod oculi claudantur penitus, quemadmodū per capellum, & esto quod palpebræ claudant oculum totaliter, oculi non percipiunt lumen aliquatenus, pro eo quod palpebræ sunt tenues, & falco percipit claritatem, & iterum lux subintrat à superiori parte, cum ciliatura non possit diu stare quin relaxetur propter elongationem fili, aut propter depressionem plumarū sub eo, & propter descensum palpebræ ipsius collateraliter ex vtraque parte fili, & cum caput sit magis expeditum sine capello, quàm cum capello, falco magis se inquietat

quietat sine capello, quàmuis ciliatus sit, percipit enim per aërem quem attrahit cum naribus, se esse foris, & sub aëre libero. Præterea aures concluduntur sub capello, vnde min⁹ audiunt propter hoc falco minùs se inquietat cum capello quàm sine. Patet igitur quòd melius portabitur falco cum capello de regione in regionem quàm sine. Ciliatus itaq; priusquam portetur, assuefiat per aliquot dies ad capellum, sicut dictum est, quousque vel omninò dimittat defensiones & inquietationes, si possibile erit, vel satem peiores; debet assuefieri per illos dies plus ad tactum ad portandum huc & illuc, & ad capellum, quam si non esset portandus de regione in regionem. Et si est deportandus per æstatem, portetur nocte, & maximè in calidis regionibus, nam si portaretur in die, calefieret caput suum superflue ex capello, & per consequens reliquum corpus, per quam calefactionem incurreret morbum, & præcipue in capite, & vt præseruaretur ab huiusmodi calefactione, oporteret ipsum frequenter irrorari, aut balneari aqua frigida, quam non esset possibile fortè inuenire quoties esset opus; quamuis non esset opus irrorare ipsum propter inquietationes, cum eas minùs faciat cum capello quam sine, tamè propter calefactionem irrorandus esset: & de nocte etià melius est quàm de die, quia poterit quandoq; portari sine capello, & propter hoc assuefieri debet ad impositionem & extractionem capelli. Et si oporteat portare falconem per diem in tempore calido, portetur manè priusquam

quam ascendat calor, & serò postquam descendit calor, circa feruorem diei nullo modo portetur, & dum portabitur prædictis horis diurnis, dabitur sibi pascus in via madefactus in aqua frigida, & pluribus vicibus, nam si simul totus daretur, esset nociuum, propter causas quas supra diximus in capitulo portandi falconem sine capello. Et si debeant per autumnum portari, conuenientius portabuntur per noctem quam per diem, per diem enim autumnus quamuis non sit tantus calor quemadmodum in æstate, tamen eligendi erunt illi dies autumnales in quibus minus calor est: consueuerunt enim esse intensi calores in autumnus, & tempus variabile de calore in frigus, & econuerso; si fuerit intensus calor, non portetur nisi de nocte, vel manè & serò vt dictum est. Si autem portari debeant in hyeme, portentur per diem, nec timendum est de inquietationibus quas possent facere per claritatem aëris, cum teneant capellum, & eam non percipiant. Per noctem etiam hyemis si portari debeant, non portentur in nimio sereno, nam consuevit esse frigus intensum, maximè in frigidis regionibus, & quemadmodum ab intenso calore caueatur eis, sic & ab intenso frigore cauendum est eisdem, propter hoc portandi erunt super chirothecas pilosas, quemadmodum illi qui portabuntur sine capello: nam per chirothecas calefient pedes, & per capellum caput, & ex utroque per continuationem calefiet totum corpus, quod iuuamentum est eis, tempore frigido in hyeme,

hyeme, & præcipuè in frigidis regionibus, & contra frigus faciet cætera, quæ diximus fieri alijs portandis sine capello. Quando etiam vere portari debebunt de regione in regionem, faciendum est eis in omnibus fere, quemadmodum in autumno. De qualitatib⁹ verò aëris, quas diximus supra, conuenientes vel inconuenientes falconi portando sine capello, qualiter conueniat aut disconueniat falconi portando cum capello nunc dicamus. Claritas aëris non est inconueniens falconi portando cum capello, cū non videat nec percipiat eam, quemadmodum sine capello percipiebat. Omni etiam falconi qui portatur cum capello, minùs nocetur à vento, quàm sine capello, & hoc accidit, quoniam omnis falco postquam impositum est sibi capellum, distringit alas & plumas suas ad se; ex qua districtione ventus minus potest subleuare falconem desuper manum quando portatur. De alijs autem qualitatibus aëris dicendum, quod sicut conueniebat & disconueniebat falconi portando sine capello, sic conueniunt & disconueniunt falconi portando cum capello. De locis verò per quæ portari debet, dicatur quod per illa loca per quæ portabatur cōuenientius ciliatus quàm deciliatus, per illa eadem portabitur multò conuenientius cum capello quàm ciliatus, & longè conuenientius quàm deciliatus. Cætera autem quæ dicta sunt de falcone portando sine capello, vsque ad relaxationem ciliaturæ, & vsque ad remotionem ciliaturæ, si mansuetus erat totaliter, fienda sunt

sunt similiter in falcone portando cum capello, & si falco portandus erit cum capello per longum iter, mansuefiendus est in via, eo modo quo mansuefiebat ille qui portabatur sine capello. Si autem contingat quod dum falco portatur à pedestri vel equestri per viam, expellat per inquietationem suam capellum de capite suo, & pro eo quod corrigiola non fuit retenta intra digitos vt docuimus, ipsum capellum cadet in terram, si falco est agrestis & non ciliatus, qui etiam sine capello nolit stare quietus, si falconarius qui portat ipsum est eques, det tiratorium falconi, dicens alicui, quod porrigat sibi capellum, ipse verò secedat à capello gyrando equum, taliter quod ille porrigat sibi capellum ex parte illius manus, super quam non portatur falco, & sic quod non veniat à tergo falconis, si verò solus est, dato tiratorio falconi, descendat de equo quanto suauius poterit, & accipiat capellum & imponat falconi, deinde ascendat super equum. Si verò pedester est, vel faciat sibi porrigi, vel ipse idem accipiat, & reimponat. Si autem falco iam assuetus est ad capellum, facile erit capellum recolligere & falconi reimponere. De capello autem in quibus communicat cum tiratorio, & in quibus differt est dicendū, vt inde videatur in quibus vnum magis sit vtile reliquo. Conueniunt autem in hoc, quod sunt ad vnum finem, scil. ad mansuefaciendum falcones, nam per tiratorium & capellum se permittunt melius tractari & teneri ab homine, & in eo quod vtrinque prohibent falcones à

modis

modis inquietationum, quæ suprà dictæ sunt, quæ prohibitiones ab inquietationibus, sunt ad salutem eisdem falconibus, corporum, viriū, & pennarum, & in eo quod ambo faciunt ad defendendum inquietationes per aliquem de sensibus falconis, & in hoc conueniunt, quod genera falconum omnia possunt mansuescieri per capellum & tiratorium. Differunt autem, quoniam ad quem finem peruenit vnum per vnā viam, & vnā operationem, peruenit aliud per aliam viam & alio modo. Nam capellum claudendo visum falconis, eum prohibet inquietare: tiratorium verò delectando gustum falconis, facit eum cessare ab inquietationibus suis, & si ostendatur tiratorium falconi, & falco ipsum videat, assecurabit se magis, & plus sustinebit hominem appropinquare sibi, quàm si ostendatur ipsi capellum, & cum tiratorio permittit se leuari super manum conuenientius de sede sua, cuiuscunque modi sit sedes, quàm cum capello, & tiratorium inducit falconem ad habendam audaciam cum homine, capellum verò non, & cum tiratorio facilius præparabuntur pennæ & ungues falconis, si habuerit pennas lesas, aut ungues ineptos, sicut docebitur infra, & facilius parabuntur in suis partibus iacti & apponetur campanella, & cætera omnia tam de medicinis quàm de alijs quæ fienda sunt circa falconem, quorum sci. omnium tædet ipsum, habilius fient cum tiratorio quàm cum capello. Capellum verò magis vtile est ad quædam alia quàm tiratorium, quoniam cum capellum

Z

claudat

claudat oculos falconis, si falco est pinguis, aut valde agrestis, aut timidus, ex quib⁹ tribus causis fortè nolet tiratorium, & se inquietabit, faciet cessare inquietationes, quod tiratoriū tunc facere non poterit, cū falco nolit tiratorium, & cum capello tenebitur falco facilius in vno statu carnositatis, quā cum tiratorio. Nam cū tiratorio non poterit esse quin fiat augmentum pastui falconis, ex quo sequitur, quod erit carnosior debito. Etiam per capellum denegatur falconi videre, & visio sua est causa sibi plurimum inquietationum: Sic per capellum prohibetur illæ inquietationes quas facit ex eo quod videt: tiratorium verò non prohibet adeo bene ipsas, cū non prohibeat visum maior occasio inquietationum & diuerberationū per visum quam per alium de sensibus. Et falco habens capellum in capite, magis se permittit tangi & tractari manibus, & minùs pauescit tangi, cū manus tangentis nō videat, quā si haberet tiratorium & non capellum. Item cum falconem necesse sit dari, vt retineatur ab aliquo imperito, minùs inconueniens sequitur si dabitur cum capello quā si cum tiratorio: imperitus namque cum capello poterit tenere & portare falconem, quod cum tiratorio facere nesciret, & leuius est ei impingere & extrahere capellum, quā vti tiratorio circa falconem, & falconarij possunt diuidere carnes pro pascendis falconibus, & possunt pascere vnum in præsentia aliorum, si capellum teneant in capitibus suis. Cū enim falcones car-

nes

res exhibitae alijs vel exhibendas non videant,
 non se inquietabunt propter illas, & hæc non
 possent fieri ita conuenienter cum tiratorio, &
 cum tiratorium esset datum vni, statim alius
 hoc videns inquietaret se pro auferendo tirato-
 rio. Item duo falcones si capellum habuerint in
 apite, poterunt portari simul super eandem
 manum, si necesse fuerit, quod omninò nō pos-
 set fieri cum tiratorio, quiuis auferret tiratoriū
 alteri, & se inuicem comprehenderent & læde-
 rent. Item si duobus falconibus, quos contin-
 git aliquando simul super vnam manum por-
 tari,

Reliqua in autographo desi-
 derantur.



ALBERTVS
MAGNVS
DE

Iconibus, Asturibus & Accipitribus,

z 3

- Capit. 1. De natura Falconum in genere.
 Capit. 2. De colore falconum.
 Capit. 3. De proprio actu falconum secundum genus suum.
 Capit. 4. De vocatione qua vocant & vocantur falcones.
 Capit. 5. Quod 17. sunt genera falconum, & de primo quod Sacrum vocatur.
 Capit. 6. De genere falconum qui gyrofalcones vocantur.
 Capit. 7. De genere falconum quod vocatur Montanarum.
 Capit. 8. De falconibus qui peregrini dicuntur.
 Capit. 9. De gibbofo genere falconum.
 Capit. 10. De falconibus nigris.
 Capit. 11. De natura falconis albi.
 Capit. 12. De natura falconum rubeorum.
 Capit. 13. De falcone qui habet pedes azurinos.
 Capit. 14. De falcone paruo qui Mirle vocatur.
 Capit. 15. De genere falconum qui Lanarum vocantur.
 Capit. 16. De generibus permixtorum falconum, & de mixtura commixtionis falconum.
 Capit. 17. De regimine domesticationis, & regimine audacia & regimine sanitatis falconum.
 Capit. 18. De curis infirmitatum falconum diuersis, secundum Guillelmi falconarium.
 Capit. 19. De curis infirmitatum falconum, secundum falconarium Frederici Imperatoris.
 Capit. 20. De regimine accipitrum & infirmitatibus, secundum experta Frederici Imperatoris.
 Capit. 21. De regimine asturum, secundum experta Guillelmi.
 Capit. 22. De regimine domesticationis accipitrum & regimine aucupum.
 Capit. 23. De regimine omnium avium rapacium, secundum Aquilam, Symachum & Theodotionem.
 Capit. 24. De alijs duobus generibus falconum, & de loci habitatione eorum, & de definitione accipitrum.

ALBERTVS MAGNVS

DE FALCONIBVS, ASTVRIBVS, ACCIPITRIBVS.

Ex libro eius

XXIII. De animalibus.

Capitulum I. De natura Falconum in genere.



Alconum naturam, quam multi scire cupiunt, subtilius describere cupientes, primo naturam generis eorum describemus: Deinde diuersitatem describemus suarum specierum, & tertio de disciplinis aucupandi cū eis ponemus, & quarto & vltimo infirmitates auium rapacium omnium, cum suis congruis medicinis adiungemus. Incipientes ergo dicimus, quod genus falconum quatuor habet propria, quibus ab omnibus alijs rapacibus auibus discernitur, primum est figura corporis, secundum calor, tertium proprius actus, & quartum sonus vocis, figura enim in genere omnibus conueniens, grossius habere caput, & collum breuius, & similiter breuius rostrum, & pectus maius, cum osse pectoris acuto, & alas longiores, & caudam habere contractiorem, & crura breuiora & fortiora habere, respectu sui corporis, ceteris auibus rapacibus. Horum autem membrorum dispositionem determinantes, definimus ea quæ conueniunt generi falconum respectu aliorum generum auium rapacium, quia licet dixerimus caput debere esse grossum, non tamen enormitas capitis laudanda est, eo quod hoc accedit ad figuram auium noctuarum, quæ omnes capita habent enormia, & sunt timidæ, eo quod enormitas capitis earum potius indicat materię superfluitatem quam virtutis magnitudinem, & similiter est intelligendum de capite rotundo, non enim omnino rotundatur caput bo-

Z 4

num

num alicuius animalis, eo quod in cōcauo sphērico nimis diffluunt spiritus, & male adunantur, sed cum in asturē antērius capitis elongatum, stringatur paulatim & terminetur in rostrum, sicut & aquilę caput stringitur, caput naturale falconis non prolongatur, nec stringitur, ita quod rostrū quasi videtur sphære appositum, & frons eius ex rotunditate dilatatur, & superius cranei planum deficiens à rotundo, & maxillares partes bene rotundę & curtę, talis enim dispositio est humidi cholerici bene mobilis & bene audacis, quia etiam falconis inter aues proprium est cito moueri in prędam, & non discernere, & plus audere quam possit. Similiter autem dico de colli breuitate. In genere enim breuiatur collum falconis plusquam aquilę & asturis & nisi, sed immoderata breuitas vituperatur, quia attestatur aut phlegmaticę frigiditati aut siccitati melancholicę, cum virtutis diminutione, & accedit ad proprietatem noctuarum, & sicut diximus in physiognomia, nō potest esse quod aliquod animal participet figuram alterius, & non habeant aliquid de moribus eius secundum naturam. Similiter autem licet dicamus crura secundū naturam falconum debere esse curta, tamen coxas longas in eis laudant omnes qui naturam norunt falconum, quia cum crus moueatur ex coxa, si coxa esset curta, dispositio esset complexionis frigidę & malę. Sit igitur coxa longa & bene pennata, & crus curtum & pes bene patulus & digiti fortes, & præcipue in nodis articulorum, & ungues fortes, & magis aliquantulum ad interius pedis curuati. Omni autem eodem modo, determinantes caudę breuitatem secundū genus, cōparatione habita ad astures & nisos loquimur, nimia enim breuitas in similitudinem vergit zuetę & bubonis nocte volantium. Sit igitur longitudo ita, quod compositę alę se super caudam attingant, vel fere attingant, in extremo longiorum anteriorum pennarum, & ab illa coniunctione cauda non multum descendat, nec dependeat sicut asturis cauda vel nisi, quia longitudo
caudę

caudæ super humorem nuchæ descendentis, attestatur & timiditatem designat.

Capitulum 2. De colore falconum.

Color autem falconum generi conueniens, est in facie habere maculas nigras in maxillis, & albas circa foveas oculorum, vtrunque ex vtraq; parte rostri, & cilia habere nigra, & cinereum subnigrum colorem in craneo, & dorso, & superiori colli, & exteriori alarum, & in exteriori caudæ, & in alijs esse plenum varietate quasi virgulatim descendente, interruptis quinque virgulis, & ista varietas semper quidem habet nigredinem pro colore vno, sed in primo anno secundus color est rufus remissæ rubedinis, & secundum quod sæpius mutatur, magis & magis albescit. Color autem oculorum est vehementis croceitatis, ita quod rufedini appropinquat, & acies siue pupilla nigra, & color pedum optimus croceus, multum vergens ad albedinem, & quominus albescunt eo ignobilior est falco, & si vergunt in hyacinthinum colorem siue saphyrium, est color ignobilis non significans nobilitatem, eo quod ille color fit ex resperso fumo terrestri super pellem pedum, & attestatur pigritiæ & timiditati melancholicæ, & ideo tales falcones eleuati in altum stant suspensi, & antequam ictum dent euadit ab eis præda, & si quandoque tales boni inueniuntur falcones, fit ex multo labore & exercitio, sicut etiam aliquando homo iners per naturam, efficitur bonus exercitij studio. In dictis tamen coloribus pedum & pennarum differunt falconum species, sicut patebit in sequentibus, sed secundum genus, is qui dictus est color est falconum, tam in toto quam in partibus, & is quidem qui est in capite, secundum aliquid conuenit quibusdam nocte volantibus rapacibus auibus, & in tantum appropinquant generositati falconum, sed quia figura magis indicat complexionem quam color, ideo remouentur simpliciter à falconum nobilitate, hæc igitur de colore dicta sunt.

Proprius actus falconis inter aues rapaces, est impetu ferri in prædam, & ideo cauendum est falconario ne statim falconi prædam ostendat, sed potius aue aliquantulum remota dimittat falconem, ne se subito præcipitet. Cum autem prædari vult, est falconis celeri volatu ascendere, & compositis vnguibus ad petrus impetu in auem descendere, ita forti conatu, quod sonum quasi torrentis venti descendens excitet, & tali impetu ferit nõ diametraliter siue perpendiculariter descendens, sed ex obliquo, quia tali descensu percutiens, incidit vnguibus longum vulnus, ita quod aliquando auis à capite vsque ad caudam diuisa decedit, & aliquando toto capite truncato inuenitur. Cum autem inter omnes duos motus duæ sunt quietes necessario, & motus falconis sit motus ascensionis & descensionis, est boni falconis inter ascensionem & descensionem quasi nihil quietis interponere, sed postquam descenderit aliquando auem inferius volando præuenire & impedire, donec à socio qui ascendit feriat, sic enim optimũ fit aucupium, quando duo focij falcones vel plures se inuicem ad inuicem adiuuant, sit etiam nonnunquam quod superior falco superius sequitur auem, donec videat eam esse in proportionato situ percussionis, sed multum cauendum est, ne quasi alis suspensis stare assuescat, quia hoc signum est timiditatis, & quod non nisi reptilia terræ audeat inuadere; quia vero falconis est ictu pectoris percutere, dedit ei natura in anteriori lati ossis in pectore, additamentum triangulare forte, cuius prominens & rectus angulus est in superiori pectoris, & est durus valde angulus & fortis, & super illum sunt vngues pedum, & posteriori vngue findit quod percutit. Subito igitur in præceptis descendens est optimus. Stans autem in alto suspensis alis, degenerat in naturam auium quæ lanarij à philosophis, à vulgo autem germanicè *Syvemere* dicuntur. Venatur autem solus

solus bonus falco & est actus eius qui dictus est, sed melius venatur cum socijs vel socio, quia in ascendendo vel descendendo necesse est moram fieri, & in illa elongatur præda si socius non impediatur, & hæc est causa quod licet falco avis iracunda sit, sicut & omnes alie rapaces aves & diligit quod sit solitaria, tamen propter adiutorium tempore venationis diligit socios, & conuidit cum socio prædam sine pugna, quod non facit astur vel nisus. Iste igitur falconis est proprius actus omni falconi secundum genus conueniens. Et quia sicut diximus temere attentat omne quod obuiat, oportet falconem habere mitram oculos tegentem quando defertur in manu, & tempus non est volandi, ne nimis conetur ad volatum, quia cum sit bonæ alæ, frequenter volare desiderat, & ideo retardandus est a falconario; huius etiam alia causa est, quia cum oculos clausos habet, & postea mitra deposita aliquid apparet, quasi ex admiratione citius inuadit & magis audacter, & etiam ex hoc quietius domatur ad homines, & obliuiscitur societatis alienæ.

Capitulum 4. De vocatione qua vocant & vocantur falcones.

Sonus autem vocis falconum generaliter est grossior & prolixior, & ab acuto in grauius procedens, quam asturum vel nisorum, & cum reclamantur à falconario non sibilo, sed voce magna ad modum reclamationis canum reclamantur, nec reuocantur ad modum canum sed potius circūducitur in chorda quiddam ex quattuor alis vel pluribus ad modum avis colligatum, cui caro recens superligatur. Falcones tamen aliquando nimis vocant, & tunc aut iracundi sunt, aut nimis macie confecti ex cibi subtractione, & tunc vel capitegio sunt obumbrandi si iracundi sunt, vel amplius reficiendi si macie sunt confecti, quia nocet multum ad aucupium quando falco nimis clamat, eo quod ad clamorem eius fugiunt aves antequam falco in proportionali sit distantia ad capiendum

piendum. Similiter etiam quandoq; cum reclamantur à falconario non redeunt, & maximè falcones qui dicuntur montanarij, & hoc cōtingit ex duabus causis, quarum vna est indignatio irę suę quod forte euasit pręda sua, alia est nimia repletio, ppter quam cibum fastidit, & tunc si à bono falconario nutritus est à iuuentute sua, non oportet multū curare, quia deposita indignatione irę aut postea esuriens domum redibit, hoc enim fidelitatis habēt falcones & nisi, quod bene nutriti, & edocti ad domicilium reuertuntur sicut columbæ. Ego enim iam vidi falcones qui sine ligaturis intrabant & exibant, & nobis comedentibus super mensam veniebant, in radio solis se extendentes coram nobis, quasi blandirentur nobis, & quando venandum erat, in tectis stantes & fenestris exibant, in aëre super homines & canes volantes ad campū, & quando volebat falconarius redibant ad reclamatorium. Si autem non bene domiti sunt, tunc causa propter quam non redeunt est horror hominis, & in illis cauendum est, ne dimittantur nisi tempore famis, quia tunc consuecunt redire ex cibi desiderio. Hęc igitur de voce qua vocant falcones, & de voce ea qua vocantur à nobis dicta sunt intantum.

Capitulum 5. Quod 17. sunt genera falconum, & de primo quod sacrum vocatur.

QUæ autem ad nos deuenerunt, sunt decem genera falconum nobilium, & tria alia genera sunt ignobilium falconum, & tria sunt mixta ex nobilibus & ignobilibus, & vnum quidem mixtum, quod quia non omninò est ex ignobili parente valde inuenitur efficax ad venandum. Primum autem genus nobilium falconum est quod quidam sacrum vocant. Symachus autem vocat ipsum Brittanicum, & quidam vocant ælium, quasi ærinum falconem. Quidam autem hoc dicunt æriphilū, quasi ærem amantem falconem, & de hoc superius diximus quod amat alte volare, indignans ad parua, crurā habet

habet grossa & nodosa, ungues crudeliores quàm aquila, aspectum terribilem, oculos valde flammeos, ex citrino in rubedinem declinantes, caput magnum & rostrum fortissimum, iuga siue complicationes alarum magnas, & quasi super exhibitas, & hoc solum inter falcones habet caudam longam, est autem in magnitudine aquilæ fere, & sub ipso nec aliqua volat, nec aliqua auium rapacium propter timorem, sed statim vt viderint sacrum cæteræ aues, clamantes, fugiunt ad condensa arborum, vel ad terram, & potius permittunt se manibus capi quam ad aërem liberum veniant, volant autem duo simul, & ideo domestici efficiuntur, quod in vna pertica sedent, & sequuntur hominem, ac si nesciant esse nisi cum homine, & non est auis magna quam non statim deiciant, nec vnâ sufficit eis deicere, sed quotquot obuias habent deiciunt, capiunt etiam capreolos, & vnguibus lacerant oculos & cerebella eorum. Volunt autem delicatissime nutrirî, semper recentibus, præcipuè cordibus & cerebellis, & sanis valde carnibus, quod adeo recentes sint, quod adhuc calentes vitali calore, iam expirante animali sint allatæ, & fere comedunt tantum quantum aquilæ magnæ, hoc genus falconum regale est, & diutissimè volans, & sequens prædam, & non deserens ad duo vel tria, vel etiâ quatuor horarum spacium. Socialiter autè prædatur melius, sed solitarium etiam optimè venatur, & diligit hominem, & canes venaticos & præsentibus eis venatur libentius, quasi gloriatur in viribus in præsentia eorum. Habent autem ea quæ diximus omni generi falconum conuenire, tam in guttis faciei quàm in figura, quàm etiâ in proprio actu & voce, sed vox eius est & certifica, & raro vocat, & cum reclamatur, oportet quod reclamans ipsum alte clamet & voce sonora, eo quod alte & longe volat, & quod reclamatorium sit valde magnum vt longe videri possit. Si tamen non cito redit, non erit periculum, quia per seipsum redire consuevit ad domicilium, hoc igitur est genus falconum nobilissimum & primum.

Capit.

*Capitulum 6. De genere falconum qui gyro-
falcones dicuntur.*

Genus secundum nobilium falconum est gyrofalco-
num genus, à sacrorum genere proximo gradu di-
stans. Est autem gyrofalco figura & colore, & actu,
& voce perfectam naturam habens falconis, sed quanti-
tate maior est asture & minor aquila, & dicitur gyrofal-
co à gyrando, quia diu gyrando acriter prædam insequi-
tur, nec dignatur ad parua, sed aues magnas insequitur
sicut grues, & cignos & huiusmodi. Est autem hic falco
avis pulchra valde, non longa secundum proportionem
sui corporis cauda, alarum iuga valde habens decentia
& fortia, & crura habet plana, non nodosa, ungues satis
fortes, & præcipue posteriores, & solus venatur, sed me-
lius cum alio, & inter cæteros falcones consuevit stare
magis erectus, & pennis bene compositis, & in venatione
diu insequitur prædam, & ideo venator indiget veloci
equo in quo insequatur eum, & doctis ad hoc velocibus
canibus qui auxiliantur ei quando prædam dejicit. Est
autem hic falco præcipue docendus, ne in aqua prædæ in-
fideat, quia frequenter distat à falconario & lædi posset
in aqua, & ideo non secundum longitudinem aquæ iaci-
endus est ad prædam, sed tenendus donec aues extra ripam
in aëre appareant, & tunc gyrofalco ex parte aquæ iaci-
endus est ad ea, quia tunc propter motum gyrofalconis
ad aquam redire non audent. Si autem ex parte campi
dimittitur gyrofalco, tunc aues ad aquam fugiunt vel
euadunt, & si percussæ fuerint, in aquam decidunt, & tunc
falco prædam sequens læditur vel mergitur, & si euadit
timidus efficitur propter venationis læsionem, sub isto
etiam gyrofalcone alij falcones & astures non bene vo-
lant, nec etiam aquila de facili congregitur cum ipso.
Vult autem cibari delicatis & recentibus, & adhuc vita-
li calore calentibus & sanis carnibus, delicatis autem
dico sicut his quæ cordi sunt propinqua, quia illæ magis
sunt

sunt digestæ, huiusmodi autem signum est, quod quando syluester prædam accipit, non inuenitur comedere de præda nisi cor, & postea quæ cordi sunt propinqua, versus alam dextram, & rarò versus sinistram. In calidæ complexionis auibus, sicut in columbis & palumbis & huiusmodi auibus recentibus etiam vult vesci, & huius signū est, quia nullum genus falconum, vel asturum, vel nisorum, ad reliquias prædæ suæ reuertitur quando est syluestre, sed quod superest vni cibo dimittit, & cum iterato comedendum est nouam prædam insequitur, & hoc non faciunt aquilarum genera. Falcones autem, cadaueri non insident sicut aquilarum & miluorum genera. Vitali ergo calore calens adhuc caro confert gyrofalconi, & hoc probatur ex hoc, quod prædam syluestris gyrofalco prius comedere incipit, quàm occidat, sana etiam carne delectatur, & ideo non approbo, quod quidam gallinæ viuæ coxam, vel alam extrahunt, & postea secunda die de eadem gallina extrahunt aliam partem falconi ministrandam, quia iam pro certo sanie infectum est gallinæ totum corpus remanens, & infectum calore febrili, qui in omni corpore suscitatur in generatione saniei, & ideo gyrofalconi quæ delicata est auis, huiusmodi non conuenit cibus, studere enim debet sapiens falconarius, vt in arte cibandi sequatur naturam quantum potest, quam naturam perfecte ostendit gyrofalco, quando sibi syluestris dimittitur, & sic diu gyrofalco in suo proficit vigore naturali. Si autem secus fiat, paulatim destituitur & infirmatur & moritur. Hæc igitur duo quæ dicta sunt falconum genera, sunt prima & nobilissima, inter ea quæ ad nos venerunt.

Capitulum 7. De genere falconum quod vocatur montanarium.

Montanarium genus falconum nobilitatis est tertie in natura. Est autem breue & spissum valde in corpore, & præcipuè est breuis caudæ, & valde spissæ,

spissæ, pectoris valde rotundi & magni, & fortium crurium breuium respectu sui corporis, & nodosorum pedum, & fortium unguium, & habet hoc in consuetudine quod frequenter respicit pedes, & est in dorso & exterius in alis coloris cinerei, & ille color secundum quod proficit per mutationes pennarum in annis, efficitur clarior & magis pallescit interposita parua & fusca varietate. Est autem hoc falconum genus ferum & malorum morum, & iracundum inconstantis iræ, & imo raro inuenitur falconarius qui ad plenum sciat mores eius, & ideo præceptum est Ptolomei regis Ægypti, quod raro teneatur in manu nisi in aurora, & tempore aucupationis siue venationis. Alijs autem temporibus teneatur in camera obscurissima, & in illis bis vel ter ignis clarus, non fumosus accendatur, nec teneatur in manu, præter præinducta tempora, nisi cum cibandum est, quia ex hoc mitescit ad manum falconarij sicut ad beneficam, & mansuescit & iram deponit. Quando autem irascitur non est ei multum à falconario resistendum, quia ex hoc magis frangitur ira ipsius. Hoc autem genus falconis bene est in spissitudine accipitris siue asturis, licet sit multo breuius eo, & habet pedes valde pallentes, & crura quasi squamosa squamis sese prementibus, & figura eius quando stat ab humeris, est quasi pyramidalis, si imaginetur pyramis aliquantulum in dorso compressa. Hoc genus falconum est, quod præcipuè indignatur in euasione prædæ. Ita quod aliquando ex ira reuocantem se inuadit, & lacerat falconarium in capite vel facie, & aliquando lacerat faciem equi cui infidet falconarius, & aliquando inuadit canem, & aliquando vnus falconum inuadit alium, & ideo oportet falconariū in tali casu valde esse patientem, & non aduersari, sed patienter dissimulare reuocationem, donec deposita ira mitescat animus falconis, & si etiam reuocatus montanarius, non rediret ad reuocatorium, non oportet multum curare, nisi quod caueat ne ab alio capiatur, quia deposita ira per se ad domicilium falconari

conarij reuertetur, propter autem huiusmodi mores non est abjiciendum hoc genus falconis, quia miræ est audaciz in inuasionem magnarum auium, ita quod aliquando aquilam inuadit & occidit, & à sapiente falconario præcauendum præcipit Ptolomeus, quia si vltra vires ad fortes aues frequenter dimittitur, quando incaluerit ira eius immoderatè, præcipitat se in mortem, & talem casum iam in alpinis quidam de nostris viderunt socijs, Falcone enim montanario de rupe veniente, prædamque sequente auem quæ perdix vocatur, aquila contra quam prædicta perdix volauit prædam præripuit, ad quem montanarius falco impatientia iniuriæ stimulatus à prædicta aquila prædam præreptam nitebatur accipere, sed cum aliquandiu nitens perficere intentionem non posset altissime ascendit, & deorsum torrendo veniens ictum in caput aquilæ dedit, & seipsum peremit & aquilam. Ab huiusmodi ergo furore montanario semper præcauendum est. Iste falco frequentius inuenitur quam præinducta duo falconum genera, & mirabiliter gaudet in feritate sua, & imo frequenter de isto genere inueniuntur falcones, quibus non sufficit vulnerare vnā auem & dejicere, sed gloriantur in hoc quod multas dejiciunt, & adeo in sua feritate aliquando delectantur quod cibi obliuiscantur, & detinentur crudelitate occisionis auium, hæc igitur de montanario dicta sunt.

Capitulum 8. De falconibus qui peregrini dicuntur.

Falconum genus quod vocatur peregrinum, præinducta genera sequitur in nobilitate quarto loco. Vocatur autem peregrinum duabus de causis, quarum vnā est & vera, quia semper de terra in terram peregrinatur, quasi omnes peruolans terras, secunda est, plus secundum opinionem falconariorum, quod videlicet nascitur nidus eius, nec inuenitur à falconarijs, sed in volatu longe à loco suæ capitis generationis, vtriusque horum causarum audiri ab expertissimo falconario, qui in

eremo alpium iuxta iuga altissima montium multis annis habitauerat. Dicebat autem quod hi falcones quos peregrinos vocamus, in altissimis & prae-ruptis parietibus montium nidos construebant, nec aliquando patuisse aditum nidi, nisi desuper à cacumine montium homine per funem submisso, quam submissione dicebat frequenter oportere fieri per chordam centum passuum, & aliquando centum quinquaginta, aliquando verò trecentorum vel ducentorum, & aliquando esse impossibile aut propter distantiam, aut propter asperitatem scopulorum, & propter hanc difficultatem euenisse opinionem quod nesciatur locus generationis horum falconum. Dicebat autem se saepius vidisse quod antiqui prædam pullis duxerunt in antra & rimas talium montium, addidit etiam esse consuetudinis horum falconum, quod parentes post completionem iuuenum expellunt eos de loco suae habitationis, propter paucitatem auium quæ ibi inuenitur, & ideo statim iuvenes egrediuntur ad plana in quibus plures sunt aues, & perueniunt ad terras certam non habentes mansionem vel habitationem. Duobus autem modis hos vidi capi falcones, & eremita prædictus dixit mihi tertium modum. Vno namq; communi modo fere in omnibus terris capiuntur ita, quod rete disponitur parvulum, ita quod faciliter conuertitur cum chorda super id quod intenderit auceps, & ante illud extenditur chorda cui alligatur rubeus lanarius, quem vulgo *svveimer* vocant, & ad chordam dependentem ad eam, extensa chorda alligatur avis, vel laneum aut pilosum aliquod simile aui, ita quod quando chorda extensa trahitur & concutitur ab aucupe, videtur *svveimer*ius avem insequi ad prædandum, & hæc chorda, sæpe sic concutitur, quod videns falco, qui forte perinde peregrinatur, id impetu descendit, intendens prædam lanario præripere, & sic deceptus cadit in rete. Alium vidi modum multo meliorem, fit lignorum duorum ad modum crucis compositio, & super extrema illorum curvantur duo alia semicirculariter itaq;

ter, itaq; extrema circularum infiguntur extremis lignorum, & inter illas quartas arcuum circularum alia curuantur ad locum interfecationis semicircularum, & inferius infiguntur in ligna ab angulis interfecationis crucis venientia, donec non nisi ad tres vel quatuor digitos distet lignum à ligno, & quodlibet istorum lignorum impletur laqueis à summo vsq; deorsum, & hoc vas fiat ad altitudinem septem vel octo pedum, & ad latitudinem quinq; vel sex pedum, & in ipso disponatur aliqua cauea sex pedum altitudinis, ita quod pede vno distent à se inuicem latera vasorū, quando vnum est in alio, & in interiori sint ligna per modum trabium super se ab inferiori vsq; ad summum disposita, & aues sex vel septem ponantur in interiori; Illæ enim continue ascendent & descendent in trabibus, & hoc totum figatur immobiliter super murū castri, vel portam, vel in campo libere, tunc enim falco qui peregrinatur, videns aues, & volens accipere, capitur laqueo, & hoc modo vidi capi falcones optimos. Eremita autem non dixit esse aliud faciendum nisi quod disponatur auis ante rete absq; lanario, quia falco audius auis se ipsum in rete præcipitat, hoc enim modo dicebat se dictos falcones capisse singulis annis. Est autem hic falco qui communiter habetur fere in omnibus terris, quantitatis minoris quā montanarius, & est curtæ caudæ & longarum alarū, & grossi capitis & longæ coxæ & brevis cruris, & si habet crura nodosa melior est, albescentia etiam dicitur habere crura & pedes, & est bonorum morum quando bene nutritur. Anas autem, vt communiter, est præda sua, & si bene efficitur audax, per falconarium sapientē capiet ardeam & aliquando gruem, & hoc est summum audaciæ ipsius, hæc igitur de hoc genere dicta sunt.

Capitulum 9. De gibboso genere falconum.

Est autē quintē nobilitatis in genere falconum falco nobilissimus, quem gibbosum vocauit eremita præ-

A a

indu-

inductus, & tres mihi optimos de hoc genere falcones quos apud se habuit ostendit, & multos alios se vendidisse asseruit, hoc igitur genus falconum est valde paruum corporea quantitate, sed mirabile virtute & audacia & strenuitate volandi cum prædam insequitur, quantitas eius parum vincit quantitatem nisi, quem vulgus speruerium vocat, & habet in facie guttas sicut peregrinus & cætera falconum genera. Gibbosum autem vocatur eo, quod propter breuitatem colli sui caput suum vix apparet ante iuga alarum suarum, quando super latera dorsi componit, & hoc caput respectu quãtitatis sui corporis est magnum, & rostrum valde breue & rotundum, & alas valde longas & valde exortas, caudam breuem, & coxas fortes, & crura aliquantulum respectu commensurationis aliorum membrorũ suorum longa & quasi squamosa, sicut sunt squamæ serpentum & lacertarum, quæ apparent in lateribus ventrium eorum, & pedes habent nodosos matriculis digitorum, & præcipue ad interius plantę pedis & oculos flammeos ardentes, & est in colore aliorum falconũ qui peregrini vocantur, & caput suum in craneo est bene planum superius, & retro in capite non prominens sed quasi collo continuum, & est facile domabile & bonorum morum, & nidum facit in rupibus inaccessis, sicut & peregrinũ genus, & capitur euolans de nido sicut & peregrinum, audacię enim tantæ est & strenuitatis, quod anseres siluestres dejicit & ardeas & grues, & est velocissimum genus istud & altissime ascendit, ita quod effugit visum hominis, nec contentus est iste falco quod vnã auem deiciat, sed multas vulnerat, & in aucupio plures querit habere socios, propter sui paruitatē & auium quas venatur magnitudinem. Narrauit mihi prædictus falconarius satis memorabile de hoc falconum genere, referebat enim quod de præfatis gibbosis tres cuidam nobili vendiderat, quos dum eremitam secum ducens probaret, casu inuenti sunt anseres albi siluestres & dimissis falconibus anseres altissime volauerunt, sed falco-

falcones tres qui dimissi fuerant anseres a scedendo trans-
cenderunt, donec visus omnium qui affuerunt effuge-
runt, & cum post modicum dictus nobilis falcones con-
quereretur amissos, paulatim anseres vulneribus debili-
tati cadere circa eos ceperunt, & inuenerunt amplius quā
viginti anseres decedentes, & tandem etiam falcones re-
clamati venerunt supra reclamatorium. Erant autem
omnes anseres vulnerati letaliter, ac si cum cultello in
diuersis partibus sui corporis fissi essent, & huius causa
est, quia falco iste sicut alia falconum genera, cum de-
scendit non statim percutit, sed potius cum à descensione
reascendere incipit, & tunc posteriori vngula ante pectus
disposita ferit, & imo longum vulnus facit & letale, &
frequenter adeo fortiter ferit, quod vngulam amputat &
seipsum valde ludit in pectore vel occidit. Est etiam ge-
nus falconum quod semper quā ad volandum alas ex-
tendit, & est animositas eius plusquam fortitudo ipsius
& vult cibari valde recentibus & vitali calore adhuc spi-
rantibus, & tunc multum proficit. Si autē alijs aliquan-
do cibatur carnibus, caueat falconarius quod leues sint
sicut carnes asilium, & recentes aut ad minus non pu-
rentes, & in aqua frigida recentes effecte, quia aues rapa-
ces debilem valde & subtilis pellis habent stomachum
& de facili alterabilem à malo cibo, & ideo ex modica
occasione cibum indigestum euomendo rejiciunt, & præ-
cipue quando graui & melancholica carne cibantur, vel
ab ea quæ disposita est ad putrefactionem, hoc genus fal-
conis diu mane & sero vult portari in manu, quoniam
quando consuescit manum hominis, libentissime insidet
manui & libenter redit ad manum, hæc igitur de gibboso
falconum genere dicta sunt à nobis.

Capitulum 10. De falconibus nigris.

Sextum gradum nobilitatis in genere falconum pos-
sidet falco niger, breuior quidem in aliquanto falco-
ne peregrino, sed in figura similis per omnia, licet in co-

lore dissimilis sit, quia in dorso & exteriori alarū & cauda totus fusca habet nigredinem, & in pectore & ventre & laterib9 fusca habet varietatem; in facie autē guttas falconarias habet nigras, valde intensæ nigredinis, quæ circumfunduntur quadā caliginosa & fusca palliditate. Crura autem & ungues & rostrum habet sicut peregrinus. Accedit autem hic falco multum ad formam avis quæ butorius vocatur, de qua in ante habitis fecimus mentionē, hunc falconem Fredericus Imperator sequens dicta Guillelmi regis Rogerij falconarij, dixit alium visum esse in montanis quarti climatis quæ Gelboe vocantur, & deinde iuvenes expulsos à parentib9 venisse in Salaminæ Asiæ montana, & iterum expulsos nepotes priorum deuenisse ad Siciliæ montana, & sic deriuata esse per Italiam. Modo autem in alpihus apparent & in Pyreneis montibus, & deriuata sunt hæc genera in Germaniam, licet adhuc rara sint eo quod pauci inueniantur. Sunt autem falcones nutrituræ & audaciæ falconum peregrinorum. Complexionis autem videntur cholericæ, & quod adustum est de terrestri cholerico cōuertitur in pennas, & ideo nigræ efficiuntur ætate accedente, per multas annos aliquantulum albescunt, & probabile est, quod etiā in climatibus calidis nigriores sint quā hi qui nascuntur apud nos, eo quod in calidis locis semen ouale forti calore decoquitur, & ideo quod ex eo producitur plus denigratur. In frigidis autem regionibus plus habet aliquando humidum ouale, quod propter perspicuitatem causa est albedinis, & respersum in eodem terrestre causa est varietatis. Cum autem duo sint quæ exterius in corporibus consideramus, animæ figura videlicet & color figura magis indicat cōformitatem vel differentiam speciei. Monedulas enim iam vidimus propter frigus habitationis nasci albas & similiter coruos, cum tamen figura ipsarum indicauerit eas verè de specie monedularum & coruorum esse, & hac ratione videtur hoc falconum genus multum simile esse generi peregrinorum, licet in colore

lore differat, & præcipuè quia sicut diximus, parentes in hoc genere filios cogunt peregrinari à loco suæ generationis, hæc igitur dicta sunt de nigro falconum genere.

Capitulum II. De natura falconis albi.

Genus septimum falconum sibi vindicat falco albus, qui venit à Septentrione & mari Oceano, à regionibus Norrvegicæ & Syvecicæ, & Estonicæ, & finitimis sylvis & montibus. Est autem hic falco ita in varietate subalbidus, sicut is de quo ante diximus est niger, & causa albedinis suæ præcipua est frigus & humor habitationis in qua nascitur, & in dorso quidem & alis est subalbus, in alijs autem locis maculas siue guttas habet valde albas, interpositas alijs guttis subpallidis, & in quantitate maior falcone peregrino, multum accedens ad similitudinem lanarij albi, qui volat in campis insidiando muribus, adeo quod aliqui falconarij tradiderunt hunc falconem natum esse primum ex falcone peregrino patre, & lanaria alba matre, licet hoc non sit verum quod ostendit audacia ipsius, audax enim est valde & bonus, nec deficiens à natura falconis in aliquo, nec habet ex moribus lanarij, cum enim in venatione ascenderit, non stat suspensus alis vt lanarius, sed ferit statim vt falco, & figura in pedibus & unguitibus, & rostro & toto corpore, falconis demonstrat naturam, quamvis crura habeat grossiora & nodosiora quam falco niger, quod ei accidit ex complexione magis humida, quæ magis implet & ingrossat crura ipsius quam crura illius qui ex complexione est siccus cholericus, quod autem iste falco minus videtur habere audaciæ quam niger, & minus videtur esse velox, propter frigus & humorem complexionis non est omnino sufficiens signum, quia virtus omnis animati multiplicatur ex quantitate subiecti, quando naturalis quantitas terminos quantitatis naturalis non est excedens, & ideo virtutis maioris est iste falco quam niger, & ex confidentia virtutis innata sumit audaciam,

& si non est adeo velox in volando vt niger, tamen diutius durat insequendo aues quam niger, & hoc summe attenditur in falcone, corpora enim fusca calida porosa sunt & aperta, & de facili euaporant ab eis spiritus, qui sunt vehicula virtutis, & tunc lassantur & debilitantur, quamuis sint agilia per naturam, econtra autem alba frigida confertas habent carnes, & quia sunt multi humidi, multorum sunt spirituum, & propter carnum conserctionem non cito euaporantes, & ideo diu durant in labore, præterea humidum complexionale interius, infundit lacertos & neruos, & calorem qui ex motu fit, non permittit indurari neruos & lacertos, & ideo diu remanent mobiles & habiles ad volatum, & quoad ista falcones albi recuperant id, in quo videntur falconibus nigris postponi. Hæc igitur de his dicta sufficiant, quoniam in nutritura & aucupio nihil vel parum ab alijs distare videntur.

Capitulum 12. De natura falconum rubeorum.

Octauum autem in falconum genere, habet is falco qui rubeus ab antiquis appellatur, non quod in toto rubeus sit, sed quia guttæ quæ in alijs albæ sunt, in hoc genere sunt rubæ, & nigra guttæ sicut in alijs sunt interpositæ, nec in dorso vel exteriori alarum hic falco rubeus apparet nisi quando alas exerit, tunc fusca in eis apparet rubedo, & hoc genus falconis etiam mendose quidam falconum scribentes naturam spurium esse asserunt, ex lanario rubeo & falcone dicentes esse procreatum, quod omnino absurdum est, eo quod nullam penitus cum lanario nisi coloris habet conformitatem, sed potius ruboris causa est debilis calor infusus superfici ei corporis, qui inflammet fumosum humidum, quod expellitur ad generationem pennarum, & hoc facit media inter album & nigrum complexio, sicut enim in alijs, ita nec in hoc genere de extremo in extremum non venit natura quæ causa ordinis est nisi per media, & ideo in ge-

in genere falconum, hoc tangit medium, alij enim colores medij falconum generi non congruunt, eo quod viridis & hyacinthinus & croceus & huiusmodi, ab audaci & rapaci deuiant natura, quia viridis extremę & aqueę frigiditatis est indicium, sicut & in vrinis viriditas signum est caloris mortificantis & consumentis. Hyacinthinus autem aëream & euanidam indicat complexionem. Croceus autem corruptentem choleram, & licet duo istorum in aubus inueniantur, & tertius in pauone, non tamen conueniunt audacię, sicut diximus & agilitati volatus. Est autem hic falco non magnus, paululum minor peregrino, sed vnguibus & pedibus & rostro fortis, & est valde in volatu agilis, sed non satis diu perseuerans, & domesticatur multum, & efficitur melior, per mutas duas vel tres, sed non est adeo longę vitę vt alij, & imo oportet eum nutriri valde recentibus & vitali calore adhuc spirantibus, & non supra modum & multis vicibus in die sed in mane & in sero, & oportet eum multum custodiri, ab alterantibus complexionem eius, quia de facili alteratur nec oportet eum vltra mensuram cogere ad aucupium, complexio enim rubea facile vincitur & læditur labore, quamuis facile faciat impetum à principio, propter quod & ætas accedens & aliquantulum temperans, & inflammatum humidum plurimum, huic complexionem confere auxilium, & precipue per mutationem pennarum, penna est taliter rubea, fragilis & mollis est, & ipse laborem volandi diu non sustinet nisi frangatur, & hæc omnia sapientem oportet aduertere falconarium, hæc igitur de falcone rubeo commonuisse sufficiat.

Capitulum 13. De falcone qui habet pedes azurinos.

NONUM falconum genus iam declinans à qualitate nobilium falconum est id, quod est hyacinthini pedis siue azurini, quod quidem in quantitate & figura simile est siue æquale falconi peregrino, sed dorsum eius & exterius alarum non est adeo nigrum, & etiã

Aa 5

albins

albius est in pectore genus istud quam falco peregrinus; & alæ eius nõ adeo longę sunt sicut illius, sed cauda eius est longior aliquantulu, & vox eius est acutior, eo quod magis est humidæ siue phlegmaticæ complexionis, & audacia eius est multo minor in inuadendis auibus, quia id quod est azurini pedis, raro inuadit aues maiores quàm est pica vel cornicula. Peregrini autem & alij falcones maiores quaslibet aues inuadunt. Ex hoc autem contingit, quod quando istud quod azurini pedis est surgit in altum, vt det impetum, ex timiditate stare incipit, & suspendi alis, & non præcipitanter ruere in auem, & hoc quidem habet ex natura. Ex disciplina autem & adiutorio iuuantis ipsum hominis, frequenter sumit audaciam maiorem, sed non sicut verus falco, in auibus vero rapacibus est sicut in militum fortitudine, in militibus enim non desunt ex natura debiles, & ex complexione minus audaces, qui tamen ex scientia militandi & vsu frequentis victoriæ, & experientia hostes aggrediendi & expectandi, & feriendi, & insidiandi, & declinandi, & ex confidentia sociorum adiuantium, sæpissimè nobiles faciunt triumphos, & similiter est de isto genere, quod licet sit timidum, per naturam tamen audaciam accipit à falconario sapiente, & vsu deijciendi & tenendi aues, & ex confidentia iuxta se positi falconarij melius & audacius ferit quàm ex natura, sicut etiam & speruerius siue nifus, huiusmodi audacia etiam fortiores se multo inuadit, sicut est auis minor, & aliquando maior, nec mirum, cum etiam lanariorum genera hoc modo inuadentia & capientia efficiantur, quorum naturalis timiditas & tarditas tanta est, quod non nisi mures inuadunt, vel forte pullos auium non adhuc volantes, sed currentes in terra, vel nidò iacentes. Qualiter autem auis timida per disciplinam, audax efficiatur, posterius erit manifestum.

Capitulum

Capitulum 14. De falcone paruo, qui mirle vocatur.

DEcimum & vltimum falconum genus est id, quod quantitate minimū est, quod & mirle vocatur, & vulgariter smirlin vocatur. Hoc autem genus licet à præinductis quantitate deficiat, tamen à nullo eorum deficit in audacia viribus suis proportionata, & præcipuè quando animositas sibi est ex peritiâ & vsu, & spe auxiliij ex ppinquo sibi perito falconario, ita quod Vvilhelmus falconarius dicat, cū talibus se aliquando gruem capisse, aues enim suis viribus proportionatæ sunt alaudæ, & plus perdix & columba, nisi vt diximus vires ex arte iuuentur. Est autem hoc falconum genus guttatum in vultu, sicut alia omnia, & longissimarum alarū respectu sui corporis & caudæ mensuratæ, & crurium & pedum planorum citrinorum, & est minus quam nifus, habens quasi quantitatē nisi quem muschet vocant, & quando est syluestre, capit carduellos, eo quod celerrimum est & insidiosum, & in capiēdo ascendit & descendit feriendo sicut & alia falconum genera, quod quia fere omnibus notum est, hæc ad cognitionem eius dicta sufficiant.

Capitulum 15. De genere falconum qui lanarij vocantur.

Falconum autem ignobilium genera sunt tria, quæ antiqui aucupes, vt Ptolomæo tradunt, Aquila Symachus & Theodotion, lanarij potius quàm falcones vocantur, & hoc vocabulum quidam germanicorum imitantes, eo suo idiomate lanete vocant. Quidam autem suuēmere vocare consueuerunt, & sunt butherij quidem mures in campis insequentes, per colores differentes, quia sunt albus & niger, in quantitate falconum, & rubeus, qui minor est qui mirle imitatur. Isti autem, in primis cum iuuenes sunt, propter humorem, & hebes calidum, nullius quasi sunt audaciæ, sicut & pueri omnes sunt timidi. Cum autem mutauerint se bis vel ter, & pusillanimitas naturalis per artem medicamen acceperit, efficiuntur

efficiuntur columbas & anates accipientes. Est autem pars ista præcipuè tenenda, quod primo anno quando domesticantur, non cibentur nisi auibz viuiss, & quando parum deplumauerint, dimittantur aues de pedibus eorum euadere, non ad volatum primo, sed ad cursum, & cum sæpius has insequi didicerint, dimittantur euadere ad motum mixtum ex volatu & cursu: & cum iterum hoc frequenti iteratione didicerint, dimittatur auis euadere ad volatum tardum, qui est auis cuius curtatæ sunt pennæ alarum, & tandem dimittatur euadere ad volatum perfectum, & in omnibus his fortissimè alta voce puocetur & incitetur, & ad tenendam auem adiuuetur à falconario, qui ex his sumet audaciam, & tunc secundo anno paræ aues in magis grandiusculas commutentur, & tertio iterum in maiores, quia omnis auis ex huiusmodi, simul & peritiam & audaciam accipit aues quas falconarius voluerit capiendi, licet enim primæ nobilitatis falcones hoc non indigeant, quæ sunt octo primorum generum, tamen pro certo multum confert ad audaciam & peritiam omnium augendam, hæc igitur dicta sunt de disciplina falconum.

Capitulum 16. De generibus permixtorum falconum, & de modo ipsius commixtionis falconum.

CUm autè quodlibet horum generum, cuilibet permisceatur, multa sunt falconum genera. Sed quæ ad nos deuenerunt, sunt quatuor: Falco enim peregrinus frequenter permisceatur ei qui est pedum hyacinthinorum, & quando hæc permixtio fuerit ex peregrino patre & matre pedis hyacinthini, valde parum declinat à nobilitate, quia sperma masculi operans est & faciens, & formans per spiritum qui est vector paternæ virtutis in subiectam fæminæ guttam, & efficitur partus patrem imitans, licet parum coloris azurini respergatur in pedibus, quando autem econuerso fuerit ignobilis pater & mater nobilis, partus efficitur multum declinans ad ignobi-

ignobilem patrem, & parum habens nobilitatis maternæ, & sicut diximus, quod horum duorum falconum sit permixtio, ita peregrinorum, qui ad omnia loca frequenter solitarij volant, sit aliquando commixtio cum lanarijs nigris, & aliquando cum albis, & aliquando cum rubeis, & propter spermatum vicinam & consimilem complexionem, & impregnationis ouorum & fotionis, idem temporis spacium semina permixta se inuicem mouent & conuertunt, & complent, & permanet partus procreatus, & generat ex sibi simili, sicut fit in multis auibus & alijs animalibus, vt patet per ea quæ in antehabitis huius scientiæ libris conscripta sunt. Hæc autem permixtio fit quando diuersarum specierum sibi in complexione vicinarum falcones tempore luxuriæ conueniunt, non inuenientes suæ speciei sexum, cui permisceantur, & licet diximus quatuor genera taliter permixtorum falconum ad nos deuenisse, ratio tamen exigit multa esse, & plura quotidie posse fieri talia falconum genera, & hanc putamus esse causam quod tam diuersa genera falconum, in diuersis regionibus inueniuntur. Quamuis enim climata mores & colores diuersificent, tamen specierum tam similium diuersitatem, causat præcipue permixtio quam diximus, sicut in generibus anserum, & generibus canum & equorum fieri vidimus temporibus nostris. Et non hoc solum fieri probabile est ex falconum generibus permixtis, sed etiam ex falconum cum asturibus & nisis, & aquilarum generibus, multas probabile est fieri diuersas compositiones ad diuersarum compositarum animi rapacium generationem, sed in dictis quatuor generibus præcipue diximus fieri falconis peregrini commixtionem, eo quod peregrini mox compelluntur à patria à parentibus, & frequenter separantur, propter prædam & iram, & cum suæ speciei adiutorium non, inueniunt ad similia quod inuenire possunt alterius speciei se tempore luxuriæ conuertunt, & cum conuertuntur ad id quod est pedis azurini, fere simile

mile peregrino est id quod procreatum fuerit, dū autē conuertitur ad lanarium nigrum, efficitur ignobilis falco niger vel nigro similis, & dum conuertitur ad lanarium album, efficitur id quod generatum fuerit simile falconi albo, & dū permiscetur lanario rubeo, fit falconi rubeo in colore & figura similis, & hi quidem mixti falcones facilius iuuantur arte quam hi qui omnino sunt ignobiles, & pręcipue si pater sit nobilis, eo quod multū habent ex altero parente nobilitatis, sicut etiam in pręhabitis istius scientiæ libris diximus. Si tamen econtra aliquando mater sit nobilis & pater ignobilis, erit quidem quod partum fuerit minus nobile, sed tamen per bonam disciplinam accipiet meliorationē, & pręcipue post vnum annū vel duos, & modo prouocationis quem paulo ante diximus, hæc igitur de falconum generibus & naturis dicta sunt, per hæc enim & alia poterunt cognosci.

*Capit. 17. De regimine domesticationis, & regimine audacie,
& regimine sanitatis falconu.*

HIs ita discursis, de regimine & medicamentis falconum differamus; regimen autem falconum in tria diuiditur regimina, regimen videl. domesticationis, & regimen sanitatis, & regimen infirmitatis. Domesticationis autem regimen duos habet fines quorū vnus est, vt assuescat manum hominis; Alter autem est vt audax & pręceps in captura auium efficiatur. Primum autem regimen perficitur, si nunquam nisi super manum cibetur, quia ex hoc manum consuescet & diliget, ex beneficio inclinante animum ipsius, sicut dicit Symachus. Primo autem quando domesticandus est, ab ante lucem pileo induatur & teneatur in manu vsque ad tertiam, & tunc detur ei coxa gallinæ, & cum comederit pone eum supra gramen, & pone ante eum aquam, vt balneetur si velit, & post mitte eum stare ad solem, donec se bene purgauerit, & postea mittatur in locum obscurum vsque ad vesperum, & demum resumatur ad manum, & teneatur in

tur in manu vsque ad primum sonum, & reponatur in loco obscuro, & accende ignem clarum vel lucernam ante eum, per totam noctem vsque ad matutinum, & postea pilea eum, & sta cum eo aliquamdiu ad ignem, & scias quod hi qui in nidis completi sunt, meliores sunt, & fortiores habent pennas, si tamen aliquando de nidis accipiuntur ante complementum, ponatur in nido sibi facto, prout melius poterit ad similitudinem nidi de quo sumptus est, & detur ei frequenter caro pullina, quia est temperata, & aliquando detur ei caro recens vrsina, quia illa est faciens, & firmans pennas, & nisi hoc modo teneatur debilitatur alis & coxis, ita forte quod frangitur ala vel coxa, confert etiam multū quod manu ante completionem non tangatur, postea autem cum completus fuerit ad manum & ad capellum, caueatur primo ne vnquam aliquid duritiæ experiatur in manu, sed semper beneficam & blandientem inueniat eam. Ad audaciam autem videl. quod sæpius aues viuas accipiat & comprimat & occidat, cum clamore quo incitari solet à falconario, & sicut superius diximus, sæpe euadentibus de sub vnguibus eius, per solertiam falconarij iterum capiat, & dimitatur per se vincere aues, & caueatur ne aues possint eum ledere vnguibus vel rostro, quia si iuuenis falco sentit nocumentum ab auibz pusillanimus efficietur. Si autē crebro sine nocumento vicerit & occiderit, audaciam accipiet & crudelitatem in aues, semper etiam ista fiant cum magna incitatione falconarij, & in præsentia canum & mutantur aues continue, & per successionem temporis fortiores exhibeantur, & cum perfectus est ad aucupium primo in aurora orto jam sole digestus falco ad aues dimittatur, & siquidem est audax & bonę voluntatis ad capiendum inuenitur, custodiatur & teneatur in ea in qua tunc cum custodia & dispositione cibetur, de auibz quas tunc cepit donec per se facietur, & hoc fiat tribus vel quatuor diebus in quolibet aucupio. Si autem in primo aucupio, forte piger & non voluntarius inuenitur resume eum

eum ad manum, & intermitte aucupium, & illo die non ciba eum, nisi de dimidia coxa gallinæ, & repone eum in obscurum, & sequenti die dimidiam coxam gallinæ in aquam frigidam pone, & in illa coxam illam tene vsq; ad tertiam, & tria purgatoria, quæ vulgariter germani Guel vocant, & sunt aliquando de pennis, sed melius sunt de bombace, & in tertia da falconi dimidiam illam coxam, cū tribus purgatorijs dictis, & cum comederit pone eum in obscuro vsque ad vesperum, & in vespera iterum ciba eum cum purgatorijs, vt dictum est, & tunc in mane vade ad aucupium, & si audacter & auide cæperit, tene eum in tali in quali tunc est maceratione. Si autem nec tunc quidem voluntarius ad capiendū extirerit, resume eum ab aucupio, & non des ei illo die, nisi tria de quibus diximus purgatoria ex aqua frigida & nihil amplius, & si in crastino mane adhuc inuoluntarius sit ad capiendum, ciba eum de coxa parui pulli imposita in forti aceto, cum tribus purgatorijs de bombace factis, hoc modo pone in obscuro vsque ad vesperum, & postea tene eum in manu vsq; ad primum somnum, & calefac aquam & balnea eum in aqua calida, & postea pone eum sub diuo ad serenum, si non est tempus pluuias vsque ad mane, & tunc calefac eum ad ignem super manum tuam, & tunc egredere ad aucupium, quia si tunc non precipitanter capiet, pro certo infirmus est & languidus. Iste autem quem nunc docuimus modus maceratio vocatur falconum. Et attende quod quidam aliter quam nunc diximus conficiunt falconum purgatoria. Sumunt enim carnem, & repositam in aceto forti comprimunt in puluerem factum de pipere trito & mastice & aloe, & dant falconi, sed talia purgatoria nulli aui rapaci danda sunt, nisi quando viscera eius repleta sunt humore viscoso phlegmatico. Sanitatis autem regimen est, quod maxime sapiens falconarius, falconem cibet cibo & horis & quantitate qua siluestris cibus consuevit, & præcipue carne leui auium & adhuc calore vitæ spirante, & teneat eum inter maciem & pinguedinem

guedinem, quia macies nimia diminutis viribus auferat audaciam & inducit pusillanimitatem, & facit clamosum falconem, & quando dimittitur à manu, residet in terram iuxta falconarium & clamat. Pinguedo autem nimia pigritiam & fastidium aucupij inducit, teneatur ergo medium, ita quod gloria virium non desit falconi, & indigentia inanitionis stimulet ad prædam, non ex defectu, sed ex desiderio famis naturalis, & hoc optime fit quando non cibatur secunda cibatione, nisi prius digesta & egesta sit præcedens. In his tamen considerationem adhibeat homo peritus, quia quidam falcones melius capiunt, si medium transcant ad pinguedinem declinando, quam quando sunt infra mediocritatem in macie, & quidam econuerso melius capiunt macilenti. Sed nullus capit ex macie defectus, nullus etiam bene capit nimia pinguedine repletus. Amplius diuersarum complexionum sunt falcones diuersarum maxime specierum, & illi quidem qui nigri sunt melancholiz signum habent, & illis oportet dare magis cibum sanguineum, qui est calidus & humidus, sicut carnes pullorum, & columbarum, & hædorum & huiusmodi, & si medicatur, calidis medicinis vtendū est, sicut pipere aloes paulino & huiusmodi, albi autem sunt phlegmatici frigidi & humidi, & mali chymi quibus oportet dare calida & sicca, tam in cibis, quam in medicinis, sicut sunt carnes hircorum canicularum & mulorum picarum & passerum, & huiusmodi, & piper, & cinamomum, & galanga, & huiusmodi. Qui autem habent pennas rubeas, abundant inflammato sanguine, & his danda sunt frigida & humida, eo quod frigida sicca mortificantia sunt, sicut carnes pullinæ & aues aquaticæ, & aliquando gambari, & cassia fistula, & thamandi medulla, & hæc omnia dentur in aceto. Sunt etiam quidam falconum nobiles in eadem falconum specie, quibus secundum hoc regimen suæ vitæ adhiberi oportet. Falco enim nobilis in qualibet specie falconum est, qui habet caput moderate grossum & superius planum, & alibi rotundum

tundum rostrum curuum, & bene grossum, & moderate longum, spatulas amplas, pennas alarum & coxas longas, pedes latos sparsos & macros, & qui frequenter pedes suos respicere consuevit. Ignobilis autem in eodem genere est, qui deficit ab aliquo vel pluribus istorum, & ignobilis aliquando tantum vel plus valet ad aucupium quam nobilis, & secundum hoc oportet considerare falconarium, ad ungues autē & pedes custodiendos, caueat ne vnquam permittat falconem stare, nisi supra lapidem viuum vel super murum, & caueat ne calce stet vel cemento calcinato, vnde non approbo, quidam in perticis, quidam in cratibus tenent falcones, ars enim naturam imitari debet, & siluestres semper inueniuntur sedere in petris vel in terra. Caueat etiam a fractura pennarum sæpe rigando eas aqua calida, de tertio in tertium diem ne nimis exsiccantur, & eisdem diebus detur ei aliquantulum de aloë, quia stomachum & intestina confortat, & purgat, & fortificat pennas, & si nimius humor in causa sit quod debitam fortitudinem non habent, caro qua cibandi sunt, primo ponatur per duas horas in succo facto ne contusis rasano & lumbricis terræ, hæc enim ambo exsiccant & indurant pennas, sed præcipuè caueatur ne violenta læsione pennæ lædantur alarum vel caudæ, hæc igitur & huiusmodi consideranda sunt in regimine falconum & aliarum etiam auium rapacium.

Capitulum 18. De curis infirmitatum falconum diuersis secundum Guillelmum falconarium.

Nunc de medicinis morborū auium rapacium disseramus. Ut autem ordinatius hoc faciamus, ponamus primo de medicinis falconum, deinde de medicinis aliarum & nīlorum, tertio quædam medicinalia tractemus, quæ vtriusque in communi conueniunt. Prima autem falconum infirmitas est dolor capitis, qui in hominibus sōda vocatur, huius signum est, quod falco claudit oculos, & mouet caput in partes diuersas, tunc igitur collatur

tollatur lardus & misceatur cum pipere trito, & detur ei manducare; & alternis diebus detur ei aloë aliquantulum cum carne pullina, quia iste dolor capitis est ex vapore stomachi & ideo per talem cibum curatur purgato stomacho. Quando autem aperit rostrum quasi extensiones habeat, & alices, & percutit cum rostro pedem vel econuerso, signum est quod habeat malum humorem in capite, & imo tunc torquendus est cum stilo argenteo vel aureo ad nares, vt humor exeat, & postquam exierit vngatur coctura oleo oliuæ vel butiro, si oleum non habetur. Quando autem sternutat & proiecit aquam de naribus, signum est humefactionis cerebri immoderate. Cura autem huius est quod tria grana saxifragiæ cum totidem granis piperis in mortario lapideo, vel eupreo optime conterantur, & puluis idem confectus eum aceto forti distemperetur, & cum bombace in nares falconis, & in palatum ipsius eijciatur, & postea cibetur carne pullina. Quando autem collum falconis inflatur, signum est guttæ membra colli infundentis calidæ, & ideo tunc deplumandum est collum, & minuendus de vena auriculari, vt gutta ad generationem regenerandarum pennarum extahatur, & detur falconi rana ad comedendum, quam si digesserit, pro certo sanus erit. Quando autem guttur siue arteriam quæ canna vocatur, inflatam habet & sufflat ac si suffocari debeat, pro certo reumatismum patitur, & sic curatur, sumiatur de sanguine pauonis & muscaris, & mirabolanis chebolis, & de garlofilis, & de cinamomo & zinzibere æqualiter de qualibet vna vncia, & fiant inde nouem pillulæ, & cotidie detur sibi vna ad tertiam, & postea ad nonam cibetur carne muris. Signum autem mali in renibus est & guttæ, quæ infundit renes quando non potest saltare, & alis extensis se à manu longe eijcere & redire, sicut aues facere consueuerunt, & hæc gutta à quibuscumque mortalis vocatur, tollantur enim grana quæ crescunt in spina alba, quæ germanice *Hagedorn* vocatur, quæ sunt grana rubra, & contunde ea, & com-

misce tum pilis leporis, & hoc totum misce cum carne
 cocta, & ciba eum tali cibo vsque ad nouem dies. Si enim
 talem cibum retinuerit sanus erit. Est autem quædam a-
 lia gutta quæ filera aut nullis vocatur, quæ quando de-
 currere incipit per corpus falconis, quasi veneni naturam
 habet, & tunc acumen rostri & acuminâ vngularum fal-
 conis dealbari incipiunt, & hæc curatur ita quod accipia-
 tur serpens niger, qui tyrus vocatur, & abscindatur à ca-
 pite eius palmus, & tantundem à cauda & hæc reijcian-
 tur, & quod remanet frigatur in olla noua, & pinguedi-
 nem quæ inde eliquatur collige, & detur falconi calida
 cum carne pauonis successiue per octo dies, & postea ac-
 cipe porcellum cum aqua calida depilatum, & sanatur
 tenerû pectoris cum mure paruo, & detur ei comedere,
 quem cibum si bene digesserit absque dubio sanus erit.
 Quando autem falco leuato pede sæpe percutit cum ro-
 stro crus suum, scias quod habet guttam salsam, & tunc
 minue sanguinem de vena, quæ est inter crus & coxam
 & sanabitur. Quando autem falco pediculis grauatur
 accipiat argentum viuum, & commisceatur cum sputo
 hominis, & commoue donec moriatur argentum viuum,
 & postea huiusmodi iunge anxugiam veterem & misce
 omnia, & inde vnge caput falconis, & intinge fila & cir-
 cumliga collo eius, & morientur pediculi, vel aliter ac-
 cipe piper & grana sylami & tere simul, & coque in olla
 noua, & immitte aquam, & inde laua eum & sanabitur,
 vel aliter, coque saxifragiam in aqua, & permitte eum
 balneari, & postea substerne ei linteamen album, & pone
 super gramen vel lapidem, quia super linteamen omnes
 pediculos exentiet, & similiter facit omnis avis rapax.
 Signum autem quod falco habeat febrem, est si pedes eius
 ultra modum calent, & tunc accipiat aloe & auxugia
 gallinæ, & mittatur in forti aceto, & detur ei interpolate
 ad manducandum, & alia vice detur ei testudo, quam
 limacem vocant, & si tenuerit hunc pastum sanabitur.
 Quando autem falco carnem quidem rostro laceratam
 accipit

accipit, sed statim vel post modicū non per digestionem, alteratam reprojcit, tunc procerto viscositatem duram habet in struma & stomacho & in intestinis, quæ à quibusdam petra vocatur, tunc igitur fiat pulvis de gariofilis & spargatur supra carnem passeris, & detur sibi alternis diebus, & alternis detur sibi pipio siue purgatorium, & si tenuerit hanc dietam sanus erit. Quando vero longe non egerit, istius eiusdem infirmitatis est signum, tunc detur ei cor porcinum cū seta porcina minutatim incisa, vsque in diem tertium & liberabitur. Si vero falco lumbricis affligitur in ventre, & in egestionibus eius aliquid apparuerit de talibus, limatura ferri & maxime chalibis depurati supra carnem porcina spargatur, & falconi detur vsque in diem tertium & sanabitur. Si vero pennas eius tinea consumit, accipiatur cera rubea muscata, mirabolani, salgemme, gummi arabici, grana tritici, & pone in forti aceto omnia hæc & dimitte in eo per nouem dies in aliquo bacili siue pelui, & postea repone in ampullam & laua quotidie de ipso falconem, siue aliam auem rapacem, donec bonam & emundatam senseris peruenire, & postea cum aqua rosacea laua auem & sanabitur, dum soli post loturam exponetur, de prædictorum autem quolibet pone in aceto æqualiter, sed de cera quæ omnia continet, pone longe plus quam de alijs, aliter etiam dicunt quidam, quod si tinea cum acu de corio extrahatur, & deinde cum aloe lauetur, & postea hæc lotura cum emundata fuerit, cum aqua rosacea deponatur, valet plurimū, sed caueatur ne rostro se tangat, quam diu aloe est super eum, quia nocet plurimum. Aliquando enim infusionem patitur sicut equus, & huius signum est, quod pastum non accipit & habet oculos grossos, quasi ex ventositate eleuatos, & tunc fiat lixiuium de sarmentis vitis & coletur ter, & impleatur inde guttur falconis, & sic dimittatur donec egerendo se, cibum quem sumpserat digesse demonstraret, & postea detur ei lacerta ad manducandum, Vel aliter accipiatur vinum calidum cum pipere trito, &

infundatur in gulam falconis, & teneat donec digestum teneat cibum, quo infusum fuerat & liberabitur.

Pedes falconis inflati non per violentiam, podagram significant, & contra hoc accipiatur butirum & oleum oliuę æqualiter, vtriusque vna vncia & aloę vncia vna, & ex his insimul commixtis vngantur pedes ipsius vsque ad diem tertium & ponatur ad solem, & da ei comedere carnem catti & sanabitur, vel aliter incende linum factum de carne bombacina, & cum illo coque plantam pedis falconis, & tunc supra petram viuam pone, quę petra vncta sit cum auxungia veteri, & liberabitur, & interim da ei comedere mures. Si falco se pedibus pectit & scalpit, & pennas de cauda trahit & eijcit, patitur pruritus, & contra hoc accipiatur sterco anseris, & ouis, & aloę de quolibet æqualiter, & in forti aceto posita mittantur in vase creto sub solem calidum & serenum per tres dies, vel ad ignem lentum, si calor solis non habeatur, & ex illo totus falco balneetur, & detur caro columbina cum melle & pipere, & reponatur in obscuro, & sic fiat per nouem dies, & quando apparuerit penna bona de cauda veniens lauetur cum aqua rosacea & sanabitur. Si autem fluit in eo gutta aëris & acuta, accipiatur sterco anseris vel columbę, cum cortice radicis vlmi & buliatur radicis cortex in aqua, donec ipsa aqua rubea fiat, & tunc distemperetur sterco in aqua, & inde lauetur falco per tres dies & liberabitur.

Si autem falco vulneratus fuerit, accipiatur albumen oui & oleum de oliua, & hæc simul mixta ponantur supra vulnus, & caueatur ne locus læsus ab aqua tangatur, & cum hoc superpositum mutare forte volueris, laua locum cum vino calido, & sic facias donec locus læsus acquirat crustam siue corticem qui vulnus claudat. Si autem vulnus ipse falco tetigerit, pone ibi aliquantulum de aloę, & si forsitan vulneratus fuerit sub ala, vel in pectore, vel in costis, vel in coxa, imittatur stuppa grassa bene trita cum cultello, donec mala caro corrodat, & postea

postea accipiatur thus, & cera æqualiter, & sepum, & resina, & distemperentur ad ignem omnia hæc in olla, & reseruetur, & quando necesse sit, vngatur, & de illo liquefacto ad ignem inunctio fiat cum penna, donec veru-ruca claudatur vulnus, & si apparuerit ibi mala carnositas, imitatur vitica græca vel viride eins, donec corrodat-ur, postea vnge locum de vnguento albo, & sanabitur.

Si autem coquenda est avis rapax, antiquorum græcorum est sapientia, quod prima coctura fiat sub lachry-mali oculi, hoc enim prodest visui. Secunda autem fit in summitate oculi, & prodest capiti. Tertia fit supra no-dum alæ, & valet contra guttam. Quarta fit in planta pedis, similiter contra guttam crurium. Vtiliores autem sunt omnes cocturæ, si in mense Martio fiant. Si quandoq; sanies de falconis naribus fluit, & comedere non poterit, & ipsa fames foetorem prænderit, fistula est in loco, & sic medicanda, accipiatur posterior pilus capitis, & au-xugia, vel butirum, si auxugia non habetur, & vena quæ de naribus ad oculos vadit, incidatur, & cum acu ferrea calefacta comburatur vena incisa ex alia parte quàm à parte fistulæ, & locus quotidie cum butiro perungatur, & falco in loco calido reponatur per nouem dies, & sa-nabitur. Si autem falco vngulam à radicibus perdidit, non recrefcit, sed digitus pedis in calido mure aperto est colligandus, & cum medulla pedis & digiti porcini pos-tea inungendus donec sanetur, similiter, quando falco balneatus fuerit, caueatur, ne supra lignum putridum re-ponatur, ne inuenenetur. Si autem inuenenatus fuerit falco, accipiatur theriaca, & tria grana piperis, & dentur falconi contrita cum petra, & custodiatur falco per no-uem dies, & tunc iterum theriacam & piperis grana com-bure in testa, & puluerem sparge super carnem, & sic ci-betur falco. Si autem aliqua bestia falconem momorde-rit, oportet quod deplumetur locus vbi est morsus, & si est parua, amplificetur cum rasorio, & tunc vngatur cum butiro calido, & demum fiat commixtio de olibano resi-

na, cera & sepo, & vngatur cum illo donec sanetur. In hac autem cura quam posuimus, præcipue experta Guillelmi Regis Rogerij Falconarij secuti sumus, pauca de nostris adjicientes.

Capitulum 19. De curis infirmitatum falconum, secundum falconarium Frederici Imperatoris.

DE curis autem falconum aliter quidam, dicta falconariorum Frederici Imperatoris sequentes, determinauerunt sic: si caput falconis purgandum est, tolle picem mundissimam ad fabæ quantitatem, & digitis calefac eam ad ignem, & postea tam diu cum ea palatum falconis frica donec ibi adhæreat, deinde accipe quatuor staphisagriæ grana & totidem albi piperis, & fac subtilissimum puluerem, & impone eum super picem palato falconis adherentem, & de eo quod de puluere remanet, immitte in nares falconis, & cum sol bene incaluerit ipsum, in sole tam diu dimittas, quousq; omnem sui capitis malitiam & phlegma de capite defluens expurget per spumam, sicq; per duas dies pascere eum suauis & dulci carne.

Ad palatum autem restringendum, si forte capitis humor in ipsum fluit, sume vetus butyrû & chelidoniam æqualiter, & exinde factum puluerem in calida carne da falconi. Contra maculam verò oculorum falconis, sume piper & aloe æqualiter trita, & super maculam pone, & si tempus fuerit vt acacia, quæ sunt pruna spinarum syluestrium, habere possis, tres guttas acaciarum super macula instilla, quia valebit multum.

Siautem pulmo vel canna pulmonis falconis læsa sit, sume stercoreis passeris & muris æqualiter vnciam vnam, & piperis albi grana quinq; , salgémæ vncias duas, lanæ succidæ vnciam vnam, & hæc tere omnia, & misce cum eis mellis & olei puri, vtriusq; equaliter sex guttas, & lactis fæminæ masculum lactantis, & quæ eundem peperit guttas nouē, & de butiro quantum sufficit, & misce hæc

hæc omnia, & forma ex eis cum lacte tres pillulas ad quantitatem auellanz, & mitte in gulam falconis, & tene eum per duas horas in manu, vt totam euomat potionem, & cum totam vomuerit, post modicum pone eum iuxta aquas, & siquidem ex eis biberit post modicum pasce eum pulmone, & corde lactantis agni, & nondum herbam pascentis, & sit caro calidior quàm esse poterit, postea alia carne suauis pasce eum assidue, in sero autem da ei sufficienter de passere & pullo, & sanabitur. Si autem ostenderit se bullum siue infirmatum in pulmone, fume auri pigmenti triti vnciam vnā, piperis granuolam, & hæc tunc insimul cum carne calida, falconi tribue. Iterum autem tolle tria lardi frusta, qualia falco deglutire possit, & melle ea intinge, & eis limaturam ferri super asperge, & in gulam falconi immitte, & hoc fac per triduum, & nihil aliud omnino tribuas ei, quarto vero die tolle porcellum tenerum, & eundem vino forti & claro inebria, & calefac pectus inebriati ad ignem, & cum bene calefactus fuerit, tunde pectus eius, vt sanguis vino infusus in pectus ascendat, & occide porcellum, & statim ipsum pectus sic calidum in calido capræ lacte intinge, & falconem per aliud triduum tali cibo pasce, & sanabitur. Si autem anguillæ, hoc est, lumbrici longi, comedunt falconem, tolle tenerum pullum pudillum siue intestinum aqua bene lotum, & fac inde tres nodos ad mensuram medietatis pollicis, & ex vtraque parte firmetur liga tenui filo, & imple oleo lucidissimo, & ponatur in gulam falconis, sicut & alia potio poni consuevit. Si autem in crastinum adhuc læditur lumbricis, sumatur rasura eboris & stercoris, & passeris indici siue solitarij, & si non habetur, sumatur stercus alterius passeris communis, vtriusque æqualiter vncia vna, & hæc puluerizentur & cum carne calida falconi tribuantur. In tertio autem die si adhuc perseverant, abstrahatur cruda pellis piscis quæ tinca vocatur, quem germani Sligen vocant, & in calida testa sine fumo & flamma super carbones comburatur

buratur, & sumatur cum hoc rasura eboris, passerumque stercoreis æqualiter de omnibus, & terantur omnia hæc, & simul mixta cum calida carne ministrentur, & si necesse sit, quarto die limatura ferri, & git contrita his addantur, & puluerizata cum carne calida ministrentur.

Contra omnia vitia renum, puluerem candriæ, & si non habetur, nasturtij aquatici in corde pulli tribue & confert. Iterum sumatur arboris quæ quercus dicitur, & boli æqualiter, & hæc trita cum carne pulli calida, qui ex vino inebriatus sit, falconi ministrentur, & sanabitur de omni vitio epatis. Contra fastidium autem & siccitatem, ouum cum lacte caprino fac bullire vsq; ad duritiem sine fumo in sartagine mundissima, & ad edendum sibi tribue, & si digesserit liberabitur, proficit enim contra omnem infirmitatem.

Contra tineas autem si pennas falconum deuorant balsamum purum in foramine de quo penna excidit imitte, & scias quod tinea remouebitur & penna noua suborietur. Adhuc autem croci orientalis puluerizati vnciam vnā, luti stercoreis anserini recentis per pannum colati coclearia tria, & totidem aceti fortissimi sumantur, & in vase æreo tamdiu dimittantur quousque cum flore ipsius ad spissitudinem deueniant, deinde per tres vices loca ex quibus pennæ ceciderunt aceto puro lauentur optime, & cum illis loca perungantur. Aliter autem sanguisugæ supra regulas incendantur, & fac puluerem, & pauonum pennas super fumum ignis pone, & de fuligine illis adhærente fiat puluis simili pondere cum priori, & cum forti aceto, sed non multum liquidū confice, & deinde laua forti aceto loca vnde pennæ ceciderint, & deinde lardi particulas intinge, in hoc quoque conficisti de pulueribus quousque adhæreant, & perunge loca vnde ceciderint pennæ bis in hebdomada quousque pennæ reueniant. Item equi pilos longos contritos tenuissime supra carnem falconi in cibum tribue. Item piretri puluerem cum rasani succo & forti aceto distempera, & tineas inde punge & sanabitur.

Ad-

Adhuc aliter vrebufonem, & fac puluerem, & in pastum falconi tribue, ad idem valet si ferri limatura falconi in pastum cum carne tribuatur. Si autem falco nascétias in pede habuerit, mediam iuniperi corticem sicca & puluerem fac subtilissimum, & tribue sibi per nouem dies alterais diebus cum carne, & curabitur. Si autem pedum patiatur inflationem, aloë & albumen oui simul tere, deinde quære cotem in qua sæpe acutum est ferrum, & in qua ferri aliquid inhæret, & super illam ita diu puluerem frica, quod omnis acutio quæ in cote est, in puluerem transeat, & tunc pedibus inflatis suppone, ita diu donec crustam faciat, & pedi hæreat, & sequenti die optime sapone perunge, & tertia die age vt videris expedire.

Si autem mala caro alicubi in falconis corpore creuerit, accipe calchiam, & aloë equaliter, & fac puluerem & superpone, & sanabitur, ad pedes etiam falconis sanandos mille solij saxifragæ verbenæ, & plantaginis æqualiter accipe, & puluerem tritum, cum calida sibi da carne, & pro certo sanabitur. Si autem famem inordinatam falco habuerit, muris sanguinem melapij semen æqualiter sume, & commixta da falconi, & sanabitur. Itē scito, quod quando falconem accipis, & vis ire ad auxilium, debes dicere: In nomine domini volatilia sint sub pedibus tuis. Quando verò mane accipis falconem, dic: quem iniquus homo ligauit, dominus per aduentū suum absoluit. Quando autem fasciatus fuerit, ranunculum in puluerem redige, & da ei in carne calida. Vt autem hominem non deferat. Sume apium mentam nigram, & petroselinum, & simul tere, & cum calida carne sibi tribue. Ne autem lædatur ab aquila, dic: vicit leo de tribu Iuda, radix David alleluia, hæc tamen vltima non ita rationabilia sunt sicut prima, hæc igitur sunt quæ de medicinis falconum dicta cum experimento prudentium inveniuntur, sapiens tamen falconarius per experimentū pro tempore his addat vel minuat prout autum complexio-

ni vi-

ni viderit expedire, experientia enim optima est in omnibus talibus magistra.

Capitulum 20. De regimine accipitrum, & infirmitatibus secundum experta Frederici Imperatoris.

IN hoc capitulo conuenientia medicamina asturibus, quos supra accipitres nominauimus, ponemus, eo quod astures siue accipitres Theodotion ad Ptolomæum Regem Ægypti scribens, in falconum generibus collocauit omnem auem rapacem, cuius vsus est in aucupio, falconem vocans. Quod igitur in antehabitis prætermisum est, hic ponemus, vt continuus, & completus sit tractatus. Dicamus igitur experta Frederici Imperatoris sequentes, quod substitiosus sit accipiter in pennis varia signa defectus producens, quæ hunc grimal Germanice vocantur, pro certo hic morbus ab interioribus procedit corruptis, & est corruptio maxime in radice pennarum, fiat igitur cõmixtio de stercore hominis, quod vim theriacæ habet, & de sale, & in illa intingantur plumæ accipitris, & mittatur etiam de eo in fundamentum pennarum vbi carni infiguntur, & sanabitur, deinde aquam bibat, & caro qua cibandus est, intingatur in iure barbæ Iouis. Item accipe maluam & sarutegiam cum adipe porcino, & coque multum, & in os accipitris immitte donec inde tria coclearia consumas, postea dabis ei integrum, fel porci vel pulli cum calido porci pulmone, eumq; donec sanetur, quotidie ieiunum in mane potabis aqua, ad vespertum vero ciba eum butiro. Si autem accipiter frigore tactus in pectore læsus sit, ex causa frigoris illius, accipe grana staphisagriæ & tere in mortario, & adiunge pisani & mel quantum sufficit, & frica inde palatum accipitris, & pone eum ad solem. Item semen eius herbe quæ radix vocatur, accipe cum ruta agresti & pipere æquali pondere & tere, & cum melle pone commiscendo, & fac inde pillulas ad modum piperis, & da ei per triduum, & hæc fac quotiens frigus eum tetigerit, aut ex frigore solutus

lutus sterco nimium fecerit. Item succum marubij & puluerem piperis & modicum mellis, & semen apij cribellatum cōmisce, sic vt duæ partes sint de succo & vna de melle, & quando famescit & feruenter escam desiderat da ei. Item ad pectus accipitris curandum fac de menta puluerem, & cum melle misce, & da accipitri in escam. Item radicem sinapis & trifolium æquali pondere trita, & cū lacte & oleo hyssopino in escam dabis accipitri, quia multum prodest. Item nasturtium cum melle mixtum in carne porcina datum multum confert. Si autem asmaticus fuerit accipiter, regulam coctam contritam dabis illi cum carne calida & sanguine hirci, per tres dies, tollesq; succum absinthij, & infunde eum inter pellem & carnem in coxa gallinæ, & misce lac asini, & da sibi comedere. Quando autem accipiter cibum per tres dies inguttare sine digestionē tenuerit, fac lixiuiam de cinere sarmenti vinearū, & bene colata, da sibi cum carne calida per duos dies, & alijs tribus diebus, dabis ei carnem caprinam cum butiro & puluere masticeis, quando autem cibum oblatum nō vult sumere, sed carnem oblatam rostro à se remouet, commuta sibi aliam carnem, dando carnem de grue & granum vnum staphisagrie sub lingua eius pone, & statim euomet carnes sumptas. Si vero omnino vis eum soluere & laxare, sume illam quæ radix vocatur, in qua non sit aliqua adhuc pullulans vena viridis, & scinde eam in tres partes, ad quantitatem auricularis digiti, & acue vtrumq; ad modum grani hordei & inuolutum in butiro, da sibi comedere & demum pone eum ad solem & laxabitur. Vt autem sit sanus semper nec viscera eius restringantur, coque brachia & ramos maluarum in aqua, donec tota aqua consumatur, & postea siccatos tere fortiter & pone in aliquo vase butiro pleno, & in illo coquantur fortiter, & postea coletur hæc sicut colatur cera, & de pinguedine relicta in colatura ciba accipitrem sigillatim per vices. Si autem pinguedinem istam refutauerit, detur ei cum carne de catto.

Ad hoc

Ad hoc idem aliud est expertum, accipe enim ebolum rutam maluam serpillum, & de roremarino plusquam de alijs aut de sauina si non habetur rosmarinus, & adipem porci qui nunquam comederit glandes, & omnia simul trita, & contusa fac bullire in vino, & postea exprimere quasi ceram, & da in cibum accipitri in sero per noctem, & non infirmabitur. Si autem accipiter pe pluribus mutis fuerit, Kalendis Ianuarij in mutam mittatur.

Sed si pullus eiusdem anni fuerit, mittatur in mutam in Kalendis Iulij, & vescatur de auibus vitis si poterunt inueniri. Item gariofilos & semen fœniculi cum carne comedat, domus autem mutæ apta & ampla sibi quæzatur, & de muta quando perfectus est trahatur. Si autem in muta pennas non cito projecerit, serpentem varium qui inter alios minus habet veneni, & Germanice *Muter* vocatur, cum tritico coque, ex quo tritico & viru serpentis gallinam ciba & pota, & illius gallinæ carnibus refectus accipiter, & pennas deponit, & morbum si quem habet expellet, Solidarum quoque nouarum pennarum plurimum decoratus longo viuet tempore, & ingiter sanus & hilaris erit. Item pisciculi minuti fluuiales puluerizentur, & puluis super carnes accipitri dandas aspergatur, & cum carnibus muris accipitri ad comedendum dentur, tunc enim proculdubio cito mutabunt. Itē lumbi porci sanguine agni intincti, & incisi dati sibi idem quod dictum est citius operantur. Item puluis lacertæ viridis combustæ idem facit. Item grana sambuci in Septembri sub terra fodias, & postea ordeum in eis madefactum gallinis tribuas, & illarum carnes tribue, & si alias etiam tribueris in succo prædictorum granorum intinge, & confert plurimum. Item sanguisuga incisas per se vel cum carnibus offer accipitri, & si volueris comburendo fac inde puluerem, & offer ei cum carnibus. Item mures viui sibi dati seu etiam minutatim fracti, & in gula sibi positi profunt. Si vero pennas fregerit, incide aliam pennam illi similem, & fractæ pennæ inseras. Si autem

autem fregerit pennam in concauo arundinis, pone aliam accipitris pennam, vel si habere non potes pennam, cornu in illam inferere cum acu ferrea, vel cuprina in medio quatuor angulos habente, ita quod ex ambobus partibus acuti fiant, quæ quidem facere vsu & experientia melius discas quàm doctrina libri istius. Si autem accipitrem volueris macrum fieri, da ei allium tritum cum pulegio, vel carnem macram de bacone falso sumptam, quæ per noctem in aqua stetit comedat, & postea quater aquam bibat. Si autem e contrario impinguare volueris, dimitte eum per plures dies otiosum, & da ei lumbum porci, & carnem gallinæ pinguium, & semper ab vno homine pascatur, & qui portat eum, ferat in equo ambulante, & detur ei sæpins cerebrum veruecis siue arietis. Si vero à sole læsus sit, aquam rosaceam in naribus eius immittas; & mel cum carne caprina comedat, & exspue vinum quasi ex sufflando in faciem eius. Si autem quando post prædam vadit, læsus fuerit à tempestate, aquam tepidam super scapulas eius subijce, ita tamen quod penas eius prius aperias, & sic de aqua superfundas tantum quod per renes vsque ad pedes eius perueniens, distillet hoc enim multum proderit. Si vero in interioribus pro venatione infirmatur, noctuas calentes adhuc & vesperationes per triduum comedat, & si accipere voluerit tres offas carnis porcine intinctas in aceto comedat, hoc enim etiam fastidium sibi tollit, & contra morbum capitis & pectoris plurimum conferens operatur. Si autem digiti articulum læserit, scinde myrem, & in viscera eius calida pedem accipitris imitte, & cum fasciola apta constringe, & si per hoc non sanabitur, dextram ungulam porci frange, & cum medulla pedem accipitris vnge per triduum, & sanabitur. Hæc igitur secundum experta Frederici Imperatoris dicta sunt à nobis de asturibus.

Capitulum

Capitulum 21. De regimine asturium secundum experta Guillelmi.

REpetentes autem curam accipitrum, Guillelmi expertissimi in auibus rapacibus documenta ponemus. Dicit enim Guillelmus, quod asturem qui asma habet sic curabimus. Accipiantur gariofli cinamomum, zinziber, ciminum, piper, aloë, sal dragantum, olibanum de quolibet æqualiter in pondere, & fortiter terantur, & bene simul commisceantur & ponantur in tegula & calefiant ad ignem, & cum fistula de illo puluere proijciatur in naribus asturis insufflando, & de residuo pulueris eiusdem pone cum lardo bene claro aut cū butiro, ad quantitatem auellane, & sit lardum bene tritum & pone ipsum per mixturam in palatum asturis, & postea fac eum stare ad solem, ita diu donec euomat portionem, & in sequenti detur ei comedere lardum idem ad quantitatem vncie & tertia die detur ei pullus columbinus rubeus, & quarta die fac eum balnari & curabitur. Contra tineas autem asturis accipe millefolium & tere, & mitte in acetum, & misce cum hoc sterco anseris, & sic commixta permaneant hæc tribus diebus, & demum pone totum hoc in panno lineo & exprime succum, & unge inde loca ubi tineas habet præcipue in alis & in cauda. Demum tere ferruginem in puluerem & asperge in alis & cauda accipitris tribus vicibus de tertio in tertium diem. Quando autem astur pastum indigestum proijcit, accipe cinnamomum gariofilos cuminum & folia lauri æqualiter de omnibus, & tere & mitte in ollam nouam cum vino albo, & fac multum bulire, ita quod parum de vino remaneat. Sed caue ne per ebullitionem effundatur efferuens de olla, & quod remanet pone in panno lineo forti & extorque succum, & de eo quod expresseris, infunde in guttur asturis quantum sufficit, illa die nihil des ei comedere & sequenti die pista & cõtunde feniculos & exprime succum, & carnem quam daturus es ei intinge in succo illo.

Contra

Contra infirmitatem autem asturis quæ fellera vocatur, & est idem quod corrupti humoris repletio, accipe de vrsæ fæminæ felle ad quantitatem ciceris & impone cordi gallinæ, & da ei comedere vsque ad nouem dies antequam ponas eum in mutam, deinde accipe sauinam, rosmarium, satiregiam, bethonicam, mentam, & saluiam; de quolibet æqualiter, & de raphano plus parum & tere omnia simul, & impone parum mellis, & ieiuno dabis ei comedere inde, & postea mitte eum in mutam. Contra vitium autem lapidis asturis, accipe tinnamomum aloë gariofilos zucharum saxifragiam gerulam cicadā, æqualiter de omnibus, & omnia tere & distempera cum siropo rosaceo, & quando pascis asturem da sibi aliquid de isto cum carne ad quantitatem duarū fabarum, si accipiter projicit glanum siue crudam carnem indigestam, immitte in gulam eius lixiuiam de famentis, & immitte in gulam eius vnum cochlear, & si se angustiauerit accipe sirupum violaceum & distempera cum aqua frigida, & mitte ex eo in guttere eius cochlearia tria, & postquam vomuerit, & ad se redierit, baloeetur in aqua, & hoc fiat tempore bene claro. Multum autem valet si aliquantulum salgemmæ tritum cum lixiuiā ponatur, quia bene mundificando facit vomere. Si autem astur guttam habeat, fumatur aurea alexandrina, quantum est media faba, vel sicut est media auellana, & detur sibi comedere, & die tertia detur sibi theriaca.

Si autem patitur aculeos siue puncturas acutas, accipe setas porcorum & minutatim incide, & sparsas super carnem asturi in cibum tribue, vsque ad nouem dies, & postea trifolium tere & succum eius carni infunde, & da comedere asturi. Si autem spumat in oculis, est melancholia ibi congregata, accipe filer montanum & semen cicutę, & pone super carbones & suffumiga inde carnem, & pasc eum super talem ignem, vt fumus veniat in guttur, & in oculos ipsius, & in sequenti die da ei comedere aloë ad quantitatem dimidię fabę, & viridem cicadā

Cc

siue

siue locustam, quam si viridem inuenire non poteris, tere siccam apud te reueruatam & asperge super carnem, & da ei Si autem ficum in ano patitur accipiter, accipe pinulas alarum, & de siccatas tere, & sparge super carnem, & de hoc ciba eum nouem vicibus. Si autem inordinatam astur situm habeat, accipe liquiritiam Reubarbarum, Bethonicam, & syrupum violatum; & mitte in aquam, & sit ibi nocte vna, & mane da ei bibere quotidie de illo, vsq; ad octo dies quantum voluerit, & pascere eum de rana. Si autem fascinaturn putetur astur, accipe fungum myrti, & olibanum, & asphaltum, & palmam benedictam, & testa impone omnia hæc, & exinde suffumiga asturem.

Si autem in capite æger sit accipiter, accipe raphanum, sauinam, rorem marinum, sambucum, saturariam mentam, rutam, saluiam, bethonicam, & misce hæc omnia simul, & tere multum, & immitte mel, & da ei ex illo quantum est vna auellana. Si vis impinguare accipitrem, ciba eum frequenter carne anseris, & palumborum. Si pediculos habeat, mentam Romanam tere & distempera cum vino acri, & iunge saxifragiam, & si clarum tempus est & calidum, balnea eum ex illo, si autem turbidum & frigidum, tolle auxugiam gallinæ, & impone in illa, & mitte super finem nocte vna, & die sequenti vnge asturem in alis, & in dorso super caudam, quod si nascentias astur habeat, accipe sanguisugam, & mitte eas in nascentias, & sequenti die accipe lac arboris, quæ celsa siue ficus fatua dicitur, & vnge nascentias, & demum accipe radices herbarum quæ bràncha lupi vocatur, & tere, & commisce cum lacte celsæ, & superpone nascentijs, & stet desuper tribus diebus, & tribus noctibus, & postea accipe radicem caudæ porci, & fac bullire, & da ei bibere mane & sero nouem diebus ad tres fabas. Si autem scabiosus sit accipiter, accipe auxugiam veterem, sulphur & argentum viuum, & tere simul cum aliquot garioflis, & cinamomo, & ex eo vnge scabiem ad ignem vel in balneo.

Contra

Contra dolorem oculorum accipe zinziber aloë,
 olibanum æqualiter de omnibus, & tere fortiter infimul,
 & mitte cum albo vino in bacinum, vbi fit nocte vna, &
 postea mitte in oculos. Item accipe aloë & ceruſſam æ-
 qualiter, & de lardo veteri, rade de medio loco aliquan-
 tulum, & miſce omnia hæc, & mitte in oculos eius ſero,
 cum eundum eſt dormitum. Quod ſi crus fractum habeat
 accipiter, maſtica olibanum bolum & ſerpentinam, & con-
 ſolidam, & fortiter tere, & miſce cum albumine oui, &
 diſtende totum ſuper pannum lineum, & dirige crus fra-
 ctum, & inuolue in panno diſto, & accipe pennam de ala
 vulturis, & ſcinde eam, & incanna ex ea crus fractum, &
 ſic remaneat quinq; diebus, & quinque noctibus. Iterum
 autem contra lapidem aſturis, & renum corruptionem
 accipe centrum galli partem vnā verbenæ partes duas,
 & tere, & exprime ſuccum, & da de eo tertiam partem
 cochlearis aſturi jeiuno, & ſic dimitte eum à mane vſq;
 ad meridiem, & ſi in anguſtia eſſe videatur, da ei cochle-
 aria tria de ſirupo violatio diſtemperato, vel de melle
 roſato, & quarta die accipe centinodiam, & centinertiam
 ſiue quinquineruiam, & tere, & accipe ſuccum quantum
 eſt pars tertia cochlearis vnus, & mitte eum in guttur
 aſturis jeiuni & curabitur. Si autem podagricus ſit, tere
 titimalum cum melle & aceto, & aliquantulo calcis &
 liga ſuper podagram, & poſtquam ſe mouerit, vnge aloë
 cum vino, & ſanabitur. Iterum autem contra fellera
 aſturis ſimul & tineam, accipe conchas teſtudinum & ra-
 munculos virides de jubeis & ſaxifragiam, ſaluiam, & fo-
 lia oliuarum & ſpumam poledri iuuenis, quam projicit
 de naribus cum naſcitur & fel anguillæ, & hæc omnia
 mitte in ollam nouam, & ad ignem torre donec inde fiat
 puluis, & in mane jeiuno aſturi, da inde comedere ad
 quantitatem dimidiæ auellaneæ cum carne pauca, & ac-
 cipe reubarbarum & pone in aqua per diem vnum, & da
 ei bibere, & iſtud fac de tertio in tertium diem tribus
 vicibus.

Si autem guttam habeat astur, accipe anserem bene pinguem & aufer adipem eius, & accipe adipem vrsinum & vulpinū, & excoria cattum, & eiecās de corpore catti visceribus & ossibus carnem cum cultello diuide, & accipe parum ceræ, & de laudano & de xiloaloe, siue ligno aloë, & fac puluerem, & succum politariæ maioris & minoris, & incide cepath albam, & omnia simul misce & totum mitte in ventrem anseris, & consue foramen fortiter & dimitte per vnum diem, & deinde fac anserem bene assari, & sagimen quod inde decidit, collige in vas terreatum aliquod, & de hoc vnguento vngatur locus guttosus, & valet omnibus guttosis animalibus. Item ad clarificandos oculos, accipe dulcem herbam aloë, & cerussam æqualiter, & contunde fortiter, & trita cum oleo, & auxugia mitte ad ignem in aliqua testa donec liqueat, & misce cum his quæ dicta sunt, & duc & commisce simul fortiter in vnum, & ex vnguento sic factò, mane & sero aliquid in oculos asturis impone, & clarificabuntur, hæc igitur secundum Guillelmum experta sunt dicta de cura asturum.

*Capitulum 22. De regimine domesticationis accipitrinis
& regimine aucupij.*

Cum autem cum asture vel niso aucupare volueris, caue prius quod bene ad manum assuetus sit accipiter sic domesticando, primo enim vinciendus est die ac nocte, & tenendo eum cum zona valde longa, facias ut sæpius ad manum aduolat, & quotiens aduolauerit, semper aliquantulum cibi eum, ut assuescat manum beneficam. Cum autem eum aucupari volueris, primo die accipe columbam in alis depilatam, & fac eam sæpius sub pedibus eius effugere, & ut iterum capiat eam, & sic muta eam in melius volantem, & melius, & debiles & paruas aues commuta in fortiores & maiores, sicut etiam de aucupio falconum docuimus, quia quo ad hoc

VNUS

vnus modus est in regimine omnium animum sapacium, quotiescunque autem accipit auem, dimittatur aliquid de sanguine eius bibere, cum prouocatione & sibilo aucupis, & in presentia canum, quia per hoc sumet audaciam, quando autem aucupari volueris dimittendo ad aues siluestres, primo ciba eum carne tenera uaccæ sive lingua porcina, quæ in aceto vel vrina parum steterit, & mane sequenti valde diluculo vade ad aucupium. Caue tamen vt non iactes accipitrem si poteris nisi contra faciem auis, & fac vt accipiter auem videat, & non longe ab ea existat quando iactas eum. Dicunt tamen aliqui quod si carnē, vt dixi, in vrina jacere permittas, & in mane cibes eum de illa & in sero parum de ipsa carne des ei, & in sequenti mane cibes eum de lingua porcelli, & ad vesperum vadas in rapariam, in qua sunt aues, audaciam habebit ad magnas aues capiendas, quando vero videris accipitrem venationem videntem quidem sed non appetentem, scias quod nimis est pinguis & pennas de pinguedine spissas habere, eo quod nimis delicate nutritus sit. Subtrahas ergo ei partem de dieta consueta, & dabis ei leuem digestibilemque dietam, & in minori quantitate quam prius, quia ex fame naturali surget appetitus magnas aues capiendi, & in dieta quam sibi bonam esse probaueris conserua eum continue, & si nimis est pinguis, albeo trito cum pulegio maceratur, & caue ne defectum & pusillanimum facias. Accipiter namque ab Augusto vsque ad Nouembrem debet teneri mediocriter pinguis, & mediocriter macer non multū ad pinguedinem vel maciem declinans, sed à Nouembre in antea pinguis tenendus est & fortis, tenendus est etiam in die diu super manum, & detur ei hora tertia coxa vna de carne pulli, & postea per horam permittatur in aqua balneari, & postea dimittatur ad solem donec pennas componat se perungendo, & postea ponatur in obscuro vsque ad vesperum, & superponatur pannus lineus super perticam super quam stas ne ungues lædat, & ab hora vespertinam teneat in manu.

vsq; ad primum somnum, & tunc superpone eum in peritica panno supposito sicut prius, & accende coram eo lucernam per totam noctem, & circa diluculum asperge eum vino, & postea pone eum ad ignem clarum, & orto jam die vade ad aucupium, & si videris eum aues appetere proijce, sin autem, itera quod supra dixi, si vero capiat, ciba eum de præda quantum vult comedere. Cavendum autem multum est ab afflatu & morfu & laceratione vnguium accipitris & falconis, & omnium rapacium avium, & maxime quando hæc aues balneatz fuerint, & pennas rostro composuerint, quia pinguedo quædam adheret rostro, quam accipiunt de cauda sua quæ est venenosa, pennas enim & pedes & anhelitum habent venenosas aues istæ, & si tunc cum vngue vel rostro percusserit poterit esse periculum, & iam quidam mortui sunt de huiusmodi vulnere percussione. Attende autem quod si accipiter plus debito clamorosus fuerit, cibetur vespertione pleno pipere trito. Si autem pipiat quasi pituitæ sit infirmitatis, & clamare voce sonora nequit, cum acu ærea nares eius perforabis, hæc igitur sunt quæ de falconum asturumque curis, de his qui tempore nostro in talibus studium posuerunt congregauimus, nec debet reputari superfluum quod deseruit delectationi multorum, qui in aibus cæli ludere consueuerunt. Ut autem perfectior sit nostra doctrina, etiam studia antiquissimorum his adiungemus.

Capitulum 23. De regimine infirmitatum omnium avium rapacium secundum Aquilam, Symachum & Theodotionem.

Antiquissimorum quidem Aquilæ & Symachi & Theodotionis extant Epistolæ ad Ptolomæum Philometorem Regem Ægypti, in quibus de moribus & medicinis avium rapacium in communi ista doctrina continetur, si enim infirmitas est in capite, & sit quidem in oculis, vngt sæpius de oleo oliuæ, & præcipue si dolor est in

est in exterioribus oculi Si autem albugo crescit in interiori oculi auis, injice puluerem seminis sceniculi cum lacte mulieris masculum parientis Si autem per senectutem caligat oculus, habili argenteo vel aureo instrumento coque eum super nares, vbi sinciput in medio oculi medio rostri coniungitur, si clausas nares habuerit, per fistulam parua pēnæ insuffla in nares eius puluerem piperis & saxifragiæ, si reuma in capite habuerit, rutam pone iuxta nares eius, & carnem quam comedet in succo rutæ intinge. Item allium contusum cum vino per nares ei immitte, & in loco obscuro resideat tota die, & eum per vnum diem ieiunare permitte, si pituitam quam quidam pipiam vocant, habuerit, accipe linguam eius aperto ore, & frica eam cum puluere saxifragiæ melle condito, & si dicta non profunt, dabis ei comedere butirum, puluis etiam densitate caulis ad idem valet, si vltra modum clamosus fuerit, accipe vespertilionem, & piper tritum intus pone & da ei comedere, si vespertilio non habetur, alia auis eodem modo cum pipere parata, ad idem non oberit. Nimiùs tamen clamor aut infirmitatis aut defectus ex macie, aut quia oua generata in se habeat, est signum, si fastidium habuerit sorices viuas da ei, vel catellum in proximo natum antequam videat. Si cibum frequenter non alteratum euomit, accipe scamoneam ad pondus quartæ partis eboli, & tantundem cumini, & tritis illis asperge eorum puluere carnes porcinas pingues, & da in cibum. Si vero dictam carnem comedere non potest, tolle albuginem oui, & in ea pone dictum puluerem, & ori eius injice. Item si cibum ejicit, accipe oua cruda, & frange in lac caprinum, & totum decoque, & da ei ter ad comedendum, & sanabitur, si mutare pennas incipit, exime eum ab omni labore, & abundanter ciba eum, quoties enim esurierit, tot signa fracturarum vel fracturas habebit in pennis. Valent etiam tunc aui- bus glebæ virides substratæ pedibus, & solis calor cum æstu moderato. Nimiùs autem æstus nocet. Si febres ha-

buetit da ei ter vel quater succum arthemisię cum carne gallinę. Item ad idem liga ei dextrum crus fortiter, & tunc in medio cruris vena apparebit, & illam subtiliter minue. In crure enim talium auium quatuor sunt venę, vna quidem antierius, altera inferius, & tertia exterius magis, quarta posterius super vnguem maiorem. Signa autem febris sunt si alę dependent, & caput demissum teneat, & si vomit quasi frigore teneatur, si cibus absque causa eum fastidit, aut auide quidem sumit, sed male glutiendo inducit. Si autem valde sitit, accipe puluerem caulis liuistici, & carnem de aneto & fęniculo, & coque cum vino, & commisce cum hoc cochlear vnum mellis, & colaturam huius da ei bibere vel injice ori eis, & si bibere noluerit, vna die da ei carnem linitam melle, secunda die carnem linitam oleo rosaceo frigido. Si felle laborat, quam infirmitatem felleram supra vocauimus, puluerem florum salicis siue gemmarum salicis sparge super cibum eius, si ei alę pręter febrem pependierint, sume sanguinem, & adipem anseris, & de sanguine frica alas eius ad solem. De adipe autem ciba eum, vel melius sume oleum laurinum, & ex illo alis leuatis assellaseius vnge, & felle porci perunge alas ipsius, & succo verbenę vel saluię cibum eius intinge, si alas guttosas habnerit, hederam terrestrem in aqua coque, & folia illa cocta, & bene contusa alis eius iuxta latera circumliga, & cibum eius in eadem aqua tinge, si pedes guttosos habet, vel si tineę comedant eius pennas, carnes hircinas comedat in aceto tinctas, & alas eius aceto calido, & oleo laurino sæpius perfrica, si pennam fractam sine dolore extrahere volueris, accipe sanguinem animalis paruuli quod gruilę vocatur, vel sanguinem muris, & vnge locum pennę, & cadet, & postea ex melle ad magnam spissitudinem decocto, fac virgulam ad modum foraminis in quo stetit penna, & injice foramini, & exhibit noua penna. Item succo herbę papaueris calido, perunge pennas eius, & intinge cibum eius eidem succo, si os fra-

ctum

Etum habuerit in crure vel in alia parte, aloë calidum superliga, & dimitte vna die & vna nocte. Item sterqus galli in aceto decoctum superliga, si inquieta sit auis in pertica, vel super manum, miriam in aqua decoque, & ex ipsa aqua asperge corpus eius, & intinge cibum eius in ea vsq; nouies, si infirmitate quæ rampa dicitur infirmatur, succo Arthemisiz cibus eius intingatur. Item sanguine agni calido pedes eius perfrica, vel vino tepido in quo decoctæ sint vrticæ, & in ipso vino cibum eius intinge, si stercoreare non potest, fel galli da ei comedere, vel testudines albas decoctas. Si nimium laxatur, modicum de succo iusquiami da ei bibere, & intinge cibum eius, si pediculos habet, accipe succum absinthij, vel aquam coctam cum absinthio, & eo ad solem sedente, infunde plumas eius & corpus eius per totum. Si lapidem in ventre habuerit, da ei pinguedinem auxugiz comedere & butirum, ad idem aloë herbam cum puluere apij inuolue cordibus paruorum auium, & da ei comedere, sic igitur ex his similiter poteris de omnium auium medicina commodè facere. Si autem vis habere pinguem, da ei de masculi carne bouis vel porci, si vero vis habere macrum, da ei gallinas iuuenes aqua madefactas, si vero vis habere temperatum, da ei gallinas veteres, si vis ut expeditus sit ad aucupandum, itude ut facias ei bonam vesicam gutturis, & include in tenebris accensa ibi lucernam modicam, & aucupa alternis diebus: si vis ut leporem aut cuniculum capiat, oportet ut doceas eum in iuuentute, & gyros liga in cruribus eius prope pedes, interiecto spatium vnius palmæ, quæ sit distantia cruris à crure, quia tunc sine læsione capiet. Syluestria accipitor citius mansuescit, si multum ieiunare permittatur, & si iuuenis est auis, nec nimis calidus, nec nimis frigidus sit locus in quo custoditur, & in loco in quo stat, habeat semper herbam mentam & saluiam, & si est accipiter, in primis in folijs salicis, demum super lignum salicis aut abietis semper sedeat, & si sæpe sanguinem auium biberit, vi-

res sumunt, & audaciam, & affectum capiendi, nec negetur ei balneum aquæ frigidæ quando nutritur, nec multum coniungantur alæ eius nisi pendeant.

Capitulum 24. De alijs duobus generibus falconum, & de loci habitationis eorum, & de definitione accipitrum.

HÆc de falconum etiam & accipitrum natura, & regimine à nobis dicta sunt secundum dicta antiquorum. Sed præter omnia quæ inducta sunt falconum genera. Duo adhuc apud nos genera falconum inueniuntur, quorum vnum est falco lapidaris, & alterum falco, qui vocatur arborealis, primum quidem mediæ quantitatis est, & vigoris inter peregrinum & gibbosum, & inuenitur in alpium rupibus, & est eiusdem nutritiæ cum peregrino. Alterum autem medium est quantitate & vigore inter gibbosum & mirle, eiusdem cum mirle regiminis existens, & ideo de his in speciali tractare non oportet. Præter ea autem quæ dicta sunt, forte multa apud diuersos inueniuntur falconum genera, sed ex his quæ dicta sunt sufficienter de natura, & nutritura omnium habetur coniecturalis scientia. Sed hic adhuc adijciendum, quod sicut in antehabitis libris dictum est, omne animal abundat in loco ubi sui proprii & conuenientis cibi est abundantia, propter quod cum huiusmodi auium cibo proprius sit venatio auium, abundabunt in locis ubi abundant aues quas venantur. Istæ autem aues sunt aquaticæ, quia & illæ tardiores sunt ad volatum, & carnosiores ad escam, & ideo versus Septentrionem accipitrum & falconum, & aquilarum abundant genera, sicut est in Britannia, Suetia, Liuania, & finitimæ his regiones Sclauorum, Prutenorum & Rutenorum, & quia frigida sunt istæ regiones, & in terris frigidis sint corpora magna, & ex multo sanguine multi spiritus, & ex his audacia & feritas ut inscientia de natura locorum habitabilium determinatum est. Ideo etiam aues rapaces
in di-

in dictis regionibus magnæ sunt, & cum audacia ferocitatem magnam habentes. In alijs autem locis proportionalem etiam accipiunt vigorem & quantitatem & audaciam, nec est silentio prætereundum, quod Aquila & Theodotion & Symachus socius eorum, omnia accipitrum genera falcones vocant, & ea quatuor esse generum determinant, asturem primæ quantitatis ponentes in genere primo, & asturem minorem quem tercellinum vocamus, ponentes in genere secundo, & nisum in genere tertio, & muscetum in genere quarto, quibus nullo modo consentiendum esse, probat, quod tercellinus inuenitur in nido accipitris, & muscetus in nido nisi reperitur, & ideo & accipiter & tercellinus non differunt nisi sexu, non specie, quia accipiter est femina, & tercellinus est masculus, & eundem modum differentię habent nisus, & muscetus, nisus enim est femina, & muscetus est masculus. Hęc igitur de rapacibus auibus dicta sunt.



Ne iste

Ne istæ etiam vacarent pagellæ, fabulam de initio rei accipitrariæ, eleganter excogitatam, ex secundo libro Hieracosphioy incerti auctoris, visum subiungere.

Nunc unde accipitri hæc ades contraria, tamq̃
Pugnantes sortita modos tu insula fluxu:
Ales ut altitum in gentem implacabilis hostis
Bella gerat, natus tamen idem observet herilem,
Et culin humano domitum mansuescat et ante
Dicite Perides, primaq; ab origine causas
Indagate rei, seriemque reuoluite facti.
Perfidiam Troium, et spretos ulturus honores
Neptunus structu pactos pro munibus urbis,
Per Phrygios late spargebat brachia campos:
Nec mora, sternuntur segetes, labor irritus anni
Spesque iacent hominum, Simoïs iam deserit aluenum
Auctior, et Xantho excedens sua flumina miscet.
Vix summus nemorosi Ida iuga fluctibus exstant
Admittuntq; greges, medijs natat Ilion vadis.
Tum cuiusq; rei obsessas regerat egestas,
Summaq; frumenti penuria non tamen illa
Vacordes posuere quinos, oracula diuina
Scitasti, aut Lycias sortes, Phrygiunq; regarunt.
Sed quasi non diuinum iussu, non celitus esset
Illammissa lues, vicina per oppida mittunt,
Qui Cererem coëmant rebus saltem in arctis,
Auxiliunq; petant, Ceteq; immatura contra,
In cælum vastos Cete eructantia nimbos
(Is miseris cumulus diuina accesserat ira)
Expediant classem, et socios hortentur ad arma.
Ille tempestate Hierax rex nomine dictus
Pollebat late imperio, iustissimus unus
Qui fuit, atque omneis inter tota Aside terra
Diuini cultus et seruantissimus equus.
Hic Mariandynos magna ditione tenebat,

Causa

*Caucasumq; ferax: hinc tum pifaga Syneor
 Atque Elatea mari Scythico circumfusa, & olim
 Miletum fundata à ciuibus Heraclea
 Parebant, quantuq; patet sinus illius ora.
 Huc oratores delecti sorte per urbem,
 Tempora præcincti ramis pacalis olivæ,
 Mittuntur, qui supplicibus mæstiq; querelis,
 Principis inflectant sensus, pacemq; reportent,
 Et victum, armatamq; petant in prælia classem.
 Acceptus ille hospitio, Quod poscit is (inquit)
 Hoc dabitur pietas iubet id mea: quippe laborum
 Haud alium, tantarum & opum, lateq; potentis
 Imperij fructum duco & laudabile lucrum,
 Quam bene de cunctis in vita posse mereri,
 Alloquiq; inopes dignari, opibusq; iuvare.
 Nulla mora est, vestrum quàmprimum edicite latè
 Ciuibus, arma, viros, duce me, classemq; paratam
 Expectent: vix desierat, iam classem in alto est,
 Armatiq; foros complent iam remige crebro
 Inversa Euxini spumant vada salsa profundi.
 Iamq; in conspectu Tenedos, iam Troia pubes
 Prospectans longe exultat, cum senus ab aliis
 Aegæi quo rege tremat circumflua Ponti
 Regia, Neptunus furiali incanduit æstu:
 Et, qui (ait) nostras postulat procumbat ad aras
 Sacra ferens, cumulet ve pñs ultaria donis;
 Si consulta deum vindicta eladit artem
 Humanam, & scelus est mortali vindice tutum!
 Alcides potuit monstro eripuisse biformi
 Hesione, fuit hoc illi per numina pronum.
 Et sua virtutem patriam fortuna secuta est.
 At non iste, opibus qui nil nisi fidit avitis,
 Non feret hoc impune Hierax, resperferis aras
 Sanguine taurorum, & sacros adoleverit ignem,
 Hactenus in superos pius: at nunc impius esse
 Desinat, in sanæq; luat peritura gentis.*

Haud

*Haud plura iratus, picea caligine celum
 Conditur, & Zephyri aduersi flantibus Euri
 Insurgunt, gelidamq; Notus concurrat in Arcton,
 Et vastos tollunt convixi ad sidera fluctus:
 Ex oculisq; procul Troûm spem classis amica
 Eripiunt, resonant undae, & caua littora plangunt.
 Dumq; insperato turbatum murmure pontum,
 Attonitus ductor puppi despectat ab alta,
 Et frustra meliora deos sedet omina poscens,
 Ecce repentina circumstant undique celo
 Immissa volucres, & diris ethera rumpunt
 Cantibus, hic Hierax primum temerarius arma
 Cingitur, & stricto crocitantum auertere nubes
 Molitur ferro & flammis, ille acrius instant
 Conantemq; vrgenti magis, & magis usque fatigant:
 Iamq; illisa radis classis, pretoriaq; ipsa
 Aegaeum fractis tabulis rimosa bibebat:
 Indoluit casu summi regnator Olympi,
 Fraternaliq; odîs finem dedit, atque seueras
 Parcarum leges, & ineluctabile fœdus
 Fatorum elusit: néne immortalis anaro
 Mersa mari, mens terrestri cum mole periret,
 Fluctibus ereptum pernicious extulit alii,
 Et pedibus teneris vngueis confixit acutos:
 Vltoremq; animum, & memorem pietatis ausa
 Addidit; hinc & adhuc odio genus omne volucrum
 Saevus habet, veteresq; etiam nunc improbus iras
 Servat: at illa fides, desideriumq; iuvandi
 Humanum genus, & pietas generosa remansit.
 Hinc hominum ad voces exultat, & arte magistræ
 Accipiter parat monitum, ac inssa caepit.*

.. F I N I S .



